



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Mason CC. 241.




124 Me

Author
P. L. Dames


INSTITUTIONES
DOCTRINÆ
CHRISTIANÆ,
SIVE
CATECHISMUS
NOVA METHODO
CONCINNATUS
AD USUM

Studiosæ Juyentutis Venerandæ Facul-
tatis Artium Studii generalis Lo-
vaniensis.



LOVANIÏ,
Typis VIDUÆ PET. DENIQUE, MDCCCLXXVIII.

Cum Approbatione & Privilegio.



EPISTOLA

Ad Venerandam Facultatem Artium Academiae Lovaniensis.

Venerande Domine Decane, ceterique VV. DD. Collegæ.



Um deessent Exemplaria Catechismi ad usum Studiose Juventutis Vestra destinati, judicastis expedire, ut pro nova editione prolixior alias nova methodo concinnaretur: eam mihi provinciam demandastis; obediui, suscepi, & quantum vires Deo juvante tulerunt, implevi. At ne quid fortasse novitatis inveharem, celebrioris nominis Catechismos veteres ac recentiores, vel totos vel ex parte evolvi, & ex iis plena cum libertate decerpfi quidquid Fidei Catholica explicanda ac stabilenda, moribusque Christianis salubriter instituendis judicavi fore opportunum. Ob necessariam interim brevitatem multa sciens pratermissi, aut verbo tantum indicavi, reser-

A 2

*vans solertia explicantium pleniorē omnium
 elucidationem. Quam rem his ipsis utcumque
 faciliorem reddere conatus sum, indicatis ple-
 rumque SS. Literarum, Sanctorumque Patrum
 locis precipuis, è quibus uberior probatio &
 illustratio petenda sit. Aliud præterea adjumen-
 tum præbet ipsa Opusculi divisio; nempe in
 tot capita distributum est, quot spatio biennii
 (quod explicationi destinatum est) occurrere
 solent Lektionen Catechistica: adeò ut si sin-
 gulis vicibus unum circiter Caput explanetur,
 cum Cursu Philosophico Catechismi explicatio
 absolvenda sit. Accipite ergo bonique consuli-
 te conatum hunc meum, quem imperastis: fa-
 xitque Deus ut qui maxime præ oculis habendus
 est Juventis profectus, cum uberi Christiana
 pietatis incremento ex eo promanet, Vosque
 primi illius Auctores fulgeatis olim velut stel-
 la in perpetuas aternitates. Ita voveo.*

Venerande Domine Decane, ceterique
 V. V. LD. Collegæ,

D. D. VV.

*Humilimus & obsequentissimus
 famulus.*

P. L. DANES S. T. L. Philoso-
 phiæ Professor in Lilio.

Lovanii 22. Aug. 1713.



APPROBATIO.

I *Nstitutiones doctrinae Christianae sive
Catechismus ad usum Studiosae Ju-
ventutis Venerandae Facultatis Artium
Authore P. L. DANES utiliter Reimpri-
metur. Datum Lovanii hâc 14. Octob.
1740.*

G. J. DE QUAREUX S. T. L.
Librorum Censor.



Vid. FRANC. JACOBI, S. T. L.
*Apost. Reg. Lib. per Germ.
Infer. Visit. & Cens., In-
sign. Eccles. Colleg. Sti. Pe-
tri. Lovan. Can.*



Reimprimi potest. Actum Bruxellis
hâc 11. Martii 1775.

G. J. DE LIMPENS, *Consiliarius
& Procurator Generalis.*




S U M M A P R I V I L E G I I.

MARIA THRESIA *Dei Gratia*
Romanorum Imperatrix Regina
Hungariæ, Bohemiæ, Archidux Au-
stria, Dux Burgundiæ Lotharingiæ,
Brabantiae &c., Diplomate suo sanxit,
ne quis præter VIDUÆ PETRI DENIQUE
Typographi Lovaniensis Jurati volun-
tatem, Librum cui Titulus : Catechis-
mus Philosophorum, authore P. L.
DANES &c. Intra novennium imprimat,
aut alibi locorum impressum in hanc
Provinciam importet, venalemve expo-
nat : Qui secus faxit, confiscatione di-
cti Libri & aliis gravioribus pœnis
muletabitur, sicuti latius patet in Lit-
teris Bruxellæ datis 29. Octob. 1777.

Signat.

F. J. MOSTINCK




CATECHISMI

NECESSITAS

E T

PARTITIO.



Catechismi nomen recepto usu eam doctrinam denotat, quâ quid credendum sit, sperandum & diligendum, ut finem ad quem creatus est homo assequatur, verbis clavis atque simplicibus explicatur.

Doctrinæ hujus auctor est *Jesus Christus* humani generis Doctor & Redemptor, qui (a) *viam Dei in veritate* docuit, & quod in sinu Patris ab omni æternitate hauserat, hominibus enarravit (b) Hic ad Patrem rediens, & visibili suâ præsentia terram destituens, Apostolis, quos suæ Religionis præcones elegerat, mandatum dedit ut (c) *Evangelium* [id est lætum

(a) Luc. 20. 7. 21.
(c) Marc. 16. 7. 19.

(b) Joan. 1. 7. 18.

Redemptionis nuntium] toto orbe terrarum promulgarent, (a) gentesque omnes & nationes docerent servare omnia quaecumque illis ante mandaverat.

Hoc Magistri sui præceptum eò alacrius illi impleverunt, quòd scirent doctrinæ hujus indispensabilem esse *necessitatem*, fructumque ætium. *Necessitas* inde patet, quòd teste Apostolo (b) *sine fine impossibile sit placere Deo.* (c) *Fides autem ex auditu, auditus autem per verbum Christi*, quod finè prædicante audiri non potest. Sinè fine latent nos & finis ultimus vitæ nostræ & ratio eum assequendi. *Fructus* porro Evangelii & doctrinæ Christianæ est vita æterna : (d) *Virtus enim Dei est (Evangelium) in salutem omni credenti.*

Contrà verò quidquid in orbe Christiano dissolutionis & corruptelæ est, id quidem partim *concupiscentiæ* quâ natura nostra post Adami lapsum infecta est, sed partim etiâ rerum credendarum & agendarum *ignorantiæ* tribuendum est. Intelicet istæ ignorantie tenebræ solo divinæ claritatis lumine dissipari possunt; sed æterna veritas ministerio hominum lumen suum solet diffundere, inflictumque à concupiscentia vulnus sanare, dum Christiana veritas eo modo quo oportet annuntiatur.

Hanc ut aptâ methodo proponamus, S. Augustinum secuti, ad tria summa capita revocabimus, Fidem, Spem & Charitatem. Hæc enim vera hominis sapientia est, nosse quid credendum, quid sperandum, quid diligendum sit : credere autem, sperare & diligere quod oportet

1 (a) Matth. 20. v. 10.

(b) Hebr. 11. v. 6.

1 (c) Rom. 10. v. 17.

(d) Rom. 1. v. 13.

& sicut oportet, verus Dei cultus & vera hominis justitia est.

Partiemur itaque Institutionem hanc doctrinae Christianae in partes tres, acturi primam parte de Fide & Symbolo, Sacramentis item ac Ceremoniis Ecclesiae. Secundam de Spe & Oratione. Tertiā de Charitate, Praeceptis Dei ac Ecclesiae, ceterisque officiis justitiae Christianae.





INSTITUTIONES

DOCTRINÆ CHRISTIANÆ &c.



P A R S P R I M A.

De Fide & Symbolo : item Sacramentis
& Cæremoniis Ecclesiæ.



Uoniam Fides lumen est animæ, ostium vitæ, radix justitiæ, fundamentum salutis æternæ, sine qua Deum invenire & invocare, Deo servire & placere nullus in hac vitæ potest : (a) *Credere enim oportet accedentem ad Deum*, inquit Apostolus : (b) *Qui vero non crediderit condemnabitur*. Imò (c) *jam judicatus est* ex Christi sententia; idcirco necesse est ut à fide exordiumumat Christianæ Religionis institutio.

Ad Fidem autem Sacramenta, sacrosque Ecclesiæ Ritus reducemus, quia illa non nisi per fidem innotescunt, neque alio intuitu quam nutriendæ & profitendæ fidei sunt instituta.

(a) Hebr. 11. v. 16.

(b) Marc. 16. v. 3.

(c) Joann. 2. v. 13.



SECTIO PRIMA.

DE FIDE ET SYMBOLO.

CAPUT PRIMUM.

De Fide, ejus objecto, exercitio & Necessitate.

Questio I. *Quid est Fides?*

R. Est virtus Theologica divinitus infusa, quâ firmiter assentitur homo atque adhæret iis, quæ ut credantur à Deo revelata sunt, & ab Ecclesia nobis proposita.

Theologica Virtus dicitur, quæ Deum ipsum habet pro objecto, tam formali quàm materiali, circa quod immediatè versetur, cujusmodi tantum sunt tres, Fides, Spes & Charitas.

Distinguitur contra virtutem *moralem*, cujus proprium manus est humanos mores dirigere & rectè ordinare.

Infusa Virtum dicitur quam Deus in nobis sinè nobis operatur. Contra *Acquisitam* distinguitur, quæ sæpè repetitis actibus comparatur.

Q. 2. *Quanam sunt credenda?*

R. Ipsa definitio indicat: *Quæcumque ut credantur divinitus revelata sunt, & ab Ecclesia nobis proposita.* Atque id est quod passim *objectum materiale fidei* vocari solet.

Q. 3. *Quanam vero est ratio ob quam firmitur, & omni penitus dubitatione, falsique suspitione exclusâ, rebus credendis adhareamus?*

R. Dei revelantis infinita veracitas: neque enim spectat fides naturæ ordinem, non sensuum si-

dit experientiæ; non potentiâ aut ratione humanâ, sed virtute & autoritate divinâ nititur, illud planè certum habens, summam æternamque veritatem, quæ Deus est, nec falli posse unquam nec fallere.

Hæc summa Dei revelantis veracitas, *objectum formale fidei* appellari consuevit.

Q. 4. Numquid imprudens est credere quod non intelligas?

æ. Minimè verò, si modò constet à Deo revelatum esse. Prudentissimum utique est captivare (a) *intellectum in obsequium* illius, apud quem (b) non est difficile nedum impossibile omne verbum, & cui non minùs impossibile est mentiendo fallere, quàm non esse.

Q. 5. Unde nobis constat, ea quæ credimus, divinitus revelata esse?

æ. Ex autoritate Ecclesiæ Catholicæ, ista ut talia proponentis; hanc enim Deus tot tantisque notis insignivit, ut in hoc ipsi meritò adhibeatur fides tamquam (c) *columna & firmamento veritatis*: imo cum S. Augustino jure possumus dicere (d) ego Evangelio non crederem, nisi me Ecclesiæ Catholicæ commoveret autoritas. Sed de his pluribus infra ubi de Ecclesia.

Q. 6. Veramne fidem habet qui eorum, quæ per Ecclesiam Deus credenda proponit, aliqua recipit, & aliqua rejicit?

æ. Nequaquam: nam qui verè credit, nititur autoritate Dei revelantis, quæ cum sit omnibus quæ ipse revelavit communis, omnibusque æqualiter per Ecclesiæ propositionem applicata, non Deo sed sibi credit, qui ex iis aliqua recipit, alia respuit.

(a) 2. Cor. 10. v. 5. (b) Luc. 1. v. 37.

(c) Tom. 3. v. 15. (d) Contra Epist. fundam. cap. 5.

Q. 7. *Quanam sunt ad consequendam salutem creditu necessaria?*

R. Alia dicuntur necessaria *necessitate medii*, alia solâ *necessitate præcepti*.

Necessitate medii creditu necessaria dicuntur, quorum fides velut *medium* à Deo statuta est, sinè quo iustitia & salus obtineri non possint, undecumque illud contingat abesse.

Necessitate præcepti creditu necessaria dicuntur, quæ quidem jubemur credere, sed si sinè culpa nostra ignorentur, nos à salute non excludunt.

Q. 8. *Quanam igitur sunt creditu necessaria necessitate medii?*

R. Omni tempore sic necessarium fuit credere 1. (a) *Unum Deum* esse : 2. eundemque *Remuneratorem* esse bonorum, ac proinde vindicem quoque malorum. Ad hæc post sufficientem Evangelii promulgationem eâdem necessitate requiritur (ut Scriptura & SS. Patres innuunt) 3. fides SS. *Trinitatis*, & 4. *Mediatoris*, id est incarnationis, mortis & resurrectionis Jesu Christi Domini nostri, qui genus humanum peccato perditum, suâ morte redemit. (b)

Q. 9. *Quanam sunt creditu, scituve necessaria necessitate præcepti?*

R. Ea omniaque in *Symbolo Fidei* continentur, aliaque post statûs cujusque diversitate diversa. Neque enim omnes æqualiter doctrinâ fidei debent esse imbuti, sed quibus docendi munus incumbit, eâ debent esse pleniores, ut & in alios transfundere possint.

Cæterum generalis obligatio est, ut unusquisque non tantum communia Christiani hominis offi-

(a) Hebr. 11, v. 6.

(b) Vide S. Thom. 2. 2. q. 2. art. 7. & 8.

14 PARS I. SECTIO I.

cia, sed peculiares etiam sui status obligationes probè habeat perspectas.

Q. 10. *Satisne est ea quæ credenda & scienda sunt, semel in juventute didicisse?*

R. Minimè, sed fidem, quam singulari Dei favore semel suscepimus, assiduo exercitio conservare & nutrire oportet. Nam (a) *justus ex fide vivit*, fide videlicet præbente perpetuum spirituali vitæ ejus alimentum. Tam frequentes igitur fidei assus exercere debet homo Christianus, ut censeri possit ex fide vivere. Ad id etiam exercitium singulariter, quisque obligatur, dum vel contra fidem tantatio vel mortis periculum ingruit.

Q. 11. *Solane fides ad salutem sufficit?*

R. *Fides*, inquit Jacobus Apost., (b) *sine operibus mortua est*. Imo verò gravius à Deo judicandus est, qui (c) quod per fidem novit, factis negat. Illa ergo demum fides ad salutem sufficit (d) *quæ per charitatem operatur*, & Dei mandata custodit Hæc fides *viva* dicitur, & charitate formata: illa verò *informis* nominatur & *mortua*.

CAPUT II.

De Scriptura Sacra & Traditione.

Q Uæstio 1. *Ubinam continentur quæ divinitus revelata ac per Ecclesiam ad credendum proposita sunt?*

R. In Verbo Dei Scripto & Tradito. *Verbum Dei scriptum* illud dicitur, quod in iis libris continetur quos *Sancti Dei homines* (e)

(a) Rom. 1. v. 17. (b) Jac. 2. v. 20.

(c) Tit. 1. v. 16. (d) Galat. 5. v. 6.

(e) 2. Petr. 1. v. 21.

Spiritu S. dictante scripserunt. Horum librorum aliqui ante Christi adventum scripti sunt alii post: illi *Veteris Testamenti*, hi verò *Novi Testamenti* libri nuncupantur. *Canon* utrorumque, sive catalogus inviolabilis exhibetur Sess. 4. Concilii Tridentini, & qui in eum Canonem recepti sunt libri, dicuntur inde *Canonici*.

Verbum Dei traditum (a) nuncupamus quod Apostoli vel ex ipsius Christi ore, vel Spiritu S. dictante hauserunt, non ut litteris consignarent, sed posteris quali per manus traderent, ab his porro conservandum & transmittendum.

Q. 2. *An ergo Scriptura Sacra fundamēta fidei nostræ, exortisque controversiis dirimendis non sit sufficiens?*

1. Nequaquam: nam imprimis sine *Apostolica traditione* & auctoritate Ecclesiæ vera Scriptura Sacra, à falsa discerni non potest. 2. Plurima sunt in Sacris Scripturis obscura & intellectu difficilia, uti de *Pauli* Epistolis disertè testatur (b) *Petrus* in suis quæ nec ipsæ ubique claræ sunt. 3. Multa quæ ad fidem fundandam, moresque instituendos pertinent, in sacris litteris non reperiuntur expressa, sed contrinua traditionis serie, ab Apostolis ad nos usque pervenerunt, ut in decursu luculenter evincetur.

Quin imò prima Christianæ fidei regula verbum Dei fuit, non *scriptum*, sed *traditum*; *predicatione* enim Apostolorum Ecclesia fundata, & Religio propagata est. Quod si deinde Novi Testamenti libri accesserunt, non idè auctoritatem amisit quod viva voce tradiderant.

(c) Quapropter pari pietatis affectu suscipimus

(a) Trid. Sess. 4.
(c) Trid. Sess. 4.

(b) 2. Pet. 3, §. 16.

& veneramur utrumque Dei verbum *scriptum & traditum*, obtemperantes Apolloli, 2. ad Thesalonic. 2. 24. *Tenete traditiones quas didicistis sive per sermonem, sive per Epistolam.*

Q. 3. *Quo indicio Apostolicæ Traditiones dignoscuntur?*

R. (a) Si quid ab omnibus Ecclesiis Christianis unanimi consensu receptum sit, nullumque illius initium designari possit, consequens est id ab Apostolis originem accepisse.

Cæterum quidquid Catholicæ fide credendum vel divino præcepto servandum est homini Christiano, id totum Apostolis revelatum fuit, vel scripto committendum, vel sine scripto ad posterum viva voce transmittendum. Quod si quæ postmodum *Revelationes* divinitus contigerunt, illæ *privatæ* sunt, neque ad fidem Catholicam pertinent.

Q. 4. *Ad quem spectat de verba Dei scripto & tradito, ad de utriusque vero sensu iudicium ferre?*

R. Munus hoc non ad fideles singulos, sed ad Ecclesiam Catholicam pertinet. Hanc voluit Deus mysteriorum suorum depositariam esse, verbumque suum scriptum & non scriptum cum utriusque vero sensu, illi custodiendum dedit. Hæc est (b) *columna & firmamentum veritatis*, quæ per infallibilem Spiritus S. directionem veras scripturas, verasque traditiones discernit à falsis, & genuinum scripturæ sensum ab adulterino distinguit.

Q. 5. *Quomodo hoc suum munus exercet Ecclesia?*

R. Si quando super his rebus controversia vehementior exorta fuerit, defertur visibile caput

(a) Vide S. Aug. Epist. 118. nunc 54. ad Januar.

(b) 1. Tim. 3. 15.

Ecclesiæ Christi Vicarium, & in *Romana Sede* Petri Apostolorum Principis Successorem, cui, in Petro dictum est : (a) *Super hanc petram edificabo Ecclesiam meam, & portæ inferi non prævalebunt adversus eam.* (b) *Ego rogavi pro te, ut non deficiat fides tua : & tu... confirma fratres tuos.* (c) *Pasce agnos meos.... Pasce oves meas.* Hic iudicio infallibili controversiam dirimit, ita ut omnes toto orbe fideles acquiescere teneantur. Nam juxta *S. Thomam* (d) "Ad summi Pontificis auctoritatem pertinet ; finaliter determinare ea quæ sunt fidei, ut ab omnibus inconcussa fide teneantur. Cujus (inquit) ratio est, quia una fides debet esse totius Ecclesiæ, secundum illud 1. Cor. 1. *Idipsum dicatis omnes, & non sint in vobis schismata*, quod servari non posset, nisi quæstio fidei exorta determinetur per eum, qui toti Ecclesiæ præest, ut sic ejus sententiâ à tota Ecclesia firmiter teneatur."

Interdum tamen, rebus nimium exulceratis, *Universale Concilium* adhibetur, in quo Episcopi ex omnibus terræ partibus simul in Christi nomine congregati, Universalem Ecclesiam sub suo Capite repræsentant, ut sic definita veritas suavius & efficacius ubique recipiatur.

Quisquis porro Ecclesiæ Catholicæ decisionibus pertinaciter unquam obstitit, ab Ecclesiæ communionem remotus, juxta Christi præscriptum, habitus deinceps fuit velut (e) *Ethnicus & Publicanus.*

Q. 6. *Cur dici nequit quod scripturam & scripturæ sensum, per internum Spiritus S. dictamen fideles discernere debeant?*

(a) Matth. 16. v. 18.

(b) Luc. 22. v. 32.

(c) Joan. 21. v. 16. 17.

(d) 2. 2. q. 1. art. 164

(e) Matt. 18. v. 17.

18 PARS I. SECTIO I.

R. Contrarium id est ordini à Christo instituto, (*) quippe Ecclesiam nos audire voluit : & aliunde experientia patet in A catholicis, dogma istud tot in fide opiniones sectasque inducere natum esse, quot sunt homines.

Q. 7. *Quâ animi dispositione verbum Dei legendum vel audiendum est?*

R. 1. Cum reverentia. 2. Cum humilitate. 3. Cum docilitate.

Cum reverentia erga infinitam Veracitatem Dei nobis loquentis, ut neutiquam dubitemus quin verissima sint omnia quæ in iis libris continentur.

Cum humilitate, venerando etiam quod non intelligimus.

Cum docilitate, ut iudicio Ecclesiæ nostrum semper libenti animo submittamus, nunquam sensui nostro pertinaciter inhærentes.

Fructus porrò verbi Dei lecti vel auditi hi esse debent : Quotidiana vitæ emendatio, serium virtutis studium, fidei ac spei robur, cupiditatis diminutio & charitatis incrementum.

CAPUT III.

De vitiis Fidei oppositis.

Q. Uæstio 1. *Quot modis contra fidem peccari potest?*

R. Duobus, ut contra virtutes reliquas.

Omissione contra præceptum fidei affirmativum, & *commissione* contra negativum.

Præcepto fidei *Affirmativo* (ut vocant) jubemur actum fidei tam frequenter elicere, ut ex fide vivere censei possimus : jubemur etiam si-

(*) Luc. 10, 7, 16. & Matth. 13, 7, 17.

dem, quam corde credimus palàm *confiteri*, quando id Dei honor, proximive utilitas exigit. Exigit autem, quando quispiam, quam Religionem sectetur, per potestatem publicam interrogatur: ne alioquin si subterfugiat, Christum erubescere censeatur.

Præcepto fidei *Negativo* prohibemur aliquid à fide Christiana & Catholica alienum credere vel profiteri. Peccatum huic præcepto contrarium *Infidelitas* nominatur.

Q. 2. *Quot sunt celebriores Infidelitatis species?*

R. Tres, Paganismus, Judaïsmus & Hæresis.

Paganismus Omnes Gentilium, Idololatrarum & Mahometanorum Religiones complectitur.

Judaïsmus Religio est eorum, qui quem nos indubitata fide advenisse credimus Christum Redemptorem, quasi adhuc venturum cum splendore & majestate sæculari, mirâ pertinaciâ expectant. Populus quondam à Deo electus, nunc post Messiam à Te rejectum (a) *sinè Rege, sinè Principe, sinè Sacrificio, sinè Altari* dispersus toto orbe vagatur, demum in fine sæculi depositâ cordis cæcitate, ad Christum convertendus.

Hæresis est vitium fidei oppositum, quo quis fidem in Baptismo professus, aliquid à communi Ecclesiæ Catholicæ doctrina alienum sibi tuendum *eligit*, eique pertinaciter adhæret.

Hæreticus igitur ille dicitur qui, *Baptismo* suscepto, *errorem* aliquem Catholicæ fidei contrarium sustinet, idque *cum pertinacia*.

Q. 3. *Fuitne semper Ecclesiæ Fides per hæreses oppugnata?*

R. Fuit jam inde à temporibus Apostolorum ac deinceps omni sæculo, eritque usque ad muni-

(a) Joël. 3. 7. 4.

10 P A R S I. S E C T I O I.

di finem : nam teste Apostolo (a) *opertet* & *hæreses esse*, id est attentâ multorum superbiâ & quæ inde nascitur pertinaciâ, fieri aliter non potest, quin in doctrinâ fidei oriantur dissentiones.

Q. 4. *Quid de variis istis hæresibus factum est?*

R. Vidit eas Ecclesia pene omnes oriri & occidere : ipsa fundata supra petram contrâ ventos omnes & procellos persistit immobilis, certâ Christi promissione secura, fore ut aliquando & hodiernæ hæreses cæterarum more dissipentur. (b) *Portæ inferi*, id est omnes inferni potestates, non prævalebunt adversus eam.

Q. 5. *Quid ex iisdem hæresibus damni, quid utilitatis tulit Ecclesia?*

R. Multi quidem ejus filii, sed pravi & instabiles, à veritate exciderunt : verum hoc inde lucri percepit, quod qui in veritate Catholica firmi essent. (c) manifesti fierent, & crescente Pastorum vigilantia, veritas Christianæ fidei majorem lucem acciperet, moresque fidelium majorem puritatem (d) Sic utique omnipotens Deus ex iis, quæ sunt, malis, majora bona elicit, & diligentibus se (e) omnia cooperari facit in bonum.

Q. 6. *Estne singularis Dei favor in fide Catholica natum & educatum esse?*

R. Est sanè tantus ut numquam satis æstimari possit. Tristis utique experientia satis probat, quàm raro & quàm difficilè qui in infidelitate nati & educati sunt, ad veram fidem (citra quam non est Salus) convertantur. Indefinienti ergo gratitudine, tam ingenti, tamque gratuito Dei

(a) Cor. 7. 19. (b) Matth. 16. 7. 18.

(c) 1. Cor. 11. 7. 19. (d) S. Aug. Enchirid.,

(e) Rom. 8. 7. 28.

DE FIDE ET SYMBOLO.

beneficio respondendum est, præsertim vitæ, fide
postâ & Deo dignâ.

CAPUT IV.

*De Symbolo Apostolorum : primo illius Articuli
culo : Deo Uno & Trino.*

QUæstio 1. *Exstatne brevis aliqua complexio
ac summa eorum omnium quæ homini Chri-
stiano credenda sunt?*

R. Exstat, nimirum illa quæ *Symbolum Apo-
stolorum* dici consuevit. Ut enim inviolabilis per-
maneret fidei unitas, dum idipsum ubique sen-
tirent omnes ac dicerent, priusquam in varias
orbis partes dividerentur Apostoli, brevem cre-
dendorum formulam in commune contulerunt
velut illustrem notam quâ Christiani ab impiis,
qui vel nullam, vel non rectam Christi fidem
profitentur, discernendi ac internooscendi sint.

Est & aliud celebre in Ecclesia fidei Symbo-
lum, quod propter exortas hæreses, in *Nicana
& Constantinopolitana* Synodis conditum est, ab
illo Apostolico minimè dissentiens, sed pro neces-
sitate temporum quædam disertius explicans. Id
in missa recitatur.

Tertium quoque quod *S. Athanasii* nomine in-
scribitur, sed solius Ecclesiæ autoritate recep-
tum est.

Q. 2. *Quot partes præcipuas complectitur Sym-
bolum Apostolorum?*

R. Tres, quarum prima Patri tribuit creatio-
nem & omnipotentiam : secunda Filio redemp-
tionem humani generis : tertia Spiritui S. San-
ctificationem. Duodecim interim veritates prin-
cipales continet, quæ *articuli* nominantur. Pri-
mus est.

22 PARS I. SECTIO I.

CREDO IN DEUM PATREM OMNIPOTENTEM,
CREATOREM CÆLI ET TERRÆ.

Q. 3. *Quisnam in compendio illorum verborum sensus est?*

R. Hic videlicet : certâ & indubitatâ fide credo ac profiteor primam in Deitate personam, *Patrem* æternum, verum ac vivum Deum, qui ex omni æternitate *Filium* sibi coæqualem genuit, nosque hoc tempore gratiæ in *filios* sibi adoptavit : quique *omnipotenti* sua virtute cuncta ex nihilo produxit, & indefinenti providentiâ producta conservat, gubernat ac dirigit.

Sed verba singula paulo distinctius explicanda sunt.

Q. 4. *Quid est DEUS?*

R. *Ens à se*, (a) independens planè ab omni alio, fons & origo cæterorum, illimitatum proinde & infinitum, quo melius aut præstantius cogitari nullum potest, summum, inmensum, æternum & incommutabile bonum.

Cæterum inter hujus mortalis vitæ tenebras, imperfecta admodum & obscura est nostra de divina natura cognitio, faciliusque novimus quid non sit, quàm quid sit *Deus*.

Q. 5. *Certumne est Deum existere?*

R. Id non ex fide tantum, sed vel ex solo naturalis rationis lumine tam certum est, ut solus (b) *insipiens in corde suo* (affectu potius quam assensu) dicere possit, *Non est Deus*.

Dico *affectu potius quam assensu*, quia nemo ad tantam impietatem venit nisi per insignem cordis, sive voluntatis depravationem, neque aded sibi persuadet, quàm vellet non esse Deum, quâ debitam flagitiis suis vindictam infligat.

(a) Exod. 3. v. 14. (b) Psalm. 13. v. 1.

Q. 6. *Quibus ergo rationibus unusquisque quantumvis rudis Dei de existentia semetipsum convincere potest?*

R. Attenta mente considerare sufficit speciosissimam hujus universi fabricam, stabilemque illam quâ administratur legem. Ipsa quoque corporis nostri tam admiranda structura nos abunde convincit. Nam hæc omnia temerè & fortuitò coaluisse, quis nisi in sensatus credat? Denique creaturæ omnes tacitâ quâdâm voce proclamant, (a) *Ipse fecit nos, & non ipsæ nos.*

Q. 7. *Estne similiter certum, unum tantum Deum esse?*

R. Est planè, usque aded. ut plures esse sit impossibile. Nam cum Deum dicimus, nihil aliud quàm summum, immensum, æternum & incommutabile bonum significamus; quod autem summum & absolutissimum est, impossibile est, ut *multiplicatum* inveniatur in pluribus. (b) Deos, ergo plures, perinde est ac nullos dicere.

Q. 8. *Quid hoc loco nobis indicat nomen PATER?*

R. Quod in una divinitatis essentia credenda sit pluralitas personarum.

Personæ sunt tres, prima Pater à nullo genitus: secunda Filius, quem ante omnia sæcula æqualem sibi, & consubstantialem Pater genuit: tertia Spiritus S. qui ab æterno ex Patre Filioque procedit.

Q. 9. *Numquid hinc convincantur Christiani æquè ac gentiles plures Deos credere?*

R. Minimè; Trium quippè personarum unam & eandem confitentur esse substantiam ac naturam, illasque suis tantum proprietatibus esse distinctas.

(a) Psal. 99. v. 3.

(b) S. Athanas. cont. Gentil.

24 PARS I. SECTIO I.

Sunt autem *proprietates* istæ, (a) quod Pater sit *ingenitus*, & principium sine principio : Filius à Patre solo *genitus* : Spiritus S. nec factus nec genitus, sed ab utroque *procedens*.

Q. 10. *Potestne humana ratio Mystrium hoc intellectu assequi?*

R. Nullo modo ; neque curiosus exquirendum est, ne si quis (b) *scrutator* sit *majestatis opprimatur à gloria*. Qui curiosè scrutati sunt, hæreses invexerunt, (ut Arius & Macedonius, quorum ille abjudicavit divinitatem Filio, hic Spiritui Sancto) quas in Conciliis (c) *Nicano* (d) *Constantinopolitano* damnavit Ecclesia.

Nobis sufficiat Dei revelantis auctoritas, cui jam plenâ animi submissione credentes, certâ cum fiduciâ expectare debemus felicissimum illud tempus, quo divinæ gloriæ incomprehensibilem Majestatem, facie ad faciem contemplantur.

CAPUT V.

De omnipotentia, aliisque Dei attributis & perfectionibus.

OMNIPOTENTEM.

Q. Uæst. 1. *Cur Deum Patrem omnipotentem dicimus?*

R. Quia nihil animo aut cogitatione fingi potest, quod, cum vult, non fiat, (e) *Omnia*

(a) Vide Symbolum quod S. Athanasii dicitur.

(b) Proverb. 25. v. 27.

(c) Celebrata est 1. Synodus OEcumenica Nicæna an. 325. sub Sylvestro Papa, & Constantino Magno Imperat.

(d) Celebratum est hoc Concilium generale Constantinopol. 1. an. 381. sub Damaso Papa & Theodosio Seniore Imperat.

(e) Psalm. 134. v. 6.

quæ cumque voluit. (a) Dixit & facta sunt, ipse mandavit & creata sunt.

Nihil ipsi difficile, nedum impossibile.

Nec tamen hoc ita accipiendum est, quasi, cum possit omnia, mentiri etiam possit aut fallere, peccare, mori aut ignorare quipiam; hæc enim omnia *infirmittatis* sunt, non *potentie*.

Q. 2. *Solusne Pater omnipotens est?*

✱. Filius & Spiritus S. sicut unam eandemque habent cum Patre naturam, ita eandem cum illo habent *Umnipotentiam*; cæteraque omnia, solas proprietates personales, *attributa*, Patri, Filio & Spiritui S. sunt communia.

Tribuitur interim & quasi appropriatur *Potentia* Patri, sicut *Sapientia* Filio & *Amoris* opera Spiritui S. propterea quodd Pater *principium sine principio*, totius divinitatis fons sit, omnisque *potestatis* origo: Filius ab *intellectu* Patris tamquam illius *Verbum*, & æterna *Sapientia* generetur: Spiritus S. autem per æternum Patris & Filii *amorem* mutuum, velut utriusque nexus ab utroque procedat.

Q. 3. *Cur præ cæteris Dei attributis, Omnipotentia hoc loco expressa est?*

✱. Ne dum deinceps mira Dei opera proponuntur, *curiosè* disquiramus an & quomodo ista fieri possint, in quibus utique tota ratio facti est omnipotentia facientis. *Spes* quoque nostra roboratur, quando qui promittit bona, quæ omne desiderium superant, ad hæc præstanda *Omnipotens* esse perhibetur.

Q. 4. *Recense alia Dei attributa & perfectiones præcipuas?*

✱. Cum sit *ENS* omninò independens, ac sum-

(a) Psalm. 33. v. 9.

mè perfectum, quo melius aut præstantius cogitari nullum potest, necesse est ut sit, 1. æternus, 2. immutabilis, 3. simplicissimus, ac 4. purus spiritus, 5. immensus, 6. atque omniscius.

1. **ÆTERNUS** dicitur Deus, quia principio & fine caret: semper fuit, semper erit: nihil illi præteritum, nihil futurum: existentiam quoque & vitam suam, non per partes, sed totam simul beatissimè possidet.

2. **IMMUTABILIS** dicitur, quia sine ulla (a) mutatione aut vicissitudine semper idem, semperque tranquillus est.

Q. 5. *Quomodo ergo interdum in Sacris Literis irasci aut poenitere Deus dicitur?*

R. Metaphorica & captui rudium accommodata locutio est. *Irasci* dicitur, quia quod irati faciunt, scelerum vindictam exigit; *poenitere* autem, si opus quod fecerat destruat, aut immutet, non mutando consilium. "Amas, inquit S. Augustinus (b) nec æstuas; zelas & securus es; poenitet te & non doles; irasceris, & tranquillus es; opera mutas, nec mutas Consilium."

3. **SIMPLICISSIMUS** Deus dicitur, quia omnium planè partium, omnisque mixtionis & compositionis expers. Proinde.

4. **PURUS SPIRITUS** est, omni corpore & corporea affectione carens, nec figuram habens, nec colorem, nec extensionem; nullo ergo sensu perceptibilis.

Q. 6. *Quid sibi volunt igitur multæ Sacra Scriptura locutiones, quibus Deo manus & brachia, variæque corporis functiones tribuuntur?*

R. Et hæ quoque figuratæ sunt, ac metaphorica, ut ex iis homines, præsertim rudiores, di-

(a) Jacob. 1. v. 17. Malach. 3. v. 6.

(b) Lib. 1. Confess. cap. 4. Vide etiam Lib. 12. de Civitate Dei. c. 17.

veritas Dei operationes facilius percipiant. Sic *Brachium & Manus* Potentiam Dei denotant, *Oculi* Scientiam &c.

5. IMMENSUS dicitur Deus, quia nullis terminis circumscriptus, (a) ubique existit, impletque semetipso omnia; non per partes diffusus, aut in toto major, & in parte minor, sed ubique totus, nullibi comprehensus: continens omnia, nusquam contentus. (b) *In ipso vivimus, movemur, & sumus.*

6. OMNISCIUS est, quia non tantum *per essentiam* ubique sine extensione diffusam, & *potentiam* qua ubique operatur, produciens & conservans; sed & *per presentiam* qua cuncta intuetur, adest intimè creaturis omnibus. (c) *Omnia ergo nuda & aperta sunt oculis ejus*, futura æquè ac presentia atque præterita. (d) *Scrutatur corda & renes*, id est occultissimæ cogitationes & latentia cordis desideria ipsi plenè perspecta sunt.

Hæc porro veritas perpetuò ob oculos versari debet homini Christiano, ut in presentia Supremæ illius majestatis cum sancto castoque timore, totam vitam transigat.

CAPUT VI.

De creatione rerum, ac præsertim Angelis & hominis.

CREATOREM CÆLI ET TERRÆ.

Questio 1. *Quid hæc verba nobis indicant?*
 2. Quodd cum præter Deum nihil esset, ipse ab æterno in se beatus, sibi que suffi-

(a) Psalm. 138. v. 7. Isai. 66. v. 1. Jerem. 23. v. 24.

(b) Act. 17. v. 28. (c) Hebr. 4. v. 13.

(d) Psalm. 7. v. 10.

cientissimus, tantum ut divitias bonitatis suæ ex se diffunderet, nulla necessitate, sed libera voluntate, cœlum terramque produxerit, producta conservet & sapientissimè administret, ita ut sine ejus nutu & providentia nihil planè usquam eveniat.

Cæli terræque nomine universa etiam intelliguntur quæ utriusque ambitu continentur visibilia & invisibilia; nulla quippe natura est quæ non sit aut Deus, aut à Deo facta.

Q. 2. *Quenam inter hæc divinæ creationis opera, sunt præstantissima?*

✱. Angeli & Homines.

Angelorum nomine intelligo creaturas intellectuales, ab omni corporum conjunctione segregatas, de quibus frequens fit in Sacris Litteris mentio.

Q. 3. *Ad quem finem hosce Spiritus Deus contulit?*

✱. Ad vitam, felicitatemque immortalem; idcirco sapientes eos fecit & justos, cum bona voluntate, id est, amore casto, quo illi adhærent, (a) simul in eis & condens naturam, & largiens gratiam.

Q. 4. *Omnesne finem istum consecuti sunt?*

✱. Multi quidem in Dei obedientia & amore perstiterunt, in gratia ita firmati sunt, ut semper videntes (b) *faciem Patris*, ab ea felicitate se nunquam casuros plenissimè sint securi.

Verùm alii se per superbiam contra Deum efferentes. (c) gravissimo lapsu exciderunt, æternisque suppliciis sine spe reparationis addicti sunt, Invidiâ interim adversus homines tabescentes, istuc curas omnes impendunt, ut eos in eandem secum perditionem pertrahant.

(a) Aug. lib. 12. de Civ. Dei c. 9.

(b) Matth. 18. 7. 10.

(c) 2. Pet. 2. 7. 4.

Variis nominibus denotari solent; dicuntur enim *Angeli mali*, *Demonēs*, *Spiritus immundi*, *Spiritus nequitiae*, *Spiritus tenebrarum*; eorum autem Princeps *Sathanas*, aut *Diabolus*.

Q. 5. *Suntne illi omnes in infernum detrusi?*

R. Quamvis in sempiternum à facie Dei repulsi, inferni supplicia ubique secum ferant; donec tamen extremi iudicii dies advenerit, plurimi (a) in hoc caliginoso aëre versantur, ubi pro sua malignitate (b) homines tentare non desinunt, ut Dei legem violent & iustitiam derelinquant.

Q. 6. *Quodnam è contrario beatorum Angelorum officium est erga homines?*

R. Deputavit eos Deus ut sint (c) ad ministerii spiritus, in ministerium missi propter eos qui hereditatem capient salutis. 1. Itaque (d) preces hominum Deo offerunt. 2. Dei voluntatem hominibus annuntiant, & pro iisdem mira subinde operantur. (e) 3. Constituit eos Deus, Ecclesiarum, provinciarum singulorum hominum custodes ac protectores; ita ut multa à supernis illis spiritibus in nos indies bona dimanent, quæ nostram vicissim venerationem & gratitudinem exigunt.

Q. 7. *Quomodo & ad quem finem creavit Deus hominem?*

R. Corpus formavit ex limo: animam verò immortalem produxit ex nihilo; duas deinde hæc substantias tam dispares admirabili inter se unionē conjunxit.

(a) Ephes. 6. v. 12. (b) 1. Pet. 5. v. 8.

(c) Heb. 1. v. 14. (d) Tob. 12. v. 12. Apoc. 8. v. 3.

(e) Dan. 9. Luc. 1. Psalm. 33. v. 8. & Psalm. 90. v. 12. Dan. 12. v. 1. Math. 18. v. 10. Act. 12. v. 19. S. Basil. lib. 3. contr. Eunom. & super Psalm. 48. S. Bernard. lib. 3. de consider. cap. 4. & seqq. item Serm. 12. in Psalm. 90.

Cæterum non alius condendi hominis *finis* fuit, ut hîc per obedientiam Deo jugiter adhærens, ad eandem cum Sanctis Angelis *felicitatem* perveniret.

Hinc *secundùm animam* (a) ad imaginem & similitudinem Dei factus est, id est intellectu, voluntate & libertate præditus, omninò rectus, justus & sanctus.

Secundùm corpus, sanus & validus, nulli miseræ subditus, a necessitate moriendi prorsus immunis, omnibus pravis & pudendis motibus vacuus.

Q. 8. *Eratne hæc primorum parentum integritas, innocentia & felicitas, ipsis solis propria?*

R. Non, sed transmittenda ea erat ad posteros, si in cretoris sui obedientia perstitissent. Hæc porrò ab illis obedientia poscebatur, ut in agnitionem supremæ Dei potestatis, suæque ab illo dependentiæ, (b) ab unius fructu arboris abstinerent.

CAPUT VII.

De lapsu hominis, & Peccato Originali.

Q. Uæstio I. *Quomodo à primæva integritate & felicitate genus humanum excidit?*

R. Invidiâ & fraude Diaboli, serpentis ore loquentis, communis omnium mater Heva (c) seducta est, & falsò credens se fore similem Deo, fructum vetitum comêdit, deditque Adamo marito suo, qui & comêdit: atque ita grande illud & ineffabile peccatum perpetratum est.

Q. 2. *Quæ transgressionem illam pœna secuta est?*

R. (d) Sanctitatem & justitiam, in qua con-

(a) Gen. 1. 26. (b) Gen. 2. 17.

(c) Gen. 3. 1. 6. 1. Tim. 2. 14.

(d) Concil. Trident, Sess. 5. de peccat, orig. Can. 1.

stituti fuerant primi parentes nostri, statim amiserunt, incurreruntque per illam prævaricationis offensam, iram & indignationem Dei, atque ideo mortem, quam illis antea (a) comminatus fuerat Deus, & cum morte captivitatem sub diaboli potestate, totique secundum corpus & animam in deterius commutati sunt.

Q. 3. *Hac autem prævaricatio solisne illis transgressoribus nocuit?*

1. Minime verò; (b) nam acceptam à Deo sanctitatem & iustitiam, quam *Adamus* perdidit, non sibi soli, sed nobis etiam perdidit: & inquinatus per illud inobedientiæ peccatum, non tantum mortem & pœnas corporis, sed & ipsum peccatum, quod mors est animæ, in omne genus humanum transfudit, testante Apostolo quòd (c) *per unum hominem peccatum intravit in mundum, & per peccatum mors, & ita in omnes homines mors pertransiit, in quo omnes peccaverunt.*

Hoc est peccatum illud quod *Originale* dicitur (d) quia ab origine inest unicuique proprium; & propagatione non imitatione contrahitur. Per hoc tam generale delictum universa natura humana donis *gratuitis* spoliata, & in naturalibus vulnerata est.

Q. 4. *Recense præcipua lapsi hominis VULNERA.*

1. Primum vulnus *ignorantia* intellectum reddidit non tantum mille obnoxium *erroribus*, sed vanè etiam *curiosum*, & seipsum cohibere nescium.

2. *Malitia* voluntatem vehementer inclinavit ad malum (e) ab *Adolescentia*, imo pueritia nostra.

3. *Infirmetas* & 4. *concupiscentia* appetitum inferiorem concernunt, qui per iustitiam origina-

(a) Gen. 2. v. 17. & cap. 3. v. 19.

(b) Conc. Trid. ibid. Can. 2.

(c) Rom. 5. v. 12.

(d) Concil. Trid. ibid. Can. 3. (e) Gen. 3. v. 21.

lem omnino subditus rationi, post peccatum indomitus & effrænis factus est. *Infirmirate* fit, ut facile succumbamus malis, sive adversis: *concupiscentiâ* verò ad bona sensibilia immodice proritamur.

Q. 5. *Namquid præter hæc peccati illius vulnera, aliæ quædam pœnæ sunt, quas tota cum Adamo posteritas ejus incurrit?*

R. Sunt utique, & in hac vita quidem, *iræ Dei & captivitas sub Diabolo*, ita ut verè (a) filii iræ Dei, & *mancipia diaboli* nascamur omnes (Sanctissima Christi Mater cum de peccatis agitur semper excepta est.) Deinde *necessitas moriendi*, cæteraque quæ nobis undecumque accidunt mala & ærumnosa, à primo nostri ortûs initio.

Post hanc vitam, nisi regeneratione mundetur quod generatione contractum est, æterna damnatio illi peccato pœna statuta est.

Q. 6. *Iustumne est Adami & Hevæ posteros hanc pœnam subire peccati quod ipsi non commiserunt?*

R. Omnia Dei judicia justissima sunt; & certe æquum est, ut peccati pœnam subeant, qui illo tenentur obstricti.

Q. 7. *Sed quomodo fieri potest ut rei simus, & teneamur obstricti peccato, quod multis sæculis priusquam nasceremur admissum est?*

R. Ineffabili quodam modo, voluntates omnium nostrum in voluntate primi parentis ita continebantur, ut Apostolo teste, (b) in ipso omnes peccaverimus.

Cæterum fatendum est *peccatum originale* mysterium esse, sicut pleraque fidei nostræ, prorsus

(a) Ephes. 2. v. 3,

(b) Rom. 5. v. 12.

Incomprehensibile; sublatâ tamen illius notitiâ; homo ipse sibi est inextricabilis labyrinthus, & profundissima difficultatum abyssus, dum hinc primæ felicitatis ideam, ejusque insatiabile desiderium in se perspicit: illinc autem infirmitatem suam, innumerasque misérias reipsâ experitur. Denique illius peccati fides, in quo concepti & nati sumus, fundamentum est humilitatis, gratitudinis, abstinentiæ, totiusque ad eò moralis Christianæ.

Q. 8. *Quod verò grandis illius peccati remedium fuit.*

R. Sicut rebelles angeli, ita & genus humanum irreparabiliter periisset, nisi ineffabili misericordiâ suâ decrevisset Deus huic dare redemptorem, qui, quod homo non poterat, dignam læsæ ejus justitiæ satisfactionem exhiberet.

Hunc mox à lapsu hominis (a) promissit Deus, desiderârunt Patriarchæ, prænuntiârunt Lex & Prophetæ, Ipseque tandem cum venisset (b) *plenitudo temporis*, elapsis ut minimum quatuor circiter annorum millibus, (c) *in terris visas est & cum hominibus conversatus.*

C A P U T VIII.

*Brevis Sacræ Historiæ & Religionis series ab
ADAMO usque ad MOYSEM.*

Q Uæstio I. *Quid de primis parentibus nostris post lapsum eorum factum est?*

R. (d) Pulsi è Paradiso, id est illo amenitatis loco in quo primùm constituti fuerant, prænitentem vitam egerant, atque ex meritis ven-

(a) Gen. 3. 15.

(b) Galat. 4. 4.

(c) Baruch. 3. 38.

(d) Gen. 3. 23.

turi Redemptoris (a) è peccato suo educi, & misericordiam consecuti sunt.

Q. 2. *Quid de eorum filiis Sacra Scriptura commemorat?*

R. Ex multis (quos post peccatum omnes, adeoque peccato originali obnoxios genuerunt) tres tantum recensentur, *Abel*, *Cain*, & *Seth*.

Cain primus iustitiæ persecutor, innocentem *Abelum* ex invidia interemit. Liberos autem sibi in impietate similes genuit.

In familia quidem *Sethi* sincerus Dei cultus diutius subsistit; verum ubi & hujus posteritas affinitate jungi, & commisceri cæpit impiis, totus terrarum orbis malitiâ & impietate quasi inundatus fuit (b) *Noë* tamen justus & innocens coram Deo inventus est.

Q. 3. *Sinitne Deus tantam hominum malitiam impunitam?*

R. Nequaquam, (c) sed *Noë*mo imperavit ut ingentem quamdam *Arcam*, sive navigium appareret, quod, ut poenitendi spatium largiretur, centum annis ædificari Deus voluit. Mandavit deinde ut inductis in *Arcam* omnis generis animantibus, ipse quoque cum tribus filiis *Semo*, *Chamo*, & *Japheto*, uxoribusque suâ & trium filiorum, in *Arcam* ingrederentur. Reliquos autem homines omnino omnes, cæteraque animantia aquæ universalis *Diluvii* absumpserunt. Atque huc usque *prima* (ut vocari solet) *mundi ætas* extenditur.

Q. 4. *Quid verò transacto Diluvio memorabile contigit?*

R. A tribus *Noëmi* filiis novi homines pro-

(a) Sap. 10. 7. 2.

(b) Gen. 6. 7. 3.

(c) Gen. 6. 7. 7. & 8.

pagati, priusquam in varias terræ partes dividerentur, ad celebrandum nomen suum, (a) *Turrim* machinati sunt, cujus fastigium ad cœlum pertingeret. Verùm arrogantiae suæ poenam tulerunt *confusionem linguarum*, perpetuum utique humanæ imbecillitatis & vanitatis monumentum.

Q. 5. *Sanctiusne vixerant homines post, quam ante Diluvium?*

R. Non, sed paulatim sui Creatoris obliti, cæteris criminibus summum omnium addiderunt (b) *indololatriam*, id est, cultum soli Deo debitum ad creaturam transtulerunt.

Q. 6. *Quomodo impedivit Deus, ne verus sui cultus ubique penitus aboleretur?*

R. Gratuitâ misericordiâ (c) elegit *Abrahamum* è *Semi* posteritate, ut ex illo nasci faceret populum suo cultui singulariter destinatum. Populus hic primùm *Hebræus*, deinde *Israëliticus*, postremò *Judæus* dictus fuit Cæteros interim populos occulto, sed justo judicio, corruptioni suæ permisit Deus, alteri sæculo reservans punitionem tantò severiorem.

Q. 7. *Quid Abrahamo injunctum est, quando in illius populi patrem divinitus electus fuit?*

R. Jussus est natalem terram deserere, & in signum fœderis cum Deo initi, seipsum (d) totamque posteritatem suam masculam *circumcidere*. Hoc autem circumcisionis signo (quod *Baptismi* figura erat) à cæteris populis Abrahami posterii secernebantur.

Q. 8. *Quid favoris, aut gratiæ singularis Hebræo populo Deus præstitit?*

R. 1. Quidem Abrahamo promisit *Christum* ex ejus semine nasciturum.

(a) Gen. 11.

(b) Vide Sap. 13. & 14.

(c) Gen. 12.

(d) Gen. 17.

2. Promisit posteritati ejus daturum se terram *Chanaan*, lacte & melle manantem.

3. Hebræum Populum sub tutelam suam ita assumpsit, ut, ubi opus fuit, miris cum prodigiis sæpe protexerit.

4. Suam illi *legem* dedit.

5. Denique varios variis temporibus *Prophetas* milit, qui ventura prædicerent, impios redarguerent, & probos in veritate & justitia confirmarent.

Q. 9. *Quomodo electus ille Dei populus formatus fuit?*

¶ *Abraham* (a) præter communem naturæ ordinem (ut Deus antè promiserat) ex uxore sterili nonagenaria, ipse centenarius filium genuit *Isaacum*, qui fuit pater *Jacobi* (qui novo postmodum nomine *Israël* dictus fuit) ex quo 12. filii nati sunt qui, quòd fuerint Patres 12. *Tribuum*, live primarum familiarum populi Israëlitiçi, *Patriarchæ* dicti sunt. Sunt autem RUBEN, SIMEON, LEVI, JUDAS, ISSACHAR, ZABULON, DAN, NEPHTALI, GAD, ASER, JOSEPH, & BENJAMIN.

Cæterum *Tribus Joseph* duas complexa est, quæ ex nominibus filiorum ejus, quos *Jacobus* sibi adoptarat, *Tribus Ephraim* & *Manasses* dictæ sunt. *Levitica* autem in numero, 12. *Tribuum* numerata non fuit, tum quia Sacerdotio & ministerio altaris tota deputabatur, tum quia in terra promissa singularem ut cæteræ, possessionem non obtinuit.

Q. 10. *Quid inter Jacobi filios maxime memorabile contigit?*

¶ *Joseph* venditio (b) hic quòd à patre plus cæteris amaretur, & nonnulla præterea de se

(a) Gen. 21.

(b) Gen. 37.

somnia retulisset, fratrum incurrit invidiam. Ab his, Ismaëlitis venditus, in Ægyptum ductus est, ubi variâ sorte usus, post tentationes & afflictiones varias ad primam à Rege dignitatem evectus est; sic Deo mirabiliter providente, ut in diuturnæ famis angustia, & Ægypto & suis incolunitatem præstaret.

Ita etiam factum est ut universa Jacobi familia tantisper in Ægypto domicilium fixerit, ubi brevi tempore crevit in ingentem populum.

CAPUT IX.

Religionis series à MOYSE usque ad DAVIDEM.

QUÆSTIO I. *Quid post Josephi mortem Israëlitis in Ægypto accidit?*

✠. Multis annis durissimâ servitute pressi, per *Moysem* tandem ex ea educi sunt.

Q. 2. *Recense in compendio seriem gestorum Moyfis?*

✠. Ne populus Israëliticus in immensum cresceret, (a) omnes Hebræorum masculos mox ut nati essent, in flumen præcipitari jusserat *Pharao*, novus post *Josephi* mortem Rex Ægypti, Israëlitarum hostis atrocissimus.

Hoc persecutionis tempore (b) natus *MoySES*, postquam trimestri spatio metu Regis absconditus fuerat, aquis Nili exponitur; inde à *Pharaonis* filia ereptus, suæ matri educandus traditur. Ab illa deinde adoptatus, (c) omni disciplinarum & scientiarum genere in Ægypto instruitur. (d) Quadraginta annos natus, popu-

(a) Exod. 1.

(b) Exodi. 2.

(c) Act. 7. v. 22.

(d) Ibid. v. 23.

lares suos vindicare cœpit, *perculso* Ægyptio qui Hebræo cuidam inferebat injuriam.

Ob Pharaonis iram profugus in Madianitidem Arabiæ regionem, (a) elapsis aliis 40. annis, cum pasceret oves *Jethro* socii sui, à Deo (b) in rubo ardenti & incombusto sibi loquente, in Ægyptum missus est, ut Israëlitas ab Ægyptiorum servitute liberaret adjuncto illi legationis comite fratre *Aarone*.

Post varias, propter obduratum Regis animum, (c) Ægypti plagas, omnesque præsertim primogenitos, unius noctis spatio repentinâ morte sublato, *Israélite* ab Ægyptiis, qui hucusque obstiterant, exire compulsi, (d) per mare rubrum sicco vestigio transierunt, in quo Ægyptii persequentes omnes cum Pharaone submersi sunt.

Q. 3. Numquid ejusdem MOYSIS ministerio *Israélite* LEGEM acceperunt?

Æ. Ita; veterem scilicet illam, totamque (e) præfigurativam, quæ sacrificiis cæremoniisque suis omnibus prænuntiabat præstantiorem aliam sibi successuram, ac præsertim illius auctorem, Mediatorem Dei & hominum CHRISTUM JESUM.

Hâc porro ratione data est. Quinquagesimo die ab exitu ex Ægypto, è monte Sinai, inter fulgura ac tonitrua, & horrificum buccinæ sonitum, (f) *Decalogum* Deus universo populo promulgavit, & in duabus Tabulis lapideis descriptum, *Mosi* tradidit (g) Has cum *Moses* propter flagitium populi, vitulum aureum adorantis, confregisset, (h) *Novas* deinde à Deo accepit in *Arca fœderis* perpetuè asservandas.

(a) Act. 7. v. 30.

(b) Exod. 3. & 4.

(c) Exod. 7. v. 8. 9. 10. 11. 12.

(d) Exod. 14.

(e) 1. Cor. 10. v. 11.

(f) Exod. 20.

(g) Exod. 32.

(h) Exod. 34.

Præter has leges *morales*, aliæ quoque adjunctæ sunt, tum quæ ad sacrificia divinique cultus *ceremonias*, tum quæ ad exercenda *judicia*, iustitiamque administrandam pertinerent.

Q. 4. *Quinam familie Sacerdotium dari voluit Deus?*

R. Familie AARONIS fratris *Mosis*. Cæteri de Tribu LEVI, inferioribus Altaris ministeris deputati sunt. Cæterum qui contrà hanc Dei (a) *Vocationem* Sacerdotium sibi vindicare conati sunt, CORE, DATHAN & ABIRON cum affectis suis, partim dihiscente terrâ, partim incendio perierunt.

Q. 5. *Quanto tempore in deserto commorati sunt Israëlites?*

R. 40. Annis, quo toto tempore datus est illis de cælo cibus qui (b) MANNA dictus fuit. Ex sexcentis autem virorum millibus (tot enim præter mulieres & parvulos ex Ægypto egressi sunt) nullus in TERRAM PROMISSAM *Chanaan* ingressus est, præter CALEB & JOSUË Cæteri omnes in deserto mortui sunt, quorum alii propter incredulitatem, frequentesque contrà Deum & Mosem murmuraciones terrâ absorpti, alii gladio percussi, alii igne, alii ab ignitis serpentibus perierunt.

In hujus ultimi mali remedium (c) SERPENS ÆNEUS erigi iussus, ut qui eum aspicerent, à serpentum moribus sanarentur, expresissima fuit CHRISTI CRUCIFIXI figura.

Q. 6. *Quis Israëlitas in terram promissionis induxit?*

R. JOSUË, (d) qui *Mose* mortuo dux populi factus

(a) Num. 16. Heb. 5. v. 4.

(b) Exod. 16. v. 14. Num. 11. v. 7. Sap. 16. v. 20.

(c) Num. 21. v. 8. Joan. 3. v. 14.

(d) Vide Librum Josuë.

est, Hic nomine & rebus gestis Typus Christi salvatoris, obfistentes populos *Chanaanæos* in maxima ex parte vicit, subjugavit, & delevit, eorumque regiones 12. Tribubus Israël possidendas, sorte divisit.

Q. 7. *Quid post mortem Josuë contigit?*

R. (a) Populus identidem à Dei obsequio ad idola delapsus, variisque modis à vicinis populis vexatus & oppressus, dignissimas perfidiæ suæ pœnas dabat. Rediens autem ad pœnitentiam & fidelem Dei cultum, identidem etiam liberabatur, per homines singulariter plerumque à Deo suscitatos, quorum in libro *Judicum* res gestæ recitantur. Ità nempe in populo illo stabile edebatur exemplum divini providentiæ piorum benefacta remunerantis, atque impiorum scelera vindicantis.

Inter JUDICES celeberrimi sunt GEDEON, JEPHTE, SAMSON, HELI & SAMUËL, qui eorum fuit ultimus.

Q. 8. *Quo ergo regiminis genere usi sunt post SAMUËLEM Israëlitæ?*

R. In morem cæterarum gentium (b) (cùm Deum solum haberent super se regnantem) *Regem* sibi dari poposcerunt à *Samuële* (c) Rex iis datus est SAUL, de Tribu Benjamin, quem Deus elegit, *Samuël* unxit, & *sors* populo declaravit. Hic quidem initio Deo gratus, (d) sed inobedientiæ merito postmodum rejectus fuit, ita ut potestas Regia ad aliam deinceps familiam Tribumque transferretur.

(a) Vide Librum *Judicum*.

(b) 1. Reg. 8.

(c) 1. Reg. 10.

(d) Cap. 15. & 16.

CAPUT X.

*Religionis Series, à DAVIDE usque ad
CAPTIVITATEM BABYLONICAM.*

QUÆSTIO 1. *Quis in Regno Israëlitico Saûli
successit ?*

R. DAVID filius *Isai* de Tribu *Juda*.
Hic post (a) prostrigatam à se *Goliathum* imma-
nis staturæ Gigantem, aliaque fortissimi animi
facinora invidiæ *Saûlis* obnoxius (b) graves ac
diuturnas ab illo persecuciones sustinuit; quibus
omnibus Deo mirabiliter protegente superatis,
post (c) occisum in prælio à Philistinis *Saûlem*
cum filio *Jonatha*, (d) primò *Judæ*, ac deinde
post 7. annos totius *Israëlis* Regnum plenâ au-
thoritate obtinuit.

(e) *Vir secundum Cor Dei*, Princeps potentis-
simus, Propheta, Psalmographus, quàm nihil in-
firmitati humanæ fidendum sit, id quidem (f)
adulter factus & *homicida*, luculenter ostendit :
sed Deo miserante ad se reversus non minus
luculentum dedit (g) sinceræ pœnitentiæ exem-
plum.

Sicut autem (h) *Abrahamo*, ita & (i) *Dauidi*
singulariter promissum fuit, fore ut ex ejus se-
mine **CHRISTUS** nasceretur.

Q. 2. *Quem habuit David Regni sui successorem.*

R. SALOMONEM (k) filium suum. Hic quam
optarat, (l) *sapientiam* super omnes mortales

(a) 1. Reg. 17. (b) Cap. 18. & seqq.

(c) Cap. 31. (d) 2. Reg. 2. & 5.

(e) 1. Reg. 13. & 14. (f) 2. Reg. 11.

(g) Cap. 12. Psalm. 50. &c. (h) Gen. 12. & cap. 22. & 18.

(i) 2. Reg. 7. & 12. Psalm. 131. & 11.

(k) 3. Reg. 1. (l) Cap. 3.

adeptus, nimia demum prosperitate enervatus, & (a) prodigioso mulierum amore infatuatus fuit.

Nihilominus Rex pacificus *Pacifici Regis Christi* in multis typum gessit. (b) **TEMPLUM** quoque ipse Hierosolymis extruxit magnificentissimum, cum à *Mose* ad id usque tempus in *Tabernaculo* portatili, quod olim (c) Deo jubente constructum fuerat, Divini cultus caeremoniae peractae fuissent.

Q. 3 *Quis Israëliti Regni status fuit à morte Salomonis?*

R. Mox à (d) **ROBOAMO** filio ejus decem Tribus avulsae sunt per **JEROBOAMUM** duoque deinceps Regna in terra promissionis extiterunt: alterum complectens duas tantum Tribus, Juda nempe & Benjamin, *Regnum Juda* dicebatur: alterum ceteras decem continens, *Regnum Israël* appellatum fuit.

Porro Regnum Israël duce *Jeroboama*, sub 19. quos habuit Regibus, in impietate & idololatria perstitit, donec per *Astyrios* (e) Regnum deletum, omnesque in captivitatem abducti sunt, numquam ultra ad pristinum Regnum redituri.

Q. 4. *Quid verò Regnum Juda?*

R. Inter 20. Reges, nonnullos habuit excellenti pietate & religione praeditos, inter quos eminent (f) *Josaphat*, (g) *Ezechias*, & (h) *Josias*; plures tamen malos & impietati deditos, quorum exemplum populus plerumque est imitatus.

Cum autem sub **SEDECIA** ultimo Rege Juda, praestituta impietati mensura essent impleta, à

(a) Cap. 11. (b) Cap. 6. (c) Exod. 26.

(d) 3. Reg. 12. (e) 4. Reg. 17.

(f) Josaphat 3. Reg. 13. (g) Ezechias 4. Reg. 16.

(h) Josias 4. Reg. 22.

(a) NABUCHODONOSORE capta, diruta & incensata sunt *Hierosolyma*, & plerique omnes Babylo-nem in captivitatem abducti, annis plus centum post deletum Regnum Israël.

Q. 5. *Numquid durante utroque Regno, Deus multipliciter commoneri & ad pœnitentiam vocari curavit Israëlitas?*

R. Omnino id fecit per PROPHE-TAS, (b) viros utique dictis factisque mirabiles, quos identidem suscitavit, ut populo sua crimina demonstrarent, minas intentarent, ventura prædicerent, ac præcipue MESSIAM prænuntiarent. Id autem sapientissime Deus providebat; ut per prædictiones quas populus visurus esset impleri, remotioribus aliis de adventu Redeemptoris indubitata fieret fides.

Prophetarum aliqui Scripta ediderunt, quæ nos usque pervenerunt, ut ISAIAS, JEREMIAS, EZECHIEL, DANIEL; BARUCH item, & 12. qui, quod pauciora scripserint, vocatur *Minores Prophetæ*: alii non item, ut ELIAS & ELISÆUS Prophetæ sanctissimi, & rerum gestarum famâ celeberrimi.

C A P U T X I.

Series Religionis, à CAPTIVITATE BABYLONICA usque ad CHRISTUM.

Q Uæstio 1. *Quanto tempore duravit CAPTIVITAS BABYLONICA?*

R. 70. Annis, ut (c) *Jeremias* Prophetæ futurum ante prædixerat.

(a) 4. Reg. 25.

(b) Idcirco à Deo mittebantur, ut & præcones essent majestatis ejus, & correctores pravitatis humanæ. Lactant. lib. 1, de falsa relig. cap. 4.

(c) Jerem. 25. 7. 11.

Judæi itaque (a) libertati restituti per CYRUM Regem Persarum, orientis imperium recens adeptum, (b) inter multas vicinarum gentium infestationes, civitatem suam *Jerusalem* reedificaverunt, *Templumque* denuò instaurarunt, structuræ quidem magnificentiâ impar primo, sed ob corporalem *Messie* præsentiam, quâ decoratum fuit, longè illustrius; quod quidem fore prædixerat (c) *Aggæus* Propheta.

Q. 2. *Quis deinde fuit status populi Judaici?*

Æ. Non legitur deinceps ad idololatriam sponte suâ fuisse prolapsus.

Nullos aliquamdiu reges habuit, sed *Persis* tributarius supremam tamen aliquam habebat potestatem. (d) Post mortem *Alexandri Macedonis* qui Persas devicerat, Regibus *Ægypti* & *Syriæ* tributarius factus, multis insuper ab utrisque vexationes passus est; maximè sub *ANTIOCHO ILLUSTRIS* *Syriæ* Rege, qui ut Judæos à sua Religione ad sacra gentilium transferret, acerbissimè in eos sæviit; (e) sed tandem inutiliter poenitens, miserabili interitu sævitæ suæ poenas dedit.

Q. 3. *Quid ea occasione mirabile contigit?*

Æ. Præter trucidationem plurimorum Judæorum, inprimis celebris fuit mors *Eleazari*; matris quoque cum 7. filiis, dictis vulgò *MACHABÆIS*. Post hæc, tam iniquiam Tyranni & usurpatoris oppressionem vindicare cœpit *MATTHATHIAS*, cum filiis suis *JUDA*, *JONATHA*, & *SIMONE*, qui alter alteri in ducatu populi succedentes, cum exiguo plerumque exercitu, Deo visibiliter protegente, formidabiles hostium copias

(a) 1. Esdr. 1. (b) Vide Libros Esdræ & Nehemiæ.

(c) Aggæ 2. 7. & seqq. (d) Vide Libros Machabæorum.

(e) 1. Machab. 6.

aliquoties profligarunt; usque aded ut *Simon*, populi Princeps, & summus sacerdos, primus post reditum ex captivitate Babylonica, totius Judææ Principatum obtinuerit. Hic deinde sub *Regni* nomine à *Simonis* posteris possessus fuit, donec *HERODES* (a) Religione quidem Judæus, sed natione Idumæus, impetrato à ROMANIS Regno, *Hyrceanum* legitimum illius possessorem expulit, atque ita translato à Judæis ad ALIENIGENAM principatu, necesse fuit ut in terris appareret tot retrò sæculis expectatus *Messias*, juxta id quod Gen. 49. cap. moriens prædixerat Patriarcha JACOBUS, non auferendum scilicet Regnum & Principatum de *Juda* nisi veniret promissus Servator.

Q. 4. *Agnoveruntne istud Judei?*

R. Tunc quidem (ut ex (b) Evangelio & antiquissimis historiis constat) communis erat penes eos traditio, tempus imminere quo juxta *Jacobi* & (c) *Danielis* vaticinia venturus erat *MESSIAS*, sed cum venisset externâ specie humilis & abjectus, (d) *sui cum non receperunt*, imò verò ignominiosissimâ morte multarunt.

Q. 5. *Quâ poena tantum Judæorum scelus punitum fuit?*

R. 40. Circiter annis post Christi mortem, (e) civitas eorum & Templum à Romanis funditus deleta sunt. Ex ipsis in oblidione perierunt undecies centena millia. Reliqui toto orbe dispersi, sine Principe, sine Templo, sine Altari, sine Sacrificio, in sua pertinaciter hætenus obstina-

(a) Joseph lib. 17. cap. 10. (b) Joan. 4. v. 25.

(c) Dan. 9. v. 25. (d) Joan. 1. v. 11.

(e) Vide Joseph de bello Judaico lib. 17. & S. August. de Civit. Del. lib. 18. cap. 45.

tione perseverant, (a) in fine demum sæculi convertendi.

Q. 6. *Quis fuit status GENTILIIUM à vocatione Abrahami?*

R. Penè omnes in criminibus & idololatria, summisque ignorantie tenebris vitam egerunt; quamquam fuerint aliqui (ut constat de (b) *Melchisedeco* & *Iobo*, quorum hic etiam Prophetæ fuit, & fortè scriptor divinitus inspiratus) qui Deum verum veraciter colentes, legesque rectæ rationis implentes, in præstolatione Redemptoris mortui, & salvi facti sint.

Q. 7. *Quomodo ante Christi adventum salvari quisquam potuit, cum pretium redemptionis nostræ necdum esset persolutum?*

R. A Deo fuit acceptatum, multisque applicatum, tametsi nondum esset reipsa oblatum: hinc Agnus ille qui tollit peccata mundi (c) à mundi origine occisus dicitur, in Dei nempe prævisione & acceptatione.

Q. 8. *Quare tot crimina, tantamque impietatem permisit Deus ante Christi adventum?*

R. Dei iustitia & æquitas impenetrabile nobis est Sacramentum. Quamquam hæc ratio dari solet, ut nempe homines, rationis naturalis & virium suarum infirmitatem longâ experientiâ edocti, ad venturum Redemptorem ardentius suspirarent.

C A P U T XII.

De Adventu Christi, & secundo Symboli Articulo.

Q Uæstio I. *Certumne est expectatum illum Redemptorem jam advenisse?*

R. Omnino certissimum est. Quippe Pro-

(a) Rom. II. 7. 26. (b) Gen. 14. (c) Apoc. 13. 7. 8.

phetiæ (quas non fictas sed multis ante sæculis de Messię adventu reverà editas fuisse, ipsi nobis testes sunt inimici nostri maximè capitales Judæi) omnes in persona JESU CHRISTI evidenter impletæ sunt.

Q. 2. *Recense nonnullas, ut quod dictum est, clariùs liqueat*

R. 1. Prædixerunt prophætæ (*a*) variis in locis, per Messię adventum *Gentiles* ad veri Dei notitiam cultumque vocandos, (*b*) *Judæos* verò excæcandos & obdurandos esse. Utrumque à multis sæculis videmus impletum.

2 Prædixit Patriarcha *Jacobus*, quòd (*c*) *non auferretur sceptrum de Juda, & dux femore ejus, donec veniret qui mittendus est*, id est MESSIAS. Translatà à Judæis ad alienigenam *Herodem*, natione Idumæum, potestate Regià, paucò post tempore in Bethlehém JESUS natus est. Eo verò tempore quo Christus passus est, agnoverunt ipsi Judæi, (*d*) *non habere se Regem nisi Casarem*, TIBERIUM scilicet, Romani orbis principem. Denique luce meridianà clariùs est, jam saltem à multis sæculis, ab universà Judæorum natione, omnem Regis, & dignitatem, & potestatem, sine ulla spe recuperationis, esse ablatam.

3. Prædixit (*e*) *Daniël*, revelante Archangelo Gabriële fore ut post 70. HEBDOMADAS ab edificio de reædificandis Hierosolymis, Christo à Judæis occisò, eorum civitas cum sanctuario dissiparetur, perpetuaque deinceps esset illius vastitas ac desolatio. Hoc iterum manifestè impletum est, & quidem præfixo tempore, in persona Jesu Chri-

(*a*) Psalm. 71. v. 8. & 17. Isai. 2. v. 2. Jer. 16. v. 19, Osee 2. v. 1. & 24. &c. locis penè innumeris.

(*b*) Isai. 6. v. 9. & 10. (*c*) Gen. 49. v. 10,

(*d*) Joan. 19. v. 15. [*e*] Dan. 9. v. 24.

sti, qui post elapsas ab edicto *Artaxerxis Longimani* persarum Regis sexaginta novem annorum hebdomadas, à rebellibus Judæis occisus est.

4. Cùm post captivitatem Babyloniam *Templum* reedificaretur, nonnullis inter Judæos plorantibus, quòd in magnificentia tantò esset impar primo, prædixit (a) *Aggeus* Propheta, fore ut post modicum tempus *veniret desideratus cunctis gentibus*, & domus hæc novissima tantà (ab illius utique præsentia) gloriâ impleretur, ut hæc in parte priorem longissimè superaret. Porro à tot jam sæculis *Templum* illud destructum est funditùs, venit ergo *MESSIAS*.

Atque id est, quod profiteamur secundo, & sequentibus articulis Symboli Apostolorum.

Secundus Articulus est :

ET IN JESUM CHRISTUM, FILIUM EJUS UNICUM, DOMINUM NOSTRUM.

Q. 3. *Quid indicat hoc nomen JESUS?*

R. Hebræum est, idem valens ac latinè *Servator*. Nomen est quod *Messia*, priusquam in utero Virginis conciperetur, impositum est per angelum *Gabriëlem*, hæc addita ratione, (b) *Ipse enim salvum faciet populum suum à peccatis eorum*.

Q. 4. *Quid verò nomen CHRISTUS?*

R. Græcum est, idem sonans ac Hebræum *Messias*, & latinum *unctus*.

Ungebantur olim Sacerdotes, Reges, & Prophetæ. Quia igitur *Salvator Noster* (c) plenus omni gratiâ & veritate, (d) Spiritu Sancto invisibiliter unctus est, ut sit Rex, Sacerdos & doctor noster, idcirco *CHRISTUS* dicitur.

[a] Agg. 2. 7. &c.

[b] Matth. 1. 21.

[c] Joan. 1. 7. 14.

[d] Psalm. 44. 7. 8.

Rex no-

Rex noster est, quippe qui pro nobis ipse pugnavit, & (a) sortem armatum, à quò detinebamur captivi, vicit, & (b) spoliatum ejecit foras.

SACERDOS est (c) *in æternum secundum ordinem Melchisedech*, qui semel in ara crucis cruento modo hostiam obtulit semetipsum Deo, incruento autem modo etiamnum indies per Sacerdotes ministros suos, (d) *semper vivens ad interpellandum pro nobis*.

PROPHETA etiam est, id est Doctor & magister noster, qui solus (e) *docet hominem scientiam*, ita quidem ut nisi ille intus doceat, frustra cujuslibet hominis lingua laboret.

Q. 5. *Quid sequentia verba indicant : FILIUM EJUS UNICUM?*

Æ. *Unicus Dei filius* dicitur, quia non adoptivus sed naturalis, solusque ex Patre ab æterno genitus, Patri *consubstantialis*, & secundum Divinitatem omninò æqualis. Sunt quippe & alii qui *filius Dei* vocantur, sed minùs propriè, per adoptionem tantùm, non per naturalem ex Deo Patre nativitatem.

Q. 6. *Quâ ratione Jesum Christum DOMINUM NOSTRUM nuncupamus?*

Æ. Tum quia Deus noster est, tum quia nos peccato perditos jugoque peccati & damnationis obnoxios liberalissimâ bonitate redêmit. Plenissimo ergo jure *Dominus* est, credentium præsertim atque justorum, in quibus per Fidei, Spem, & Charitatem dominatur. Quamquam & impiorum Dominus sit tum quia redimendis omnibus venit, tum quia (f) pedibus ejus subiecta sunt

[a] Luc. 11. v. 22.

[b] Joan. 12. v. 31.

(c) Psalm. 109. v. 4. Heb. 5. v. 6. (d) Heb. 7. v. 25;

(e) Psalm. 93, v. 10. (f) 1. Cor. 15. v. 26.

50 P A R S I S E C T I O I.

omnia, omnesque aliquando hostes suos, quantumvis invitos, suæ subjiciet potestati, ac veluti (a) paleam igne comburet inextinguibili.

C A P U T XIII.

De tertio Symboli Articulo : id est incarnatione, Conceptione & Nativitate Jesu Christi.

Q Uæstio 1. *Quid credendum proponit tertius Articulo : QUI CONCEPTUS EST DE SPIRITU SANCTO, NATUS EX MARIA VIRGINE ?*

R. Continet quoddam idem ille Dominus, qui jam inde *ab æterno* à Deo Patre genitus est *sine matre*, propter nos homines & propter nostram salutem de cælo (b) descenderit (quod tamen dumquam dereliquit) humanamque assumpserit naturam, in qua *temporaliter* conceptus sit & *natus* ex illibata Virgine, *sine patre* : ita videlicet operante in ea Spiritûs S. virtute, ut [quod omnem vim intellectus nostri superat,] [c] *Verbum Caro* fieret, id est, qui ab æterno Deus erat, in tempore esset homo, & *Maria* simul Dei *Mater* esset & *Virgo*.

Q. 2. *Ut quæ in unum paucis congestæ sunt, distinctius innotescant, primum dici velim, quomodo vocari soleat mysterium illud de quo in hoc articulo agitur.*

R. *Mysterium INCARNATIONIS DOMINICÆ.* Natura hominis animâ rationali constat, & *carne*, sive corpore ; quamvis autem utrumque certò assumpserit Dei Filius [ut contra veteres (d) quosdam hæreticos profitetur Ecclesia] à parte

(a) Matth. 3. v. 12. (b) Joan. 3. v. 13.
(c) Joan. 1. v. 14. (d) Appollinaristas, &c.

tamen hominis infima mysterium hoc nomen accepit, ad commemorandam tam stupendam Dei erga nos benignitatem, nostramque gratitudinem excitandam. quod Dei Filius edulque propter nos ultro se adjecerit, & quodammodo [a] *exinaniverit*.

Q. 3. *In quo consistit igitur misterium Incarnationis Dominicæ?*

R. In eo quod Filius Dei, id est secunda persona SS Trinitatis factus sit Filius hominis, ita ut eadem persona Jesu Christi sit verus Deus, & verus homo *Verus Deus*, quia ante omnia sæcula genitus est æqualis & *consubstantialis* Patri; *verus homo* [b] quia corpus habet, animamque rationalem, per omnia similis nobis, excepto peccato.

Q. 4. *Suntne ergo in Christo Jesu DUE NATURÆ & UNA dumtaxat PERSONA?*

R. Sic planè credit & profitetur Ecclesia Catholica; unicam in Christo personam *Verbi Dei* agnoscit contra *Nestorium* damnatum in [c] *Concilio Ephesino*: duas tamen in eodem naturas esse profitetur, distinctas & inconfusas, Divinam & humanam, contra *Eutychetem*, damnatum in *Concilio* [d] *Chalcedonensi*.

Q. 5. *Estne etiam in Christo duplex voluntas?*

R. Cum duæ sint in Christo naturæ, facultatibus, proprietatibus, & operationibus verè inter se distinctæ & inconfusæ, duplicem quoque in ipso esse *Voluntatem* necesse est, Divinam scilicet & humanam; ita quidem ut hæc illi plenif-

(a) Philip. 2. v. 7. (b) Heb. 4. v. 15.

(c) Celebratum est sub S. Calixto. 1. Pontif. & Theodosio juniore Imperatore an. 431.

(d) Celebratum est sub S. Leone 1. Pontif. & Marciano Imperatore an. 451.

simè semper subdita sit, sed tamen naturali operatione distincta. Hoc contrà hæreticos MONOTHELITAS definivit Ecclesia in VI SYNODO generali Constantinopoli [a] celebrata.

Q. 6. *Solusne Filius, an Pater etiam aut Spiritus Sanctus homo factus est?*

Solus Filius, sive secunda persona SS. Trinitatis naturam humanam divinæ suæ personæ conjunxit. Hæc porro unio, quâ natura humana Divinæ personæ conjuncta est, HYPOSTATICA dici consuevit.

Q. 7. *Quomodo grande illud & ineffabile Dominicæ Incarnationis mysterium peractum fuit?*

R. Virtute & operatione Spiritûs Sancti in utero Virginis Mariæ, ex purissimo ejus sanguine, efformatum est corpus humanum, eique anima rationalis infusa: quod utrumque, eodem temporis puncto, sibi conjunxit Filius Dei, Verbum æternum Patris

Q. 8. *Cur opus istud, quod toti SS. Trinitati commune est, singulariter attribuitur Spiritui Sancto?*

R. Quia est opus immensæ charitatis & benignitatis Dei erga humanum genus: jam verò, cum Spiritus S. per amorem à Patre Filioque procedat, divini amoris opera illi singulariter attribui solent.

Q. 9. *Potestne B. Virgo Maria veraciter appellari MATER DEI*

R. Sic certè contrà Nestorium eam vocat Ecclesia, non satis habens, ut Christipara dicatur, nisi etiam credatur, & vocetur Deipara; non quia Divinitatem genuit [quod planè impossibile est] sed quia è suo sacratissimo utero talem Filium

[a] Sub Agathone Papa & Constantino Pogonato Imperatore, anno 680,

talemque personam in lucem edidit, quæ non tantum homo est, sed simul Deus. Atque hæc est eximia Virginis illius dignitas, quâ creaturas ceteras antecellit.

Q. 10. *Quæ causa est, ob quam Dei Filius factus sit homo?*

1. Prima quidem, Divinæ gloriæ illustratio.
2. autem ut (a) salvum faceret quod perierat, exhibendo condignam Deo satisfactionem pro peccatis generis humani, quod nisi ab eo qui simul Deus esset & homo præstari non potuit; nam si tantum Deus esset, pœnam homini debitam subire non posset: si verò tantum esset homo, ad justitiæ rigorem satisfacere non posset.

Q. 11. *Quid à nobis exigit tam admiranda erga nos immeritos Dei benignitas, quâ Filium suum unigenitum nobis dedit Redemptorem?*

1. Ut tanti beneficii memoria numquam nobis excidat, sed in grata illius recordatione totam vitam transigamus.

CAPUT XIV.

De VITA CHRISTI, ab infantia usque ad ætatem 30. annorum.

Hominis Christiani officium est, non ignorare vitam, & res gestas benignissimi Redemptoris sui; quocirca per aliquod deinceps Capita, hæc in compendio proponenda sunt, quæ à quatuor Evangelii Scriptoribus *Matthæo*, *Marco*, *Luca*, & *Joanne* fusiùs recitantur.

Q. 1. *Quid itaque de Jesu Christi CONCEPTIONE narrat historia Evangelica?*

1. Hanc exhibet illius rei seriem: (b) *Gabriël*

(a) Luc. 19. v. 10, (b) Vide Luc. 1..

Angelus [qui sex ante mensibus *Zacharia* Sacerdoti nuntiaverat, ex ipso jam sene & *Elisabetha* uxore sterili, nasciturum filium *Joannem* Messiae præcursores] missus à Deo fuit in civitatem Galilææ, cui nomen *Nazareth*, ad eminentissimæ Sanctitatis Virginem, *MARIAM* nomine, de domo & familia Regis *David*, desponsatam viro *Iusto*, cui nomen *JOSEPH*, ex eadem domo atque familia

Ingressus ad eam Angelus, post honorificam *salutationem*, legationem suam exequitur, & Virgini nuntiat, concepturam illam esse, & parituram filium qui vocandus, sit *JESUS*, id est *Salvator* quique in solio *Davidis* patris sui perpetuo regnaturus sit, id quod de Regno spirituali per fidem & gratiam intelligendum est.

Virgo & Virginitate sua, quam illibatam se servaturam voverat, unicè sollicita, postquam ab Angelo intellexit sine illius detrimento solâ Divini Spiritus operatione futurum, quod nuntiaverat, consensum præbuit, & repente *Dei Mater* effecta est.

Post hæc Divino spiritu acta, longo se itinere sine mora accinxit, ut *Elisabetham* cognatam suam, quem ab Angelo sex jam mensibus gravidam esse didicerat, visitaret. Hic Matrem Domini sui, sui que Redemptoris præsentiam, Divinitus mater & foetus agnoscunt *MARIA* verò Dei Magnalia Divino *Cantico* celebrat.

Elapsis tribus mensibus, *Elisabeth* filium peperit, cui, quod Angelus pronuntiaverat, nomen *JOANNIS* imponitur. *Zacharias* pater ejus, qui, quod dictis Angeli non sat promptam fidem habuisset, linguæ usum tantisper amiserat, hunc natò filiò recepit, divinoque Spiritu afflatus, instantem generis humani redemptionem celebri *Cantico* prædicavit.

Q. 2. *Quid de Christi Nativitate Evangelistæ memorant ?*

¶ Cùm immineret *Virgini* pariendi tempus, occasione Edicti, quo *Cæsar Augustus* jusserat, (a) ut omnes Romano imperio subditi, nomen suum profiterentur, compulsæ est *Maria* comitari sponsum *Josephum* proficiscentem *Bethleheemum*, oppidulum Tribus *Juda*, suæque originis locum : sic Deo mirabiliter disponente, ut quod per Prophetam *Micheam* (b) de *MESSIA* *Bethlehemi* nascituro prædixerat, impleretur.

Huc postquam *Virgo* advēnit, locum indifferens non inveniēns, ad stabulū se recepit, ubi DEUM HOMINEM *Iesum Christum*, humani generis Redemptorem peperit, quem ceterorum more infantium, fasciis involutum (c) reclina-
vit in præsepio.

Sub hac, cœlestis Angelorum cohors Deo laudes canit, natumque *Messiam* vigilantibus in ea regione PASTORIBUS nuntiat. Accurrunt hi, vident, adorant, gaudioque & admiratione pleni revertuntur.

Q. 3. *Quid octavo à nativitate die factum est ?*

¶ CIRCUMCISIONIS legem (d) *Abrahamo* & posteris ejus olim à Deo præscriptam, etiam eā non teneretur, *Christus* sponte subiit : eodemque tempore inditum illi fuit adorandum *JESU* nomen, (e) quod vocatum ab Angelo fuerat priusquam in utero conciperetur.

Q. 4. *Quid de MAGORUM adoratione, in Evangelio suo narrat (f) MATTHÆUS ?*

(a) Luc. 2. (b) Cap. 5. v. 2. (c) Luc. 2. v. 7.

(d) Gen. 17. v. 10. (e) Luc. v. 21.

(f) Cap. 2. *Magi* in Persia vocabantur viri exquirendis divinarum humanarumque rerum scientiis occupati. Creduntur fuisse numero tres, ex *Chaldea* venisse, & 12. die post Christum natum *Bethleheemum* advenisse.

R. Illos ex Oriente venisse Hierosolymam *ut* novum Judæorum Regem, quem ex insolitæ (a) STELLÆ apparitione natum didicerant, adorarent.

Horum adventu turbatus HERODES, sibi que & regno metuens, postquàm ex Principibus Sacerdotum Scribisque cognovit, per Michæam prædictum esse, fore ut BETHLEMI Christus nascere-rur, calidè dissimulans, ed Magos misit, qui ductu prioris illius stellæ, quam in Oriente viderant, ad locum pervenerunt, ubi cum Maria Matre PUER erat.

Hunc quamvis imbecillem, & splendore regio destitutum, suppliciter venerati sunt Magi, (b) prostratique adoraverunt, & de Thesauris suis ei munera obtulerunt, aurum, thus & Myrrham. In somnis porrò divino oraculo moniti, ne redirent ad Herodem, (c) per aliam viam reversi sunt in regionem suam.

Q. 5. Quid Quadragesimo die à Christi nati-vitate memorabile contigit?

R. (d) Virgo puerpera (e) Legi quâ non te-nebatur sponte subiecta, in templo hierosolymita-no consuetam parientium PURIFICATIONEM sub-iit, filiumque suum primogenitum (quod (f) aliâ lege mandabatur) Deo obtulit. Superveniens in-terim Simeon vir senex & justus Messiam quem dudum desiderabat, agnovit: ANNA quoque San-ctissima Vidua, & Prophetissa testimonium per-hibuit Redemptori, & (g) loquebatur de illo om-nibus, qui expectabant redemptionem Israël.

Q. 6 Cum ad Herodem, ut condictum fuerat, non redirent Magi, nihilne ille egit, quò se con-trà novum Regem tutum redderet?

(a) Vide Numer. 24. v. 17: (b) Matth. 2. v. 11.

(c) Ibid. v. 12. (d) Lucæ 2. v. 22. (e) Lev. 12. v. 6.

(f) Exod. 13. v. 2. (g) Luc. 2. v. 38.

¶. Imò verò ut eum certâ ruinâ involveret, (a) infantes omnes, biennio non maiores, occidi iussit in Bethlehem, & finibus ejus; atqui hi sunt, quos sub SS. *Innocentium* nomine veneratur Ecclesia. Verùm *Joseph* Angeli monitu, cum *Maria* & filio ejus in *Aegyptum* secedens, hunc unum quem *Herodes* quærebat puerum, illius furori subduxit.

Defuncto *Herode* illo Idumæo, in terram Israël regressus *Joseph*, in *Nazareth* Gallilææ oppido denud commoratus est, unde [b] *Nazaræi* nomen puer accepit.

De reliqua Christi infantia, primaque pueritiâ, usque ad ætatem duodennem, nihil in Evangelio expressum voluit Spiritus S. nisi quòd [c] puer crescebat & confortabatur, plenus Sapientiâ : & gratia Dei erat in illo.

Q. 7. *Quid autem memorabile contigit, ubi JESUS duodennis factus est?*

¶. [d] Cùm solemnî Paschæ die, parentibus ejus pro consuetudine hierosolymam petentibus, ipse illis junctus pariter ascendisset, his domum remeantibus, ille remansit Hierosolymis, ac demùm post triduum ad iis in *Templo* repertus est inter Doctores, illos audiens, & vicissim interrogans, cunctis stupentibus super doctrina & responsis ejus.

Q. 8. *Quid deinceps usque ad ætatem 30. annorum, de Christi vita nobis innotuit?*

¶. Hoc unum Scriptura commemorat, *Jesum* cum parentibus in *Nazareth* reducem, vixisse, [e] *subditum* illis. Nec dubium est quin cum

(a) Matth. 2. v. 16.

(b) Matth. 2. v. 23. Multis ante sæculis Isai. cap. 11. v. 1. Christus vocatus fuerat habraicè *Netzer*, id est *germen*, aut *flos*.

(c) Luc. 2. v. 40.

(d) Luc. 2. v. 1. & seqq.

(e) Luc. 2. v. 51.

Ioseph [a] familiem artem exercent, suæque prædicationis tempus expectans, frugalem interrim, humilem & laboriosam vitam egerit, nobis [b] relinquens exemplum ut sequamur vestigia ejus.

CAPUT XV.

De Christi Baptismo, Jeunio, Tentatione & vocatione Discipulorum.

Quæstio 1. Quid de BAPTISMO Jesu Christi narrat historia Evangelica?

Hæc sequentia : [c] Anno quindecimo imperii *Tiberii Cæsaris*, procurante *Judeam* pro Romanis *Pontio Pilato* JOANNES *Zachariæ* filius è deserto *Judeæ*, in quo ab ineunte ætate vixerat, in publicum prodiit. Austeritate vitæ veteres Prophetas superabat. [d] Victum ei præbebant locustæ & mel silvestre : vestitum exhibebant duri camelorum pili, & zona pellicea.

Prædicabat interim, omnesque ad pœnitentiam hortabatur, [e] durè redarguens *Phariseos* ac *Sadduceos*, & [f] cuilibet hominum generi præscribens ea, quæ salutariter observarent; magnam quoque hominum multitudinem in aquis *Jordanis* fluvii baptizabat, unde *Baptistæ* nomen obtinuit.

Cùm itaque universi populi admirationem & venerationem provocasset [g] in suspensionem plerique adducti sunt, enim esse *Messiam* illum tot retrò sæculis expectatum. At *Joannes* [h] ingenuè professus est, non esse se nisi *Messiae præcursores*, à Deo missam, ut illi viam præpararet.

(a) Vide Marc. 6. v. 3. (b) 1. Pet. 2. v. 21.

(c) Luc. 3. v. 1. (d) Matth. 3. v. 4.

(e) Ibid. v. 7. (f) Luc. 3. v. 10.

(g) Ibid. v. 14. (h) Joann. 1. v. 20.

Q. 2. *Erantne Baptismus Joannis efficax ad remittenda peccata?*

R. Non erat nisi sancta quædam cæremonia, quam qui subibant, & pœnitentiam solemniter profitebantur, & ad remissionem peccatorum, per Christum obtinendam, disponebantur.

Q. 3. *Numquid cum cæteris etiam Christus à Joanne Baptizari voluit?*

R. Voluit planè, (a) JOANNE frustra reluctante: tum ut humilitatis exemplum nobis daret, tum ut sui Sancti Corporis contactu sanctificaret aquas, quibus in suo postmodum Baptismo obtinenda erat remissio peccatorum.

Q. 4. *Quenam Baptizato Christo miracula contigerunt?*

R. Hæc tria: 1. Cum Jesus Baptizatus de aqua ascenderet, (b) aperti sunt ei cœli.

2. (c) Descendit in ipsum Spiritus Sanctus corporali specie, sicut columba.

3. De cœlis vox audita est, dicens: (d) *Hic est filius meus dilectus, in quo mihi complacui.*

Q. 5. *Quò se post baptismum suum Jesus Christus contulit?*

R. (e) Agente eum Spiritu Sancto, secessit in Desertum, ubi quadraginta dierum JEJUNIUM absque omni cibo peregit. Cum verò post hæc esuriret, diabolus scire percupidus, isne ille esset qui cœlesti voce denuntiatus erat Filius Dei, variis modis eum tentare aggressus est, quod Jesus permisit, tum ut se verè hominem esse monstraret, tum ut nobis vincendi exemplum, & fiduciam daret.

(a) Matth. 3. v. 15. (b) Matth. 3. v. 16.

(c) Lucæ 3. v. 22. (d) Matth. 3. v. 17.

(e) Matth. 4. v. 1. Luc. 4. v. 1.

Omni tentatione superatâ, (a) Ecce Angeli accesserunt, & ministrabant ei

Q. 6. Quid deinceps fecit Salvator noster?

R. (b) Ministerii sui functiones exorsus est, quæ quidem eò spectabant ut Messiam se probaret, salutarem homini veritatem ostenderet, eumque peccato perditum Deo reconciliaret. Primum patrando miracula, secundum prædicando, tertium moriendo perfecit.

Q. 7. Quomodo functiones istas Salvator exorsus est?

R. Imprimis illi cura fuit, ut perpetuos quosdam suorum operum, ac doctrinæ testes, futurosque (c) EVANGELII præcones sibi adungeret, quorum aliqui ad primam Christi vocem, relictis omnibus secuti sunt eum. Sic (d) Simon Jonæ filius, cui Petri nomen imposuit, & Andreas frater ejus, ambo piscatores: Sic Jacobus & Joannes frater ejus, Zebedæi filii, iidem piscatores, sic (e) denique Matthæus (f) publicanus, aliter Levi dictus, è telonio Christum secuti sunt.

Cùm autem Discipulorum non exigua multitudo illi jam adhæreret, quos & peculiariter instruebat, & turbis ad se venientibus Baptizandis adhibebat post quamdam noctem orando transactam, ex omnibus ad se vocatis Duodecim elegit, quos, utpote legatos suos, (g) APOSTOLOS nominavit.

Q. 8. Recense 12. Apostolorum nomina.

R. (b) Primus Simon Petrus, & Andreas fra-

(a) Matth. 4. v. 11.

(b) Jesus tunc erat annorum circiter 30. Luc. 3. v. 23.

(c) Evangelium vox græca latum nuntium sonat, utique redempti generis humani

(d) Matth. 4. v. 18.

(e) Matth. 9. v. 9.

(f) Publicanus dicitur qui redempta à se vestigalia recipit.

(g) Lucæ 6. v. 13. (h) Matth. 10. v. 2. Luc. 6. v. 14.

ter ejus : *Jacobus*, & *Joannes* frater ejus, *Zebedæi* filii : *Philipus* & *Bartholomæus* : *Thomas* & *Matthæus* publicanus : *Jacobus Alphæi* filius, & *Judas* sive *Thaddæus* frater ejus : *Simon Chananæus* : & *Judas Iscariotes* Magistri sui proditor.

Q. 9. *Cur Petrus Apostolorum PRIMUS dicitur?*

✠. Quia electionis suæ beneplacito cæteris eum prætulit, omniumque caput constituit ipse Salvator ; cùm enim quâdam die interrogasset discipulos, quid de ipso crederent, illicò respondit PETRUS : (a) *Tu es Christus Filius Dei vivi Cui Salvator : Et ego dico tibi quia tu es Petrus, & super hanc Petram ædificabo Ecclesiam meam, & portæ inferi non prævalebunt adversus eam : & tibi dabo claves regni cælorum, & quodcumque ligaveris super terram, erit ligatum & in cælis, & quodcumque solveris super terram, erit solutum & in cælis.* Quam quidem promissionem tunc Christus implevit, quando post resurrectionem suam, totius illi gregis sui curam, omniumque fidelium regimen demandavit, dicens. (b) *Pasce agnos meos... Pasce oves meas.*

Q. 10. *Cui muneri electos à se Apostolos deputavit?*

✠. Misit eos prædicaturos advenisse (c) *regnum cælorum*, id est felix illud tempus quo cuncti vocarentur ad cognitionem veri Dei, & sibi vitæ æternæ, Misit autem hætenus ad *Judeos* tantum, necdum sinens ut ad *Samaritanos*, aut *Gentiles* diverterent.

Dedit porro illis potestatem, (d) ut infirmos curarent, mortuos suscitarent, leprosos munda-

(a) Matth. 16. v. 16.

(b) Joan. 21. v. 15. & seqq.

(c) Matth. 10. v. 7.

(d) Ibid. v. 8. & seqq.

rent, dæmones ejicerent, mandans ut quod gratis acceperant, gratis darent : Dei providentiæ fiderent, & illum solum timerent.

Cum simili postmodum potestate, similibusque mandatis (a) alios septuaginta duos milit ante se Dominus Jesus, in omnem Civitatem & locum, quò erat ipse venturus.

CAPUT XVI.

De Miraculis Christi.

QUæstio 1. Quomodo probavit Jesus se Messiam esse & verè à Deo missum?

1. Primò quidem, (b) ostendendo veteres Prophetarum prædictiones in se impleri.

Secundò, per MIRACULA, signa atque prodigia fere innumeta; quorum quidem firmandæ fidei nostræ multa ab Evangelistis conscripta sunt, sed ut ipse (c) Joannes indicat, ab iisdem etiam plurima sunt prætermissa.

Q 2. Quisnam miraculorum Christi proprius character & nota est?

1. Beneficentia: neque enim ad ostentationem ut magi & impostores solent, neque ad terrorem, uti plerumque Moyses olim & Elias, sed ad miserorum levamen atque subsidium miracula patrabat benignissimus Salvator, ea illis bona procurans, quæ summa in terris æstimant, vitam utique & sanitatem.

Q 3. Recense pro specimine nonnulla Christi miracula quæ in Evangelio referuntur.

1. Imprimis variis locis atque temporibus, sanitatem, membrorumque integritatem reddidit

(a) Luc. 10. v. 1. (b) Vide Luc. 4. v. 21,

(c) Vide Joan. 20. v. 30, & cap. 21. v. 25,

innumerabili hominum multitudini, qui omni morborum & infirmitatum genere vexabantur: febricitantibus, fluxum sanguinis patientibus, hydropicis, paralyticis, leprosis.

Sanabat autem eos subito plerumque & sine temporis morâ, uno sæpè verbo, & quandoque absentes, uti de (a) *Reguli filio*, & (b) *Centurionis servo* narrat Evangelium. (c) *Quocumque introibat Jesus in vicos, vel in villas aut ciuitates, in plateis ponebant infirmos, & deprecabantur eum, ut vel fimbriam vestimenti ejus tangerent, & quotquot tangebant eum, salvi fiebant.*

Non rarò etiam tam frequens ad eum erat populi concursus, (d) ut domus, in qua erat, obsideri videretur, ità ut sæpè ne comedendi quidem otium inveniret, atque in desertum secedere cogeretur, quò eum undique innumerabilis hominum multitudo sequebatur.

Plurimis *cæcis* visum reddidit; inter ceteros (e) *cæco nato*, cui luto liniverat oculos *Mutis* loquelam, *surdis* auditum, *claudis* gressum restituit, *obsessos* à dæmoniis liberavit: *mortuos* denique suscitavit.

Q. 4. *Quot mortuos suscitasse legitur?*

R. Tres tantùm referuntur in Evangelio; videlicet 1. (f) *Jairi filia*, puella annorum duodecim, recens defuncta. (g) 2. *Adolescens filius viduæ*, qui extra portam civitatis *Naim* sepeliendus efferebatur 3 (h) *Lazarus frater Maria & Marthe*, qui jam fætebat quatrIduanus in monumento.

Q. 5. *Quid per hos mortuos, quos ad vitam*

(a) Joan. 4. v. 50. (b) Matth. 9. & 13.

(c) Marc. 6. v. 56. (d) Marc. 1. v. 33. & 45. item. 3. v. 20.

(e) Joan. 9. v. 6. (f) Lucz 1. v. 41.

(g) 7. v. 12. (h) Joan. 11. v. 1.

corporis Salvator revocavit, adumbratum fuisse ceteris Sancti Patres?

• *u.* Docent adumbratos fuisse eos, qui à spirituali morte per peccatum inflatâ, ad novam animæ vitam per Christi gratiam suscitantur: ita quidem, ut puella recens defuncta designet eos, quorum lapsus etiamnum est recens, qui facilius spirituali vitæ redduntur; adolescens autem ille, qui jam ad sepulchrum efferebatur, denotet eos, qui aliquantò diutius in peccatorum luto hæserunt, in quibus conversionis difficultas major est: *Lazarus* denique, sætens ille quadriduanus, significet illos, qui inveteratam in peccatis consuetudinem sensim contraxerunt, quorum conversio ut constaret quàm sit operosa, in Lazari suscitatione Christus [*a*] *infremuit spiritu, & turbavit seipsum, lacrymatus est, & voce magnâ clamavit, Lazare veni foras.*

• *Q. 6. Recense præterea alia nonnulla Christi miracula.*

• *u.* [*b*] Discipulis quâdam nocte in mari Galilææ adverso vento remigantibus, repentè *Jesus* adstitit, super aquas ambulans, fecitque ut & sic *Petrus* ambularet.

• [*c*] Exortam aliquando tempestatem verbo sedavit, ventis & fluctibus imperio ejus obtemperantibus.

• [*d*] Fecit ut discipuli post totam noctem inutili labore consumptam, ingentem illicò piscium multitudinem comprehenderent.

• [*e*] Aliquando quinque panibus, & duobus piscibus, quinque virorum millia, præter mulie-

(*a*) Joan. 11. v. 33. 35. & 43 (*b*) Matth. 14. v. 25.

(*c*) Matt. 8. v. 26.

(*d*) Luc. 5. v. 5.

(*e*) Matt. 14. v. 20.

res & par-

res & parvulos, in deserto satiavit, superantibus duodecim plenis cophinis fragmentorum.

[a] Alio tempore quatuor virorum millia, præter mulieres & parvulos, septem panibus, paucisque pisciculis saturavit, superfuerunt de fragmentis septem sportæ plenæ.

[b] Hominum oculis quando libuit, se subduxit.

[c] Abditissimas humani cordis cogitationes noverat, & futuram prænuntiabat.

Q. 7. *Quid de Christi Transfiguratione Evangelistæ commemorant?*

æ. [d] Eum quâdam die tres secum discipulos in montem excelsum seorsim adduxisse, Petrum, Jacobum & Joannem, utque his aliquod gloriæ suæ specimen exhiberet, novam subito speciem, figuramque induisse, ita ut vestes ejus nive candidiores apparerent, faciesque sole splendorior. Moyses & Elias cum eo colloquentes visi sunt, voxque audita quæ diceret: [e] *Hic est Filius meus dilectus in quo mihi complacui, ipsum audite.*

His omnibus signis liquidò demonstrabat Jesus, eum se esse quem dicebat, nempe Messiam & Filium Dei. Cæterum non per se tantum edebat miracula, [f] sed similia, majoraque etiam quondam patrandi potestatem Discipulis tribuebat.

CAPUT XVII.

De Christi Virtutibus.

QUUM tot miracula, tot signa, tot prodigia Jesus ederet, simul omnium se virtutum

(a) Matt. 15. 7. 36.

(b) Luc. 4. 7. 30.

(c) Joan. 2. 7. 25. (d) Matth. 17. (e) Ibid. 7. 54

(f) Luc. 9. 7. 1. Joan. 14. 7. 12.

exemplar exhibebat, ita nos prius factis, quam verbis docens : (a) *Exemplum*, inquit, *dedi vobis, ut quemadmodum ego feci, ita & vos faciatis.*

Q. 1. *Quasnam ad vitæ nostræ informationem, in vita sua potissimum elucere virtutes voluit?*

R. Has sequentes : humilitatem, mansuetudinem, benignitatem, misericordiam, zelum, patientiam, obedientiam.

Q. 2. *Quomodo humilitatis nobis exemplum dedit?*

R. Tota series vitæ ejus perpetua ferè humiliatio fuit. Abiecit locum, in paupere familia natus, tenuiterque educatus, toti penè mundo vixit incognitus. Cum esset Filius Dei, *Filium se hominis* nuncupare solebat, hoc est hominem vulgarem, humili loco natum, qualis videbatur (b) *Non veni*, aiebat, *ministrari*, sed *ministrare*. Miracula plerumque celabat, ægris quos curarat prohibens, ne ab ipso sanatos se dicerent. Compescebat dæmonia filium Dei eum esse clamantia. (c) Quum ea, quam in deserto tam inusitato modo paverat, multitudo, Regem eum sibi vellet constituere, fugam illi elapsus est. (d) Non suam sed Patris à quo missus fuerat gloriam, quærebat in omnibus Denique, quod cætera omnia in imensum superat, peccato carens peccatoribus similis factus est, pœnamque peccatis nostris debitam ipse ferens, [e] *humiliavit semetipsum usque ad mortem, mortem autem crucis.*

Q. 3. *Quomodo verò nos suo exemplo mansuetudinem Christus docuit?*

R. Comis & benignus omnibus, neminem à

(a) Joan. 13. v. 15.

(b) Matt. 22. v. 28.

(c) Joan. 6. v. 15.

(d) Joan. 8. v. 50.

(e) Phil. 2. v. 8.

se repellebat : [a] non contende-
bat vocem, sed insano adversariorum furori
sæpè cedebat. (b) Adductos aliquando parvulos
quibus benediceret, Apostoli amovebant : at eos
increpavit, admovit pueros, complexus est, ma-
nibusque impositis benedixit : affirmans parvulis
similes effici oportere qui cœlorum Regnum
intrarent. Cæterum mansuetudinem numquam
loculentiùs quàm in passione monstravit, quan-
do velut Agnus mansuetissimus (c) coram ton-
dente se obmutuit, neque ad tot tantasque ca-
lumnias aperuit os suum, nisi ut Deum Patrem
suum pro inimicis exoraret, (d) *Pater, dimitte
illis, non enim sciunt quid faciunt.* Iure ergo de
se Salvator dixit : (e) *Discite à me quia mitis
sum & humilis corde.*

Q. 4. *Quomodo se misericordiæ exemplar exhi-
buit Jesus Christus ?*

R. Solâ misericordiâ ductus, (f) *venit quære-
re & saluum facere quod perierat.* Quocirca pec-
catores benignè suscipiebat, nec eorum convivium
aspernabatur. (g) Cùm aliquando visâ Hieroso-
lymâ, imminentes illi reputaret calamitates, *mi-
sericordiâ* motus flevit super eam : adeo patriam,
etiam ingratam, diligebat. (h) Flevit & amicum
Lazarum vitâ functum, quem mox erat susci-
taturus. Denique suam in homines *misericordiam*
indefinenti beneficentiâ demonstravit.

Q. 5. *In quibus præcipuè operibus Christi bene-
ficentiâ eluxit ?*

R. Ex quo prædicatè cœpit, reliquum vitæ

(a) Matt. 12. v. 19.

(b) Matt. 19. v. 13.

(c) Isai 53. v. 7. Acton. 3. v. 32. (d) Luc. 23. v. 34

(e) Matt. 23. v. 29. (f) Luc. 19. v. 10.

(g) Luc. 19. v. 41. (h) Joan. 11. v. 35.

tempus (a) *pertransiit benefaciendo & sanando omnes oppressos à diabolo*. Miracula quæcumque patrabat, perpetua erant *beneficentiae munera*, quibus vita & incolumitas hominibus redderetur. Ast quantum anima præstat corpori, tantò major ea beneficentia fuit, quâ (b) *languores nostros ipse tulit, & dolores nostros ipse portavit*, ut impositam sibi iniquitatem omnium nostrum, suo sanguine aboleret, (c) suoque nos livore sanaret.

Q. 6. *Quid de Christi Zelo?*

R. Quàm vehementer Zelo salutis animarum arderet, satis probat assiduus prædicationis labor, & magis etiam acerbissimum mortis genus, pro mundi salute toleratum.

Ex divinæ gloriæ Zelo proficiscebatur (d) acris illa increpatio eorum, qui contra veritatem animam induraverant, & sanctitatem interea simulabant; quo in genere passim erant (e) *Scribæ & (f) Pharisei* His vitia & *hypocrisis* palàm improperabat, quamvis probè sciret nihil sibi inde aliud præter capitale odium posse accidere. (g) Eodem Zelo ductus, semel & iterum eos de templo exturbavit, qui illud negotiatione profanabant.

Q. 7. *Quid de Christi Patientia & Obedientia?*

R. Quod ad priorem illam attinet, rudes discipulorum animos, imperitam multitudinem, ægrorum importunitatem, cæterosque intempestivè irruentes, mirâ *Patientia* tolerabat Pari constantiâ omnia *paupertatis* ferebat incommoda, æstum, algorem, famem, sitim, fatigationem,

(a) Act. 10. v. 38. (b) Isai. 53. v. 4.

(c) Ibid v. 5. (d) Vide Matt. 23.

(e) Legis Moyseicæ Interpretes & Doctores.

(f) Qui maiorem vitæ intergritatem, accuratoremque præceteris Legis observationem profitebantur.

(g) Joannes 2. v. 15. Matt. 21. v. 12.

calidissimâ regione, plenâque meridie iter faciens. Et quamquam tantam ultrò paupertatem elegisset, ut nec agrum haberet, nec domum, (a) ac nequidem ubi caput reclinaret, numquam tamen commodi sui causâ, miraculum ullum patrasse legitur. Victus ei ab auditoribus spontè exhibebatur, præcipuè à sanctis fœminis quæ ministrandi causâ sequebantur.

Quod ad *obedientiam* spectat, (b) quùm Phariseorum Scribarumque facta redargueret, ministerium commendabat, jubebatque populum eorum jussis esse obsequentem, quippè qui legitimâ auctoritate docerent. Ipse receptis potestatibus subditus, (c) tributa solvebat : frequens adibat Templum, cæterosque Legis Mosaicæ ritus exactè servabat. (d) Cibum suum aiebat esse, facere voluntatem Patris, à quo missus esset, cui tandem (e) *Obediens factus est usque ad mortem, mortem autem crucis.*

Hæc ex innumeris pauca sint pro specimine. Cæterum, nullus est status vitæ, nulla conditio, quæ non habeat in Christi vita quod imitetur : nec quidquam est in quo Christiani hominis meditatio utiliùs occupetur.

CAPUT XVIII.

De prædicatione & Doctrina Christi ac Adversariis ejus.

QUÆSTIO I. *Quomodo nos veritatem Christus docuit ?*

1. Exemplo & Prædicatione. De exem-

(a) Matth. 8. 7. 20.

(b) Matth. 23. 7. 3.

(c) Matt. 17. 7. 26.

(d) Joan. 4. 7. 34.

(e) Phil. 2. 7. 8.

plō in compendio visum est suprā. Quod ad prædicationem attinet, (a) obibat civitates, pagos, & vicos, divini sui verbi semen ubique spargens (b) Frequens docebat in *Synagogis*, iis nempe locis, quō Judæi legendis, audiendis, interpretandisque S. Scripturæ libris solebant convenire. Sæpe etiam prædicabat secus mare, aliàs in monte, locisve campestribus; verbo, nullam annuntiandæ veritatis occasionem prætermittebat, nullusque ipsius sermo instructione vacabat. Adhibebat crebrò *parabolas* & similitudines, quia hæc instruendi methodus in iis præcipuè regionibus, jam pridem erat usu receptissima.

Q. 2. *Quid prædicatione sua Christus hominibus præcipuè inculcatum voluit?*

Id scilicet, quibus in rebus vera hominis felicitas ac beatitudo sita esset, quod quidem octo sententiis complexus est, quæ BEATITUDES EVANGELICÆ nuncupari solent.

Q. 3. *Recense igitur octo illas Beatitudines Evangelicas.*

Sic eas ipse Salvator initio sermonis illius quem in monte proluxum habuit enumeravit.

1. (c) BEATI PAUPERES SPIRITU, QUONIAM IPSORUM EST REGNUM CŒLORUM.

2. BEATI MITES : QUONIAM IPSI POSSIDEBUNT TERRAM.

3. BEATI QUI LUGENT : QUONIAM IPSI CONSOLABUNTUR.

4. BEATI QUI ESURIUNT ET SITIUNT JUSTITIAM : QUONIAM IPSI SATURABUNTUR.

5. BEATI MISERICORDES : QUONIAM IPSI MISERICORDIAM CONSEQUENTUR.

(a) Matt. 8. v. 26.

(b) Luc. 4. v. 15. &c.

(c) Matt. 5. v. 3.

6. BEATI MUNDO CORDE : QUONIAM IPSI DEUM VIDEBUNT.

7. BEATI PACIFICI : QUONIAM FILII DEI VOCABUNTUR.

8. BEATI QUI PERSECUTIONEM PATIUNTUR PROPTER JUSTITIAM : QUONIAM IPSORUM EST REGNUM CÆLORUM

Q. 4. *Quis harum sententiarum sensus est?*

A. Hic scilicet : vanam & fallacem esse corrupti hujus sæculi de felicitate sententiam, quæ ferè vulgò BEATI putantur divites, præpotentes, gloria & auctoritate clari, bonis fortunæ affluentes, voluptatibus indulgentes. His enim verò Incarnata Veritas tremendum *væ* interminat contraque *beatos* prædicat, qui propter Deum divitias & opes ultrò contemnant, & paupertatem æquanimiter tolerant : qui mites & mansueti, de suo jure aliquid remittant potius, quàm contendant : qui sua & aliena peccata poenitenti animo desceant : qui esurientium & sitientiam morere, justitiam & æquitatem appetant, incommutabilem præsertim illam, quæ est ipse Deus : qui misericordes sint & benefici, subvenientes miseris quibus possunt, condolentes si non possunt : qui cor mundum puramque mentem gerant, (a) *ab omni inquinamento carnis & spiritus* : qui pacem servant ruptamque concordiam quoad possunt, restaurent : qui denique ob veritatem, & justitiam vexationes & molestias, si opus est, constanti animo perferant. Hi utique vitæ hujus felicitatem habent, cui pro mercede, æterna deinde reddenda est.

Q. 5. *Quò autem tendebat reliqua Christi doctrina?*

(a) 2. Cor. 7. 1.

✠. Eò nempe, (a) ut crederent homines in Deum verum, & quem misit Jesum Christum : tum etiam sinceram de peccatis agerent pœnitentiam. Breviter ergò *fidem* requirebat & *pœnitentiam*.

Q. 6. *Quid istud pœnitentiæ nomen involvit ?*

✠. Hæc duo : anteaçtæ in criminibus vitæ odium ac detestationem, & novæ deinceps vitæ propositum efficax Hoc nempe, Apostolo teste, conversans nobiscum in terris nos Christus docuit, (b) *Ut abnegantes impietatem, & secularia desideria, sobriè, justè, & piè vivamus in hoc seculo, expectantes beatam spem, & adventum gloriæ magni Dei, & salvatoris nostri Jesu Christi* Hoc itaque doctrinæ Christi breve compendium est, mori mundo, Deo vivere.

Q. 7. *Hancne Salvatoris doctrinam lubenti, ut oportebat, animo Judæi susceperunt ?*

✠. Nonnulli quidem ; ast plerique repudiarunt. Imò verò qui inter ipsos præcipui erant, Scribæ, Pharisei, Principes Sacerdotum, & Primores populi, irreconciliabile contrà Jesum odium conceperunt.

Q. 8. *Quæ tantæ invidiæ, tantique odii causa extitit ?*

✠. Humilis in speciem videbatur & abjectus, summâ tamen auctoritate se *Messiam* & *Filium Dei* prædicabat, & inusitata populo dabat præcepta ; illorum quæque hypocrisim acriter increpabat, & occulta vitia defegebant ; aded ut auctoritas, quam pridem apud populum obtinebant, sensim minueretur. Hæc, unâ cum summa vitæ innocentia, quam calumniari possent, non redarguere, tantæ invidiæ materiam ministrabat.

(a) Joann. 17. v. 3. (b) Tit. 2. v. 12.

Q. 9. *Quousque tandem odium istud progressum fuit?*

R. Edusque, ut statuerint Jesum è medio tollendum. Tentarunt sæpè, sed invanum semper, (a) quamdiu non venerat horâ ejus, id nempe, tempus quod ipse suæ morti elegerat. At verò post resuscitatum ab eo *Lazarum*, & triumphabundum ejus in urbem Hierosolymitanam ingressum, (b) ægerrimè ferentes frequentes omnium reclamations, verebantur miseri ne totus mundus post eum iret. Decreverunt igitur, quantocyùs eum quoquo modo opprimendum; ac ne deesset oportunitas, *Judas Iscariotes* unus è duodecim Apostolis ejus, (c) triginta argenteorum stipendio eum illis se traditurum stipulatus est.

C A P U T XIX.

De 4. Symboli Articulo, ac primò de Passione Christi.

Q Uartus Symboli Articulus iste est: PASSUS SUB PONTIO PILATO CRUCIFIXUS, MORTUUS, ET SEPULTUS.

Qui juxta rei gestæ seriem, paucis hìc elucidandus est.

Q. 1. *Quid pridè mortis suæ egisse Christus legitur?*

R. (d) Vesperis cum duodecim Apostolis suis *Agnum Paschalem*, qui quotannis in memoriam exitus ex *Ægypto*, ab Israëlitis solemniter comedendus erat, juxta (e) legis præscriptum comedit.

(a) Joan. 7. 30.

(b) Joan. 12. 19.

(c) Matt. 26. 15.

(d) Matt. 26.

(e) Exod. 12.

Deindè (a) suis ipse manibus Discipulorum pedes lavit, tum ut humilitatis exemplum daret, tum ut ostenderet quanta puritate opus esset ad id mysterium, quod mox instituturus erat.

His itaque expleis (b) augustissimum sui CORPORIS ET SANGUINIS SACRAMENTUM instituit, sub aliena quidem panis & vini specie velatorum, sed tamen reipsâ præsentium. Dedit, quod dudum ante (c) promiserat, carnem suam comedendam & sanguinem bibendum, ut qui visibiliter erat à nobis discessurus, invisibiliter nobiscum permaneret (d) usque ad consummationem sæculi.

Post hæc cum (e) Judæ proditionem, Petri negationem, & imminuentem omnium fugam prænuntiasset, prolixum cum discipulis (f) sermonem habuit: tristes de discessu Magistri sui solatus est, missurum se promittens Consolatorem Spiritum Sanctum, qui de mysteriis omnibus eos plenius erudiret, & perpetuè cum eis maneret.

Capaculo (g) egressus, unà cum discipulis abiit in montem Olivarum, in hortum ubi orare consueverat.

Q. 2 Quid verò in horto gestum fuit?

R. Hic Jesus naturali mortis horrore spontè indulgens, instantem sibi passionem irà exhorruit, ut (h) sanguineus è corpore sudor in terram eruperit. Tertiò igitur tam amarum passionis calicem deprecatus, tertiò addidit, (i) *Non mea sed tua voluntas fiat.*

Advenit interea (k) Judas cum militum ma-

(a) Joan. 13. (b) Mat. 26. 26. Marc. 14. 22. Luc. 22. 19. 7. Cor. 11. 24. (c) Joan. 6. 52. (d) Matt. 28. 20.

(e) Joan. 13. (f) Joann. 14. v. 15. & 16.

(g) Joan. 18. v. 1. (h) Luc. 22. 44.

(i) Ibid. v. 42. & Matth. 26. v. 44. (k) Luc. 22. v. 47.

nu, à Principe Sacerdotum missa : Magistrum suum ultrò se differentem OSCULO PRODIT, (a) *Petrus* defensionem & vim parantem *Iesus* prohibet, hostibus subito prostratis, (b) iervique auriculâ sanata, se non invitum capi luculenter ostendens.

Captus itaque ac victus, (c) ad *Annam* primum, deinde ad *Caipham* illius gererum, summumque Sacerdotem ducitur, ubi post acceptam ob liberum responsum (d) ALAPAM, post auditos (e) falsos testes, sed rejectos, Filium Dei se confessus, tamquam blasphemus, mortis reus proclamatur, eique à ministris, indignis modis illuditur.

Q. 3. Quid interea discipuli?

R. Dum cæteri fugâ sibi consulunt, *Petrus* (f) à longè secutus, finem spectare cupiebat. At, (ô tremendum humanæ fragilitatis exemplum!) Pontificis ædes ingressus, post tot perpetuæ fidelitatis protestationes, (g) hac ipsâ nocte ter Dominum NEGAVIT. Verum cum miserrante oculo ipsum *JESUS* respexisset, ad secundum galli cantum facinus suum agnovit, egressusque fores flevit amarè.

Q. 4. Quid luctuosâ illâ nocte transactâ, *Judaorum Principes de Jesu statuerunt?*

R. (b) Victum eum tradiderunt *Pontio Pilato* qui pro Romanis *Jucæam* administrabat.

Hæc cum vidisset *Judas*, inutili pœnitentiâ dictus, retulit 30 quos acceperat argenteos, & in desperationem actus (i) *laqueo se suspendit*.

Coram *Pilato* varias contra *Jesum* accusatio-

(a) Joann. 18. v. 11. Luc. 22. v. 51. (b) Joann. 18. v. 11.

(c) Joan. 18. v. 22. (d) Marc. 14. v. 56.

(e) Matt. 26. v. 58. (f) Ibid. v. 70 (g) Matt. 27. v. 2.

(h) Ibid. v. 5. (i) Luc. 23. v. 7.

nes movent Judæi, quas Præses calumniosas judicans, aut parùm certè probabiles, (a) cùm intelligeret Gallilæum esse, ad *Herodem Antipam* Herodis senioris filium & Gallilææ Tetrarcham, qui tunc Hierosolymis agebat, eum misit. Hic prodigium aliquod avidè à Christo expectans, profundum silentium tulit. Quare eum ut fatuum aspernatus, **VESTE ALBA** indutum remisit ad Pilatum.

Q. 5. *Quid hic Pilatus.*

R. De illius innocentia satis apud se convictus, atque ob id perplexus, variis eum modis tentavit absolvere. (b) *Nullam*, inquit, *causam invenio in eo: corripiam ergo illum & dimittam.* *Barabbæ* seditioso latroni à Judæis postpositum, **FLACELLANDUM** dedit (c) **CORONA** deinde è **SPINIS**, & obsoletâ veste purpureâ à militibus ludibrio habitum, Pilatus populo videudum exhibet, si vel sic satiati desisterent.

Q. 6 *Quid ad hæc Judæi?*

R. Solâ ejus morte satiabiles, in Christi morte flagitandâ persistunt, (d) iramque *Cæsaris* Præsidi minitantur, si dimittat. Cedit ignavus judex, manibusque frustrâ ablutis, innocentem agnitum morti adjudicat (e) clamantibus Judæis ut sanguis ejus, illiusque ultio supra se, & filios suos esset, cujus tam diræ petitionis effectum, etiamnùm hodiè persentiscunt.

Q. 7. *Ad quod supplicii genus Christus damnatus fuit?*

R. Ad supplicium **CRUCIS**, quo quidem nullum apud Judæos erat probrosius, quòque non

(a) Luc. 23. v. 22. (b) Joan. 19. v. 1. & 2.

(c) Ibid. v. 12 (d) Matth. 27. v. 25.

(e) Luc. 23. v. 27.

nisi servi & intimæ sortis homines ob summa maleficia pleſſentur.

Damnatus igitur, ad ſupplicii locum, *Golgotha* id eſt *Calvaria* dictum ducitur; ſuis humeris impositam crucem bajulans. (a) Flentes interim, lamentanteſque quæ ſequebantur mulieres, non mortem ſuam, ſed imminens urbi gentique excidium deplorare jubet.

Ubi attingit ſupplicii locum, exiit veſtibus, quas ſibi milites (b) ſorte diſerunt, & vino myrrhato ac felle mixto potatur. Clavis deinde cruci confixus inter duos latrones medius collocatur, hoc illi titulo ſuperpoſito: **JESUS NAZARENUS REX JUDEORUM**, quem Hebræicè, Græcè & Latinè Pilatus ſcribi curaverat.

Q. 8. *Verosne dolores Chriſtus in paſſione ſuſtinuit?*

æ. Imò verò ſuſtinuit maximos, uſque adeò ut in illius perſona verè Propheta dixerit: (c) ô ! vos omnes qui transitis per viam, attendite & videte, ſi eſt dolor, ſicut dolor meus. Quamvis enim prout Deus erat, pati non poſſet, humanæ tamen, quam aſſumpſerat, naturæ ſuas proprietates ſervavit, ut proinde in illa & pati poſſet & mori.

Q. 9. *Quid homini Chriſtiano in Salvatoris paſſione meditandum eſt?*

æ. Nulla quidem illius eſt circumſtantia, quæ non uiliter expendatur: at præcipuè ſtatuendum eſt, æquum eſſe ut ſi Agnus ille innocens Jeſus Chriſtus alienæ iniquitatis pœnam tam patienter tulit, nos qui iniquitate propriâ tenemur obſtriſti, quæ nobis adverſa & moleſta eveniunt, patienti animo toleremus. *Chriſtus*,

(a) Plal. 21. v. 19.

(b) Joan. 21, v. 19.

(c) Thren. 1, v. 12,

inquit Apost. Petrus, (a) *Passus est pro nobis; vobis relinquens exemplum, ut sequamini vestigia ejus.* Amicorum Dei ille character est, (b) conformes esse filio ejus. Tulit Jesus crucem suam eique affixus est, ut & nos indies portemus nostram; peccatique vetustatem in nobis (c) crucifigentes, vitiis pravisque desideriis moriamur.

CAPUT XX.

De Morte & Sepultura Christi.

Questio 1. *Quid in cruce pendens Salvator agit?*

Æ. Sacerdos ipse & victima, cruentum illud sacrificium consummavit, quo genus humanum reconciliaretur Deo, idque circa tempus illud, quo ex legis præscripto comedebatur Agnus Paschalis, expressa figura mortis ejus, quam & reliqua sacrificia omnibus retrò sæculis oblata adumbrabant.

Q. 2. *Quid verò tribus illis, quibus in cruce vivus pependit horis, dixisse legitur?*

Æ. Ante omnia, quod verbis pridem docuerat, re complevit, dum pro suis ipse crucifixoribus etiamnum dira imprecantibus & illudentibus, Patrem deprecatus est dicens: (d) *Pater dimitte illis, non enim sciunt quid faciant.*

Altero deinde latronum, qui simul crucifixi fuerant, blasphemante, alter Messiam agnovit, & cum misericordiam imploraret, his eum verbis benignissimis, Jesus affatus est: (e) *Hodie mecum eris in Paradiso*: sic jam tum futu-

(a) 1. Pet. 2. v. 22.

(b) Rom. 8. v. 29.

(c) Galat. 5. 24.

(d) Luc. 23. v. 34.

(e) Ibid. v. 43.

rus aliquando vivorum & mortuorum Judex, justitiam simul & clementiam exercebat, (a) alterum justè deferens, alterum clementer alluens.

3. Cùm videret Jesus Matrem cum Joanne discipulo quem diligebat sub cruce stantem, eam Joanni commendavit, dicens : (b) *Ecce Mater tua*, & ex ea hora eam ille in Matrem accepit; quâ quidem in re cùm universi cætûs fidelium mystico quodam modo personam sustineret Joannes, nobis quoque omnibus eodem tempore Sanctissima Virgo in Matrem data est.

4. Naturali instantis mortis horrore sicut ante in agonia, ita nunc iterùm ultrò indulgens Jesus, ut in se membrorum suorum infirmitatem ipse transferret, lamentabili voce in hæc verba questus est : (c) *Deus meus, Deus meus ut quid dereliquisti me?*

5. Exhausto corpore naturaliter sitiens, salutemque humani generis sitibundo affectu desiderans, (d) *sitire* se dixit; quod cùm auditum esset, adstantium aliquis spongiam aceto impletam ori ejus admovit.

6. Cum accepisset acetum, sciens Jesus omnia jam esse impleta, quæ sibi mandata, quæque de se prædicta essent, dixit : (e) *Consummatum est*.

7. Denique validis adhuc viribus, voce magnè elavavit, dicens. (f) *Pater in manus tuas commendo spiritum meum*. Et inclinato capite emisit spiritum.

Q. 3. *Fuitne in Christi morte divinitas ab anima aut à corpore separata?*

(a) Vide Luc. 17. v. 34. (b) Joan. 19. v. 27.

(c) Matth. 27. v. 46. Psalm. 22. v. 2.

(d) Joan. 19. v. 29. (e) Ibid. v. 30.

(f) Luc. 23. v. 46.

✠. Nequaquam : sed utrique illi substantiæ ; divini verbi persona indissolubili nexu manit conjuncta. Sola facta est separatio animæ à corpore, ut in cæteris accidit qui moriuntur.

Q. 4. *Quare Christus præ cæteris supplicium crucis, quo moreretur, elegit ?*

✠. Quia nullum erat illo indignius, nullumque aded aptius quo injuria Deo per peccatum illata repararetur. Salutem præterea humani generis in ligno crucis constitutam voluit, *ut unde mors oriebatur inde vita resurgeret, & qui in ligno vincebat (diabolus) in ligno quoque vinceretur.* Hinc factum ut mors Christi in cruce futura, jam olim abumbrata fuerit & prædicta. Adumbrata quidem (a) serpente illo æneo quem Moyses in deserto erigere jussus est, ut qui à serpentibus morfi, in eum defigerent oculos, sanarentur. Prædicta verò hæc eadem Christi mors admodum luculenter fuit à Davide Psalmo 21. ubi Messiæ passionem quasi remgestam describens : *Foderunt inquit, manus meas & pedes meos.*

Q. 5. *Nonne & aliæ pleræque passionis, mortisque Christi circumstantiæ, jam olim prædictæ fuerunt ?*

✠. Fuerunt utique, à Davide (b) præsertim & Isaia, cujus tam luculentum hæc in re est caput 53. ut historica narratio potius videri possit quàm prophetia. *Virum dolorum vocat, despectum & novissimum virorum, nec, inquit, reputavimus eum. Verè languores nostros ipse tulit, & dolores nostros ipse portavit, & nos putavimus eum quasi leprosum, percussum à Deo, & humiliatum. Ipse autem vulneratus est propter iniquitates no-*

[a] Num. 21. v. 8. Joan. 3. v. 14.

[b] Legantur Psalmi 21, & 68,

stras, at-

stras, attritus est propter scelera nostra : disciplina pacis nostræ super eum, & livore ejus sanati sumus. Omnes nos quasi oves erravimus, unusquisque in viam suam declinavit, & posuit Dominus in eo iniquitatem omnium nostram. Oblatus est quia ipse voluit, & non aperuit os suum : sicut ovis ad occisionem ducetur, & quasi agnus coram tondente se obmutescet & non aperiet os suum.... Propter scelus populi mei percussit eum.... Si posuerit pro peccato animam suam videbit semem longævum... Et cum sceleratis reputatus est, & ipse peccata multorum tulit.

Ceterum in hoc divina providentia mirabiliter elucet, quodd rem humanis sensibus tam abstrusam, qualis est mundi salus Filij sui morte obtinenda, longè antequam fieret multipliciter adumbrari curaverit & prædici, ut cum facta esset facilius crederetur.

Q. 6. Quanam Christo moriente prodigia contigerunt ?

R. Cum circa meridiem in crucem exaltatus esset, contra consuetum naturæ cursum, sol in plenilunio defectionem passus est. (a) tenebræque factæ sunt super universam terram.

Ubi deinde post tres circiter horas expiravit, ecce (b) velum quo pars intima templi ab alia dividebatur, scissum est medium in duas partes, à summo usque deorsum : terra mota est : petrae scissæ sunt : thronamenta aperta sunt, & universa quodammodo natura, auctorem suum mori testata est.

Hæc cum Centurio cum suis, cæteraque spectantium turbâ adverterent, ingenti terrore perculsi, (c) Verè inquebant, *hic homo justus, & Filius Dei erat, & percutientes pectora sua re-*

(a) Luc. 23. v. 44.

(b) Ibid. v. 45.

(c) Ibid. v. 47.

vertebantur. Plerique interim Judæorum saxis ipsis duriores, in suâ cæcitate & obstinatione persistebant.

Q. 7. *Quid velum templi scissum significabat?*

R. Cælum quod ob peccatum clausum fuisset hactenus, moriente Christo esse reformatum. Adesse præterea tempus, quo Veteris legis umbræ finem acciperent, templumque & Judæorum natio defereretur.

Q. 8. *Quid de Christi Sepultura Evangelistæ commemorant?*

R. Postquam (a) unus Militum lanceâ latus ejus aperuit, sanguisque & aqua profluxit, Nicodemus & Joseph ab Arimathea, viri inter suos nobiles ac opulenti, & jam pridem Christi discipuli, sed occulti, impetratum à Pilato corpus ejus à cruce deposuerunt, atque aromatibus Judaïco more conditum, sepulchro novo quod juxta Calvariæ locum in petra Josephus exciderat, intulerunt. Cæterum nullam unquam sanctissimum Filii Dei corpus corruptionem subiit in sepulchro.

At verò Pontifices & Pharisei (b) prædictæ sæpius ab ipso resurrectionis memores, signato monumenti ostio, custodes illi apposuerunt; ità Deo providente, ut resurrectionis Christi, inimici ipsi, testes fierent vel invit.

Q. 9. *Quæ debet esse de Christi morte Christiani hominis cogitatio?*

R. Jugiter ob oculos versari debet incomprehensibilis illa divinæ misericordiæ bonitas, quæ ut servum redimeret, Filium unigenitum dedit, qui (c) cum essemus inimici, (d) propter nimiam charitatem, quæ dilexit nos, pro nobis

(a) Joan. 19. v. 34.

(b) Matth. 27. v. 63.

(c) Rom. 5. v. 10.

(d) Ephes. 2. v. 4.

ipse satisfaciens, nos suâ morte redemit. Hoc ergo abstrusissimum divinæ pietatis Sacramentum, quod (a) incredulis *scandalum* est & *stultitia*, nobis in Christum credentibus tota fiducia sit salutis, utque id gratâ mente perpetuò veneremur, quod reliquum est vitæ tempus, illius obsequio consecremus, (b) *qui mortem nostram moriendo destruxit & vitam resurgendo reparavit.*

CAPUT XXI.

De Beneficio Mortis Christi, siue Gratia Salvatoris.

Questio 1. *Qua nobis ex Christi morte bona obtigerunt?*

¶. Quidquid unquam ulli hominum, à lapsu Adami, (c) salutaris boni largitus est Deus, id totum ex Christi meritis & morte profluxit; nec porro ulli unquam iustitia, aut salus, ullumve bonum ad salutem æternam utile concedetur, nisi ex iisdem meritis Passionis, & mortis Christi. (d) Ita omnis spes, & gloriatio nostra in Christo est, per quem omnia petimus, per quem omnia speramus, per quem de omnibus Deo gratias agimus.

Q. 2. *Pro omnibusne omninò hominibus Christus mortuus est?*

¶. Sic planè habet Catholicæ Ecclesiæ Fides, (e) pro omnium & singulorum æternâ salute benignissimum Salvatorem mortem subiisse. Communem omnium causam suscepit, & pro omni-

(a) 1. Cor. 8. 7. 23.

(b) Offic. Eccles.

(c) Act. 4. 7. 12.

(d) Vide Concil. Trid. Sess. 14. cap. 8. in medio;

(e) 2. Cor. 5. 7. 14.

bus nemine excludo sanguinem suum æterno Patri obtulit, ut sicut in *Adamo* omnes perierant, ita per *Christum* omnes redimerentur. Unusquisque itaque spe & consolatione plenus dicere potest cum Apostolo (a) *Dilexit me & tradidit semetipsum pro me.*

Q. 3. Si pro omnibus mortuus est *Christus*, nonne consequens est, ut omnes pariter justitiam & salutem consequantur?

R. Non est consequens: etsi enim ille (inquit [b] Concil. Trident.) pro omnibus mortuus est, non omnes tamen mortis ejus beneficium recipiunt, sed ii dumtaxat, quibus meritum passionis ejus communicatur.

Q. 4. Quibus autem ISTUD MERITUM Passionis *Christi* communicatur?

R. Iis, qui in *Christo* renascuntur, & [c] ab eo statu, in quo nati sunt filii primi *Adæ*, per lavacrum regenerationis transeunt in statum gratiæ, & adoptionis filiorum Dei, per secundum *Adam*, *Jesum Christum Salvatorem nostrum.*

Cur autem hoc meritum passionis *Christi* uni, non alii communicetur, (d) occulta sed justa sunt Dei judicia, prorsusque inscrutabilia. Nostrium est, ut hortatur Apostolus (e) pro tam singulari beneficio gratias semper agere Deo Patri, qui dignos nos fecit in partem sortis Sanctorum in lumine, eripuit de potestate tenebrarum, transtulitque in regnum Filii dilectionis suæ, in quo habemus redemptionem & remissionem peccatorum.

Q. 5. Omnesne ii qui in *Christo* renati & gra-

(a) Gal. 3. v. 20.

(b) Sess. 6. cap. 3.

(c) Sess. 6. cap. 4.

(d) Rom. 11. v. 33.

(e) Coloss. 1. v. 12.

viam justificationis adepti sunt, salutem æternam consequuntur?

✠. Minimè verò, [a] multi enim suâ culpâ è statu justitiæ excidunt, quam si gratuito Dei munere non recuperent, æternùm pereant necesse est. Sicut autem gratia illa sine lavacro regenerationis, aut ejus voto, post Evangelium promulgatum, non acquiritur: ità sine Sacramento Pœnitentiæ dignè suscepto, aut illius saltem voto non recuperatur. Hæc enim duo Sacramenta, velut totidem sanguinis sui vasa Christus instituit, quibus passionis ejus meritum hominibus justificandis applicetur.

Q. 6. *Suisne viribus homo potest adipisci justitiam, aut ad salutem pervenire?*

✠. Nequaquam [b] sed singulari Dei auxilio, illiusque per Christum Jesum præveniente, excitante & adjuvante gratiâ indiget, tum ut ad justificationis gratiam disponatur, atque pertingat, tum ut in adepta justitia, per bonorum operum exercitia, & Divinorum mandatorum custodiam perseveret.

Q. 7. *Nullumne igitur opus bonum, sine gratia Christi Salvatoris à nobis fieri potest?*

✠. Nullum certè, quod ad æternam salutem consequendam conducatur. Quidquid in homine salutariter bonum est, id Christi gratiæ tribuendum est, fides, justitia, Divinorum mandatorum observatio, tentationum victoria, ipsaque in bono perseverantia. (c) *Sine me* (inquit Christus) *nihil potestis facere.* (d) *Non sumus* (inquit Apostolus) *sufficientes cogitare aliquid à nobis, tamquam ex nobis, sed sufficientia nostra ex*

[a] Vide Trid. Sess. 6. cap. 13. & 14. item cap. 4.

[b] Vide Trid. ibid. Can. 3. & 22.

(c) Joann. 15. 7. 5. (d) 2. Cor. 10. 7. 5.

Deo est. Quare qui hæc omnia suis viribus tribuerunt PELAGIANI, Ecclesiæ judicio rejeçti, & Hæretici habiti sunt. Reprobati etiam SEMI-PELAGIANI, qui initium saltem fidei, ipsamque in bono perseverantiam in naturæ potestate sitam esse contenderunt.

Q. 8. *Si Dei præcepta sine Christi gratia servari non possint, consequens ergo est ea multis esse observatu impossibilia.*

R. Nullo modo : Deus enim (a) S. Synodus Tridentina) impossibilia non jubet, sed jubendo monet, & facere quod possis, & petere quod non possis, & adjuvat ut possis Nam qui ex nobis nihil possumus, (b) omnia possumus in eo, qui nos confortat.

Q. 9. *Habetne homo etiam post Adami lapsum liberam arbitrii potestatem?*

R. Catholicâ fide certum est, hominem non modo non cogi, sed ne *necessitari* quidem ad bonum vel ad malum : habere autem *indifferentiam* activam ad utrumque. Neque enim per peccatum liberum arbitrium extinctum fuit, viribus licet attenuatum & inclinatum.

Per hoc in potestate hominis situm est ad malum declinare : at verò (c) sine præveniente Spiritûs Sancti inspiratione atque adiutorio, nemo credere, sperare, diligere aut pœnitere potest, sicut oportet, ut ei justificationis gratia conferatur, nemo sine speciali auxilio Dei, in accepta justitia perseverare, nemo denique ullum bonum, quod ad Salutem quovis modo conducatur, operari.

(a) Concil. Trid. Sess. 6. cap. 12.

(b) Philip. 4. 7. 13.

(c) Concil. Trid. Sess. 6. Can. 3. & 22.

Q. 10. *Nonne saltem per gratiam Christi liberum hominis arbitrium destruitur?*

¶. Non destruitur, sed perficitur : neque (a) enim, dum divinæ gratiæ inspirationem humana voluntas recipit, velut inanime quoddam, nihil omnino agens, merè passivè se habet; imò verò eidem gratiæ liberè assentitur, & coöperatur, potestque dissentire, si velit, ipsamque inspirationem abjicere. Infirmiitati igitur ejus Dei gratiâ subvenitur, ut quæ sine illa ad justitiam & pietatem se movere suâ sponte non possit, à Deo mota & excitata, aut convertatur ad justitiam, aut divina mandata servando in illa perseveret.

Q. 11. *Estne in divinæ gratiæ potestate, aver- sam à se & obduratam voluntatem ad se convertere?*

¶. Habet sanè Deus (b) omnipotentissimam inclinandorum cordium potestatem, quâ, cum voluerit esse (c) propitius, rebelles ad se convertere valeat voluntates. Enimverò, teste Scriptura, (d) *Cor Regis in manu Domini est : quodcumque voluerit, inclinabit illud.* Ille ipse est, qui, ut Apostolus loquitur, (e) *Operatur in nobis vel- le & perficere, pro bona voluntate*, tam (f) fortiter simul & suaviter, ut & efficiat id quod velit, & illæsam sinat hominis libertatem.

Q. 12. *Estne auxilium gratiæ homini debitum?*

¶. Ipsum gratiæ nomen sonat beneficium esse gratuitum : si gratuitum, ergo indebitum (g)

(a) Concil. Trid. Sess. 6. cap. 5. & Can. 4.

(b) S. Aug. lib. de corrept. & grat.

(c) Secret. Dominic. 4. post Pontecòst. Item Sabbat. post Dominic. 4. Quadrag. (d) Prov. 21. v. 1.

(e) Philip. 2. v. 13. (f) Sap. 8. v. 1.

(g) Vide Aug. Epist. 107. nunc 217. ad Vital. 5. 5. & 6; Item de corrept. & grat. c. 5. & 6. S. Thom. 2. 2. q. 2. art. 4. ad 1.

Quibus datur misericorditer datur, quibus autem negatur, iuste negatur.

Q. 13. *Redige in compendium ea quæ de gratia Christi Salvatoris scitu necessaria sunt homini Christiano*

1. Est, eam ad singulos actus bonos ac salutares esse necessariam.

2. Divinæ gratiæ operationem cum arbitrii libertate consistere: aded ut æqualis periculi res sit, aut liberum arbitrium tollere, aut Christi gratiam evacuare

3. Est, gratuitam esse atque indebitam sollicitaque proinde à Deo oratione petendam. Quod si petatur ut oportet, certa debet esse impetrandi securitas.

4. Est, ut nullo pacto dubitemus, quin, culpabiles simus, & pœnâ digni, quoties Dei legem deliberatâ voluntate transgredimur: contra verò per bona opera quæ in Deo facta sint, vitam æternam mereamur; cum tanta sit Dei erga nos bonitas, ut nostra velit esse merita, quæ sunt ipsius dona.

Denique & hoc adjungi potest, non opus esse curiosius exquirere, quod sit Divinæ providentiæ in suæ gratiæ dispensatione consilium, quis ejus operandi modus, quæ efficacæ ratio. Christiano homini satis erit ea tenere, quæ dicta sunt, si modò in praxim fideliter redigantur; ita ut in omnibus à Dei per Christum benignitate dependeat, ferventer oret, virium suarum infirmitatem agnoscat, totamque boni operis laudem Deo acceptam ferat, quibus in rebus præcipuè, Christianæ humilitatis, partes sitæ sunt.

CAPUT XXII.

De 5. Symboli Articulo, *Descensu ad inferos, & resurrectione Christi.*

Quintus Symboli Articulus his verbis expressus est :

DESCENDIT AD INFEROS, TERTIA DIE RESURREXIT A MORTUIS.

Q. 1. *Quid prior illa pars indicat : DESCENDIT AD INFEROS ?*

R. Docet Christum, postquam expiravit, secundum animam descendisse ad eum INFERORUM locum subterraneum, ubi eorum animæ, qui in fide & expectatione Redemptoris, Deique amicitia decesserant, velut in carcere detinebantur donec per Christi sanguinem (a) Sanctorum via, Cœlique janua recluderetur.

Q. 2. *Nonne INFERORUM nomine sepulchrum potius intelligendum est ?*

R. Nequaquam : superiori enim articulo *Christum Dominum* sepultum esse edocti sumus ; nec ulla causa erat, cur in fide tradenda alio, & quidem obscuriori loquendi genere, res eadem statim repeteretur.

Omnino ergo tenendum est, ipsam Christi animam re & præsentia *ad inferos* descendisse : non eum quidem locum ubi damnatorum animæ torquentur, sed illud ubi justorum animæ à Dei conspectu tantisper exclusæ, Messie advertum & redemptionem præstolabantur ; quod olim, in Christi persona loquens, prædixit Propheta Regius, dicens (b). *Non dereliques animam meam*

(a) Heb. 9. v. 8.

(b) Psalm. 16. v. 10. Act. 2. v. 27.

in inferno, nec dabis sanctum tuum videre corruptionem.

Q. 3. *Simulne Christus & in sepulchro jacuit, & apud inferos fuit?*

R. Christi anima dumtaxat apud inferos, corpus in solo sepulchro fuit: Divinitas & persona VERBI utrobique. Nam, ut jam ante dictum est, quamvis anima à corpore discesserit, numquam tamen *Divinitas* vel ab anima vel à corpore separata fuit.

Q. 4. *Quà de causâ ad inferos Christus descendit?*

R. Ut justos in ea captivitate degentes, latissimâ præsentiæ suæ luce perfunderet, indèque eductos, in cœlum secum abduceret, triumphi sui comites, testesque victoriæ.

Q. 5. *Quanto tempore in sepulcro Christus jacuit?*

R. Feriâ 6. ad vesperam è cruce depositus & sepulcro illatus, tertio deinceps die, id est Dominico, summo manè *resurrexit*.

Q. 6. *Quomodo verò resurrexit?*

R. Non alienâ, sed propriâ virtute animam quæ à corpore separata fuerat, illi denudè indissolubili nexu conjunxit: atque ita ad vitam novam gloriosam & immortalem resurrexit, non ultra moriturus. Quod quidem nemini antè illum contigit, quæ ratio est, cur ab Apostolo (a) *Primitiæ dormientium & primogenitus ex mortuis* Christus nuncupetur.

Q. 7. *Quid Christo resurgente contigit?*

R. Cum jam è sepulcro clauso redivivus prodissset, ingens terræ motus factus est, (b) des-

(a) 1. Cor. 15. §. 20. Coloss. 1. §. 18.

(b) Matt. 28. §. 2.

pendensque è cœlo Angelus reinovit lapidem, quo sepulcri ostium claudabatur, eique insedit.

Hoc porro prodigium, unâ cum splendore fulgureo, quem cœlestis ille spiritus ex habitu quem assumpserat, emittebat, custodes sepulcri tanto terrore ac metu perculit, ut in terram corruerint velut mortui.

Hi, cùm deinde Principibus Sacerdotum rem ut contigerat, retulissent, (a) pecuniâ ab illis acceptâ inducti sunt, ut corpus Jesu noctu, se dormientibus, à discipulis ablatum fuisse divulgarent, (b) quasi videlicet adhibenda fides foret testis dormienti.

Q. 8. *Quorum igitur testimonio Christi RESURRECTIO nobis innotuit?*

R. Eorum, quibus ipse à morte redivivus (c) 40. dierum spatio diversis locis, atque temporibus, sæpè repetitis vicibus apparuit, iis se videndum ac palpandum præbens, cum ipsis loquens ac comedens, eosque de rebus ad suam Ecclesiam fundandam, regendamque spectantibus erudiens.

Hi tantæ rei (d) testes à Deo præordinati, cùm dubitassent primum, nec nisi certâ rei veritate convicti credere voluissent, quod ipsi viderant, toto orbe nuntiandum susceperunt; & ut efficacius testarentur, suum ipsi testimonium, ferre omnes proprio sanguine consignarunt. Et quamquam rudes essent ac simplices, ex tanto numero (erant quippè ut minimum quingenti, (e) qui quod viderant testabantur) nullus inventus est, qui suppliciis promissive adigi posset, ut quod testatus fuerat revocaret.

(a) Ibid. 7. 12. & 15.

(b) Vide Aug. in Psalm. 65. 7. 7. (c) Act. 1. 7. 8.

(d) Act. 10. 7. 41. (e) 1. Cor. 15. 7. 6.

Adde miracula gentiumque conversionem, & conclude, certam, liquidam atque evidentem esse veritatem Resurrectionis Christi; qui quidem Articulus jure habetur totius Christianæ Religionis *fundamentalis*.

Q. 9 *Quoties post Resurrectionem suam discipulis apparuisse Christus legitur?*

1. Ex variis, decem illius *Apparitiones* Scriptura commemorat, quæ hoc ordine contigerunt.

1. Visus est (a) *Mariæ Magdalene* in specie hortulani. Hoc illa ad monumentum plorans, zeli sui atque ardoris præmium tulit

2. Visus est & (b) aliis *mulieribus* à sepulcro redeuntibus, quibus in via occurrit. His *Iesus* mandavit, ut discipulis quod viderant nuntiarent; sed illi quæ narrabantur, pro somniis habuerunt.

3. (c) *Simoni Petro* Apostolorum Principi Christus apparuit.

4. (d) *Duobus Discipulis* euntibus in *Emas* peregrini specie itineris comitem se adjunxit, ac demùm in fractione panis agnitus, ex eorum oculis evanuit.

5. (e) Clausis januis repente in medio Apostolorum stetit, absente *Thoma*: cùmque suis ipsi oculis non satis fiderent, manus illis pedesque ac latus palpanda obtulit: coram iis comedit ac demùm insufflavit in eos dicens: (f) *Accipite Spiritum Sanctum, quorum remisistis peccata remittuntur eis, & quorum retinueritis retenta sunt*: quibus verbis prænitiæ Sacramentum instituit. Hæc hætenus primo resurrectionis die.

(a) Matt. 28. Marc. 16. Joan. 20.

(b) Matt. 28. 7. 9. Luc. 24. 7. 11.

(c) Luc. 24. 7. 34. 1. Cor. 15. 7. 5.

(d) Luc. 24. (e) Marc. 16. 7. 14. Luc. 24. 7. 39.

(f) Joan. 22. 7. 19.

6. Post octiduum, iterum Apostolis omnibus eodem modo apparuit, *Thomasque* hactenus incredulus, suorum jam sensuum experimento convictus, pertinaci incrudelitate deposita, exclamavit : (a) *Dominus meus & Deus meus !*

7. Piscantibus in Gallilæa [b] *septem Discipulis*, in littore visus & agnitus est, postquam ejus jussu jectis retibus, ingentem subito piscium multitudinem conclusissent. Iterum cum iis comedit, & *Petro* suas oves pascendas commisit.

8. Discipulis plusquam [c] *quingentis*, in monte Gallilææ, quem iis olim ipse constituerat, visus est.

9. Apparuit Apostolo *Jacobo*, primo Hierosolymorum Episcopo : quam Apparitionem [d] *S. Paulus* memoriæ prodidit.

10. Denique Apostolis simul omnibus apparuit [e] in Bethania, cum illis videntibus in cælum *ascenderet* qua de re mox infra tractabitur.

Vix dubitari potest, quin mox à resurrectione sua, dilectissimæ Matri Christus apparuerit ; sed ob varias rationes id Spiritus Sanctus in Sacris litteris expressum noluit.

Q. 10 *Quid ex Christi resurrectione pro moribus nostris statuendum est :*

æ. Præter certam fiduciam *Resurgendi* aliquando ad vitam immortalem, quam nobis Christus suâ resurrectione peperit, duo insuper à Christi resurrectione *Exempla* petere debemus.

Primum est, ut [f] *Quomodo Christus resurrexit à mortuis per gloriam Patris*, ita nos in *povitate vitæ ambulemus*, exutâ scilicet peccati vetustate, novum vitæ genus instituentes, in quo

(a) Ibid. v. 28.

(b) Joann. 21.

(c) Matth. 28. v. 16. 1. Cor. 15. v. 6. (d) 1. Cor. 15. v. 7.

(e) Luc. 24. v. 36.

(f) Rom. 6. v. 4.

morum integritas, innocentia, sanctitas, modestia, iustitia, beneficentia, humilitas, cæteræque virtutes eluceant.

Alterum est, ut (a) *Scientes quod Christus resurgens ex mortuis, jam non moritur; morsque illi ultra non dominabitur*, nos quoque in eo novæ vitæ instituto ita perseveremus, ut adjuvante Domino, à iustitiæ via quam semel ingressi fuimus, non deflectamus.

Q. II. *Quo verò indicio quisque cognoscet, sitne ad spiritualem vitam resuscitatus?*

æ. Et si citrà specialem Dei revelationem, plenâ cum certitudine nemo scire possit se ad spiritualem vitam esse resuscitatum, hanc interim aliqualem notam dedit Apostolus, (b) *si quæ sursum sunt quærat: quæ sursum sunt sapiat, non quæ super terram*. Si videlicet (c) quæcumque sunt vera, quæcumque pudica, quæcumque iusta, quæcumque sancta, alicui sapiant, si ad res supernas, divinas atque æternas, studia & cogitationes conferat, rerumque cœlestium jucunditatem intimæ mentis sensu percipiat, id certè maximo argumento erit cum qui ita affectus sit, ad novam spiritualem vitam unâ cum Christo resurrexisset.

CAPUT XXIII.

De 6. Symboli Articulo, Ascensu Christi in Cœlum, ejusque ibidem gloria, officio & potestate.

Sextus Articulus hisce verbis proponitur:

ASCENDIT AD CÆLOS: SEDET AD DEXTERAM DEI PATRIS OMNIPOTENTIS.

Duas igitur partes habet.

(a) Ibid. 1. 1. (b) Coloss. 3. 1. 1. (c) Philip. 4. 1. 1.

Q. 1. *Quid priore ejus parte profiteamur ?*

R. Christum à morte redivivum, perfectio jam & absoluto redemptionis nostræ mysterio, ut homo est, in cœlum corpore & animâ ascendisse: nam ut Deus est, immensitate suâ implens omnia, à cœlo nunquam abfuit.

Q. 2. *Quas gloriosi illius ascensus circumstantias Scriptura commemorat ?*

R. Quadragesimo die à resurrectione sua Apostolis Hierosolymis congregatis Christus aparuit; dixitque: (a) *Data est mihi omnis potestas in Cœlo & in terra. Euntes ergo docete omnes gentes, baptizantes eos in nomine Patris & Filii & Spiritus Sancti: docentes eos servare omnia quaecumque mandavi vobis. Et ecce ego vobiscum sum omnibus diebus usque ad consummationem sæculi.* Solemnis certè promissio, non deferendam unquam à Christo Ecclesiam.

Ipsis deinde, (b) iisque etiam, qui per eos creduturi erant, & Ecclesiam propagaturi, miracula patrandi potestatem pollicitus est (c) *Aparuit illis sensum, mentisque oculos cœlesti sapientiâ illustravit, ut intelligerent Scripturas.* (d) Jussit etiam ut in urbe Hierosolyma promissum sibi Spiritum Sanctum expectarent.

Post hæc [e] *Eduxit eos foras in Bethaniam, indeque in [f] montem Oliveti qui est juxta Jerusalem,* quo in loco cum elevatis manibus Discipulis suis Jesus benediceret, [g] *ipsis videntibus est elevatus in Cœlum, & nubes suscepit eum ab oculis eorum.*

Cum autem Magistrum abeuntem, oculis ac

(a) Matth. 28. v. 18. &c. (b) Marc. 16. v. 17.

(c) Luc. 24. v. 51. (d) Ibid. v. 49.

(e) Luc. 24. v. 50. (f) Act. 1. v. 12.

(g) Act. 1. v. 9.

desiderio Discipuli sequebantur, [a] duo illis Angelis virili specie, velleque splendenti apparuerunt, monentes *Jesum* quem mox ascendentem viderant, simili aliquando cum gloria rediturum.

Tunc simul omnes Hierosolymam reverti [b] in oratione unanimiter perstitērunt, præstolantes futurum propediem Spiritus Sancti adventum.

Q. 3. *Suane an alienâ virtute in Cælum Christus ascendit?*

R. Alienâ olim virtute [c] *Elias* igneo curru in cælum evectus est: at *Christus* virtutē propriâ, non solum divinitatis, sed ipsius etiam humanitatis, corpore jam glorioso & immortalī, per *agilitatis* dotem, innoventis animæ imperio sine ulla difficultatē obsequente.

Q. 4. *Nulline ascensionis illius ac triumphi comites adfuere?*

R. Fuerunt utique, ut suprâ insinuatū est, præter cœlestes spiritus, iustorum illæ animæ, quas ab *inferorum* carcere liberaverat: has nempe secum in gloriæ, quam adibat, possessionem induxit.

Q. 5. *Christusne ex quo in cælum abiit, terram nostram omnino dereliquit?*

R. Hanc quidem visibili suâ præsentia destituit: attamen in ea etiamnum præsens est invisibiliter, idque duplici potissimum ratione: 1. quidem *realiter* ac *substantialiter* præsens est in Augustissimo Eucharistiæ Sacramento 2. Ecclesiæ suæ, universisque fidelibus, favore, auxilio & protectione spiritualiter adesse non desinit.

Q. 6. *Quid posterior pars Articuli indicat: SED ET AD DEXTERAM DEI PATRIS OMNIPOTENTIS?*

(a) Ibid. 7. 10. (b) Ibid. 7. 14. (c) 4. Reg. 3. 7. 11.

R. Gloriam

¶ Gloriam deignat & dignitatem, quam Jesus Christus, divinitate æqualis Patri, secundum humanitatem, post passionem & labores adeptus est.

Q. 7. *Deusne Pater DEXTRAM habet aut sinistram, ut ad illam Christus sedeat?*

¶ Nullo modo : est enim purus Spiritus, qui nec membra habet, nec figuram. Humano igitur sensui accommodata locutio est, quâ nihil aliud significatur, quam humanam Christi naturam, super omnes creaturas dignitate & gloriâ in cœlis esse erectam. Quos enim hic homines honore affectos volunt, ad dextram collocare consueverunt.

Q. 8. *At verò quod hic Christus SEDERE dicitur, idne ad situm ac figuram corporis referendum est?*

¶ Non, sed ad Regiæ summæque potestatis ac gloriæ firmam & stabilem possessionem quam à Patre accepit.

Q. 9. *Quodnam pro nobis Christi in cœlis officium est?*

¶ Advocati, Mediatoris atque Pontificis : nam, ut Apostolus loquitur, (a) *Introivit Jesus in cœlum, ut appareat nunc vultui Dei pro nobis*, (b) *semper vivens ad interpellandum pro nobis*, sanguinemque quem semel pro communi omnium salute effudit, æterno Patri perpetuò exhibens. Quod quidem spei nostræ atque fiduciæ magnum debet esse incitamentum.

Q. 10. *Quid verò præteneâ pro moribus nostris ex Christi ascensione statuendum est?*

¶ 1. Christus caput est corporis illius, cujus nos Dei benignitate membra sumus. Si ergo illi ut Capiti fideliter adhæreamus, spes firma ac cer-

(a) Hebr. 9. v. 14.

(b) Hebr. 7. v. 25. 1. Joan. 2. v. 1.

ta est fore, ut quòd Caput præcessit, nos quoque membra sequamur; quippe non suo tantùm, sed & membrorum suorum nomine, immortalis illius gloriæ possessionem adiit.

2. Id quoque ascensu suo docere nos Christus voluit, ut etiamnum in terris positi, mente tamen in cœlestibus habitemus, consistentes nos (a) perigrinos & hospites esse super terram, ac patriam inquirentes, (b) civesque esse Sanctorum ac domesticos Dei, quorum proinde, ut monet Apostolus, (c) conversatio debeat in cœlis esse.

C A P U T XXIV.

De 7. Articulo Symboli Apostolorum, id est de potestate Christi judiciaria.

Septimus Articulus est :

INDE VENTURUS EST JUDICARE VIVOS ET MORTUOS:

Q. 1. *Quid iis verbis credere nos profiteamur?*

R. Agnoscimus Jesum Christum Dominum nostrum, non tantùm humani generis Redemptorem ac Mediatorem, sed Judicem etiam (d) à Deo esse constitutum. Omnem enim judicandi (e) potestatem Pater dedit Filio, prout homo est, ita ut (f) ante tribunal Christi manifestari omnes oporteat, ut unusquisque prout gessit in suo corpore, sive bonum, sive malum, ab illo recipiat.

Q. 2. *Nonne omnes omninò homines morituri sunt?*

R. Hoc planè plurimis in locis Sacra Scriptura insinuat, omnibus (g) hominibus statutum

(a) Hebr. 11. v. 13. (b) Ephes. 2. v. 19.

(c) Philip. 3. v. 20. (d) Act. 10. v. 42.

(e) Joan. 5. v. 22. & 27. (f) 2. Cor. 5. v. 10.

(g) Hebr. 9. v. 27.

esse semel mori, atque uti peccatum originale in omnes propagatur, sic (a) mortem quoque, illius pœnam, in omnes transiturem.

Q. 3. *Si omnes omninò homines morituri sunt, quid igitur in presenti articulo VIVORUM ac MORTUORUM nomine significatur?*

R. *Vivorum* nomine hîc ii intelliguntur, quos extremi iudicii dies *vivos* adhuc in carne reperiet : qui tamen non ante sistentur Judici, quàm brevi morte mediâ, ad vitam iterum fuerint revocati *Mortui* autem ii intelliguntur, qui ante supremum diem illum ex hac vitâ discesserint. Vel simpliciter *vivorum* nomine designantur ii, qui dum hic symboli Articulus recitatur, adhuc in vivis sunt : *mortuorum* verò nomine cæteri, qui jam inde obierint.

Q. 4. *Solumne in consummatione sæculi homines iudicandi sunt?*

R. *Judicium GENERALE*, quod omnes omnium sæculorum homines uno die atque uno in loco, resumptis corporibus simul subituri sunt, ut omnibus inspectantibus atque audientibus, quid de singulis decretum & iudicatum sit, palam fiat, id utique in fine sæculi celebrabitur. At verò, præter hoc, aliud iudicium est, quod *privatum* vocant, aut *PARTICULARE*.

Q. 5. *Quomodo autem, & quonam tempore privatum istud iudicium exercetur?*

R. Tum, cum unusquisque nostram migrat à vita : nam statim ad Dei tribunal sistitur, ibique de omnibus iustissima quæstio habetur, quæcumque aut egerit, aut dixerit, aut cogitarit unquam : ac demùm unumquemque necesse est præsentem iudicis subire sententiam.

(a) Rom. 3. 12. 1. Cor. 15. 22.

Qui in Dei amicitia & sanctitate decesserit ; ita quidem ut expiandum illi nihil ultrà supersit , (a) mox ad Dei conspectum , sempiternæque gloriæ possessionem admittitur.

Si verò iustus quidem , sed nondum plenè sit expiatus , à Dei conspectu tantisper excluditur , donec per congruas poenas , aut pia vivorum suffragia , divinæ justitiæ fuerit satisfactum.

Quod si in Dei inimicitia , & reatu peccati mortalis infelicem vitam quispiam terminaverit , hic iustâ ejusdem judicis sententiâ , sempiternis suppliciis mancipatur.

Q. 6. *Quid opus est post hoc judicium particulare , aliud generale institui ?*

æ. Variæ illius rei causæ sunt ; ac prima quidem , ut (quod aliter haberi nequit) perfecta & completa sit retributio rerum bene aut malè gestarum , quarum sæpè effectus longo post mortem tempore , imò usque ad finem sæculi extenduntur ; ut ab una parte in *Apostolis* , veritatis prædicatione Ecclesiam fundantibus : ex altera verò , in *Heresiarchis* , doctrinam Ecclesiæ corrumpentibus , illiusque unitatem scindentibus potest esse manifestum.

2. Est , ut læsa piorum fama coràm omnibus reparetur : laudibusque econtrariò celebrata impiorum hypocrisis & improbitas , palàm denudetur.

3. Ut corpora , quæ benè & malè factorum solent esse instrumenta , suam quoque in præmio aut supplicio partem habeant.

4. Ut quia divina providentia à multis sæpè improbis blasphematur & arguitur , illius suprema æquitas & justitia palàm omnibus innotescat.

5. Ut metu & expectatione futuri aliquando

(a) Vide istius veritatis confirmationem Philip. 1. 7. 23. 24. Cor. 5. 7. 8, Apocal. 20. 7. 4.

judicii, sempiternæque improborum omnium confuſionis, ceu fræno quodam, à malis homines avocentur.

Q. 7. *Quonam autem tempore generale judicium celebrandum eſt?*

R. Diem iſtum non modò homines ſed & (a) *Angelos* latere voluit æterna Dei providentia. Id unum ſcimus, quod (b) *sicut fur in nocte, ita veniet* ad judicium dominus, ut in perpetua (c) *vigilantia* vitam tranſigamus.

Q. 8. *Quænam imminente mundi fine, univerſale judicium antecedent?*

R. In Sacris Litteris hæc ſequentia indicantur.

1. Erunt per varia loca (d) *terræmotus, fames, peſtis, & bella atrocia.*

2. (e) *Abundabit iniquitas, refrigeſcet autem charitas multorum.*

3. (f) *Evangelium toto orbe prædicabitur.*

4. Apparebit (g) *Antichriſtus* dirè perſequens nomen Chriſtianum.

5. Contra illum conſiſturi advenient *Henoch & Elias*, quos ad hunc finem olim à Deo raptos, vivos etiamnùm ſervari, & ab Antichriſto necandos (h) *Sacra Scriptura* inſinuat.

6. Denique (i) *obſtinata hætenus Judæorum natio ad Chriſtum convertetur.*

Q. 9. *Quid de Antichriſto è Sacris Litteris eruitur?*

R. 1. (k) *Homo peccati, & filius perditionis* ab Apoſtolo nominatur, qui, inquit, *adverſatur &*

(a) Matth. 24. v. 46. (b) 1. Theſſ. 5. v. 2. & 4.

(c) Matth. 24. v. 42. & 43. (d) Luc. 21. v. 11.

(e) Matth. 24. v. 12. (f) Matth. 24. v. 24.

(g) Vide 1. Joan. 2. v. 18.

(h) Apoc. 11. v. 8. Matth. 17. 11. Heb. 11. v. 5. Eccli. 44. v. 16. (i) Matth. 10. v. 23, Rom. 11. v. 26.

(k) 2. Theſſ. 2. v. 3. & 4.

extollitur supra omne, quod dicitur Deus : ita ut in templo Dei sedeat, ostendens se tamquam sit Deus.

2. Persecutionem quam contra Christi nomen & Ecclesiam suscitabit, tam fore terribilem, & (a) seductionem ejus in signis prodigiisque mendacibus, tam potentem, ut (b) in errorem inducendi essent, si fieri posset, etiam electi Hanc tamen persecutionem (c) brevi tempore duraturam Sacra Scriptura insinuat.

3. Iniquum illum (d) Dominus Jesus interficiet spiritu oris sui, & destruet illustratione adventus sui.

4. Proinde non nisi imminente mundi fine *Antichristus* apparebit, quando videlicet (e) prædicato per universum orbem Evangelio pro foribus erat consummatio.

Q. 10. *Nondumne igitur in terris hæcenus Antichristus apparuit?*

R. Certum planè est & ex Scripturis evidens nondum apparuisse hominem illum impium, filiumque perditionis, de quo jam statim dictum est : aded ut luce meridianâ clarius sit, quo spiritu acti fuerint *Protestantes*, qui visibile Ecclesiæ Christi caput, Apostolorum Principis Successorem, *Antichristum* illum esse, pudendâ posteris calumniâ asseruerunt.

Tam enormis insolentia, tamque furibunda impostura, quâ tot primæ illius Sedis Episcopi, quibus nihil antiquius est quàm Christi nomen & gloriam dilatare, *Antichristi* nuncupantur, non alios poterat habere auctores, quàm qui ipsimet in Sacris Litteris latiori sensu vocantur *Anti-*

(a) Ibid. v. 9. & 10. (b) Matth. 24. v. 24.

(c) Matth. 24. v. 22. Apoc. 20. v. 3. & c. 12. v. 14.

(d) 2. Thess. 2. v. 8. (e) Matth. 24. v. 14.

Christi. Sic autem à *Joanne* [a] nuncupantur *Hæretici*, qui utique *Christi* doctrinam corrumpentes ejusque Ecclesiam conturbantes, illi oppositi sunt, id quod latiori sensu est esse *Antichristum*.

Q. 11. *Quenam erit extremi judicii forma, quæ circumstantiæ?*

1. Præter resurrectionem generalem de qua infra.

1. (b) *Sol obscurabitur, luna non dabit lumen suum*, virtutes cælorum commovebuntur, stellæ obtenebrescent, universa denique natura horrendo fremitu sus deque eversa, ultimo (c) *conflagrationis igne* absumetur.

2. Apparebit in nubibus *Cruz Christi*, (d) *Signum* istud gloriosum *Filii hominis*, signum triumphi ejus.

3. Apparebit ipse (e) *in sede Majestatis sue* cum potestate magnâ, Sanctorum omnium turbâ circumdatus, qui simul omnes & [f] rebelles angelos & homines impios, cum Christo judicaturi sunt.

4. [g] *Exibunt Angeli*, & separabunt Electos à reprobis, illos à dextris, hos autem à sinistris Christi constituentes. Sententiam deinde justus & inexorabilis Judex pronuntiabit, Electis quidem dicens : *Venite benedicti Patris mei, possidete paratum vobis regnum à constitutione mundi : esurivi enim & dedistis mihi manducare, &c.* Reprobis verò terribili voce dicturus est : *Discedite à me maledicti in ignem æternum ; qui paratus*

(a) 1. Joann. 2. v. 18. & 22. cap. 4. v. 3. epist. 2. v. 7.

(b) Matth. 24. v. 29. (c) 2. Pet. 3. v. 10.

(d) Matth. 24. v. 30. [e] Matth. 19. v. 28. & cap. 25. v. 31.

(f) 1. Cor. 5. v. 3.

(g) Matth. 13. v. 49. Vide Matth. 25. à vers. 31. usque ad finem.

est diabolo & Angelis ejus Esurivi enim & non deditis mihi manducare &c.

Q. 12. *Quæ ex tam terribilis expectatione judicii nobis formanda conclusio est ?*

R. [a] Cum metu tremore salutem nostram nos debere operari, satagentes ut [b] dñm tempus habemus, operemur bonum, atque ita certam nostram vocationem & electionem faciamus, sic semper viventes qualiter velimus mori : nam quales nos incerta illa mortis hora inveniet, tales quoque extremus dies exhibebit.

CAPUT XXV.

De 8. Symboli Articulo : SPIRITU SANCTO, Adventu ejus, donisque & fructibus.

O Cravus Articulus est :

CREDO IN SPIRITUM SANCTUM.

Q. 1. *Quid hisce verbis profiteamur ?*

R. Agnoscimus tertiam in Deitate Personam Spiritum Sanctum, qui ex [c] Patre Filioque procedens, [d] verus, ntrique coæternus, coequalis ac consubstantialis Deus existit, & eadem fide, parique cultu, & honore colendus est.

Q. 2. *Quis inter Hæresiarchas Divinitatem Spiritus Sancti præcipuè oppugnavit ?*

R. Macedonius, qui cum impio suo dogmate in [e] prima Synodo Constantinopolitana damnatus fuit Contra illum hæc in Symbolo prædictæ Synodi verba expressa sunt : *Credo & in Spiritum Sanctum, Dominum & vivificantem,*

[a] Philip. 2. v. 12. [b] Gal. 6. v. 10. 2. Pet. 1. v. 10.

[c] Joann. 15. v. 26. item cap. 16. v. 14. & 15.

[d] Matth. 28. v. 19. 1. Cor. 6. v. 19. 1. Joan. 5. v. 7.

[e] Habitâ sub Damasa Papa & Theodosio Seniore Imperatore, anno 381.

qui ex Patre procedit, qui cum Patre & Filio simul adoratur, ac conglorificatur, qui locutus est per Prophetas.

Græcorum Schismaticorum pertinax error est, Spiritum Sanctum à solo Patre procedere Contra illum verbis Symboli Constantinopolitani, auctoritate Ecclesiæ romanæ adjecta est vox FILIOQUE, ità ut à pluribus jam sæculis hoc modo ea pars Symboli recitetur : Qui ex Patre Filioque procedit.

Q. 3. Quare in Symbolo Constantinopolitano Spiritus Sanctus vivificans dicitur, itemque locutus per Prophetas ?

R. Sicut Patri Potentia, Filioque Sapientia, ità Spiritui Sancto omnes divini erga nos amoris effectus tribuuntur : propterea quòd per amorem à Patre Filioque procedat. Vivificans ergo dicitur, quia vitam nobis & corporis & animæ peramanter impertit, ità ut sine vivifica inspiratione ejus, nec corporaliter nec spiritualiter possimus vivere. Locutus autem dicitur (a) per Prophetas, quia non nisi ejus afflatu factum est, ut Prophetæ futura prædixerint, Deique voluntatem hominibus nuntiarint.

Q. 4. Quinam præ cæteris Spiritus Sancti dona abundantius perceperunt ?

R. Apostoli & Discipuli Domini, qui post Ascensionem Christi Hierosolymam reversi, & in oratione cum Maria Matre Domini unanimiter perseverantes, decimo die, qui erat quinquagesimus à Christi Resurrectione, (b) repente omnes Spiritu Sancto impleti sunt, tantoque fervore accensi, ut in alios quodammodo homines mutati viderentur. Omnium gentium linguis

(a) 2. Pet. 1. §. 21. (b) Act. 2.

loquebantur, omnique terrore postposito, Christum à morte redivivum esse prædicabant, eo successu, ut ad primam Petri concionem, tria Judæorum millia Christi fidem amplexa, petierint baptizari.

Q. 5. *Solisne Apostolis, primisque illis Christi Discipulis Dona sua Spiritus Sanctus communicare voluit?*

R. Inter Spiritus Sancti dona, alia ad propriam hominis sanctificationem pertinent, solisque *justis* sunt propria: alia divinam potius potentiam manifestant & ad alienam præcipuè utilitatem dantur, dicique solent *gratiæ gratis datæ*, ut dona linguarum, sanitarum & miraculorum; atque hæc fundandæ propagandæque Religioni necessaria, Apostolis, primisque passim fidelibus data sunt; nunc autem minùs necessaria, rariùs conceduntur, nihilque vetat quo minùs & *impiis* aliquando sint communia.

Q. 6. *Quenam assignari solent Dona Spiritus Sancti quæ ad hominis sanctificationem pertinent?*

R. Ex Isaïa Propheta (a) à sanctis Patribus recensentur septem: videlicet *Donum Sapientiæ, donum Intellectus, Consilii, Scientiæ, Fortitudinis, Pietatis ac Timoris Domini*. Quæ quidem in Christum Dominum (b) sine mensura effusa sunt, ab ipso autem, ceu capite & fonte omnis gratiæ, in viva ejus membra (c) derivantur.

Q. 7. *Explica breviter recensita illa Dona Spiritus Sancti?*

R. Filici potius experientiâ, quàm humanis verbis cognoscenda sunt. Id interim paucis observari potest, ea esse veluti scalam quamdam

(a) Cap. 11. v. 2.

(b) Joan. 5. v. 34.

(c) Joan. 1. v. 16.

mysticam, quâ ad æternam felicitem fideles ascendere debeant.

Primus itaque gradus est *Timor Domini*, quod homo ex reverentia filiali à malo avocatur, ne Deum offendant benignissimum patrem. Hic ille est qui toties in Sacris Littris (a) *Principium Sapientiæ* nominatur.

2. Hinc ad *Pietatem* (b) ascendit, quâ prompto animo Deo devotam subditamque voluntatem, proximo autem sinceræ benevolentiae affectum impendit.

3. Gradu pertingit ad *Scientiam* (c) quâ vanitatem atque instabilitatem rerum omnium humanarum purificatæ mentis oculis intuetur.

4. Inde quarto gradu nascitur *Fortitudo* (d) quâ se contra illecebras mundi, carnis & diaboli indefessâ generositate tuetur ne iis succumbens animus in miserrimam incidat servitutem.

5. Quod ut prudenter, non temerè fiat, additur, *Donum Consilii* (e) quo mens prospiciat, quomodo in arduis subitisque eventibus se gere-re, quid eligere, quid repudiare oporteat.

6. Sic deinceps ad clariorem rerum divinarum cognitionem sexto gradu ascendit per *Donum Intellectus* (f) ut postremò.

7. Perveniat ad *Sapientiam*, quâ non tantùm intelligitur, sed & sapitur quodammodo atque gustatur Deus, juxta illud Psalmi 33. (g) *Gustate & videte quoniam suavis est Dominum*. Hic est ille gradus, quo quantum in hac vita licet

(a) Psalm. 110. v. 10. Prov. 1. v. 7. &c.

(b) 1. ad Tim. 4. v. 8. & cap. 6. v. 6.

(c) Psalm. 93. v. 10. 11. & 12.

(d) 1. Pet. 5. v. 9. Psalm. 42. v. 2. Act. 6. v. 8.

(e) Prov. 13. v. 10. & 16.

(f) Psalm. 118. v. 34. &c. Eccli. 15. v. 3. & 5.

(g) Psalm. 33. v. 9.

humana mens Deo adhæret, atque in illo suavissimè conquiescit.

Q. 8. *Quinam dicuntur Fructus Spiritûs Sancti?*

R. Illos Apostolus Paulus hoc modo enumerat : (a) *Charitas, Gaudium, Pax, Patientia, Longanimitas, Bonitas, Benignitas, Mansuetudo, Fides, Modestia, Continentia, Castitas.*

Hæ itaque virtutes ex donis Spiritûs Sancti tamquam suavissimi quidam fructus consequuntur, nosque veluti frugiferas (b) arbores in Ecclesiæ agro plantatas commendant : atque id insuper præstant, ut homo Christianus adversus carnis opera, velut spirituali quâdam armaturâ sit instructus & confirmatus.

Q. 9. *Quenam sunt Opera carnis?*

R. De iis eodem loco Apostolus ita disserit : „ (c) *Manifesta sunt opera carnis : quæ sunt Fornicatio, Immunditia, Impudicitia, Luxuria, Idolorum servitus, veneficia, inimicitia, contentiones, æmulationes, iræ, rixæ, dissensiones, seetæ, invidia, homicidia, ebrietates, comessationes, & his similia : quæ prædico vobis sicut prædixi : quoniam qui talia agunt regnum Dei non consequentur.* „

Subjungit deinde, (d) *Qui autem Christi sunt, carnem suam crucifixerunt, cum vitiis & concupiscentiis.* Monet denique idem Apostolus : (e) „ *Nolite errare : Deus non irridetur. Quæ enim seminauerit homo, hæc & metet. Quoniam qui seminat in carne sua, de carne & metet corruptionem : qui autem seminat in spiritu, de spiritu metet vitam æternam.* „

Cæterùm ut eâ, quâ par est, sollicitudine, carnis, id est corrupti hominis, opera fugiamus,

(a) Gal. 5. 22. (b) Matth. 7. 17. (c) Gal. 5. 19.

(d) Gal. 5. 24. (e) Gal. 6. 7.

memores nos esse oportet, membra nostra esse
(a) *Templum Spiritus Sancti*, quod ille inhabitat, quamdiu in (b) *cordibus nostris diffusa* per eum, *Dei charitas* perseverat.

CAPUT XXVI.

De propagatione Evangelii, & certissima veritate Religionis Christianæ.

Questio 1. *Quid post acceptum Spiritum Sanctum Apostoli egerunt?*

Æ. Christum Jesum à morte redivivum (c) *Judeis* primùm atque (d) *Samaritanis*, dein (e) *gentibus* prædicarunt. *Judæorum* quidem non pauci crediderunt, plerique Evangelio pertinaciter resisterunt, primosque fidei præcones modis omnibus persecuti sunt.

Q. 2. *Quomodo hæc Judæorum perfida obstinatio punita fuit.*

Æ. 40. Circiter annis post Christi mortem, tota fere gens illa à *Romanis* excisa est sub Imperatore VESPASIANO & TITO filio ejus. (f) Durante obsidione horrenda fames inclusos mœnibus in eam rabiem impulit, ut humanis viscerentur carnibus, ac natorum etiam corpora matres absumerent: & undecies centena hominum milia, quod penè fidem superat, unâ illâ obsidione perlerunt. Cæteri captâ urbe atque succensâ, in captivitatem abducti, pro mancipiis divenditi, & quaquaversum dispersi sunt. Itâ impletum

(a) 1. Cor. 6. 19. (b) Rom. 8. 9.

Act. 2. 14. & deinceps usque ad cap. 8.

(c) Act. 8. 1.

(d) Ibid. cap. 10. 1. 34. cap. 13. 1. 46.

(e) Vide Joseph lib. 7. de excid.

est, quod Prophetæ (a) *Daniël*, (b) *Oseë*que prædixerant; postquam scilicet negato damnatoque Messia defierunt esse populus Dei, tot jam sæculis in sua cæcitate & perfidia persistentes, toto orbe vagantur, sine Rege & Principe, sine Templo & Sacrificio, circumferentes Libros Sacros, ex quibus revincuntur ipsi, & Christiana fides adstruitur.

Q. 3. *Quo successu GENTIBUS Apostoli prædicarunt?*

R. Deo aspirante tanto hinc profectu, tantæque velocitate progressi sunt, ut exiguo temporis spatio (c) per plerasque orbis provincias, Apostolorum vox audita, doctrinaque recepta sit. Desertis idolis vanisque superstitionibus suis, Christianam fidem certatim amplectebantur, & divino Spiritu interiùs exteriùsque mutati, quod ipsi didicerant, mox aliis annuntiabant.

Q. 4. *Quam in hocce opere partem habuit PAULUS?*

R. Sanè maximam: hic etenim (d) ex persecutore nascentis Ecclesiæ, mirabili planè & inusitatâ Dei vocatione Christianæ Fidei præco & singulariter GENTIUM DOCTOR effectus est, quo in munere (e) plus omnibus laboravit, plurimasque provincias, incredibili ubique successu fidei, peragravit.

Q. 5. *Hæc autem mundi tam repentina conversio, nullamque contradictionem passa est?*

R. Imò verò tota inferorum potestas propagationi Evangelii totis viribus obstitit. Regum Principumque auctoritas, Sacrificorum superstitio, Sophistarumque subtilitas instigante diabolo con-

(a) Cap. 9. v. 26. & 27. (b) Cap. 3. v. 4.

(c) Rom. 10. v. 18. (d) Act. 9.

(e) 1. Cor. 15. v. 10. & 2. Cor. 11. v. 23. & seqq.

ſpiraverunt, ut hanc novam Religionem delerent *funditus*, & in ſuis quodammodo incunabulis ſuffocarent. Sæviſſima proinde contra Chriſtianos Ediſta, perſecutioneſque ſuſcitatz, & ubi blanditiæ non procederent, exquisita tormenta abhibita contra avitæ idololatriæ deſertores. Qui hæc omnia conſtanter pertulerunt, Chriſti MARTYRES, id eſt *Teſtes*, dicti ſunt.

Q. 6. *Fuitne magna Martyrum multitudo?*

R. Fuit proſectò maxima: quippe trecentis ferè annis vix aliud fuit quàm perpetua contra Chriſtianos, perſecutio, partim ab Imperatoribus, (a) *Nerone*, præſertim (b) *Domitiano*, (c) *Decio*, (d) *Valeriano*, & (e) *Diocletiano* excitata, aut violentis Ediſtis acriùs renovata: partim à Magiſtratibus, vel furente plebe continuata, donec per CONSTANTINUM Eccleſiæ pax (f) eſt redita. Cæterùm quò Tyranni ampliùs ſæviebant, eò plures indies Chriſtianos ſe profitebantur, aded ut (g) ſanguis Martyrum verè eſſet ſemen Chriſtianorum.

(a) Ab an. 54. vulg. 64. uſque ad 68.

(b) Ab an. 94. uſque ad 96. (c) Ab an. 249. uſque ad 251.

(d) An. 257. duravit 3. annis cum dimidio.

(e) An. 303. violentò ediſto perſecutionem indixerunt *Diocletianus* & *Maximianus* Imperatores Collegæ. Hæc ſub *Diocletiano* nomine continuata fuit per Imperatorem *Galerium* uſque ad an. 311. Deinde per *Maximinum* uſque an. 313. Denique per *Licinium*, ab an. 319. uſque ad 324. His 5. perſecutionibus, quæ per expreſſa Imperatorum Ediſta ſuſcitatz ſunt, adjungi ſolent totidem aliæ, ſed minus vehementes, minùſve univerſales; nempe ſub *Trajano* præcipuè circa an. 107. ſub *Marco Aurelio Antonino* verſùs an. 163. ſub *Severo* circa annum 202. ſub *Maximino*, maximè contrà Sacerdotes ab an. 235. uſque ad 238. Denique ſub *Auriliano* circa an. 274.

(f) Primum quidam devictò *Maxentio* an. 312: poſteà plenius extincto *Licinio* an. 324.

(g) Tertul. Apol. Cap: 5. Vide etiam Apologias S. Juſtini & Minucii Felicis, &c.

Q. 7. *Fuitne conversio gentium per Prophetas veteris Testamenti dudum ante prædicta?*

R. Fuit, idque admodum frequenter. Textus passim sunt obvii, præsertim apud (a) *Davidem, Isaiam & Jeremiam* Prophetas, de novo foedere Legeque novâ cordibus inscribendâ, de gentibus omnibus Dei veri notitiam habituris, eumque sincero cultu adoraturis, de rejiciendis denique ob suam perfidiam Judæis, suæque cæcitati usque ad destinatum tempus relinquendis.

Q. 8. *Unde primis illis Christianæ Fidei præconibus tanta in convertendis gentilibus sermonis vis & efficacia?*

R. Non ab humana eloquentia, quam ferè negligebant; sed ab omnipotentia Jesu Christi, cujus Spiritus (ut ille (b) futurum prædixerat) in eis loquebatur, & per eos stupenda prodigia & miracula faciebat. Tanta ergo illis inerat à cælo data sapientia, tanta fortitudo ac tolerantia, ut etiam si essent omni humana ope destituti, omnes tamen inferorum mundique potestates, quantumvis reluctantes, superarint.

Q. 9. *Nonne ex iis quæ hucusque dicta sunt consequens est certissimam esse veritatem Religionis Christianæ?*

R. Id planè consequens est. Nam quisquis ratione utitur, liquidò perspicit nullâ ratione fieri potuisse, ut sine veritatis æternæ omnipotentis operatione, pauculi homines omnibus humanis præidiis destituti, inter vehementissimas omnium mundi potestatum persecutiones, Religionem novam, inveteratæ superstitioni cunctisque hominum cupiditatibus adversantem, tantillo tempore, toto orbe diffuderint ac propagarint. Om-

(a) Psalm. 21. v. 38. Isai. 2. v. 2. Jerem. 31. v. 31. &c.

(b) Luc. 21. v. 15. Matth. 10. v. 20.

nipotentia itaq;

hipotenti itaque Dei virtute suprà petram fundata est *Christi Ecclesia*, de qua jam dicendum.

CAPUT XXVII.

De Ecclesia, ejusque Unitate, & Communionē Sanctorum.

Nonus Articulus Symboli Apostolorum est:
Credo SANCTAM ECCLESIAM CATHOLICAM,
SANCTORUM COMMUNIONEM.

Q. 1. *Quid hic Ecclesiæ nomine significatur?*

✱. Cœtus eorum omnium, qui Deum verum veraciter agnoscunt & colunt.

Credimus itaque unam aliquam in orbe terrarum congregationem hominum existere, in qua veri Dei sincera cognitio, sincerusque cultus vigeat: quod prorsus exigit suprema Dei providentia, ne alioquin res humanas neglexisse videatur. Credimus præterea eam congregationem *Sanctam* esse atque *Catholicam*, id est universalem, per omnia tempora locaque diffusam.

Q. 2. *Quis autem est ille cœtus, in quo sincera Dei cognitio, sincerusque ejus cultus vigent?*

✱. Non alius planè quàm eorum, qui Christi fidem religionemque profitentur. Nam sicut sectæ omnes à Christi fide abhorrentes, innumera falsitatis, vanæque superstitionis indicia præ se ferunt, ita econtrariò jam suprà visum est, cuivis sedulò animadvertenti debere esse evidentissimum, Religionem Christianam sine omnipotenti supremi Numinis operatione eo modo quo propagata & stabilita est, propagari & stabiliri nullo modo potuisse.

Q. 3. *Estne vera Christi Ecclesia visibilis?*

✱. Nemo ante nostri temporis sectarios id un-

H

quam in dubium revocavit. Et certè tùm in Scripturis Sacris, tum in Conciliis, Sanctisque Patribus ubique obvium est, Ecclesiam (constantem utique ex hominibus, non spiritibus invisibilibus) cœtum esse tam conspicuum, ut comparetur (a) *civitati supra montem posita*, ad quam certatim confluræ sint omnes gentes, ut in ejus societatem admittantur.

Q. 4. *Cùm multæ sint in orbe terrarum societates hominum, quæ Christiano nomine gloriantur, longissimè interim ab invicem discrepantes, omnesne illæ vera Christi Ecclesia sunt?*

R. Sicut unus tantùm Christus est, ità (b) una tantùm est fides, unaque Ecclesia; eorum nempe societas, qui sub uno in terris Christi Vicario Petri in Romana sede Successore, rectam de Christo invisibili capite fidem profitentur, eorundem sacramentorum participatione adunati. Qui ab hac unitate segregati, peculiarem sibi cœtum constituunt, tametsi Christi nomen inclament, à Christo tamen prorsus alieni sunt.

Q. 5. *Cur Ecclesiam ROMANO-CATHOLICAM veram Christi Ecclesiam esse dicis, potius quàm aliquam ex cæteris sectis, quæ se Christianas esse profitentur?*

R. Quia in illam solam apertè congruunt Notæ omnes, quas antiquissimum fidei Symbolum in (c) *Constantinopolitana Synodo editum*, veræ Ecclesiæ tribuit; *unam esse, Sanctam, Catholicam, & Apostolicam.*

Q. 6. *Quomodo præ cæteris Ecclesia Romano Catholica UNA est?*

R. 1. Una est non tantùm unitatè capitis invisibilis Christi Jesu, sed etiam unitate capitis vi-

(a) Ilai. 1. 2. Matth. 5. 14. (b) Ephes. 4. 5.

(c) Quod in Missa recitatur.

Abilis, Christi in terris Vicarii, Romanæ Sedis Episcopi, in quo ceu centro quodam unitatis fideles omnes *in terris positi* adunantur.

2. *Una* est unitate fidei ac doctrinæ, quidquid enim ad fidem pertinens, in una Ecclesiæ parte creditur, id quoque in aliis omnibus firmitate tenetur. Quod si quæ in his rebus controversia exorta fuerit, iudicem habent fideles cui parere certum est omnibus, alioquin non ampliùs inter Ecclesiæ membra recensendis.

Hæc duplex unitas in ulla alia societate reperitur, atque idè nihil ibi frequentius, quàm tot ferè esse Religiones, quot sunt capita.

Q. 7. *Quinam sunt membra Ecclesiæ?*

2. Majoris distinctionis gratiâ observandum est, tres esse præcipuas portiones corporis illius mystici, cujus Jesus Christus (a) caput est: aliam gloriosam in cœlis, aliam divinæ Justitiæ satisfaciensem in Purgatorio, tertiam denique certantem adhuc in terris. Prior dicitur Ecclesia *triumphans*, secunda *patiens*, tertia *militans*.

Itaque *Ecclesiæ militantis* membra sunt soli illi, qui per Sacramentum Baptismatis Ecclesiam ingressi, ab illa neque ob contumaciam ejecti, neque suâ sponte segregati sunt; sed in ejusdem fidei, eorundemque Sacramentorum professione, sub eodem visibili capite perseverant.

Proinde extra Ecclesiam sunt, 1. Judæi, Turcæ, Ethnici, omnesque non Baptizati. 2. Hæretici (saltem *manifesti*, nam de *occultis* disputatur) & Apostatæ. 3. Schismatici. 4. Excommunicati; isti, quia se segregarunt: hi, quia ob suam in crimine pertinaciam, velut inutilia membra resecti sunt.

(a) Ephes. 1. 7, 22. Coloss. 1. 7. 18.

Q. 8. *Estne singularis aliqua inter Ecclesiæ membra unio mutuaque bonorum participatio?*

R. Est planè, eamque profiteamur his verbis Symboli Apostolorum: COMMUNIONEM SANCTORUM Credimus scilicet, quod sicuti in humano corpore (a) omnia membra decentissimo ordine inter se connexa sunt, & eodem spiritu vegetantur, mutuisque bonis gaudent, ita omnia membra mystici corporis Iesu Christi, Eadem fide iisdemque Sacramentis connexa, eodem Christi spiritu soveantur ac animentur, bonaque spiritalia unius membri, sanctâ quâdam participatione cæteris omnibus reddantur communia.

Q. 9. *Quinam Communionis Sanctorum participes sunt?*

R. *Viva Christi membra*, id est iusti ac sancti plenè ac perfectè illius participes sunt, membra autem *mortua*, id est, qui fidem quidem habent, sed charitate destitutam, pravisque operibus mortuam, dumtaxat imperfectè. Prodest interim illis plurimùm communis Ecclesiæ gemitus, ut per fidem ad Dei misericordiam recurrentes, aliquando seridò convertantur & vivant. Cæterùm quicumque ab Ecclesia segregati sunt, ab hac Communionem penitus sunt exclusi.

Q. 10. *At numquid hæc Sanctorum communio etiam inter Ecclesiam Triumphantem, Patientem, & militantem intercedit?*

R. Omnino, ita quidem ut *Triumphantis* meritis ac precibus *Militans* adjuvetur: *Militantis* autem suffragia ac sacrificia profint plurimùm *Patienti*.

(a) 1. Cor. 12. 7. 12. & seqq.

CAPUT XXVIII.

De reliquis Ecclesiæ Notis : SANCTA CATHOLICA & APOSTOLICA.

QUÆSTIO I. *Quomodo vera Christi Ecclesia SANCTA est?*

1. Quia per Baptismum Deo consecrata & dedicata est in membris suis omnibus, quorum & præcipua re ipsâ sancta sunt, & ad æternam sanctitatem destinata : ac deinde nemo verè sanctus qui sit extra Ecclesiam. 2. Quia cum Christo totius sanctitatis fonte, ceu corpus cum capite arctissimo nexu conjuncta, ab illo jugiter (a) sanctificationis influxum recipit 3. Sancta est legitimo sacrificii & Sacramentorum usu, totâque Fidei doctrinâ, quæ nihil quàm sanctimoniam perpetuò inspirat. 4. Denique *Sanctitatem miraculorum* sola possidet : ita quidem ut extra hanc unam Ecclesiam numquam, in ea verò frequenter admodum insolita Divinæ virtutis signa atque prodigia contigerint, & ubi opus est etiamnum contingant.

Q. 2. *Qui potest Ecclesia sancta esse, cum tam multi, qui se Christianos atque Catholicos profitentur, palam perversi atque impii sint?*

1. Quandiu Ecclesia peregrinatur in terris, *paleam* (b) habet permixtam *tritico* in fine demùm sæculi penitus segregandam. At interim illorum perversitas neque sanctitati vivorum Ecclesiæ membrorum officit, neque fidem doctrinamve Ecclesiæ contaminat, hæc etenim non ideò desinit pura & sancta esse, quòd plurimorum impietate violetur.

(a) Joann. 1. 7. 16. & cap. 15. 7. 1. & 4. (b) Matth. 13. 7. 12.

Q. 3. *Ac unde constat Doctrinam Ecclesiæ perpetuam puram sanctamque esse, neque aliquando ad errores noxios declinare?*

Æ. Id quidem per singula dogmata demonstrari posset. Sed quia hæc via longior est, expeditius erit attentam mente perpendere, Christum, qui suprema veritas est, idemque cum Patre & Spiritu Sancto Omnipotens Deus, promississe Ecclesiæ dilectissimæ Sponsæ suæ, (a) eam fundatam fore supra immobilem petram, ita ut portæ inferi, id est omnes inferorum potestates, nullo unquam tempore contrā eam prævalituræ sint: (b) Spiritum veritatis cum illa permanurum in æternum se quoque Apostolis, eorumque in pari ministerio Successoribus, docentibus ac Sacramenta ministrantibus, inviolabili suā protectione adfuturum (c) *omnibus diebus usque ad consummationem sæculi.*

Cum ergo Omnipotens sit simul & fallere nescius qui promissit impium est existimare Ecclesiam, quam ille (d) *suo sanguine acquisivit*, in errores noxios lapsam esse unquam aut labi posse.

Q. 4. *Soline Ecclesiæ Romano - Catholicæ proprium est, ut modis jam explicatis Sancta sit?*

Æ. Prorsus illi soli id congruit: nam cæteræ sedæ præter corruptelam morum etsi subjacent, talia insuper doctrinæ suæ principia statuunt, ex quibus illa morum perversitas auctoritatem obtineat & consequatur: statuuntque universæ Ecclesiæ doctrinam noxiis erroribus non tantum infici posse, sed re ipsam aliquando infectam fuisse. Proinde nec morum, nec doctrinæ sanctitas, apud ullos sectarios reperitur.

(a) Matth. 16. v. 18.

(b) Joann. 14. v. 16.

(c) Matth. 28. v. 20.

(d) Act. 20. v. 28.

Q. 5. *Quo sensu Ecclesia CATHOLICA est?*

R. *Catholica* est, id est universalis, 1. Quia omnes omnium temporum locorumque fideles complectitur, ita ut ad eam pertineant, quicumque ab orbe condito usque in hanc diem, Deum verum veraciter coluerunt. 2. Quia doctrina Ecclesiæ per omnes orbis terræ partes prædicata est. Habet deindè illa fideles ubique dispersos, qui ejusdem fidei vinculo eorumdemque participatione Sacramentorum, sub eodem visibili capite omnes inter se connexi sunt.

Cæteræ societates omnes à Romano Catholica segregatæ, (a) singulæ suis locis temporibusque concluduntur, nulla igitur *Catholica* est aut universalis.

Q. 6. *Quo sensu Ecclesia APOSTOLICA dicitur?*

R. Quod ab Apostolis propagata, eorum doctrinam firmissimè teneat, & manifestâ successionis serie originem suam ad illos usque referat. Sic à CLEMENTE XI. qui Romanam Sedem hodie tenet, non interrupto successionis ordine, usque ad Beatum *Petrum*, primum illius Sedis Episcopum, pervenitur.

At sectæ omnes novitatem suam suo plerumque nomine præferunt, dum *Lutherani*, *Calvinistæ*, *Sociniani* à suis auctoribus nuncupantur. Designari iis potest annus, mentis ac dies quibus primum exortæ, & ab Ecclesia Catholica segregatæ sunt.

Itaque concludendum est, nullam esse in orbe societatem hominum, cui competat *unam* esse, *Sanctam*, *Catholicam* & *Apostolicam*, nisi Ecclesiam Romano-Catholicam, hancque adeo solam esse veram Christi Sponsam, quam sibi suo sanguine acquisivit.

(a) Vide Tertull. lib. de præscript. Hæret. cap. 20. 22. 36 & 37.

Q. 7. *Utrum extra hanc Ecclesiam spes salutis?*

R. Quicumque sunt extra Ecclesiam sunt à vera fide alieni, vel saltem à charitate semoti : at verò (a) *sine Fide impossibile est placere Deo*, nec minus impossibile sine charitate (b) pervenire ad Regnum cœlorum : sicuti ergo certo exilio erant obnoxii, qui durante diluvio extra Noëmi Arcam versabantur, ita nemini salutis æternæ spes est nisi in fide & unitate Ecclesiæ perseveret.

Q. 8. *Quæ nobis inde formanda conclusio?*

R. Ut nempe in perpetua gratiarum actione occupemur, quòd beneficio prius indebito ad unitatem Ecclesiæ suæ nos Christus perduxerit. Quem gratitudinis sensum eo oportet esse majorem, quod tristi experienciâ notum sit, eos qui in sectis atque erroribus nati & enutriti sunt, non nisi ægrè admodum ad Fidem Catholicam seridè amplectendam adduci. Neverò nos ex ingratitude, graviolem nobis damnationem accersamus, fides nostra veræ pietatis operibus comprobetur, ut vel (c) *ex bona conversatione* nostra ad fidem & unitatem Ecclesiæ infideles & hæretici adducantur, quorum tenebris & cæcitati frequenter ingemiscere debent, quicumque verè sunt Christiani.

CAPUT XXIX.

De 10. Symboli Articulo, id est Remissione Peccatorum & justificatione.

REMISSIONEM PECCATORUM.

Q. Uæstio 1. *Quid hoc articulo profiteamur?*

R. Esse Ecclesiæ eam à Christo relictam

(a) Heb. 11. 7. 6. (b) Vide 1. Cor. 13. (c) 1. Pet. 5. 7. 12.

potestatem, qua Fidelibus verè pœnitentibus peccata dimittantur, quæ quidem potestas tunc data fuit, quando Salvator à morte redivivus (a) Apostolis insufflavit dicens : *Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt.*

Q. 2. *Extenditne se hæc potestas ad quævis peccata quantumvis enormia aut multiplicia.*

R. Nullum peccati genus exceptum est, nullus delictorum numerus exclusus : idèdque hanc suam potestatem planè generalem esse semper intellexit Ecclesia, adstruxitque contra (b) NOVATIANOS hæreticos.

Q. 3. *Quibus commissum est huius potestatis exercitium ?*

R. Primitùs commissum fuit Apostolis, sed transmittendum eorum quoque in Sacerdotio successoribus, id est Episcopis atque Presbyteris. Fideles cæteri hâc tam excellenti Ecclesiæ prærogativâ fruuntur; verum destituti (c) *clavibus regni cælorum* ligare non possunt aut solvere.

Q. 4. *Quomodo hæc potestas à Sacerdotibus exercetur ?*

R. Non aliter quàm per Sacramenta, à Christo idcirco instituta, ut iis pretium sanguinis sui, credentibus applicetur.

Baptismo quidem omnis culpa, totiusque pœnæ reatus eluitur; at quia etiamnum infirmitate circumdati sumus, pravâque in nobis manente concupiscentiâ, non tantùm ad peccandum allicimur, sed plerique aliquando pertrahimur, hinc ineffabilis Dei Salvatoris nostri clementia, (d)

(a) Joan. 20. v. 22.

(b) Vide Cyprian. in Epistolis ad S. Cornelium Papam. Et lib. de unic. Ecclesiæ. *Ensch.* Hist. Eccl. lib. 6. cap. 43.

(c) Matth. 16. v. 19. & cap. 18. v. 18.

(d) S. Hieron. in cap. 3. *Isaïæ* &c.

secundam post naufragium Tabulam providit, *Sacramentum Pœnitentiæ*, quo illorum quoque peccatorum veniam obtineremus, quæ post Baptismum admitterentur, si modò corde contritio & humiliato eam requiremus.

Q. 5. *Quodnam discrimen est Christum inter & Sacerdotes peccata remittentes?*

R. Christus utpote verus Deus, (a) non alienâ sed propriâ virtute & auctoritate peccata dimittit: Sacerdotes autem tamquam Christi ministri & instrumenta quædam animata, non aliter quàm illius nomine & auctoritate remittunt. Veram interim peccata condonandi potestatem habent, quæ nec ulli umquam angelorum obtrigit, neque ulli hominum ante Christi in carne adventum.

Collige, quantus honor ac reverentia Sacerdotali Ordini debeatur, quantaque in illis esse debeat vitæ sanctimonia, ut tanti muneris prærogativâ non sint omninò indigni.

Q. 6. *Potuitne umquam aliter, quàm ex Christi meritis peccatorum remissio obtineri?*

R. Nemo à mundi exordio peccatorum vaniam consecutus est, aut consequetur umquam, nisi ex meritis (b) Agni illius, cujus ab æterno prævisa ac decreta est mors, quâ genus humanum reconciliaretur Deo, & tollerentur peccata mundi. Nulla igitur (c) sine asperzione sanguinis Christi, meritisque mortis ejus, fit peccatorum remissio.

Q. 7. *Quid est Justificatio & quid ad eam præter peccatorum remissionem requiritur?*

R. *Justificationis* nomine hic intelligitur, cle-

(a) Matth. 9. v. 1. 5. & 9.

(b) Joan. 1. v. 29. & 36. Apocalypf. c. 13. v. 9.

(c) Vide Heb. 9. v. 14. & 22.

mentissima illa Dei operatio, (a) quâ gratuitò per Jesum Christum peccata nostra remittit ac delet, novasque nos creaturas efficit, charitatem cum cæteris Spiritus Sancti donis, diffundens in cordibus nostris.

Sunt itaque *peccatorum remissio & justificatio* semper conjunctæ, sed hæc ultra peccatorum remissionem præterea requirit (b) interioris hominis renovationem, quâ verè coram Deo justus, illique gratus efficitur, qui ante injustus erat & inimicus.

Q. 8. *Quibus ad justificationem gradibus perveniri solet?*

R. Parvulis rationis usu adhuc destitutis Sacramento Baptismatis Christi justitia & merita communicantur.

At adulti 1. excitati divinâ gratiâ & adjuti, fidem ex auditu concipientes, liberè moventur in Deum, *credentes* vera esse, quæ divinitus revelata & promissa sunt, atque illud inprimis, à Deo justificari impium per gratiam ejus, per redemptionem quæ est in Christo Jesu, & 2. dum peccatores se esse intelligentes, divinæ justitiæ *timore* quo utiliter concutiuntur, ad considerandam Dei misericordiam se convertunt, 3. in *spem* eriguntur, fidentes Deum sibi propter Christum propitium fore, 4. illumque tamquam omnis justitiæ fontem *diligere* incipiunt, 5. ac propterea moventur adversus peccata per *odium aliquod & detestationem*, 6. deinde proponunt suscipere *Sacramentum*, 7. inchoare *novam vitam* & servare divina mandata.

Hi sunt gradus, quibus, ut indicat Con. Trid.

(a) Concil. Trid. Sess. 6. c. 8. & 9. Tit. 3. §. 5. 6. & 7.

(b) 1. Cor. 6. §. 11. Rom. 5. §. 5. & 10.

Q. 7. *Fuitne conversio gentium per Prophetas veteris Testamenti dudum ante prædicta?*

R. Fuit, idque admodum frequenter. Textus passim sunt obvii, præsertim apud (a) *Davidem*, *Isaiam* & *Jeremiam* Prophetas, de novo foedere Legeque novâ cordibus inscribendâ, de gentibus omnibus Dei veri notitiam habituris, eumque sincero cultu adoraturis, de rejiciendis denique ob suam perfidiam Judæis, suæque cæcitati usque ad destinatum tempus relinquendis.

Q. 8. *Unde primis illis Christianæ Fidei præconibus tanta in convertendis gentilibus sermonis vis & efficacia?*

R. Non ab humana eloquentia, quam fere negligebant; sed ab omnipotentia Jesu Christi, cujus Spiritus (ut ille (b) futurum prædixerat) in eis loquebatur, & per eos stupenda prodigia & miracula faciebat. Tanta ergo illis inerat à cælo data sapientia, tanta fortitudo ac tolerantia, ut etiam si essent omni humana ope destituti, omnes tamen inferorum mundique potestates, quantumvis reluctantes, superarint.

Q. 9. *Nonne ex iis quæ hucusque dicta sunt consequens est certissimam esse veritatem Religionis Christianæ?*

R. Id planè consequens est. Nam quisquis ratione utitur, liquidò perspicit nullâ ratione fieri potuisse, ut line veritatis æternæ omnipotentis operatione, pauculi homines omnibus humanis præidiis destituti, inter vehementissimas omnium mundi potestatum persecutiones, Religionem novam, inveteratæ superstitioni cunctisque hominum cupiditatibus adversantem, tantillo tempore, toto orbe diffuderint ac propagarint. Om-

(a) Psalm 21. v. 38. Isai. 2. v. 2. Jerem. 31. v. 31. &c.

(b) Luc. 21. v. 15. Matth. 10. v. 20.

nipotentia itaq;

DE FIDE ET SYMBOLO. 113
hipotenti itaque Dei virtute suprà petram fundata est *Christi Ecclesia*, de qua jam dicendum.

CAPUT XXVII.

De Ecclesia, ejusque Unitate, & Communionem Sanctorum.

Nonus Articulus Symboli Apostolorum est:
Credo SANCTAM ECCLESIAM CATHOLICAM,
SANCTORUM COMMUNIONEM.

Q. 1. *Quid hic Ecclesiæ nomine significatur?*

R. Cœtus eorum omnium, qui Deum verum veraciter agnoscunt & colunt.

Credimus itaque unam aliquam in orbe terrarum congregationem hominum existere, in qua veri Dei sincera cognitio, sincerusque cultus vigeat: quod prorsus exigit suprema Dei providentia, ne alioquin res humanas neglexisse videatur. Credimus præterea eam congregationem *Sanctam* esse atque *Catholicam*, id est universalem, per omnia tempora locaque diffusam.

Q. 2. *Quis autem est ille cœtus, in quo sincera Dei cognitio, sincerusque ejus cultus vigent?*

R. Non alius planè quàm eorum, qui Christi fidem religionemque profitentur. Nam sicut sectæ omnes à Christi fide abhorrentes, innumera falsitatis, vanæque superstitionis indicia præ se ferunt, ita econtrariò jam suprà visum est, cuivis sedulò animadvertenti debere esse evidentissimum, Religionem Christianam sine omnipotenti supremi Numinis operatione eo modo quo propagata & stabilita est, propagari & stabiliri nullo modo potuisse.

Q. 3. *Estne vera Christi Ecclesia visibilis?*

R. Nemo ante nostri temporis sectarios id un-

H

quam in dubium revocavit. Et certè tùm in Scripturis Sacris, tum in Conciliis, Sanctisque Patribus ubique obvium est, Ecclesiam (constantem utique ex hominibus, non spiritibus invisibilibus) cœtum esse tam conspicuum, ut comparetur (a) *civitati supra montem positæ*, ad quam certatim confluxuræ sint omnes gentes, ut in ejus societatem admittantur.

Q. 4. *Cùm multæ sint in orbe terrarum societates hominum, quæ Christiano nomine gloriantur, longissimè interim ab invicem discrepantes, omnesne illæ vera Christi Ecclesia sunt?*

R. Sicut unus tantùm Christus est, ita (b) una tantùm est fides, unaque Ecclesia; eorum nempe societas, qui sub uno in terris Christi Vicario Petri in Romana sede Successore, rectam de Christo invisibili capite fidem profitentur, eorundem sacramentorum participatione adunati. Qui ab hac unitate segregati, peculiarem sibi cœtum constituunt, tametsi Christi nomen inclament, à Christo tamen prorsus alieni sunt.

Q. 5. *Cur Ecclesiam ROMANO-CATHOLICAM veram Christi Ecclesiam esse dicis, potius quàm aliquam ex cæteris sectis, quæ se Christianas esse profitentur?*

R. Quia in illam solam apertè congruunt Notæ omnes, quas antiquissimum fidei Symbolum in (c) *Constantinopolitana* Synodo editum, veræ Ecclesiæ tribuit; *unam esse, Sanctam, Catholicam, & Apostolicam.*

Q. 6. *Quomodo præ cæteris Ecclesia Romano-Catholica UNA est?*

R. 1. Una est non tantùm unitatè capitis invisibilis Christi Jesu, sed etiam unitatè capitis vi-

(a) Ilai. 1. 7. 2. Matth. 5. 7. 14. (b) Ephes. 4. 7. 5.

(c) Quod in Missa recitatur.

visibilis, Christi in terris Vicarii, Romanæ Sedis Episcopi, in quo ceu centro quodam unitatis fideles omnes *in terris positi* adunantur.

2. *Una* est unitate fidei ac doctrinæ, quidquid enim ad fidem pertinens, in una Ecclesiæ parte creditur, id quoque in aliis omnibus firmitate tenetur. Quod si quæ in his rebus controversia exorta fuerit, judicem habent fideles cui parere certum est omnibus, alioquin non ampliùs inter Ecclesiæ membra recensendis.

Hæc duplex unitas in ulla alia societate reperitur, atque idèd nihil ibi frequentius, quàm tot ferè esse Religiones, quot sunt capita.

Q. 7. *Quinam sunt membra Ecclesiæ?*

Æ. Majoris distinctionis gratiâ observandum est, tres esse præcipuas portiones corporis illius mystici, cujus Jesus Christus (a) caput est: aliam gloriosam in cœlis, aliam divinæ Justitiæ satisfaciendam in Purgatorio, tertiam denique certantem adhuc in terris. Prior dicitur Ecclesia *triumphans*, secunda *patiens*, tertia *milicans*.

Itaque *Ecclesiæ militantis* membra sunt soli illi, qui per Sacramentum Baptismatis Ecclesiam ingressi, ab illa neque ob contumaciam ejecti, neque suâ sponte segregati sunt; sed in ejusdem fidei, eorundemque Sacramentorum professione, sub eodem visibili capite perseverant.

Proinde extra Ecclesiam sunt, 1. Judæi, Turcæ, Ethnicæ, omnesque non Baptizati. 2. Hæretici (saltem *manifesti*, nam de *occultis* disputatur) & Apostatæ. 3. Schismatici. 4. Excommunicati; isti, quia se segregarunt: hi, quia ob suam in crimine pertinaciam, velut inutilia membra resecti sunt.

(a) Ephes. 1. 7, 22, Coloss. 1. 7. 18,

Q. 8. *Estne singularis aliqua inter Ecclesiæ membra unio mutuaque tonorum participatio?*

R. Est planè, eamque profiteamur his verbis Symboli Apostolorum: COMMUNIONEM SANCTORUM Credimus scilicet, quod sicuti in humano corpore (a) omnia membra decentissimo ordine inter se connexa sunt, & eodem spiritu vegetantur, mutuisque bonis gaudent, ita *omnia membra* mystici corporis Iesu Christi, Eadem fide iisdemque Sacramentis connexa, eodem Christi spiritu foveantur ac animentur, bonaque spiritualia unius membri, sanctâ quâdam participatione cæteris omnibus reddantur communia.

Q. 9. *Quinam Communionis Sanctorum participes sunt?*

R. *Viva Christi membra*, id est iusti ac sancti plenè ac perfectè illius participes sunt, *membra autem mortua*, id est, qui fidem quidem habent, sed charitate destitutam, pravisque operibus mortuam, dumtaxat imperfectè. Prodest interim illis plurimùm communis Ecclesiæ gemitus, ut per fidem ad Dei misericordiam recurrentes, aliquando seridò convertantur & vivant. Cæterùm quicumque ab Ecclesia segregati sunt, ab hac Communionem penitus sunt exclusi.

Q. 10. *At numquid hæc Sanctorum communio etiam inter Ecclesiam Triumphantem, Patientem, & militantem intercedit?*

R. Omnino, ita quidem ut *Triumphantis* meritis ac precibus *Militans* adjuvetur: *Militantis* autem suffragia ac sacrificia profunt plurimùm *Patienti*.

(a) 1. Cor. 12. 7. 12. & seqq.

CAPUT XXVIII.

De reliquis Ecclesiæ Notis : SANCTA CATHOLICA & APOSTOLICA.

QUÆSTIO 1. *Quomodo vera Christi Ecclesia SANCTA est?*

R. Quia per Baptismum Deo consecrata & dedicata est in membris suis omnibus, quorum & præcipua re ipsa sancta sunt, & ad æternam sanctitatem destinata : ac deinde nemo verè sanctus qui sit extra Ecclesiam. 2. Quia cum Christo totius sanctitatis fonte, ceu corpus cum capite arctissimo nexu conjuncta, ab illo jugiter (a) sanctificationis influxum recipit 3. Sancta est legitimo sacrificii & Sacramentorum usu, totaque Fidei doctrinâ, quæ nihil quàm sanctimoniam perpetuò inspirat. 4. Denique *Sanctitatem miraculorum* sola possidet : ita quidem ut extra hanc unam Ecclesiam numquam, in ea verò frequenter admodum insolita Divinæ virtutis signa atque prodigia contigerint, & ubi opus est etiamnum contingant.

Q. 2. *Qui potest Ecclesia sancta esse, cum tam multi, qui se Christianos atque Catholicos profitentur, palam perversi atque impii sint?*

R. Quandiu Ecclesia peregrinatur in terris, *pauleam* (b) habet permixtam *tritico* in fine demùm sæculi penitus segregandam. At interim illorum perversitas neque sanctitati vivorum Ecclesiæ membrorum officit, neque fidem doctrinamve Ecclesiæ contaminat, hæc etenim non ideò desinit pura & sancta esse, quòd plurimorum impietate violetur.

(a) Joann. 1. 7. 16. & cap. 15. 7. 1. & 4. (b) Matth. 13. 7. 12.

Q. 3. *Ac unde constat Doctrinam Ecclesiæ perpetuam puram sanctamque esse, neque aliquando ad errores noxios declinare?*

æ. Id quidem per singula dogmata demonstrari posset. Sed quia hæc via longior est, expeditius erit attentam mente perpendere, Christum, qui suprema veritas est, idemque cum Patre & Spiritu Sancto Omnipotens Deus, promississe Ecclesiæ dilectissimæ Sponsæ suæ, (a) eam fundatam fore supra immobilem petram, ita ut portæ inferi, id est omnes inferorum potestates, nullo unquam tempore contrā eam prævalituræ sint: (b) Spiritum veritatis cum illa permansurum in æternum se quoque Apostolis, eorumque in pari ministerio Successoribus, docentibus ac Sacramenta ministrantibus, inviolabili suā protectione adfuturum (c) *omnibus diebus usque ad consummationem sæculi.*

Cum ergo Omnipotens sit simul & fallere necius qui promisit impium est existimare Ecclesiam, quam ille (d) *suo sanguine acquisivit*, in errores noxios lapsam esse unquam aut labi posse.

Q. 4. *Soline Ecclesiæ Romano - Catholicæ proprium est, ut modis jam explicatis Sancta sit?*

æ. Prorsus illi soli id congruit: nam cæteræ sedæ præter corruptelam morum etsi subjacent, talia insuper doctrinæ suæ principia statuunt, ex quibus illa morum perversitas auctoritatem obtineat & consequatur: statuuntque universæ Ecclesiæ doctrinam noxiis erroribus non tantum infici posse, sed re ipsā aliquando infectam fuisse. Proinde nec morum, nec doctrinæ sanctitas, apud ullos sectarios reperitur.

(a) Matth. 16. v. 18.

(b) Joann. 14. v. 16.

(c) Matth. 28. v. 20.

(d) Act. 20. v. 28.

Q. 5. *Quo sensu Ecclesia CATHOLICA est?*

R. *Catholica* est, id est universalis, 1. Quia omnes omnium temporum locorumque fideles complectitur, ita ut ad eam pertineant, quicumque ab orbe condito usque in hanc diem, Deum verum veraciter coluerunt. 2. Quia doctrina Ecclesiæ per omnes orbis terræ partes prædicata est. Habet deinde illa fideles ubique dispersos, qui ejusdem fidei vinculo eorundemque participatione Sacramentorum, sub eodem visibili capite omnes inter se connexi sunt.

Cæteræ societates omnes à Romano Catholica segregatæ, (a) singulæ suis locis temporibusque concluduntur, nulla igitur *Catholica* est aut universalis.

Q. 6. *Quo sensu Ecclesia APOSTOLICA dicitur?*

R. Quod ab Apostolis propagata, eorum doctrinam firmissimè teneat, & manifestâ successionis serie originem suam ad illos usque referat. Sic à CLEMENTE XI. qui Romanam Sedem hodie tenet, non interrupto successionis ordine, usque ad Beatum *Petrum*, primum illius Sedis Episcopum, pervenitur.

At sæcæ omnes novitatem suam suo plerumque nomine præferunt, dum *Lutherani*, *Calvinistæ*, *Sociniani* à suis auctoribus nuncupantur. Designari iis potest annus, mensis ac dies quibus primum exortæ, & ab Ecclesia Catholica segregatæ sunt.

Itaque concludendum est, nullam esse in orbe societatem hominum, cui competat *unam* esse, *Sanctam*, *Catholicam* & *Apostolicam*, nisi Ecclesiam Romano-Catholicam, hancque adeo solam esse veram Christi Sponsam, quam sibi suo sanguine acquisivit.

(a) Vide Tertull. lib. de præscript. Hæret. cap. 20. 22. 36 & 37.

Q. 7. *Estne extra hanc Ecclesiam spes salutis?*

R. Quicumque sunt extra Ecclesiam sunt à vera fide alieni, vel saltem à charitate semoti : at verò (a) *sine Fide impossibile est placere Deo*, nec minus impossibile sine charitate (b) pervenire ad Regnum cœlorum : sicuti ergo certo exitio erant obnoxii, qui durante diluvio extra Noëmi Arcam versabantur, ita nemini salutis æternæ spes est nisi in fide & unitate Ecclesiæ perseveret.

Q. 8. *Quæ nobis inde formanda conclusio?*

R. Ut nempe in perpetua gratiarum actione occupemur, quòd beneficio priorsus indebito ad unitatem Ecclesiæ suæ nos Christus perduxerit. Quem gratitudinis sensum eo oportet esse majorem, quod tristi experienciâ notum sit, eos qui in sectis atque erroribus nati & enutriti sunt, non nisi ægrè admodum ad Fidem Catholicam ferè amplectendam adduci. Neverò nos ex ingratitude, graviolem nobis damnationem accersamus, fides nostra veræ pietatis operibus comprobetur, ut vel (c) *ex bona conversatione* nostra ad fidem & unitatem Ecclesiæ infideles & hæretici adducantur, quorum tenebris & cæcitati frequenter ingemiscere debent, quicumque verè sunt Christiani.

CAPUT XXIX.

De 10. Symboli Articulo, id est Remissione Peccatorum & justificatione.

REMISSIONEM PECCATORUM.

Q. Uæstio 1. *Quid hoc articulo profiteamur?*

R. Esse Ecclesiæ eam à Christo relictam

(a) Heb. 11. 7. 6. (b) Vide 1. Cor. 13. (c) 1. Pet. 5. 7. 12.

potestatem, qua Fidelibus verè pœnitentibus peccata dimittantur, quæ quidem potestas tunc data fuit, quando Salvator à morte redivivus (a) Apostolis insufflavìt dicens : *Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt.*

Q. 2. *Extenditne se hæc potestas ad quævis peccata quantumvis enormia aut multiplicia.*

R. Nullum peccati genus exceptum est, nullus delictorum numerus exclusus : idèdque hanc suam potestatem planè generalem esse semper intellexit Ecclesia, adstruxitque contra (b) NOVATIANOS hæreticos.

Q. 3. *Quibus commissum est huius potestatis exercitium ?*

R. Primitùs commissum fuit Apostolis, sed transmittendum eorum quoque in Sacerdotio successoribus, id est Episcopis atque Presbyteris. Fideles cæteri hâc tam excellenti Ecclesiæ prærogativâ fruuntur; verum destituti (c) *clavibus regni cælorum* ligare non possunt aut solvere.

Q. 4. *Quomodo hæc potestas à Sacerdotibus exercetur ?*

R. Non aliter quàm per Sacramenta, à Christo idcirco instituta, ut iis pretium sanguinis sui, credentibus applicetur.

Baptismo quidem omnis culpa, totiusque pœnæ reatus eluitur; at quia etiamnum infirmitate circumdati sumus, pravâque in nobis manente concupiscentiâ, non tantùm ad peccandum allicimur, sed plerique aliquando pertrahimur, hinc ineffabilis Dei Salvatoris nostri clementia, (d)

(a) Joan. 20. v. 22.

(b) Vide Cyprian. in Epistolis ad S. Cornelium Papam. Et lib. de unic. Ecclesiæ. Euseb. Hist. Eccl. lib. 6. cap. 43.

(c) Matth. 16. v. 19. & cap. 18. v. 18.

(d) S. Hieron. in cap. 3. Isaïæ &c.

secundam post naufragium Tabulam providit, *Sacramentum Pœnitentiæ*, quo illorum quoque peccatorum veniam obtineremus, quæ post Baptismum admitterentur, si modò corde contritio & humiliatio eam requiremus.

Q. 5. *Quodnam discrimen est Christum inter & Sacerdotes peccata remittentes?*

✱. Christus utpote verus Deus, (a) non alienâ sed propriâ virtute & auctoritate peccata dimittit: Sacerdotes autem tamquam Christi ministri & instrumenta quædam animata, non aliter quàm illius nomine & auctoritate remittunt. Veram interim peccata condonandi potestatem habent, quæ nec ulli umquam angelorum obtigit, neque ulli hominum ante Christi in carne adventum.

Collige, quantus honor ac reverentia Sacerdotali Ordini debeatur, quantaque in illis esse debeat vitæ sanctimonia, ut tanti muneris prærogativâ non sint omninò indigni.

Q. 6. *Potuitne umquam aliter, quàm ex Christi meritis peccatorum remissio obtineri?*

✱. Nemo à mundi exordio peccatorum vaniam consecutus est, aut consequetur umquam, nisi ex meritis (b) Agni illius, cujus ab æterno prævisa ac decreta est mors, quâ genus humanum reconciliaretur Deo, & tollerentur peccata mundi. Nulla igitur (c) sine asperzione sanguinis Christi, meritisque mortis ejus, fit peccatorum remissio.

Q. 7. *Quid est Justificatio & quid ad eam præter peccatorum remissionem requiritur?*

✱. *Justificationis* nomine hic intelligitur, cle-

(a) Matth. 9. v. 1. 5. & 9.

(b) Joan. 1. v. 29. & 36. Apocalypf. c. 13. v. 9.

(c) Vide Heb. 9. v. 14. & 22.

mentissima illa Dei operatio, (a) quâ gratuitò per Jesum Christum peccata nostra remittit ac delet, novasque nos creaturas efficit, charitatem cum cæteris Spiritus Sancti donis, diffundens in cordibus nostris.

Sunt itaque *peccatorum remissio & justificatio* semper conjunctæ, sed hæc ultra peccatorum remissionem præterea requirit (b) interioris hominis renovationem, quâ verè coram Deo justus, illique gratus efficitur, qui ante injustus erat & inimicus.

Q. 8. *Quibus ad justificationem gradibus perveniri solet?*

R. Parvulis rationis usu adhuc destitutis Sacramento Baptismatis Christi justitia & merita communicantur.

At adulti 1. excitati divinâ gratiâ & adjuti, fidem ex auditu concipientes, liberè moventur in Deum, *credentes* vera esse, quæ divinitus revelata & promissa sunt, atque illud inprimis, à Deo justificari impium per gratiam ejus, per redemptionem quæ est in Christo Jesu, & 2. dum peccatores se esse intelligentes, divinæ justitiæ *timore* quo utiliter concutiuntur, ad considerandam Dei misericordiam se convertunt, 3. in *spem* eriguntur, fidentes Deum sibi propter Christum propitium fore, 4. illumque tamquam omnis justitiæ fontem *diligere* incipiunt, 5. ac propterea moventur adversus peccata per *odium aliquod & detestationem*, 6. deinde proponunt suscipere *Sacramentum*, 7. inchoare *novam vitam* & servare divina mandata.

Hi sunt gradus, quibus, ut indicat Con. Trid.

(d) Concil. Trid. Sess. 6. c. 8. & 9. Tit. 3. §. 5. 6. & 7.

(b) 1. Cor. 6. §. 11. Rom. 5. §. 5. & 10.

(a) divinæ miserationis operatio peccatores perducere solet ad veniam peccatorum, veramque iustitiam Sacramento Baptismi aut Pœnitentiæ obtinendam, 1. fides, 2. timor, 3. spes, 4. dilectio, 5. pœnitentia sive peccati detestatio, 6. propositum suscipiendi Sacramenti, 7. novæque deinceps vitæ, cum observatione divinorum mandatorum.

Q. 9. *Quid tandem ex dictis pro moribus nostris utiliter concludi potest?*

✱. Quod sicut fides hujus articuli consolatione plena est iis, qui ubi humanâ fragilitate lapsi fuerint, (b) non tardant converti ad Dominum, neque differunt de die in diem, sed toto corde suspirant ad eum, quem peccando deseruerunt: itâ res indignissima sit, hâc benignissimâ veniæ facilitate, ad Dei contemptum suamque perniciem multos abuti, crimina criminibus cumulantes, & in seram ætatem pœnitentiam differentes. Perpendat igitur unusquisque, Deum ut nunc est benignissimus, itâ futurum aliquando humanæ contumaciæ vindicem implacabilem (c) *Horrendum est indicere in manus Dei viventis.*

C A P U T XXX.

De II. Articulo, CARNIS RESURRECTIONEM.

Q Uæstio 1. *Quid hic articulo profiteamur?*

✱. Futurum aliquando ut corpus hoc, quod fragile, caducum, multisque morbis obnoxium, & post mortem quoque à vermibus exedendum circumferimus, reviviscat, quando

(a) Sess. 6. cap. 6.

(b) Eccl. 4. v. 3.

(c) Heb. 10. v. 31.

in extremo illo die mortui omnes (a) vocante Christo iudice, per Angelorum vocem instar *rubæ* audiendam, in i&u oculi simul ad vitam & iudicium, excitabuntur. Non ergo anima utpote immortalis, at solum corpus ad vitam revocabitur, id est denu& conjungetur animæ, cui jam ante unitum fuerat.

Q. 2. *Omnesne omnino homines resurre&uri sunt?*

R. Omnino omnes: necesse enim est, ut ante Christi tribunal in carne cuncti appareant, (b) recepturi citrà exceptionem singuli, prout quisque gessit in corpore suo, live bonum, live malum. (c) Procedent autem qui bona fecerunt in resurrectionem vitæ: qui ver& mala egerunt, in resurrectionem iudicii, & (d) in supplicium æternum.

Q. 3. *Quomodo corpora jam olim versa in cineres, ita ad vitam novam redintegrari poterunt?*

R. Qui id effecturus est, Deus est omnipotens, cui nihil est difficile, nedum impossibile, (e) *Omnia quæcumque voluit fecit*, nutuque suo ac voluntate facit indies in cælo & in terra. Hoc nobis satis est: ut contrà (f) *Sadducæorum*, & Sophistarum argutias, firmissimè teneamus, idem numero corpus, quod singuli habuerunt, extremo illo tempore ad vitam esse revocandum.

Q. 4. *Qua saltem id similitudine suaderi potest?*

R. Exemplum tritici Apostolus adhibet: (g) quod quidem ubi in terram iactum fuerit, moritur & putrescit primùm, at deinde novo cum corpore exurgit & uberem fructum adfert. Ita corpora nostra instar sementis terræ maudantur,

(a) 1. Cor. 15. v. 52. 1. Thess. 4. v. 15.

(b) 1. Cor. 5. v. 10. (c) Joan. 5. v. 29.

(d) Matth. 25. v. 46. (e) Psalm. 113. v. 3.

(f) Matth. 22. v. 23. (g) 1. Cor. 15. v. 36, & seqq.

ut per omnipotentiam Creatoris, quando ipsi visum fuerit, restaurentur.

Q. 5. *Quæ resurgentium futura est conditio, quæ gloriosorum corporum dotes?*

R. Dispar erit justorum impiorumque conditio. Hi quidem corpora resument, at horrida illa, divinamque vindictam præ se ferentia; justorum verò corpora gloriosa erunt, & divinis quibusdam Donis illustrata, quas ex Apostolo (a) Paulo quatuor præcipuas assignare solent SS. Patres, *impassibilitatem, claritatem, agilitatem, ac subtilitatem.*

Q. 6. *Quid impassibilitas?*

R. Talis utique corporis constitutio, ut corrumpi, pati, affligi, ullove incommodo affici omnino non possit. (b) *Seminatur in corruptione, surget in incorruptione.*

Q. 7. *Quid autem claritas?*

R. Splendor quidam eximius, cujus specimen quoddam Salvator exhibuit, (c) quando in monte facies ejus ut Sol resplenduit, eorumque qui aderant oculos suo fulgore præstrinxit. (d) *Seminatur in ignobilitate, surget in gloria.*

Q. 8. *Quid deinde agilitas?*

R. Tanta erit ad obediendum animæ, felicitas corporis, ut illic puncto temporis futurum sit corpus, ubi illud esse voluerit anima (e) *Current & non laborabunt, volabunt & non deficient.* (f) *Seminatur in infirmitate, surget in virtute.*

Q. 9. *Quid denique subtilitas?*

R. Talis erit gloriosi corporis conditio, ut spirituale quodammodo effectum, nullis corpo-

(a) 1. Cor. 15. (b) 1. Corinth. 15. v. 42.

(c) Matth. 17. v. 2. (d) 1. Cor. 15. v. 43.

(e) Isai. 40. v. 31. Sap. 3. v. 7.

(f) 1. Cor. 15. v. 43.

rum obstaculis impediri aut detineri possit. (a) *Seminatur corpus animale, surget spirituale*, effectus scilicet & operatione, non ipsâ re aut substantiâ.

Q. 10. *Quis hujus Articuli fructus esse debet Christianis?*

R. 1. Ut ne in funeribus propinquorum immodicè affligantur, more Gentilium (b) *qui resurrectionis spem non habent*. 2. Ut hujus vitæ ærumnas, doloresque ac morbos mortemque ipsam ubi opus est, spe gloriosæ resurrectionis forti animo perferant, ut olim fecerunt (c) *Jobus*, septemque (d) *cum matre sua fortissimi juvenes Machabæi*. 3. Denique ut quisque sedulò incumbat studio puritatis, mortificationis, & abstinentiæ, ut hæc membra nostra gloriosæ Resurrectioni præparentur, reddanturque idonea.

C A P U T XXXI.

De 12. Articulo, Vita & morte æterna.

VITAM ÆTERNAM. AMEN.

Q Uæstio 1. *Dic in Compendio quidnam hoc Articulo profiteamur?*

R. Justis & electis post hanc ærumnosam brevemque vitam, feliciorē aliam esse repositam quæ finem numquam sit habitura: dominterim impios expectat miseria, supplicium, ac mors æterna.

Q. 2. *Ut à terribiliari initium fiat, quid æternæ mortis damnatio secum trahit?*

R. Primò quidem sempiternum à conspectu

(a) Ibid. §. 44.

(b) 1. Thess. 4. §. 12.

(c) Job. 19. §. 25.

(d) 2. Machab. 7. §. 28.

benignissimi Creatoris (a) exilium, sine ulla spe reconciliationis unquam futuræ, quod quidem damnatorum omnium supplicium est longè maximum. Deindè horribilem illum conscientia, (b) *vermem*, rodentem semper & numquam confumentem, id est, dirissimos animi remorsus de criminibus antea actis, neglectoque misericordiae tempore, quo per poenitentiam venia obtineri potuisset. Deinceps (c) cruciatus animi & corporis, ab irato Deo pro ratione meritorum inflictos, quos in immensum auget, perpetuum impiorum omnium malignorumque spirituum in eodem carcere teterrimo & acerbissimo igne conubernium, cum plena convictione hæc omnia luctuosa supplicia, tam diu duratura, quàm erit Deus.

Q. 3. *Quid verò Vita æterna?*

R. Æternæ vitæ nomine hoc loco, non tantum animæ & corporis perpetua conjunctio intelligitur (quippe quæ & reprobis omnibus futura est communis, quæque in his sempiterna potius mors est quàm vita) sed vera ac perpetua totius hominis beatitudo, id est, supremi boni, ipsius inquam, Dei T. O. M. æterna possessio.

Q. 4. *Quomodo supremum illud bonum possidetur?*

R. Videndo & amando. Nam ut in hac mortali vita tantum (d) per speculum & in ænigmate Deum videmus, ita beati ineffabilem Divinæ gloriæ splendorem & pulchritudinem facie ad faciem contemplantur, tantoque amoris æstu abripiuntur, ut in illa infinitæ bonitatis abyfso

(a) Matth. 25. v. 41.

(b) Isai. 66. v. 24. Marc. 9. v. 43.

(c) Vide Isai. 33. v. 14. Apoc. 14. v. 11.

(d) 1. Cor. 13. v. 12.

quodammodo

quodammodò absorpti, sui que obliti esse videantur. Sicque (a) totâ mente Deum possident, à quo vicissim ut illius hereditas possidentur.

Q. 5. *Quæ Beatarum mentium est occupatio, quod gaudium?*

Æ. Unâ omnes charitate inflammati, in laudes unius veri ac vivi Dei sempiterno ardore ineffabiliter exardescunt, totam illi felicitatem suam acceptam ferentes. (b) Non alia igitur iis erit occupatio, quam ut Deum O. M. sine fine videant, sine fastidio diligant, sine fatigatione collaudent.

Gaudium porrò tale est omnibus, ut non modò linguas hominum, sed omnem etiam superet intellectum, neque enim (c) oculus vidit, nec auris audivit, nec in cor hominis ascendit, quæ præparavit Deus diligentibus se. Dici interim non potest quantum eorum inde lætitia augeatur: quòd hujus felicitatis numquam amittendæ plenissima sit certitudo.

Q. 6. *Eritne aequalis omnium beatitudo?*

Æ. Desiderium singulorum plenè erit ac perfectè satiatum, Attamen (d) sicut stella differt à stella in claritate, ità alius præ alio divinæ gloria lumine altiùs illustratus, divinorum perfectionum impenetrabilem abyssum plenius intuebitur, divinæque majestati priorior erit atque conjunctior. Hæc qualiscumque diversitas, diversitati charitatis & meritorum, quibuscum unusquisque ex hac vita discesserit, respondebit.

Q. 7. *Igiturne vita æterna bonis hominum meritis MERCEDIS instar redditur? Nonne ab Apo-*

(a) Apoc. 21. v. 3. & cap. 22. v. 4. & 5.

(b) Vide S. Aug. lib. 22. de Civ. Dei cap. 30.

(c) 1. Cor. 2. v. 9. Isai. 64. v. 4.

(d) 1. Cor. 15. v. 41.

130 PARS I. SECTIO I.
stolo Paulo dictum est : (a) Gratia Dei vita æ-
terna ?

a. Vita æterna & gratia est, & merces : **GRA-**
TIA quidem, quia gratuito eam Deus homini
promisit per Jesum Christum : ac præterea ope-
ra, quibus illuc homo perducitur, ab ipsius gra-
tia & misericordia proficiuntur, **MERCES** an-
tem, quia instar præmii & coronæ redditur iis
operibus, quæ aspirante divinâ gratiâ per hujus
vitæ decursum, piè sanctèque simul & liberè fa-
cta sunt. Itaque qui ex nobis ipsis (b) *servi inu-*
tiles sumus, præveniente Spiritûs Sancti gratiâ
excitati & adjuti, opera cælo digna exercemas,
quibus cum Deus, qui promittendo se debito-
rem fecit, mercedem tribuit, sua (c) dona co-
ronat.

Q. 8. *Quis ex consideratione hujus articuli fru-*
ctus à nobis percipiendus est ?

a. Ut hujus vitæ & felicitatis consequendæ
causâ, nullum nobis pietatis opus arduum, nul-
lus labor gravis, nullus dolor acerbus, nullum
in agendo patiendoque tempus daturum ac mo-
lestum esse existimetur. (d) Etenim si vitâ hâc,
quæ calamitatis alioqui plena est ; nihil dulcius
ac optabilius ducitur, quantò illa demùm potior
habenda est, quæ ab omni malorum sensu &
metu procul abest, quæ cœlestibus & ineffabili-
bus sine fine gaudiis, deliciis ac voluptatibus
omni ex parte semper abundat.

Hæc explicandis iis, quæ ad fidem illiusque
Symbolum pertinent, hætenus sufficere poterunt.
Adjicitur demùm hæc clausula **AMEN**, quâ sig-

(a) Rom. 6. 23. (b) Luc. 17. 10.

(c) Vide Trid. Sess. 6. c. 16. circa finem.

(d) Vide S. Aug. l. 8. Conf. c. 6. Item l. 3. de lib. arbit.
c. 25. Item in Psalm. 136.

ificatur nos certò firmiterque tenere omnia,
quæ superioribus verbis expressa sunt.



SECTIO SECUNDA.

De Sacramentis, & Cæremoniis Ecclesiæ.

OMni tempore externa quædam Religionis signa, divinitus præscripta fidelis populus frequentavit. Ista etenim sunt communia Religionis vincula, & nutriendæ profitendæque Fidei adminicula, quibus humana infirmitas ad spiritualium rerum perceptionem manuducenda est. Inter hæc eminent Sacramenta, quorum multa fuere sub Veteri Lege Mosâica, pauciora sed excellentiora sunt sub Lege Nova Evangelica, per quæ omnis vera justitia vel incipit vel capta atgetur, vel amissa reparatur, (a) de quibus deinceps ordine agendum.

CAPUT PRIMUM.

De Sacramentis Novæ Legis generatim.

QUæstio 1. *Quid Sacramenti nomen generatim sonat?*

Re. Apud profanos Auctores *Sacramentum* plerumque dicitur, quidquid jurejurando interposito getitur: ex quo jusjurandum, quo se milites fidelem operam Reipublicæ præstituros pollicentur, *Sacramentum militare* dictum est. Verùm apud Latinos Patres vox illa rem sacram, abditam atque occultam, ac præcipuè *externum & visibile rei sacre signum* denotat.

(a) Trid. Sess. 7. Proœm. q.

Q. 2. *Quid verò rei est Sacramentum Novæ Legis?*

✠. Est *Invisibilis gratiæ signum visibile ad nostram sanctificationem à Christo institutum*. Signa igitur sunt Novæ Legis Sacramenta, siquidem externâ quâdam specie & similitudine, id nobis referunt & declarant, quod per ipsa Deus nobiscum invisibiliter & spiritualiter agit. Signa autem sunt sacrosancta simul & efficacia, quæ divinæ erga nos misericordiæ dona (a) non modò significant, verùm etiam continent, conferuntque ad nostram sanctificationem, modò non indignè ad ea accedatur.

Q. 3. *Quodnam igitur inter Veteris Novæque Legis Sacramenta discrimen est?*

✠. Hoc scilicet, (b) quòd illa nuda signa essent, hæc efficacia. Etenim Jesus Christus benignissimus Redemptor, passionis mortisque suæ merita, his veluti vasis contineri voluit, dignèque susipientibus applicari. At verò Veteris Legis Sacramenta Apostolo teste (c) *Infirma erant & egena elementa*, futuram aliquando per Christum coelestium donorum abundantiam præfignantia, sed non conferentia.

Q. 4. *Quibus ex partibus constat unumquodque Sacramentum.*

✠. (d) Verbo & elemento. Per *verbum* hîc intellige certa quædam & determinata verba, in quibus consistit FORMA, ut vocant, Sacramentorum. Per *elementum* verò res externas, quæ MATERIAM præbent Sacramentis, ut aqua, oleum, panis, vinum, & ejusmodi.

His adjunguntur reliqua, quæ ad cujusque Sa-

(a) Conc. Trid. Sess. 7. Can. 6. 7. & 8.

(b) Ibid. Can. 2. (c) Gal. 4. v. 9.

(d) Aug. Tract. 80. in Joann. Concil. Florent.

cramenti tum idoneam collationem, tum dignam susceptionem spectant; videlicet Minister idoneus, (a) intentio recta in Ministro, fidesque in suscipiente, cum dispositione, quam singula Sacramenta requirunt.

Q. 5. *Quot sunt Novæ Legis Sacramenta?*

¶ Septem, (b) quæ à Christo per Apostolos accepta conservavit ac fideliter dispensavit hucusque Christi sponsa & columna veritatis Ecclesia. Sunt autem hæc: *Baptismus, Confirmatio, Eucharistia, Pœnitentia, Extrema Unctio, Ordo, & Matrimonium*, quorum divina origo & institutio in Scripturis sacris invenitur, sive per expressa instituentis Christi verba, sive per gratiam, quam iis ex divina ordinatione annexam esse eadem sacræ Litteræ insinuant.

Quamquam ea, quæ universalis Ecclesia ex Apostolorum Traditione retinet, atque conservanda commendat, etiam si in Scriptura divina non reperiantur, plenam apud Christianos fidem, ut suprà ostensum est, debeant obtinere.

Q. 6. *Omnia sunt æqualis aut dignitatis aut necessitatis?*

¶ Nequaquam: (c) sed *dignitate* longè augustissimum est Adorandum Eucharistiæ Sacramentum; quippè quod totius gratiæ fontem & largitorem reipsâ contineat. *Necessitate* primum est Baptisma, dein Pœnitentia. Ordo & Matrimonium Ecclesiæ gubernandæ propagandæque sunt necessaria, at non singulis fidelium.

Q. 7. *Quid sentiendum est de Sacramentorum Ministris?*

¶ Primò quidem (d) non omnibus indifferen-

(a) Trid. Sess. 7. Can. 17: (b) Ibid. Can. 1.

(c) Concil. Florent. Can. 3: (d) Concil. Trid. Sess. 7. Can. 10.

ter, sed Episcopis & Presbyteris divinitus id potestatis datum, atque id muneris injunctum esse, ut Sacramenta conficiant, dispensent & administrent.

Secundò (a) ex vita & probitate Ministrorum, Sacramentorum vim & efficaciam non pendere, cum omnium Minister principalis (b) sit ipse eorum Institutor Christus Jesus, ejus omnipotens virtus impediri nequit per indigni Sacerdotis improbitatem.

Q. 8. *Quis Sacramentorum effectus?*

R. Communis omnium est *gratia* hominem Deo charum, sanctumque efficiens. Baptismi & Pœnitentiæ singularis effectus est *justificatio*, quâ homo à morte ad vitam spiritualem adducitur, ideoque hæc duo Sacramenta *mortuorum* dici solent, cætera *vivorum*, quodd ab iis qui spiritualem vitam, id est sanctificantem gratiam jam adepti sunt, suscipi debeant.

Baptismi quoque, Confirmationis, & Ordinis effectus proprius est (c) *Character*, id est spirituale quoddam & indelebile signum, quod animæ suscipientis imprimitur, quo à cæteris eo Sacramento non initiatis perpetuò secernatur, & peculiari quâdam ratione divino cultui consecratur; quæ quidem causa est, cur ea Sacramenta sine sacrilegio iterari non possint.

Proprium denique effectum habent Sacramenta singula, ut suo quaque tempore multiplicia auxilia conferant, idonea ad assequendam finem, ad quem sunt instituta.

Q. 9. *Quare septem illa Sacramenta Christus instituere voluit?*

(a) Concil. Trid. Sess. 7. Can. 12.

(b) Joann. 1. v. 33. Vide etiam S. Aug. in Libris de Baptismo contra Donatistas,

(c) Concil. Trid. Sess. 7. Can. 9.

æ. Primum, quia sensibilis hominum natura sensibilibus signis indigebat, quibus divina nobis promissa consignarentur, fidesque nostra in Christum Deique misericordiam & bonitatem excitaretur.

Secundò, ut prestò nobis essent animarum medicamenta, ad sanitatem spiritualem vel tuendam vel recuperandam.

Tertiò, ut his veluti tesseris, externisque symbolis, ab infidelibus, Ecclesiæ filii discernantur, ejusdemque societatis vinculo invicem colligati, fidem suam palàm profiteantur, & in humilitate ac obedientia utiliter se exerceant.

Denique exterioribus illis signis, quæ per se nullam habent ad effectus tam admirabiles operandos aptitudinem, tanta misericordiæ suæ dona annexa esse voluit Deus, ut intelligeremus sanctificationem nostram in viribus nostris minime sitam esse: Sed opus esse singulari divini Spiritûs operatione, & gratuita meritorum Christi applicatione, quorum utrumque per Sacramenta modo quodam sensibili animis nostris exhibetur & confirmatur.

Q. 10. *Quid judicandum de Cæremoniis, ac iis præcipuè quarum sollemnis est usus in Sacramentis?*

æ. Cæremoniæ ab Ecclesiâ probatæ, ritus quidam sunt externi, religiosè ac decenter instituti, primum ut signa, testimonia & exercitia sint cultûs interioris, quem Deus in primis requirit.

Deindè, ut viva sint Religionis incitamenta, quibus humana imbecillitas ceu adminiculis falciatur, & ad sacra mysteria cum capessenda, tum retinenda veluti manuducatur.

Postremò, ut quæ ad cultum divinum promovendum & ad disciplinam concordiamque publicam conservandam pertinent, honestè ac decen-

ti quodam ordine, sicut Apostolus jubet, (a) in Ecclesia peragantur.

Æ verò cæremoniæ, quarum est usus in Sacramentorum administratione, quasque veluti per manus traditas & commendatas nobis à Patribus accepimus, (b) ingenti præcipuè studio retineri & observari debent. Nam præterquam quòd decorem illæ Sacramentis afferunt, & reverentiam quandam conciliant, singulari quoque antiquitatis commendatione & mysteriorum, quam habent, fecunditate nobis sunt venerandæ.

CAPUT II.

De Sacramento Baptismi.

QUæstio 1. *Quid est Baptismus?*

Æ. Est primum Novæ Legis, maximè-
que necessarium Sacramentum, quo dum corpus extrinsecus abluitur, (c) anima interiùs ab omni peccati labe mundatur, & Spiritûs Sancti donis exornatur.

Q. 2. *Cur hoc primum Novæ Legis Sacramentum esse dicitur?*

Æ. Quia illud est, quo primùm Ecclesiæ filii constituimur, jusque adipiscimur, ut suis locis atque temporibus alia Sacramenta suscipere, cæterasque Matris nostræ prærogativas participare possimus, ideoque *Sacramentorum janua* vulgò dici solet.

Q. 3. *Quomodo maximè necessarium est hoc Sacramentum?*

Æ. Quia non solum adultis, sed etiam parvulis prorsus ad salutem necessaria est hujus Sa-

(a) 1. Cor. 14. v. 40. (b) Concli. Trid. Sess. 7. Con. 13.

(c) Vide Tit. 3. v. 5.

cramenti susceptio Etenim nascuntur omnes (a) filii iræ : opus igitur habent etiam parvuli emundatione peccati, nec possunt absque hoc Sacramento mundari, & in filios Dei regenerari ; nam generaliter Legislator Christus edixit : (b) *Nisi quis renatus fuerit ex aqua & Spiritu Sancto, non potest introire in regnum Dei.*

Q. 4. *Nullone unquam casu, sine suscepto reipsâ Baptismo, iustitia, aut salus obtineri potest ?*

R. Si quis in fide instructus ardenti voto & perfectâ charitate Baptismum desiderans, eum nequeat adipisci, (c) huic voluntas pro facto reputatur, cum factum excludat necessitas. Cæterum parvulis, utpote propriæ voluntatis usu destitutis, nulla sine Baptismo salutis spes est, (d) nisi in Christi odium in suo quodammodo sanguine baptizentur.

Q. 5. *Quenam hujus Sacramenti materia est, quanam forma ?*

R. *Materia* unicè necessaria est (e) aqua simplex & naturalis ; quæ sicut naturâ suâ sordes corporis abluere solet, ita aptissima est ad significandum Baptismo animam mundari à peccatis hominemque justum ac sanctum effici *Verbum* in quo Sacramenti *forma* consistit, ex Christi præscripto (f) sic habet : *Ego te baptizo in nomine Patris & Filii & Spiritûs Sancti.*

Cæterum modò veri nominis ablutio habeatur, indifferens est ad Sacramenti efficientiam, utrùm illa *immersendo*, an *aspergendo*, aut *infundendo*

(a) Ephes. 2. v. 3. Vide Trid. Sess. 5. Can. 4.

(b) Joan. 3. v. 5. Trid. Sess. 7. de Bapt. Can. 5.

(c) S. Bernard. Epist. 77.

(d) Marc. 8. v. 31. Vide S. Leon. Serm. 2. de Epiphania.

(e) Concil. Trident. Sess. 7. de Bapt. Can. 2.

(f) Matth. 28. v. 19.

138 PARS I. SECTIO II.
fiat, nisi quod Ecclesiæ ritus hodiè usu receptus servandus est.

Q. 6. *Cujus id munus est Baptismum administrare?*

R. Proprium est munus Sacerdotum, qui tamen illud, ubi iusta est ratio, Diaconis committere possunt. At ubi necessitas vehementer urget, Baptizare potest alius quicumque, vir aut foemina, ne impiis quidem aut (a) Hæreticis exceptis, modò à forma Ecclesiæ & ejus verbis conceptis non recedatur; aditque intentio faciendi quod facit Ecclesia & Christus instituit.

Q. 7. *Quem fructum & effectum præstat Baptismus ritè susceptus?*

R. Primùm quidem id efficit, ut impio, plenè peccata omnia condonentur atque tollantur, sublati etiam pœnis quæcumque iis ex divina Justitia pro futuro sæculo respondebant.

Secundò id præstat, ut baptizatus planè innovetur, ac verè innocens, justus, sanctus, & cœlesti gloriâ dignus in Christo efficiatur. Ut jure à Paulo dictum sit omnibus baptizatis: (b) *Abblati estis, sanctificati estis, justificati estis, in nomine Domini Jesu Christi, & in Spiritu Dei nostri.*

Tertiò *characterem* hoc Sacramentum animæ imprimit prorsus indelebilem, quo Christiani ab infidelibus perpetuò discernuntur. Atque hinc non nisi (c) *unum* pro singulis Baptisma, ita ut sine sacrilegio scienter iterari non possit, ne quidem si ab Hæreticis primùm collatum fuerit, si modò constet ritè administratum fuisse; alioquin si de hac re merito ambigatur, sub conditione repeti solet.

(a) Trid. Sess. de Bapt. Can. 4. (b) 1. Cor. 6. v. 11.

(c) Ephes. 4. v. 5. Symbol. Constantinop.

Q. 8. *Quis memoratus illos Baptismi effectus ac fructus percipit?*

R. *Charactèrem* recipit quisquis legitimè baptizatur. Ceteros quoque effectus semper percipiunt parvuli, quippe qui nullum perversæ voluntatis obstaculum adferre possint. Adulti autem tunc demùm priores illos Baptismi fructus consequuntur, si verâ fide imbuti, cum anteaactorum criminum sincera detestatione serioque novæ vitæ proposito ad Baptisma accesserint.

Q. 9. *Cùm inter originalis peccati pœnas enumerentur etiam concupiscentia, omnesque hujus vitæ miseriæ & ærumnæ, cur & ille Baptismo non auferuntur?*

R. Hæc omnia tum ad memoriam noxæ originalis, & infelicissimæ sortis ex qua Deo miserante, erepti sumus, tum præcipuè (a) ad agonem relictæ sunt, ut baptizati hæc occasione vigilantius Dei gratiam quærant, ad crelestem patriam ferventiùs anhelent; virtutes studiosius exerceant, fortiùsque certando majorem sibi gloriam parent.

Cæterùm *concupiscentia* in renatis manens, etsi (b) ex peccato orta est & ad peccatum inclinât, ideoque interdum in Sacris Litteris *peccatum* dicitur, minimè tamen per se peccatum est, neque nocere potest iis qui consensum subtrahentes, viriliter reluctantur. Itaque, ut Apostolus docet: (c) *nihil damnationis est iis, qui sunt in Christo Jesu, qui non secundùm carnem ambulant, sed secundùm spiritum, quique (d) veterem hominem exuentes, de die in diem secundùm interiorem hominem renovantur, id quod proprium esse debet omnium Baptizatorum.*

(a) Concil. Trid. Sess. 5. Can. 4. (b) Ibid.

(c) Rom. 8. v. 1. (d) Ephes. 4. v. 22. & seqq.

Q. 10. Quid à nobis requirit, acceptum tanti Sacramenti beneficium?

Æ. 1. Assiduam animi gratitudinem, ut prædicemus, amemus & celebremus eum, (a) qui secundum suam misericordiam salvos nos fecit, per lavacrum regenerationis & renovationis Spiritus Sancti, quem effudit in nos abundè per Jesum Christum Dominum nostrum: ut justificati gratiâ ipsius, heredes simus secundum spem vitæ æternæ.

2. Ut quisque (b) Christianus agnoscat dignitatem suam, & divinæ consors factus naturæ, caveat in veterem vilitatem degeneri conversatione redire: at econtrariò totam vitam illi consecret, cujus munere ab infelicissimo damnationis statu eductus, & in spem cœlestis hereditatis adductus est.

CAPUT III.

De Baptismi Cæremoniis.

Antiquissimæ sunt, & à primis Ecclesiæ sæculis derivatæ, Cæremonie illæ, quarum etiamnum hodie est usus in administratione Baptismi. Id tantum discriminis est, quodd olim Adultis (qui diu ante Baptismum instruendi, seriòque probandi erant & eo tempore Catechumeni vocabantur) diversis successivè diebus applicarentur, ut vigiliâ Paschatis aut Pentecostes ablui possent, hodiè verò cum adutorum Baptismus sit admodum infrequens, infantibus recens natis, quovis die, continuâ serie applicentur. Eas interim, earumque sacras significationes, & obligationes perspectas habere, res est non parvæ utilitatis.

(a) Tit. 3. 5. 6. & 7. (b) S. Leo Serm. 1. de Nativ.

Q. 1. *Ad quot classes Baptismi caremonia redigi possunt?*

R. Ad tres : nam aliæ Baptismum antecedunt, aliæ comitantur, aliæ denique subsequuntur.

Q. 2. *Recense eas quæ Baptismum antecedunt?*

R. 1. Qui Baptizandus adducitur, *sistitur* primum ad foras Ecclesiæ, quippe qui adhuc sub iugo dæmonis constitutus, illius ingressu censeatur indignus.

2. Sacerdos (a) *insufflat* in eum, Satanamque *adjurat*, ut virtute Spiritûs Sancti recedat ab hac creatura Dei, quam per peccatum possidet.

3. Mor (b) *signum Crucis fronti* imponit & *pectori* ut significetur Christianos gloriari oportere in Cruce Domini nostri Jesu Christi, totamque in Christo crucifixo fiduciam esse collocandam. Quod etiam signum Crucis dum aliàs quoque crebrò repetitur, id planè indicatur, omnem Baptismi vim & efficientiam, à Cruce Christi, id est meritis Passionis & Mortis ejus, derivari.

4. *Sal* baptizando (c) degustandum datur, quod cum sit incorruptionis & sapientiæ symbolum, indicat necesse esse, ut regenerati vitiorum putredine ablata, sapientiæ sale conditi divina probent atque cœlestia, incorruptamque deinceps vitam ducant.

5. *Salivâ* oris sui, (d) Baptizandi nares auresque Sacerdos linit, utens verbo, quo olim in curatione hominis surdi simul ac muti & à dæmone possessi, usus est Christus (e) *Ephphetha*,

(a) Vide S. Aug. lib. 6. cont. Julian. cap. 5. & Epist. Cœlestini ad Episc. Gall. c. 12.

(b) August. lib. de Catechiz. rudib. cap. 20.

(c) Origen. hom. 6. super Ezech. & Concil. Carthag. 3. Can. 5. anno 397.

(d) Vide S. Ambr. lib. de iis qui initiantur cap. 1.

(e) Marc. 7. 7, 34.

quod est adaperire ut pateant aures verbo Dei, animoque percipiat suavissimum odorem veritatis.

6. Deinde super Baptizandum oratio Dominica & (a) Symbolum recitantur : quod olim seorsum fiebat, ut utrumque Catechumenus jam adultus memoriter edisceret. Interea Sacerdos eum in Ecclesiam inducit, jubetque ter (b) renuntiare satanae, & omnibus pompis & operibus ejus : credere etiam in Jesum Christum, illi soli fideliter adherere. Hæc ille propriis verbis præstat si sit adultus, patrinorum autem sive susceptorum ore, si sit infans.

7. Pectus & scapula (c) inunguntur oleo benedicto, quod eâ de causâ dicitur *Oleum Catechumenorum*, quâ unctione significatur robur addi baptizatis, adversus tentationes & diaboli impugnationes eosque jam stadium ingredi, in quo Fide, Spe & Charitate, muniti, contra malignos spiritus viriliter debeant decertare.

Q. 3. Recense similiter eas Ceremonias, quæ Baptismum comitantur?

R. 1. Antiquus Ecclesiæ mos erat, ut (d) bis tantum in anno Baptismus solemniter celebraretur, in vigiliis Paschæ & Pentecostes, unde & usque hodiè his solis diebus benedicitur aqua, quæ per totum annum Baptismo adhibeatur. Hujus autem benedictionis ritus incipit à lectionibus quam plurimis Veteris Testamenti, ut Catechumenis jam ante magnâ diligentia instructis, summa doctrinæ capita in memoriam revocarentur : lectionibusque interferuntur Orationes, qui-

(a) Vide Aug. lib. 3. Confess. cap. 2:

(b) S. Ambr. de iis qui iniantur myst. cap. 2: Vide etiam constit. Apost. lib. 7. cap. 42.

(c) Vide S. Chrysostom. homil. 6. in Cap. 2. Epist. ad Coloss.

(d) S. Leo Epist. 4. ad Episc. Siciliz cap. 3. & seqq. referatur Dist. 4. de consecr. Can. *Duo tempora*.

bus veræ regenerationis gratia ipsis impetretur. Deinde Sacerdos toto Clero comitante ad *Fontem* Baptismalem procedit, in Ecclesiæ introitu situm hodiè, olim foris. Ibi aquam prolixis sanctissimisque precibus *consecrat*, mysteria penè omnia & miracula memorando, quæ hoc elemento Deus olim operatus est, sufflat in eam, cereuinque Paschalem immergit, ut flatu & igne adunaret virtutem Spiritûs Sancti, in aquas descendentis, efficientisque, (a) *ut præter naturalem emundationem, quam lavandis possunt adhibere corporibus, sint etiam purificandis mentibus efficaces.* Demùm aquæ eadem de causâ Sacrum Chrisma permiscet, oleumque catechumenorum. Atque hic est ritus quo solèmnis fontis benedictio, bis quotannis peragitur.

2. Omnibus ad Baptismum præparatis, *Patrinus* & *Matrina*, quos *susceptores* vocamus, catechumenum ad Baptismum offerunt, (b) *spondentque servaturum eum, quæcumque aut proprio, aut susceptorum ore promisit.* *Nomen* deinde sancti alicujus ei imponunt, ut eam ille Patronum habeat, id est specialem apud Deum advocatum, morumque exemplar.

3. Postquam iteratò fidem summariè professus est catechumenus, & interrogatus velitne baptizari, ut significetur non nisi postulantibus ac desiderantibus, per se si possint, per alios si non possint, hoc beneficium impendi, tandem baptizatur: olim trinâ totius corporis in aquam *immersione*, ad significandam Christi mortem, sepulturam ac resurrectionem: hodiè trinâ aquæ in-

(a) Benedict. fontis Baptism.

(b) Undè *Sponsors* vocantur apud veteres. Vide S. Aug. de Nupt. & concup. lib. 1. cap. 20.

fusionem, cum expressa semper SS. Trinitatis invocatione.

Q. 4. *Recense itidem caeremonias quæ Baptismum subsequuntur.*

R. 1. Sacerdos baptizatum (a) Sacro Chrismate in vertice ungit, ut ostendat Unctionis illius spiritualis esse participem, à qua *Christi & Christiani* nomen deductum est, eumque aded spirituali quâdam ratione (b) *Regem* effectum esse ac *Sacerdotem*.

2. *Veste candidâ* (c) Neophytum induit, admonens immaculatam ante Christi tribunal perferendam: id est acceptam gratiam ad mortem usque retinendam, candidamque illam vitæ innocentiam perpetuò conservandam esse.

3. Denique *cereum accensum* tradit, ut meminerit Christianum jugiter esse debere (d) *Lucernam ardentem ac lucentem*, divinique amoris ignem nullo unquam tempore in ejus corde extinguendum: ita ut semper paratus sit Christo sponso occurrere cum virginibus prudentibus, de quibus (e) Matth. 25. capite.

Q. 5. *Quodnam est munus susceptorum, id est Patrini atque Matrinæ?*

R. Baptizandum, uti jam dictum est, Sacerdoti offerunt, nomen illi imponunt, sunt Baptismi testes, spondentque promissa omnia Catechumeni nomine præstita, fideliter servatum iri. Quare illius doctrinam & institutionem singulari studio curare debent, & in spiritualibus parentum loco esse: utque idcirco nemo ad id munus assumendus est, qui non sit in fide Catholi-

(a) S. Hieron. Dialog. cont. Lucifer.

(b) 1. Pet. 2. v. 9. Apoc. 5. v. 10.

(c) Ambr lib. de iis qui initiant cap. 7.

(d) Joan. 5. v. 35. (e) Matth. 25. v. 1.

ca probè

cā probè instructus, moribusque præditus verè Christianis.

Q. 6. *Nonne cognationem spirituales contrahunt susceptores cum infante de sacro fonte suscepto, item cum illius parentibus?*

R. Omnino contrahunt, ac talem quidem, quæ efficiat, ut inter personas illas nullum subesse possit legitimum conjugium.

Q. 7. *Quis ex harum omnium caeremoniarum notitia percipiendus est fructus?*

R. Ut perpetuò quisque sit memor, & identidem renovet illam suam sponsonem seu Christianam professionem, quam in sacro lavacro, sive per se ipsum, sive per *sponsores* edidit, (a) „ Ingressus es Regenerationis Sacramentum (inquit S. Ambrosius) repete quid interrogatus sis, recognosce quid responderis. Renunciasti Diabolo, & operibus ejus, mundo & luxuriæ ejus, ac voluptatibus. (b) Memor esto sermonis tui, & numquam tibi excidat tuæ series cautionis. Cogitet igitur Christianus, illic se ex iræ filio, & Sathanæ servo, Dei Filium Christique membrum & coheredem, vivumque templum Spiritus Sancti factum esse; sed cum obligatione recipiendi, ut deinceps peccatis mortuus, Christo ac Deo vivat.

CAPUT IV.

De Sacramento Confirmationis, illiusque Cæremoniis.

Q. *Uæstio 1. Quid hoc loco intelligitur CONFIRMATIONIS nomine?*

R. Sacramentum Novæ Legis quo bap-

(a) S. Ambros. de initiandis myst. c. 1.

(b) Lib. 1. de Sacram. cap. 2.

tizatis, sacro Chrismate frons inungitur ab Episcopo, ut acceptâ Spiritûs Sancti virtute, donorumque ejus plenitudine, in Christi milites adscribantur, nec erubescant fidem ejus, legemque Evangelicam profiteri.

Q. 2. *Unde probatur Confirmationem esse Novæ Legis Sacramentum?*

R. Testimonium habet à Divina Scriptura, secundum patrum & Ecclesiæ concordem sententiam atque interpretationem. Etenim quando (a) Apostoli, (ut in Actis eorum legitur) super baptizatos manus imposuerunt, ut nova illis & amplior Spiritûs Sancti gratia conferretur, signo usi sunt visibili divinitusque instituto, quo etiamnum hodiè utuntur Episcopi, qui Apostolorum vices gerunt & locum tenent. Nihil igitur aliud quàm Confirmationis Sacramentum eo ritu, Apostoli ministrarunt. Et quamvis non jam ampliùs, ut olim, Spiritûs Sancti præsentia sensibilibiter declaretur (quod quidem fundandæ propagandæque Ecclesiæ necessarium erat) non tamen Christus fideles suos deinceps frustratos voluit præcipuo effectu, qui est, ut donorum Spiritûs S. abundantia interiùs roborentur & confirmentur.

Q. 3. *Quis huic Sacramento suscipiendo idoneus est?*

R. Quisquis est baptizatus, nec adhuc confirmatus; hoc enim Sacramentum de eorum numero est, quæ sine sacrilegio iterari non possunt. Olim quidem mox post Baptismum impendebatur, etiam parvulis, quod in Ecclesia Orientali servatur usque hodiè. Verùm jam pridem mos ille desit in Ecclesia nostra Occidentali, in qua rationis usus plerumque expectari solet priusquam

(a) Act. cap. 8. & 19.

hoc Sacramentum conferatur, tum ut Christianus suscepti Sacramenti perpetuū memor sit, & extra periculum iterandi: tum ut majori cum fructu suscipiatur in eā ætate, in qua & sui compos est, & tentationibus incipit esse obnoxius.

Q. 4. *Quæ verò Dispositio necessaria est, ut fructuosè suscipiatur?*

Æ. Primum quidem oportet, ut præcipua Christianæ Religionis capita jam noverit, qui post adeptum rationis usum accedit.

Deindè ut gratiam atque innocentiam baptismalem, vel conservarit, vel per Pœnitentiam recuperarit.

Q. 5. *Quis hujus Sacramenti Minister est?*

Æ. Solus Episcopus id ex officio administrat; quod quidem Scriptura Sacra apertè insinuat, cum c. 8. Actuum Apostolorum, *Petrus & Joannes* missi fuisse leguntur, ut Samaritanos à *Phippo* jam baptizatos, impositione manuum confirmarent, & Spiritus Sancti plenitudine imperirent. Id quoque constans Patrum Traditio, & Ecclesiæ Decisio manifestant.

Q. 6. *Quæ hujus Sacramenti materia, quanam forma?*

Æ. *Materia* ex oleo & balsamo mixta est, quæ ab Episcopo consecrata (a) SACRI CHRISMATIS nomen jam olim obtinuit.

Forma verborum hæc præscripta est: *Consigno te signo Crucis, & confirmo te Chrismate salvæ, in nomine Patris & Filii & Spiritus Sancti.*

Q. 7. *Qualis & quanta est hujus Sacramenti suscipiendi necessitas?*

Talis, ut qui præ contemptu aut supinâ ne-

(a) Vide S. Aug. lib. 15. de Trinit. cap. 15. Item Terrall. lib. de resurrect. carnis. & Basil. de Spir. Sanct. cap. 27.

gligentiâ suscipere omittit, non leviter peccet : utpote Deo & Ecclesiæ inobediens, ac sibi ipsi injurius, dum sciens & prudens tam potenti ad salutem subsidio semetipsum privat.

Q. 8. *Quis hujus Sacramenti effectus?*

✠. Primò, sicut per Baptismum renascimur, ita per hoc Sacramentum in Christo roboramur, virtute ac donis Spiritûs Sancti, adversùs tentationes tum interiores tum exteriores, easque præcipuè quibus à Christi Fide nos dæmon nititur avocare.

Secundò, indelebilis animæ *Carecter* imprimi-
tur, quo sicut in Baptismo Deo consecramur in *filios*, ità hîc Christo adscribimur in *milites* ut ejus honorem & gloriam ad mortem usque fortiter tueamur.

Q. 9. *Quid sacre Significationis habent hujus Sacramenti ritus & ceremoniæ?*

✠. Primò, *Chrisma*, ut jam dictum est, adhibetur ex oleo & balsamo confectum, *oleum* quod ex se emollit atque confortat, indicat hujus Sacramenti virtute jugum Domini suave nobis effici, nosque ad illud constanter ferendum, roborari. *Balsamum* quod naturâ suâ fragrantissimi odoris est & à corruptione præservat, indicat nos ab infectione peccati expurgatos, quovis loco ac tempore suavissimum virtutis odorem spirare oportere.

Secundò, post manus capiti impositas, pollicis suo Sacro Chrismate tincto, *Signum crucis* format Episcopus in *fronte* confirmandi, ut quia in fronte sedes pudoris est, intelligamus hoc Sacramentum debere in nobis id operari, ut nullo unquam tempore erubescamus Fidem Christi, aut Crucem ejus, quo ille instrumento nostram ac totius mundi redemptionem operatus est.

Tertiò, levem *alagam* confirmato impingit Episcopus, ut Christianam militiam invictâ patientiâ sibi exercendam & ornandam esse, perpetuâ memoria retineat.

CAPUT V.

De Augustissimo Eucharistiæ Sacramento : ac imprimis de reali Christi in Eucharistia Præsentia, Transsubstantiatione, & Adoratione illi ibidem debita.

QUÆSTIO 1. *Quid est Eucharistia ? Et quæ nominis ratio ?*

R. Est divinissimum illud Novæ Legis Sacramentum, quo sub panis, vinique symbolis, verum Christi Corpus, verusque Sanguis mysticè immolantur, populoque fidei sumenda proponantur.

Eucharistiæ nomen *gratiarum actionem* sonat, quo nomine hoc Augustissimum Mysterium nuncupatur, quòd oblatione dignâque receptione Corporis & Sanguinis Christi, sub externis panis, vinique speciebus, nulla dignior Deo *gratiarum actio* exhiberi possit. Inde porrò hoc nomen Ecclesia derivavit, quòd Christus hoc Sacramentum instituens, gratias egisse legitur.

Ceterùm præter hoc, variis aliis nominibus designari solet hoc adorandum Mysterium, vocatur enim, *Sacra Communio, Sacra Mensa, sacra Synaxis, Panis Filiorum, Panis Angelorum, Sacramentum Altaris, Sacramentum Pacis & Charitatis, Viaticum* hujus peregrinationis &c.

Q. 2. Numquid priusquam hoc Sacramentum Christus institueret, jam pridem ante promiserat id aliquando se facturum ?

Ita planè promiserat, ut Discipulorum animos ad tam grande Mysterium præpararet. Etenim *Joan. 6. Cap.* postquam quinque illa virorum millia quinque panibus & duobus piscibus, ad saturitatem usque refecerat, transmissio Lacu Tiberiadis, postmodum in oppido Capharnaum, quod eadem turbæ Jesum secutæ erant, prolixum ad eos sermonem habuit, in quo primum eos adhortatus, ut solidiorem & durabiliorem cibum quàm quo corpus alitur, inquirerent ac sectarentur, quem ad æternam vitam obtinendam cum vera sinceraque fide comederent, deinde professus se esse Panem vivum qui de cœlo descendit, ut si quis ex eo manducaverit, vivat in æternum, tandem subnectit dicens : (a) *Panis quem ego DABO, Caro mea est pro mundi vita.* Quod cum carnales homines carnali sensu intelligerent, ac si more aliarum carniū corpus ejus dilanandum dentibus, & comminuendum foret, nihilominus asserti sui promissionisque veritatem, amplioribus verbis confirmavit, dicens : (b) *Caro enim mea verè est cibus, & Sanguis meus verè est potus; qui manducat meam Carnem, & bibit meum Sanguinem, in me manet & ego in illo.* Licet denique carnalem istorum intellectum represserit, spiritali modo id peragendum docens: interim sermonis hujus duritie, ut iis videbatur, offensi, multi etiam è Christi Discipulis ab ejus deinceps consortio defecerunt. Cumque & duodecim Apostolis suis discedendi, si vellent, potestatem fecisset Jesus, omnium nomine respondit Petrus : (c) *Domine ad quem ibimus? verba vite æternæ habes, & nos credidimus & cognovimus, quia tu es Christus Filius Dei.* Hac ita-

(a) *Joan. cap. 6. v. 52,*

(b) *Ibidem v. 16,*

(c) *Ibidem v. 68,*

que Christi promissione præmuniti Apostoli, ad sublimissimum hocce Mysterium, cum institutum fuit, minùs obstupuerunt.

Q. 3. *Quomodo autem institutum fuit?*

R. Cum imminente Passione ultimum cum Discipulis ex Mosaicæ Legis præscripto, Pascha celebraret Jesus, (a) accepit Panem, & gratias agens benedixit ac fregit, deditque Discipulis suis, dicens: Accipite & comedite, Hoc EST CORPUS MEUM, quod pro vobis datur, hoc facite in meam commemorationem. Similiter & Calicem accipiens, gratias egit & dedit illis dicens: bibite ex hoc omnes: HIC EST ENIM SANGUIS MEUS, &c. Hæc Christi verba, quibus in hujus Sacramenti consecratione Ecclesia Catholica utitur, eodem tenore referunt tres Evangelistæ, Matthæus, Marcus, & Lucas, unà cum B. Paulo Apostolo 1. Epist. ad Corinth. cap. XI.

Q. 4. *At quo pacto illa institutionis verba intelligenda sunt figuratè an propriè?*

R. (b) Ipsa verborum simplicitas quatuor diversis locis sine ulla vel restrictione, vel interpretatione proposita, naturalem planè, obviū ac literalem exigit intellectum; maximè cum sciamus verba ista ab eo esse prolata, cui idem sit posse quod velle, cuique non magis sit difficile prædictis verbis corpus suum, ac sanguinem in Eucharistia reipsa exhibere, quam olim fuerit istis verbis, (c) *Mulier ab infirmitate dimissa es*, sanitatem reverà impendere. Denique perpetuus Ecclesiæ sensus literalem hunc intellectum luculenter evincit. Nam ante

(a) Matth. 26. Marc. 14. Luc. 22. 1. Cor. 11.

(b) Vide Exposit. Doctrinæ Cathol. Illust. D. Bossueti art. X. XI. & XII.

(c) Luc. 23. 7. 12.

saeculum undecimum, quo (a) BERENGARIUS, reclamante toto fidelium cœtu, figuratum eorum Christi verborum intellectum invehere frustrâ conatus est, nemo hâc de re quætionem movisse reperitur, sive in Ecclesia Latina sive Græca, jam pridem funesto schismate à Romana separata. Hoc interim BERENGARII commentum resuscitarunt Zwinglius & Calvinus, quos contempto Ecclesiæ sensu, usque hodiè sectantur eorum assectæ.

Q. 5. *Estne igitur res omninò certissima Christum Jesum, non tantum per figuram, aut virtutem fide apprehensam, sed verè realiter, ac substantialiter præsentem esse in hoc Sacramento?*

æ. Est utique; (b) & quidquid sensuum nostrorum infirmitas reclamet aut caliginosa mens impossibilitates oggerat, post tam expressa Christi Omnipotentis verba, perpetuumque Ecclesiæ sensum, minimè fas est homini Christiano hâc de re dubitare. Voluit certè benignissimus Salvator, qui semetipsum obtulit hostiam immaculatam Deo, sensibilibiter nos certos effici hanc pro nobis hostiam fuisse immolatam: quocircà, sicut sub Veteri Lege, oblatis pro se victimis pacificis, populus communicabat: ita pariter Jesus Christus illud ipsum corpus pro nobis oblatum, tametsi tollendi horroris gratiâ sub alienâ specie velatum, re ipsâ nobis communicatum voluit. Ità (c) *Cum dilexisset suos... in finem dilexit eos*, & hâc quoque ratione nobiscum esse voluit (d) usque ad consummationem sæculi.

(a) Erat Berengarius Andegavenfis in Gallia Archidiaconus, Hic cum sæpe damnatum à se repetiisset errorem, cum annq 1088. moriens, postremo retractasse dicitur.

(b) Vide Illustres SS. Patr. locos apud Maldonatum in v. 26, c. 26. Matth. Item copiosissimè apud Bellarminum lib. 2. de Eucharistia. (c) Joann. 13. v. 1. (d) Marth. 28. v. 20.

Ceterum res nimium luctuosa est, quod immensa hujus beneficii magnitudo, ipsi beneficio fidem auferat, apud homines ingenio suo nimium tribuentes.

Q. 6. *Cum Eucharistia Sacramentum sit, necesse est ut sit signum: cujus igitur rei signum est, si ipsam Corporis & Sanguinis Christi veritatem continet?*

R. Signum est, & quidem multiplex, ac primo quidem ipsæ Panis Vinique species Christi verbo consecratæ, cum sensibus nihil præter Panem Vinumque referant, menti tamen per fidem illustratæ confirmant Salvatorem ipsum verè adesse præsentem.

Secundò, acerbissimam Christi Passionem mortemque in memoriam revocat hoc Sacramentum: ita ut utriusque hujus rei gratiâ, cum de hujus Mysterii celebratione mandatum daret Apostolis, eorumque Successoribus dixerit: (a) *Hoc facite in meam commemorationem.*

Tertiò, idem hoc Sacramentum admonet, Christianos (b) unum omnes corpus esse, qui de uno illo Pane cœlesti omnes participant.

Denique cœlestis gloriæ nobis hic pignus datur, fore scilicet ut revelatâ facie se olim nobis exhibeat Deus, qui se alienâ velatum specie tantâ jam benignitate impendit.

Q. 7. *Ubi jam panis vinumque, hujus Sacramenti materia, verbis Christi à Sacerdote consecrata sunt, remanetne aliquid de panis aut vini substantia?*

R. (c) Fides nostra, omnipotenti Christi verbo ad literam, ut oportet, intellecto innixa, nullam hic post Consecrationem substantiam ag-

(a) Luc. 22. v. 19. (b) 1. Cor. 10. v. 17.

(c) Vide Exposit. Doctr. Cathol. art. 13.

noscit, præter ipsum Christi Corpus & Sanguinem. Credimus itaque totam panis vinique substantiam, in substantiam Corporis & Sanguinis Christi, omnipotenti Dei virtute converti, ita ut sola panis vinique accidentia perseverent. Hanc porro admirandam conversionem vetustissimi Patres (a) *Transselementationem* subindè appellarunt, recepto autem hodiè vocabulo (b) *TRANSUBSTANTIATIONEM* vocat Ecclesia Catholica.

Q. 8. *Existitne hic Christi Corpus sine Sanguine, Sanguisque seorsum à corpore?*

R. Vi quidem *verborum* quibus Consecratio perficitur, sub Panis specie solum Christi Corpus, solusque sub Vini specie Sanguis præsens constituitur; at *per concomitantiam* necessariam, ubicumque est Christi Corpus, ibidem est & Sanguis, ac vice versâ aded ut sub utraque specie, quin & sub singulis utriusque partibus totus Christus, idem ille qui gloriosus est in cœlis, inefabili quodam modo sit præsens.

Q. 9. *Quâ ratione hæc omnia fieri possunt?*

R. In iis omnibus tota ratio facti est omnipotentia facientis.

Q. 10. *Rectène hoc Sacramentum à Catholicis adoratur?*

R. Imò verò rectissimè, & impius sit qui Jesum Christum verum Deum, ubicumque noverit esse præsentem, renuat adorare: quod contra *Lutherum* facilè agnoscunt *Calviniani*. Horum error est Christum in Eucharistia verè non esse præsentem: illius verò, adesse quidem, sed unà

(a) S. Cyrillus Hierosol. Catech. 4. Mystagog. &c.

(b) Conc. Rom. sub Gregorio VII. an. 1079. Conc. IV. Lateran. sub Innocentio III. an. 1215. Can. I. Conc. Constantiense an. 1414. Sess. 8. Conc. Trid. Sess. 13. cap. 4. & Can. 2. Nota hoc ultimum Concilium œcumenicum inchoatum fuisse sub Paulo III. an. 1545. & finitum sub Pio IV. an. 1563.

cum panis viniq̃ue substantiâ, tunc demùm cùm manducatur : nullo autem modo Christum quamvis præsentem hîc esse adorandum. Cæterum hæc est vis invincibilis veritatis, ut Sectarîi illi qui eam oppugnant, mutuis sese armis conficiant errorisque convincant. Sic de utrisque triumphat Ecclesia Catholica, in Fide semper immobilis.

CAPUT VI.

De hujus Sacramenti usu, & fructu.

QUæstio 1. *Estne hujus Sacramenti perceptio Christiano homini necessaria?*

R. Est utique iis, qui ad adultam ætatem pervenerint, tum ex Christi Præcepto, tum ex præscripto Ecclesiæ. Olim quidem dabatur & parvulis : sed mos ille jam pridem in desuetudinem abiit, sentiente nempe Ecclesiâ, id parvulis ad salutem non esse necessarium. Ceterùm adultis ad spiritualis vitæ nutrimentum, sumentæ hujus alimonix necessitatem Christus imposuit his verbis : (a) *Nisi manducaveritis carnem Filii hominis, & biberitis ejus sanguinem, non habebitis vitam in vobis.*

Q. 2. *Nonne ex iis Christi verbis consequens est, parem esse necessitatem, ut sub utraque specie Eucharistia percipiatur?*

R. (b) Non est consequens : nam qui vel unam speciem sumit, Corpus & Sanguinem Christi accipit, cùm sub una æquè multum contineatur, ac sub utraque : totus scilicet Christus Jesus, Deus homo, vivus & vivificans ; qui qui-

(a) Joan. 6. v. 54.

(b) Vide Expoliz. Doct. Cathol. per Bessuetium art. 17. & Conc. Trid. Sess. 21.

dem eodem Cap. 6. Joan. etiam dixit, (a) *Qui manducat hunc panem, vivet in æternum....* (b) *Qui manducat me, vivet propter me.* Huiusmodi ergo necessitatem aut præceptum utramque simul speciem percipiendi, Ecclesia Catholica non agnoscit, nisi pro Sacerdotibus, divina mysteria celebrantibus.

Q. 3. *At numquid olim sub utraque specie fidelibus Eucharistia distributa fuit?*

æ. Fuit omninò multis sæculis: sed ità tamen ut multis semper casibus unica species sumeretur. Infantibus olim sola vini species infundebatur, Persecutionis tempore, solam panis speciem domum auferabant fideles, opportuno tempore sumendam; ad infirmos etiam sola panis species jam inde à priscis temporibus deferri consuevit. Cùm igitur hanc rem ad disciplinam, quæ mutationi obnoxia est, pertinere semper Ecclesia iudicàrit, tandem posterioribus hisce temporibus generaliter sanxit, ut ad irreverentiam & varia incommoda evitanda, fideles Laici sub unica panis specie hoc Sacramentum accipiant.

Q. 4. *Quoties Eucharistia sumenda est?*

æ. Præceptum Christi, quod circà tempus, sumendique frequentiam nihil determinat, hodierna Ecclesiæ disciplina hanc formâ servandum proponit, ut singuli fideles, saltem quotannis semel circà Festum Paschæ hoc Sacramentum dignè percipiant, gravissimis poenis futuri obnoxii, si neglexerint. (a) Optat interim ut primorum fidelium fervorem æmolantes, hoc divinum alimentum, omnemque malorum antidotum quàm frequentissimè accipiant, quod quidem consulendum iis, qui à crimine, pravisque affectibus im-

(a) Joan. 6. v. 59. (b) Ibid. v. 58,

(c) Concil. Trid. 22. cap. 6,

munes, vitam ducunt Christiano homine, ac Deo dignam : impiis verò cunctisque qui in peccati mortalis statu versantur, prima incumbit necessitas seridè pœnitendi, ut digni fiant. Prudentis pii-que directoris consilium quisque hac in parte sequatur.

Q. 5. *Numquid infirmis, si mortis periculum ingruat, percipiendæ Eucharistiæ Præceptum incumbit?*

Æ. Incumbit planè, ne quantum in ipsis est, sine cœlestis hujus cibi *viatico*, & potentissima sacratissimi Corporis Christi protectione, ex hac vita discedant. Idcirco quovis tempore aliquæ Eucharistiæ particulæ reservatæ fuerunt, ut, pro enatâ occasione ad infirmos deferrentur. Ministrata autem hoc modo Eucharistia, jam pridem *viaticum* vocari consuevit.

Q. 6. *Quenam dispositio necessaria est, ut dignè ac fructuosè Eucharistia sumatur?*

Æ. Alia requiritur ex parte corporis, alia ex parte animæ.

Ex parte corporis, necesse est ut à media nocte quæ præcessit, nihil cibi potûsve, ne leviter quidem, degustatum fuerit, nisi fortè ab infirmo per modum *viatici*, hoc Sacramentum sumeretur. Usus iste, rarissimis quibusdam casibus exceptis, perpetuò in Ecclesia usitatus, (a) ex Apostolicâ Traditione profluxit.

Ex parte animæ (b) dispositio præ cæteris omnibus necessaria est, ut ab omni crimine seu noxâ mortali, immunem habeat conscientiam, qui ad hæc tremenda mysteria sumenda accedit (c) *Probet igitur seipsum homo, & sic de pane illo edat,*

(a) Vide S. Augustin. Epist. 118. ad Januarium nunc 54.

(b) Concil. Trid. Sess. 13. cap. 7.

(c) 1. Cor. 11. 7. 28,

Et de calice bibat ; qui enim manducat Et bibit indignè, judicium sibi manducat Et bibit, non dijudicans corpus Domini. A cæteris nempè cibis profanis, quibus corpus alitur. Itaque quicumque manducaverit panem hunc, vel biberit calicem Domini indignè, reus erit corporis Et sanguinis Domini. Verba sunt Pauli Apostoli. Ecclesiastica autem consuetudo declarat (inquit (a) S. Synodus Trid.) eam probationem necessariam esse, ut nullus sibi conscius peccati mortalis, quantumvis sibi contritus videatur, absque præmissa Sacramentali confessione ad sacram Eucharistiam accedere debeat.

Annitendum est insuper, ut adsit viva fides, firma spes, ardens charitas, profunda humilitas, intima gratitudo, hujus denique cœlestis alimoniz sancta fames

Q. 7. *Quem fructum percipiunt, qui cum hujusmodi dispositione Eucharistiam sumunt?*

1. Fructus est multiplex atque uberrimus. Primò Fidelis anima, intimâ quâdam unione cum Christo conjungitur. Secundò, indè nascitur ipsorum quoque inter se Fidelium indivulsa conjunctio, quâ fiat in ipsis (b) *cor unum Et anima una*. Tertio augetur & roboratur in singulis vita illa spiritualis ac divina, quæ in Baptismo primum donata est. Quartò ardor concupiscentiæ, fomesque peccati, sensim diminuitur, (c) ut nihil quod caro blanditur libeat, nihil quod carnalem vitam trucidat, spiritus perhorrescat. Quintò denique æternæ vitæ, gloriosæque Resurrectionis pignus hic nobis datur.

Q. 8. *Quis contra effectus indignæ communionis?*

1. *Quicumque*, inquit Apostolus loco jam in-

(a) Ibid. (b) Actor. 4. v. 32.

(c) S. Gregor. hom. 11. in Evang.

de allegato, *manducaverit Panem hunc, vel biberit Calicem Domini indignè, reus erit Corporis & Sanguinis Domini.* Ad hujus autem sacrilegæ profanationis vindictam id consequi solet, ut à Dei benignitate homo magis ac magis deseratur: interior mentis oculus sensim obtenebretur: cor induretur: Spiritus dissensionis, veritatisque ac justitiæ odium enascatur: impœnitentia finalis, ipsaque æterna damnatio consequatur, quam hujus vitæ subitus atque improvisus exitus, visibili punitione interdum accelerat.

CAPUT VII.

De Sacrificio Novæ Legis, quod in Missa offertur.

QUÆSTIO 1. *Quid Sacrificii nomen generatim indicat?*

R. Latiori interdum sensu denotat, omnem hominis actionem, sive interiorem, sive exteriorem, quâ religiosus Deo cultus exhibetur.

At strictiori sensu, *Sacrificium* dicitur, religiosa illa actio, quâ res externa atque sensibilis Deo Opt. Max. ita offertur, ut in agnitionem supremi, quod habet in res omnes, dominii, illa mutetur, destruat, aut certè quovis modo immutetur.

Porro *Sacrificium, Hostia, & Victima* hæc inter se differunt, quòd *Sacrificium* ipsam offerendi actionem denotet, *Hostia* verò & *Victima* rem quæ offertur.

Q. 2. *Fuitne quovis tempore visibile hujusmodi Sacrificium Deo oblatum?*

R. Fuit planè tum sub Lege naturæ, tum sub Lege Mosaica; id quod Sacre Litteræ disertè indicant. Imò verò fuit hæc divini cultus, quod

ad exteriora attinet, pars semper præcipua; neque unquam oblatum, nisi illi, qui vel verus Deus esset, vel falsâ opinione divinitatem aliquam habere crederetur.

Q. 3. *Quarum præcipuè rerum oblatione Sacrificia olim offerebantur?*

Æ. *Animalium*, quæ primùm solenni ritu mactabantur, ac deinde tota, vel saltem ex parte cremabantur. Panis tamen & Vinum solennem quoque in Sacrificiis locum habuerunt.

Q. 4. *Quotuplicia erant sub Veteri Lege Sacrificia?*

Æ. Si fines species ob quos offerebantur, erant quadruplicia: vel enim id spectabat offerens, ut palàm agnosceret ac protestaretur supremam Dei in res omnes potestatem atque dominium, & *Sacrificium Latreuticum* dicebatur; id est adorationis soli Deo debitæ; aliterque *Holocaustum*, quod tota hostia igne absumeretur. Vel eò referebatur victima, ut crimina atque delicta expiaret, eratque *Sacrificium Propitiatorium*. Vel idè offerebatur ut pro perceptis à divina largitate beneficiis gratiæ agerentur, & *Sacrificium Eucharisticum* vocabatur. Vel denique id agebatur, ut qui offerebat, divinæ largitatis munera impetraret, atque *impetratorium* nuncupabatur.

Q. 5. *Estne aliquod etiam sub Nova Lege visibile verique nominis Sacrificium?*

Æ. Est enim verò, ac tale quidem quod per vetera omnia sacrificia adumbratum fuerit quodque (a) eorum omnium diversitatem suâ plenitudine complectatur. Est hæc illa (b) oblatio munda, quæ nullâ offerentium impietate polluitur, quæque, ut Propheta prædixerat, à solis ortu

(a) Secret. Dominicæ 7. post Pentecost.

(b) Malac. 1. 7. 12. Conc. Trid. Sess. 22. c. 1.

usque ad

usque ad occasum omni loco offertur in gentibus, quoties Eucharistiæ Sacramentum, per Sacerdotes Christi vicarios ritè conficitur.

Q. 6. *Quo pacto in Eucharistia veri nominis sacrificium reperitur?*

R. (a) Iesus Christus hic mysticè immolatur, & in agnitionem suprenæ Dei potestatis offertur æterno Patri. Etenim cùm panis & vinum, Christi nomine ac verbis, à sacerdote consecrantur, quantum est ex vi verborum, Corpus seorsum sub specie panis, Sanguisque seorsum sub specie vini constituuntur, ita ut violenta illa mors, quam olim Dei Filius pro nostra salute subivit, sub externis hisce symbolis vivaciter repræsentetur. Ille interim (b) *semper vivens ad inter pellendam pro nobis*, hoc suum munus etiam hic exercet, mortem suam exhibens, ac semetipsum offerens Patri, ut propitius sit peccatis nostris; & reconcilietur nobis.

Q. 7. *Numquid hæc doctrina injuriâ est cruento illi Sacrificio, quod Christus in cruce pereggit, cum id fuerit pretii infiniti?*

R. Nullo modo: nam hoc Novæ Legis Sacrificium incruentum, non ideo offertur, quod cruentum illud fuerit insufficiens, sed (c) ut illius memoria gratissimo animo recolatur, & salutaris virtus nobis applicetur, in remissionem eorum quæ committimus indies peccatorum.

Q. 8. *Cujus est hoc Sacrificium Novæ Legis offerre?*

R. Si de Solemni Corporis ac Sanguinis Christi consecratione agitur, munus istud ad solos Apostolos, eorumque in Sacerdotio legitimos

(a) Vide Exposit. Doct. Cath. art. 14. & 15:

(b) Heb. 7. v. 25, (c) Conc. Trid. Sess. 22, c. 21

successores pertinet, quibus utique solis à Christo dictum est : (a) *Huc facite in meam commemorationem.* Cum interim illi hanc in parte ministerium ac personam gerant Jesu Christi sponsæque ejus Ecclesiæ, Christus ipse semper est *principalis offerens*, verus utique Sacerdos in æternum secundum ordinem Melchisedech, ipsa quoque Ecclesia, singulique adeò fideles, qui cum fide & pietate sacrificio assistunt, hanc unicam salutis nostræ victimam, solumque per suum sanguinem propitiorem, Deo offerunt per manus Sacerdotis, protestantes se præter hanc hostiam immaculatam, & immensum pretium mortis ejus, nihil Deo dignum offerre posse. Huic autem divinæ victimæ toto cordis affectu se conjungentes, unâ semetipsos offerunt hostias viventes Deo.

Q. 9. *Ad quos fines, sive à Sacerdote, sive à fidelibus adstantibus hoc Sacrificium offerendum est?*

1. Ad hoc quatuor q. 4. supra insinuat. 1. Ut Deus Opt. Max. supremus rerum omnium Dominus, perfectissimo quo possimus modo, *colatur atque adoretur.* 2. Ut de perceptis ab ejus benignitate muneribus, ac præcipuè de inestimabili illo redemptionis beneficio, *gratiæ* illi per Jesum Christum agantur. 3. Ut quæ ad salutem, divinæ misericordiæ dona necessaria sunt atque utilia, *impetrentur.* 4. Ut quæ delinquimus indies, clementi ejus misericordiâ *condonentur.*

Q. 10. *Estne igitur hoc Sacrificium verè propitiatorium?*

1. Est planè, non modò pro vivis, sed pro iis etiam qui in Christo mortui sunt, nec adhuc plenè sunt expiati : ut liquidò constat ex perpetuâ Ecclesiæ consuetudine sacrificium hoc offe-

(a) Luc. 22. 19.

sentis, ut animæ fidelium defunctorum, ad Dei conspectum citius admittantur.

Q. 11. *Utrum Sanctis tam Christo regnantibus Sacrificium offeratur, an pro Sanctis?*

R. (a) Sacrificium cultus est soli Deo debitus: Nulli ergo creaturæ quantumvis sanctissimæ offertur unquam, neque offerri potest. Sanctorum tamen ad altare memoria celebratur, non ut pro iis oretur qui precibus nostris nullo modo indigent, sed ut gratiæ agantur pro donis & victoriâ, quam illis largitus est Deus, eorumque pro nobis patrocinia implorentur.

Q. 12. *Quonam verò ritu Sacrificium Novæ Legis offertur?*

R. (b) Antiquissimus, imo perpetuus Ecclesiæ usus est, ut multis cum cæremoniis, sacrificiisque ritibus offeratur, qui ad conciliandum tanto mysterio decorem ac reverentiam, devotamque fidelium attentionem, saluberrimè sunt instituti. Tota porrò harum observantiarum ac rituum series, vetusto nomine MISSA nuncupatur. Quod quidem nomen à duplici populi *dimissione* desumptum est, quarum alterâ *Catechumeni*, alterâ *Fideles* ipsi dimittebantur, dicente Diacono: *Ite Missa est.*

CAPUT VIII.

De MISSA ejusque partibus & cæremoniis.

Q. Uæstio 1. (c) *Quanam sunt, ut ritè Missa celebretur, præviè necessaria?*

R. 1. Oportet ut Sanctus sit locus, in

(a) Conc. Trid. Sess. 22. c. 3. (b) Ibid. cap. 5.

(c) Hæc quæ sequuntur ex *Catechismo Historico* magnâ ex parte desumpta sunt, parte 2. lect. 45. 46. 47. 48. & 49.

164 P A R S I. S E C T I O II.
quo celebranda est Missa ; id est debet esse,
quantum fieri potest, *Ecclesia* solemniter ritu con-
secrata, vel saltem *oratorium* ab Episcopo bene-
dictum.

2. *Altare*, in quo Sacrosanctum Christi Cor-
pus reponendum est, ex antiquissima Ecclesie
consuetudine Reliquias Sanctorum inclusas ha-
bere debet, nec prius ad Sacrificium adhiberi,
quam proluxa ab Episcopo ceremoniam fuerit con-
secratum.

3. Ipsa quoque *Sacra Vasa* atque *indumenta*,
quibus ad Altare est usus, suas habent benedi-
ctiones speciales; quæ omnia eo tendunt, ut au-
gustissima tanti mysterii Majestas, rebus hisce
sensibilibus Fidelium animis altius inferatur.

Q. 2. *Quot sunt precipue Missæ partes?*

R. Commodè reduci possunt ad has sex: pre-
catio, doctrina, oblatio, consecratio, commu-
nio, & gratiarum actio; quæ singulæ prout in
solemni Missa peraguntur, paucis expendendæ sunt.

Q. 3. *Quid igitur complectitur prima Missæ pars,
quæ precatio dicitur?*

R. Ubi solenne missæ celebrandi tempus ad-
venit (quod est inter tertiam & sextam diei ho-
ram, majori jam officii divini parte decantata)
Sacerdos post privatas preces, Psalmosque reci-
tatos, & Mysterii mox celebrandi attentam con-
siderationem, *aquam benedicit*, quâ populum de-
inde aspergit, tum ut baptismi memoriam reno-
vet, tum ut adferendæ ad Sacrificium mundi-
tiei & sanctitatis admoneat.

Tum comitante Diacono, Subdiacono ac plu-
ribus Acolythis incensum & luminaria deferenti-
bus, & singulis ordini suo convenienter indutis,
ad Altare solenni pompâ procedit, Choro inte-

et Antiphonam, & Psalmum canente, qui hac de causa *Introitus* dicitur.

Cùm Sacerdos ad Altare pervenit, ad imum gradum stat, & profundè inclinat peccata sua generatim *Confitetur*, Sanctorum, & Ministrorum, adstantisque populi precibus se commendans, qui vicissim etiam *confitentur* : quæ quidem confessio idcirco adhibetur, ut quotidianorum, occultorumque delictorum pœnitenti animo à Deo venia postuletur, animisque quoad fieri potest, purgatis ad tremenda mysteria accedatur, eademque de causâ mox iteratur aliquoties *Kyrie eleison*, id est, Domine miserere.

Confessione peractâ, Sacerdos ascendit ad Altare, quod cùm Jesum Christum repræsentet, venerabundus osculatur; Sanctos commemorans quorum istic reliquiæ quiescunt : tùm Thurificat, & salutato populo *Orationem* pronuntiat, quam quoddam omnium quodammodò in se vota ac desideria complectatur & colligat, *Collectam* dicimus. Ad hanc omnes respondent *Amen*, quod est Hebraicè, *fiat*, ut se oranti Sacerdoti unanimiter consentire significant. Hactenus prima pars, quam *precationem* suprâ vocavimus.

Q. 4. Quid verò continet secunda pars, quæ ad doctrinam & instructionem pertinet?

R. Post orationem à Sacerdote pronuntiatam, Subdiaconus *Lectionem* Veteris aut Novi Testamenti recitat, quæ dicitur *Epistola*, quia plerumque è Pauli aliorumve Apostolorum Epistolis desumpta est, continetque doctrinam illius diei officio congruentem. Hanc lectionem sequitur cantus *Alleluia*, quod est Hebraicè *Laudate Deum*, cui versiculus è Psalmis subjungitur.

Diaconus interim flexis genibus orat, ut se annuntiando *Evangelio* Deus idoneum præstet,

acceptaque Sacerdotis benedictione ad locum electioni deputatum procedit, omnibus Altaris Ministris cum luminaribus & incenso comitantibus. Librum Evangeliorum Diaconus sublimem defert, cui assurgunt omnes, stantque dum legitur, tum ut reverentiam significant, quæ Verbum Dei, incarnatamque Sapientiam cujus Liber ille signum est, prosequi debent Christiani omnes, tum ut promptos se exhibeant ad implenda ea, quæ Evangelica lex præscribit. Tum veteri more Sacerdos Cathedram conscendit, populumque vulgari, sermone alloquens, Evangelium modò lectum exponit, moribusque emendandis accommodat. Fidem suam deinde Sacerdos cum populo proficitur Constantinopolitano Symbolo, quodd statim recitatur.

Ceterum hucusque olim divino officio sinebantur interesse *Catechumeni*, qui ad fidem baptismique gratiam præparabantur, ac deinde dimittebantur, ne secretiori mysteriorum celebrationi assisterent. Id autem *Missæ Catechumenorum* dicebatur.

Q. 5. *Quid complectitur tertiæ Missæ pars, quæ Oblatio dicitur?*

æ. Post Symbolum recitatum, Sacerdos populo iterum salutato, panem & vinum offert materiam Sacrificii, mox in Christi Corpus & Sanguinem convertenda: quæ consideratione jam inde *Hostia immaculata* à Sacerdote nuncpantur.

Panis *Azymus*, id est non fermentatus, esse debet ex more Ecclesiæ Romanæ (a) Vino paululum aquæ admiscendum est, partim ad exhibendam aquam illam, quæ ex Christi mortui latere unâ cum sanguine manavit: partim ad

(a) Conc. Trid. Sess. 22. c. 7.

demonstrandam, tum divinæ naturæ cum humana, tum fidelis populi cum Christo conjunctionem : at maximè quòd *Christus Dominus* ità fecisse credatur.

Sacerdos oblata thure perfundit, angelosque precatur, ut odorem aromaticum, id est preces nostras isto incenso significatas, ante Deum perferant. Tum populi oblationes accipit ; at priùs singulis osculandum præbet Patinam : quod osculum, signum quoddam pacis est, perfectæque inter fideles reconciliationis atque concordie, quam quidem (a) expresso mandato à fidelibus suis Christus haberi voluit, priusquam munus ad Altare offeratur. Offeruntur deinde cerei, pecunia, vel alia quælibet, à fidelibus spontè collata, in Clericorum & pauperum alimenta, Ecclesiarumve ministeria.

Oblationibus acceptis, *manus obluit* Sacerdos, munditiam à Deo postulans, tam sublimi Sacrificio conficiendo necessariam ; seque circumstantium orationibus commendat, ut suum communeque fidelis populi sacrificium acceptabile fiat apud Deum Patrem Omnipotentem.

Q. 6. *Quid involvit quarta pars, quam Consecrationem appellavimus ?*

R. Orationem *secretam*, in quam *oblatio* definit, concludit Sacerdos *præfatione*, quâ populum monet, ut *sursum corda* ad Deum habeant, *gratiasque* agant omnipotenti Creatori *per Jesum Christum Dominum nostrum*. Tum prosequens orat, ut sua omniumque fidelium voces conjungi mereantur Angelicis Laudibus, quibus indefinenter proclamant, (b) *Sanctus, sanctus, sanctus, Dominus Deus* (c) *Sabaoth*.

(a) Matth. 5. 7. 13.

(b) Isai. 6. 7. 3.

(c) Id est, *Exercituum*.

Sic igitur comparati, animis suprà terrena omnia sublatis, & unà cum cœlestium spirituum agminibus Omnipotentis Dei Majestatem adorantes, summâ reverentiâ expectamus unicum ejus Filium, ad verba Sacerdotis, Spiritû Sancti virtute mox in Altare descensurum.

Sacerdos interim secretò recitat eas preces, quæ CANON dicuntur, id est Regula Eucharistiæ consecrandæ; quæque, quodcumque celebretur officium, numquam mutantur. Is autem *Canon* orationibus continetur omnipò quinque.

Primâ Sacerdos orat (a) pro universa Ecclesia, ac nominatim pro summo Pontifice, & Episcopo proprio: pro iis deinde quos speciatim commemorare libet, omnibusque circumstantibus. Mox in Spiritu *Communions Sanctorum* memoriam recolit; B. Virginis Mariæ, Apostolorum Sanctorumque aliquot Martyrum, quorum nos precibus postulat adjuvari.

Secundam orationem recitans, (b) manus extensas tenet super *oblata*, postulans ut oblationem nostram Deus placatus accipiens, jubeat ab æterna damnatione nos eripi, & in electorum suorum grege numerari.

Tertiam orationem recitans, (c) Eucharistiæ narrat institutionem eamque ipsis Christi verbis *consecrat*, statimque Christum præsentem adorat ac populo adorandum exhibet. Orationem hanc tertiam prosequens, offert Deo in Passionis, Resurrectionis, & Ascensionis Filij sui memoriam, panem vitæ æternæ & calicem salutis perpetuæ; nempe Jesu Christi Corpus & Sanguinem, orans ut Sacrificium, quod ex parte rei oblatæ non potest illi non esse acceptissimum, etiam ex par-

(a) Te igitur.

(b) Hanc igitur.

(c) Quam oblationem.

te offerentis acceptum habeat, sicuti accepta habere dignatus est munera Abel, Abrahæ & Melchisedechi, hujus figuras: & quicumque ejus participes fuerint, benedictione cœlesti & gratiâ repleantur.

Oratione *quartâ* (*a*) defunctos fideles Deo sacerdos commendat: tum privatim quos placet, tum omnes universim.

Quintâ Denique oratione (*b*) complures iterum Sanctos Sacerdos commemorat, & percussio pectore postulat, ut nobis quoque peccatoribus Deus partem aliquam & societatem cum Sanctis suis, non nostris meritis, sed suâ misericordiâ donare dignetur. Demùm Sacram Hostiam super calicem attollit, Sanctissimamque Trinitatem venerans, omnem illi honorem & gloriam deberi profite-
tur.

Q. 7. Quid quinta Missæ pars, Communio, complectitur?

R. Incipit illa ab *Oratione Dominica*, quâ inter cetera etiam panis quotidianus & super substantialis postulatur, panis ille verus, qui de cœlo descendit.

Deinde Sacerdos hostiam trifariam dividit, Christum imitatus, qui panem cum consecravit, *fregit*, quo factum est ut ab initio hoc Sacrificium nomine (*c*) *fractionis panis* sæpè appellaretur. Unam ex his particulis Sacerdos imittit in calicem, ut ex pressius designetur, unum esse Corporis & Sanguinis Christi Sacramentum.

Post hæc *pax* postulatur, id est, concordia charitasque perfecta, quâ instructi fideles ad Agnum immaculatum dignè accedere possint, in cujus *pacis* signum, olim complectebantur

(*a*) Memento. (*b*) Nobis quoque.

(*c*) Actor. 2. 7. 46. &c.

invicem, hodiè multis in locis instrumentum istius-
 usui destinatum populo osculandum datur.

Aliquot deinceps preces ad Christum in Sacramento præsentem Sacerdos dirigit, postulans ut dignè & utiliter ipsum percipere mereatur. Tum se percussio ter pectore, palàm protestatus indignum, sub utraque specie *communione* accipit, quam communicaturis fidelibus, ex hodierno Ecclesiæ more sub unicâ panis specie distribuit. Et priscis quidem temporibus, quicumque Sacrificio intererant, etiam participabant oblatione & communione : (a) optaretque Ecclesia tantum hodieque esse fidelium zelum atque fervorem, ut more primorum Christianorum reipsâ dignè communicare possent, quoties Sacrificio assistunt : quare *Spiritu* saltem, Sanctis-que animi affectibus communicandum est.

Q. 8. *Quid demùm sexta atque ultima Missæ pars Gratiarum actio?*

R. Eâ Sacerdos immensæ Dei Majeſtati gratias agit, suo & fidelium nomine, de inæſtimabili dono & munere ipsius largitate percepto, supplicans ut illius sacratissima virtus in nobis perpetuò perseveret. Tum Diaconus populum *dimittit*, eique Sacerdos benedicit, Denique recentiori Ecclesiæ instituto, initium Evangelii S. Joannis in fine recitatur, ut Dominicæ incarnationis beneficium grato animo, iteratò recolatur.

Hactenus partes & ceremoniæ Missæ, præcipuè *solemnis*, paucis expensæ sunt.

Q. 9. *Quid verò de Missis privatis quæ sine Ministris & communicantibus celebrantur?*

R. Etsi in iis non ita eluceat Sacrificii Majeſtas, eas tamen jam pridem Ecclesiæ usus ad-

(a) Conc. Trid. Sess. an. cap. 6.

missit, nec minùs Sacrificium verum atque integrum in illis perficitur, quamvis populi nec oblatio nec communio fiat, nec quisquam præter unum ministrantem assistat.

Q. 10. Quo pacto Sacrificio Missæ fructuosè assistitur?

R. Sola corporis præsentia non sufficit, si mens intereà aliò divagetur, rebusque aliis præter Deum intenta sit. Is optimè faciet, qui & doctrinæ in Missa tradendæ intentus erit, & Sacerdotis actioni ac precibus quantam poterit attentionem adhibebit, paremque in omnibus affectum conjunget.

CAPUT IX.

De Sacramento Pœnitentiæ, illiusque Primæ parte Contritione.

Q. Uæstio 1. Quid nomen Pœnitentiæ generatim hoc loco indicat?

R. Dolorem animi de Deo offenso, peccatorumque detestationem quamdam cum vitæ melioris proposito.

Q. 2. Fuitne quovis tempore iis, qui in mortale crimen lapsi essent, Pœnitentia ad salutem necessaria?

R. Fuit prorsus: etenim fieri nequit, ut animus à Deo Opt. Max. per peccatum averfus, criminum suorum ventam consequatur, nisi sincero dolore ad illum misericordiæ fontem convertatur. Quapropter iis etiam, qui in adulta ætate Sacramento Baptismi ablui postulant, indispensabilis necessitas incumbit (a) ut perversitate abjecta & emendatâ, præteritam Dei offensionem, cum peccati odio & pio animi dolore detestentur.

(a) Conc. Trid. Sess. 14. cap. 1.

Q. 3. *Eratne igitur Pœnitentia, Sacramentum ante Christi adventum, vel est hodie iis qui nondum sunt Baptizati?*

R. Et istis erat, & his est hodiè virtus, non Sacramentum. Etenim *Jesus Christus* ex abundantia benignitatis suæ pœnitentiam voluit esse Novæ Legis Sacramentum, quo post Baptismum lapsis beneficium mortis ejus denuò applicaretur, (a) quod tunc præcipuè instituit, cum à mortuis excitatus insufflavìt in Discipulos suos, dicens: (b) *Accipite Spiritum Sanctum, quorum remiseritis peccata remittuntur eis, & quorum retinueritis retenta sunt.* Quo tam insigni facto, & verbis tam perspicuis, potestatem remittendi & retinendi peccata, ad reconciliandos fideles post baptismum lapsos Apostolis & eorum legitimis Successoribus fuisse communicatam, universorum Patrum consensus semper intellexit, & NOVIATIANOS remittendi potestatem olim pertinaciter negantes, magnâ ratione Ecclesia Catholica tamquam Hæreticos explosit atque condemnavit.

Q. 4. *Quenam inter Baptismi & Pœnitentiæ Sacramenta diversitas est?*

R. Sanè multiplex; nam præterquam quodd materia & forma plane diversa sunt, *Baptismus* insuper semel susceptus, repeti non potest, potest *Pœnitentia*. Deinde in Sacramento Baptismi nullum judicium exercetur, exercetur in Sacramento Pœnitentiæ: siquidem se tamquam reos ad Sacerdotis tribunal sistere debent, qui post Baptismum lapsi sunt (c) Alius est præterea Baptismi, alius Pœnitentiæ fructus; per Baptismum enim Christum induentes, nova prorsus illo efficimur creatura, plenam & integram pec-

(a) Conc. Trid. Sess. 14. c. 1.

(b) Joan. 20. v. 22.

(c) Conc. Trid. Sess. 14. c. 2.

eatorum omnium remissionem consequentes : ad quam tamen novitatem & integritatem per Sacramentum Pœnitentiæ, sine magnis nostris fletibus & laboribus, Divinâ id exigente jûstitiâ, pervenire nequaquam possumus; ut meritò Pœnitentia laboriosus quidam Baptismus à Sanctis Patribus dictus fuerit.

Q. 5. *Quis hujus Sacramenti fructus est & effectus?*

æ. (a) Reconciliatio cum Deo, quam interdum in viris piis & cum devotione hoc Sacramentum percipientibus, conscientie pax & serenitas cum vehementi spiritûs consolatione consequi solet.

Q. 6. *Quæ verò forma atque materia, quæ partes?*

æ. (b) *Forma*, in quâ præcipuè hujus Sacramenti vis sita est, in illis ministri verbis posita est : *Ego te absolvo, &c.* quibus quidem de Ecclesiæ sanctæ more preces quædam laudabiliter adjunguntur, ad ipsius tamen formæ essentiam nequaquam spectant, neque ad ipsius Sacramenti administrationem sunt necessariæ. Sunt autem *quasi materia* hujus Sacramenti ipsius pœnitentis actus, nempe *contritio, confessio & satisfactio*. Qui quatenus in pœnitente ad Sacramenti integritatem, ad plenamque & perfectam peccatorum remissionem requiruntur hâc ratione *pœnitentiæ partes* dicuntur.

Q. 7. *Quid autem est prima Pœnitentiæ pars CONTRITIO?*

æ. Contritio generatim sumpta, est (c) *animi dolor ac detestatio de peccato commisso, cum proposito non peccandi de cætero*. Duo itaque involvit, & veteris vitæ odium, & novæ propositum. Nomen autem à *conterendo* accepit, quòd

(a) Conc. Trid. Sess. 14. c. 3. (b) Ibid. c. 3.

(c) Ibid. c. 4.

hominis animum peccato rigidum, quodammodo emolliat, conterat, atque comminuat.

Cæterum ut dolor ille ad peccatorum veniam obtinendam hominem disponat, supra naturam esse debet, ex fide & Spiritûs Sancti instinctu proficiscens, conjunctamque habens fiduciam divinæ misericordiæ, cum voto præstandi reliqua, quæ ad rite suscipiendum hoc Sacramentum requiruntur.

Q. 8. *Quotuplex est Contritio?*

æ. Duplex: Alia scilicet *Charitate perfecta*, quæ ex vehementi Dei amore, ingentique peccati detestatione procedens, hominem Deo reconciliat priusquam hoc Sacramentum actu suscipiatur; tametsi reconciliatio ipsi contritioni sine Sacramenti voto, quod in illa includitur, non sit adscribenda. Alia *imperfecta*, quæ vel ex turpitudinis peccati consideratione, vel ex gehennæ & pœnarum metu communiter concipitur, & **ATTRITIO** dici solet.

Q. 9. *Quid de hac Attritione docet Concilium Tridentinum?*

æ. Declarat eam, si cum spe veniæ voluntatem peccandi excludat, non solum non facere hominem hypocritam, & magis peccatorem; (quod falsò *Lutherus* asseruerat) verum etiam donum Dei esse & Spiritûs Sancti impulsus, non adhuc quidem inhabitantis, sed tantum moventis, quo pœnitens adjutus, viam sibi ad justitiam parat. Enimverò æquum est & salutare ut juxta Evangelii præscriptum (a) timeamus eum, qui potest & corpus & animam perdere in gehennam.

Declarat præterea, quod etsi hujusmodi attri-

(c) Matth. 10. 7. 12. Luc. 12. 7. 4.

tio sine Sacramento pœnitentiæ per se ad justificationem perducere peccatorem nequeat ; tamen eum ad Dei gratiam in Sacramento pœnitentiæ impetrandam desponat.

Q. 10. *Potestne Contritio imperfecta omnem peccandi voluntatem excludere, & ad percipiendam in Sacramento pœnitentiæ remissionem peccatorum, PROXIME disponere, si non adsit aliquod divini amoris initium, quo Deum tamquam omnis justitiæ fontem diligere peccator incipiat ?*

R. Id inter Theologos salvâ fide hucusque disputatur. Sed quod ad praxim attinet, (a) vel ob hanc ipsam incertitudinem, non sat magnâ salutis suæ curam gereret, qui dum ad pœnitentiæ Sacramentum accedendum est, itâ soli timori ultrò inhæreret, ut ad Deum quem peccando contempsit, super omnia diligendum, modis omnibus non anniteretur.

Q. 11 *Quale debet esse propositum vitæ in melius emendanda ?*

R. Tale, quod non in nudis verbis, sed in sincera & efficaci voluntate consistat, fugamque occasionum delinquendi secum ferat.

Q. 12. *Quomodo ad Contritionem salutarem annectendum est ?*

R. Contritio salutaris Dei donum est ; ab illo igitur humili ferventique oratione postulanda. Illius deinde motiva verâ ac vivâ fide sibi ob oculos ponere unusquisque debet, peccati nempe turpitudinem & atrocem malitiam : justa Dei tremendaque judicia : immensæ Majestatis offensam : unigeniti Filii Dei pro peccato destruendo probrosissimam mortem : infinitam denique Dei T.

(a) Vide Catechismum Illust. D. Bossueti Episcopi Meldensis de Sacram. Pœnit. Lect. 2. & 3.

O. M. benignitatem ac bonitatem, omni amore & obsequio dignissimam.

Porrò cum verà contritio sit pars pœnitentiæ præ cæteris longè maximè necessaria, totiusque conversionis fundamentum, huic singulari studio incuthbere oportet, quoties ad hoc Sacramentum accedendum est.

CAPUT X.

De examine Conscientiæ, ubi de peccatorum distinctione & circumstantiis.

Questio 1. *Quare ad hoc Sacramentum ritè suscipiendum opus est examine conscientiæ?*

R. Quia de peccatis omnibus mortalibus sincerus animi dolor eliciendus est, omniaque singulatim in Confessione exprimenda sunt, ut absolutionis beneficium percipi possit.

Q. 2. *Quale & quantum esse debet istud conscientiæ examen?*

R. Pro varia qualitate & conditione personarum, majus esse debet aut minus. Quilibet salutis suæ non omninò incurius, in hoc tamen momenti negotio, tantam saltem diligentiam adhibere sataget, quam solet in rebus temporalibus majoris momenti, animo revolvens loca, tempora & occasiones, in quibus Deum offendisse, & graviter deliquisse potuit. Inquirendum & in peccatorum radices, ut imposterùm amputentur. Animadvertendæ etiam peccatorum circumstantiæ, quippè quæ peccati gravitatem augere possunt atque minuere.

Ceterùm ut illa sui discussio commodè fiat dum confitendum est, nihil utilius nihilque consaltius est, quàm in fine cujusque diei ad ex-

amen re-

men revocare, quidquid eo die, opere, verbo, & cogitatione patratum est. Quæ res id insuper utilitatis habet, quod à peccando plurimum retrahat, pravosque habitus sensim emendet.

Q. 3. *Cum circa (a) peccata examen instituentum sit, quid generatim est peccatum?*

Æ. Est legis live divinæ live humanæ libera prævaricatio. Quod cum graviter fieri possit & leviter, hinc duplex peccatum distinguitur, *mortale & veniale*.

Q. 4. *Quodnam peccatum mortale dicitur, quodnam veniale?*

Æ. *Mortale*, sic dictum quod mortem animæ adferat, vitam ejus quæ in gratia sanctificante consistit, destruens, hominemque reddens divinæ inimicitiae obnoxium, tunc habetur, cum divinæ lex in re gravi animo deliberato violatur, adeo ut morali quadam æstimatione, creatura præferatur Creatori.

Veniale peccatum, sic dictum quod venia illi facile concedatur, illud est quod quidem divinæ legi adversum est, sed in re undequaque levi, vel animo non satis deliberato perpetratur. Hoc hominis cum Deo amicitiam ex se non dissolvit; attamen periculosum est, & (b) neglectum ad majora disponit.

Q. 5. *Undè dignosci potest sitne peccatum aliquod mortale an veniale?*

Æ. Hoc non humano, sed Divino judicio pensandum est. Etenim non raro contingit, ut peccata quædam, (c) ubi in consuetudinem versa sunt, & plurimis passim frequentantur, exigua vel nulla videantur, quæ tamen justo Dei judi-

(a) Vide de peccatis sat fusè tractantem Catechismum Petri Canisii. (b) Eccli. 19. v. 1.

(c) Vide S. Aug. Enchirid. cap. 80.

cio gravissimè damnantur, & æterno supplicio punienda sunt. Voluit itaque Deus discrimen istud in multis nos latere, ut tantò majori curâ & studio peccata omnia vitaremus. Interim si quid in re gravi, præcepto cuiuspiam contrarium animo deliberato perpetretur, non dubitandum est, quin sit peccatum mortale. Idem erit si peccato alicui gravissimam quamdam pœnam æternamve VÆ Sacræ Litteræ interminentur, vel si commune Patrum iudicium communisve fidelium sensus, peccatum aliquod iudicet esse grave, & amicitie Divinæ contrarium.

Q. 6. *Quanam inter peccata ceteris solent esse periculosiora?*

R. (a) Ea quæ cùm sæpè perpetrentur, plerumque tamen culpabiliter ignorantur, cujusmodi sunt peccata OMISSIONIS, quorum scilicet rei simus negligendo ea, quæ muneris nostri sunt, sive ad generales hominis Christiani, sive ad peculiare statûs nostri obligationes illa pertineant.

Communis E. G. Christianis omnibus obligatio incumbit, ut in Fidei, Spei, Charitatis, & Orationis exercitiis frequenter se exercent.

Peculiares autem obligationes habent Sacerdotes, Religiosi, Superiores, Maritus, Uxor, Filii familias, famulantes, &c.

Circà utrasque solenter excutiendi sunt conscientie sinus & latebræ, ut debito cum fructu confessio instituitur, vitæque tenor in melius emendetur.

Q. 7. *Cùm in peccatorum quoque radices inquirendum sit, quanam ea esse solent?*

R. Generalissima radix est, inordinatus sui amor, qui triplicem concupiscentiam complecti-

(a) Vide Catechism. Meldens. part. 4. lect. 5.

tur, à qua omne peccatum profluit. Etenim teste Apostolo Joanne, (a) *Omne quod est in mundo, corruptum scilicet ac depravatum, est concupiscentia carnis, concupiscentia oculorum, & superbia vite.* Id est cupiditas voluptatum divitiarum atque honorum.

Radices etiam peccatorum, ad septem illa reduci possunt, quæ PECCATA CAPITALIA vocantur, quod ex iis ceu capitibus ac fontibus, cetera derivari soleant: sunt autem, Superbia, Avaritia, Luxuria, Gula, Ira, Invidia, Acedia.

Q. 8. *Describe breviter singula.*

1. *Superbia* est inordinatus appetitus excellentiæ, sive intus lateat in animo, sive extrinsecus etiam se prodat. Vitium est (b) Deo & hominibus exosum, quod etsi vitiorum ferè omnium mater est, & origo, præcipuè tamen infelicem hanc (c) sobolem gignit, inobedientiam, jactantiam, hypocrisim, contentionem, pertinaciam, discordiam, curiositatem,

2. *Avaritia* est inordinatus divitiarum appetitus: cujus (d) propagines sunt, proditio, fraus, fallacia, perjurium, inquietudo, violentia, immisericordia seu inhumanitas, & cordis durities. Vitium hoc Apostolus (e) *radicem omnium malorum* nuncupavit.

3. *Luxuria* est appetitus inordinatus impuræ & libidinosæ voluptatis. Gignit (f) autem ex sementis cæcitatem, inconsiderationem, inconstan-

(a) 1. Joan. 2. v. 16.

(b) Vide Eccli. 10. v. 14. 15. 18. & 21. Tob. 4. v. 14. Jacob. 4. v. 6. 1. Pet. 5. v. 5.

(c) S. Greg. lib. 31. moral. cap. 33.

(d) S. Gregor. lib. 31. moral. cap. 51.

(e) 1. Tim. 6. v. 10. Vide etiam Eccli. 10. v. 9. & 10.

(f) Gregor. ibid. Vide infra explicationem VI. præcept. Decalogi.

tiam, præcipationem, amorem suū, odium Dei; immodicum hujus vitæ desiderium, mortis futureque judicii horrorem, ac felicitatis æternæ desperationem.

4. (a) *Gula* est intemperans atque inordinatus cibi potusve appetitus. Illius species sunt *crapula* & *ebrietas*, vitia quibus homo belluis tantò excellentior, his se abjectiorem, vilioremque spontè constituit: bona dissipat, valetudinem lædit, morbos accersit, ac vitam demum ipsam abrumpit. *Gula* filias habet ineptam lætitiā, multiloquium, scurrilitatem, spurcitiem, sensum & intellectus hebetudinem.

5. (b) *Ira* immoderata cupiditas ulciscendi se de eo, à quo læsum se quis arbitratur. (c) Nascuntur ex illa detestandæ filiæ, rixæ, timor mentis, contumeliæ, clamor, indignatio, atque blasphemia

6. *Invidia* est (d) tristitia de bono alterius, & odium alienæ felicitatis, (e) respectu superiorum, quia eis non æquatur: respectu inferiorum, ne sibi æquentur, & respectu parium, quia sibi æquantur. Filias verò procreat, (f) odium, suffurationem, detractionem, in adversis aliorum rebus exultationem, in prosperis afflictionem.

7. (g) *Acedia* est remissi animi languor atque tristitia, circa res ad Dei cultum, æternamve salutem pertinentes. Has autem (h) gignit filias,

(a) Legatur S. Basilius in orat. contra Ebriosos. Et S. Chrysost. contra Luxum & crapulam.

(b) Vide S. Basilium in orat. contra irascent. S. Chrysost. hom. 19. ad pop. (c) S. Greg. ibid.

(d) Lege orat. S. Basilii de invidia S. Chrysost. hom. 44. ad pop. (e) Aug. lib. 2. de gen. ad lit. c. 14.

(f) Greg. ut sup.

(g) Vide S. Bernard. Serm. 3. & 9. de Ascensione Domini Math. 20. v. 6. & cap. 25. v. 30. Apoc. 3. v. 16. Matth. 7. v. 19. Marc. 13. v. 33. (h) Gregor. ut suprâ,

malitiam, rancorem, pusillanimitatem, desperationem, torporem circa res præceptas, mentisque circa res illicitas evagationem.

Q. 9. *Numquid in discussione conscientiae, ad aliena quoque peccata animus advertendus est?*

R. Prorsus; nam variis modis contingere solet, ut quæ aliorum manibus operâve perficiuntur peccata, nobis interim meritò imputentur, nostrasque conscientias damnationis coram Deo reas constituent.

Q. 10. *Quot modis ALIENA PECCATA nobis imputari solent?*

R. Id fieri præsertim solet modis sequentibus.

1. Si quis peccati cujuscumque committendi *mandatum* dederit, etsi alienâ operâ maleficium perpetretur, *mandanti* tamen ante omnes justissimè imputatur.

2. Si crimen *consulat*, modumve quo executioni mandari possit, studiosè præscribat.

3. Si alienis delictis *consensum* præbeat.

4. Si blanditiis & *adulatione* delinquentes foveat, ut minùs agnoscant crimen, quod admisserunt.

5. Si malefactores ad se *recipiat*, eisque opem & tutelam præbeat, quò in suis facinoribus securiùs perseverent.

6. Si de facinorum fructu, sciens prudensque *participet*.

7. Si dictis factisve minùs rectis, *scandalum* & offendiculum ponat proximo, occasionem illi præbens, quâ in crimen aliquod prolabatur.

8. Si, cùm aliorum crimina *obstando* aut *manifestando impedire* possit, id facere negligat.

9. Denique, si proximum, suæ præsertim sollicitudini creditum, quem *corripiendo emendare* posset, corripere negligat.

Q. 11. *Namquid & peccata quadam speciali modo dicuntur committi ADVERSUS SPIRITUM SANCTUM?*

R. Ità, ea scilicet, quibus oblata Dei munificentia & gràtia, quæ Spiritui Sancto, cœu fontis bonorum, tribui peculiariter solet, contemptim abjicitur. Recensentur autem sex sequentia.

1. Divinâ misericordiâ confidentur abuti.

2. De gratia Dei, vel de salute sua prorsus desperare.

3. Veritatem religionis adversus suam ipsius conscientiam impugnare.

4. Tristi invidiâ concitari ob alienæ salutis, & virtutum fraterharum successum.

5. Obfirmato animo in crimine scienter persistere.

6. Denique cum proposito non pœnitendi, perversæ vitæ finem nullum facere.

Hæc sunt illa crimina, quæ non ex infirmitate, aut ignorantia, sed ex perversæ mentis malignitate & perviciâ proficiscuntur, quibus qui impliciti sunt, (a) Dei gratiam aut numquam, aut raro & ægrè admodum consequuntur.

Q. 12. *Recense similiter ea peccata, quæ ob suam enormitatem, vindictam IN CÆLUM CLAMARE dicuntur?*

R. Ex Sacris Litteris colliguntur hæc quatuor.

1. (b) Homicidium voluntarium. 2. (c) Peccatum Sodomiticum. 3. (d) Oppressio pauperum, Viduarum ac Pupillorum. 4. (e) Merces operariorum defraudata.

Q. 13. *Quid jam de peccatorum circumstantiis inquirendum est, quando conscientie examen instituitur?*

(a) Matth. 12. 7. 32. 1. Joan. 5. 7. 16.

(b) Genes. 4. 7. 10.

(c) Ibid. cap. 13. 7. 20.

(d) Exod. 22. 7. 23.

(e) Jacob. 5. 7. 4.

✠. Potissimum animadvertendum est, *quæ & qualis persona sit quæ deliquit, in qua dignitate & munere constituta, quibus divinæ misericordiæ donis præventa: quod & quale crimen admissum, quæ res ablata, cui personæ contumelia irrogata. &c. quo loco facinus perpetratum, facto an profano, publico an privato: quæ instrumenta & media perficiendo crimini adhibita: quo fine aut scopo: quomodo, violentè, an fraudulenter, &c. Denique quo tempore, divino cultui dedicato, an abstinentiæ deputato, &c. Hæ septem circumstantiæ hoc versiculo memoriæ causâ exprimi solent: Quis, quid, ubi, quibus auxiliis, cur, quomodo, quando.*

CAPUT XI.

De Confessione.

Questio 1. *Estne peccatorum confessio ex divino præcepto Sacerdoti faciendâ ab eo, qui post Baptismum lapsus est?*

✠. (a) Est prorsus illi, qui baptismalem innocentiam letali aliquo crimine perdiderit. Etenim Dominus noster Jesus Christus, ascensus ad Patrem, Sacerdotes sui Vicarios reliquit, *judicesque* constituit; ut peccata lapsorum aut remitterent aut retinerent: hoc porro *judicium* sine *causâ* cognitione exerceri non potest: neque in pœnis injungendis servari potest æquitas, si in genere dumtaxat, & non potius in specie ac sigillatim sua ipsi peccata pœnitentes declararent. Hanc autem *confitendi* necessitatem lapsos subire Christus voluit, tum ut humiliarentur, tum ut à Sacerdotibus ceu animarum Medicis, congrua malis suis remedia consequantur.

(a) Vide Conc. Trid. Sess. 14. cap. 5.

Q. 2. *Quanam peccata in Confessione necessariè expremenda sunt?*

R. Mortalia omnia, quorum post diligentem sui discussionem, conscientiam habet poenitens; etiamsi occultissima illa sint, & tantum adversus duo ultima Decalogi præcepta commissa, quæ nonnumquam animam gravius sauciant, & periculosiora sunt iis, quæ in manifesto admittuntur.

Q. 3. *Quid verò de peccatis venialibus, quibus à Dei gratia non excludimur, & in quæ frequentius labimur?*

R. (a) Illa, etsi rectè & utiliter, citràque præsumptionem in Confessione dicantur, quod piorum hominum usus demonstrat; taceri tamen citrà culpam, multisque aliis modis expiari possunt.

Q. 4. *Quid si mortale aliquod peccatum omissum fuerit?*

R. Si id aut scienter, aut ex gravi examinis defectu contigerit, non tantum nullus ex Confessione fructus percipitur, sed cetera peccata novo *Sacrilegio* cumulantur, atque hujusmodi confessio, utpotè nullius valoris, postmodum repetenda est. Quod si per ignorantiam, aut confitendi impossibilitatem id evenerit, satis erit in proxima confessione declarare; quod in hac ab invito fuerit prætermisum.

Q. 5. *Etiamne peccatorum circumstantiæ in Confessione recensendæ sunt?*

R. Circumstantiæ aliæ peccati malitiam minuunt, aliæ adaugent. Inter augentes autem aliæ malitiam superaddunt alterius rationis & speciei, sicut circumstantia rei, personæ aut loci sacri, *furto & violentiæ* in ministros Ecclesiæ, adjungit malitiam sacrilegii, aliæ intrà eandem speciem

(a) Conc. Trid. ibid.

ad augment, ut ingens pretium rei, quæ furto auferretur, item injuriæ, detractionis, contumeliæ, &c. enormitas, augment simplicis furti cæterarumque hujusmodi injuriarum malitiam.

Itaque ut peccata integrè judicibus innotescant, ità ut de eorum gravitate rectè censere possint, & pœnam quam oportet, pro illis, pœnitentibus imponere, necesse est ut in Confessione illæ circumstantiæ declarentur, quæ peccati *speciem mutant*; quod ob rationis paritatem plerique extendunt ad eas etiam, quæ intrà eandem speciem *notabiliter aggravant*; verbo, peccatum quodlibet quo pacto contigerit, quàm optimâ fide aperiendum est.

Q. 6. *Nonne humanæ infirmitati & verecundiae, gravis nimium est, ista confitendi necessitas?*

R. Gravis quidem videri posset, nisi tot tantisque commodis & consolationibus levaretur, quæ omnibus dignè ad hoc Sacramentum accedentibus, per absolutionem certissimè conferuntur. Reconciliationem enim cum Deo non potest non consequi conscientiae pax & serenitas cum vehementi Spiritûs S. consolatione. Stulta porro est verecundia, quâ quod committere non puduit, pudeat confiteri, uni homini simili sibi peccatori, arctissimâ silentii lege obstricto, ut perpetud celet, quod hîc vices Dei generis intellexerit, ita ut nullo unquam prætextu, nulla de causa, directè aut indirectè ulli mortalium id ei liceat revelare.

Q. 7. *Quoties confiteri oportet?*

R. Præceptum Christi ità ab Ecclesia determinatum est, ut saltem semel in anno ab omnibus & singulis Christi fidelibus, cum ad annos discretionis pervenerint, impleatur. Ceterum quoties in mortale peccatum quispiam lapsus est, con-

salutissimum planè est, & propemodùm necessarium, ut tam salubre remedium adhibere mori satagat, ne in infelici statu in quem se coniecit, cum tanto suo periculo scienter perseveret. Quia & aliunde crebram peccatorum confessionem suadet plurimùm, magna sæpè difficultas venialia à mortalibus discernendi, fructusque qui ex frequenti confessione percipitur, dum pravi habitus sensim extirpantur, & opportunis remediis à prudenti Sacerdote præscriptis, temptationibus efficaciter obviatur. Quæ causa est cur timorata vitæ homines hoc saluberrimum confessionis remedium singulis ut minimùm mensibus adhibere consueverint.

Ceterùm id sedulò curandum est, ne cum iisdem semper defectibus, tametti levioribus, sine serio dolore, veroque emendationis proposito, ad sacerdotem Christi Vicarium, recurratur. Quædam potiùs, quæ ex iis turpiora & vitatu magis necessaria videbuntur, seligenda, quibus emendandis aut certè minuendis, singularior cura impendatur.

Q. 8. *Quid de Confessione generali sentiendum, quâ quis peccata omnia post Baptismum commissa, vel saltem notabilis vitæ partis, Sacerdoti confitetur, etsi adhuc ante fuerint declarata?*

æ. Confessio hujusmodi tempestivè, & ritè facta, admodùm utilis, etenim hominem sibi ipsi exhibet, ut in se humilietur sibi que vilescat: majorem peccati horrorem ingenerat: novas ad superandas temptationes vires procurat: suavissimam conscientie pacem & tranquillitatem adfert: denique quod antea dictis Confessionibus aliquando defuit supplet; quo ex capite non raro potest esse necessaria. Maxime autem opportuna & consulenda est iis, qui novam aliquod

DE SACRAMENTIS. 187
vite institutum, ex divina vocatione aggrediuntur. Interim prudentis Confessarii iudicio hac in parte quilibet stare debet.

CAPUT XII.

De Absolutione & Satisfactione.

Questio 1. *Quis Sacramenti Pœnitentie Minister est?*

R. (a) Fide Catholicâ certum est, non quosvis fideles indifferentur atque promiscuè, sed solos Episcopos & Sacerdotes, institutos à Christo esse hujus Sacramenti ministros; qui etsi mali fuerint & perversi, absolvendi tamen potestatem nullo modo amittunt.

Q. 2. *Omnesne Sacerdotes eam potestatem exercere possunt?*

R. Omnibus quidem in sua ordinatione ea potestas traditur: sed hæc exerceri non potest nisi in subditos. Necesse est igitur, ut præter potestatem Ordinis, habeatur & jurisdictionis, quam per se in suas oves habent Pastores, alii verò per Episcopi delegationem in hos aut illos Diocesanos fideles.

Q. 3. *Habentne inferiores Sacerdotes potestatem absolvendi à peccatis omnibus quantumvis enormibus?*

R. Nullum quidem est peccatum aded nefarium, quod potestate à Christo Ecclesiæ traditâ remitti non possit; verùm ut graviora scelera vehementiùs formidentur, dum Presbyteris absolvendi potestatem communicant Episcopi, certos casus reservare solent, quibus absolutio ab ipsismet, aut Presbytero ad eam rem specialiter deputato, qui Pœnitentiarius dicitur, petenda sit.

(a) Concil. Trid. Sess. 14. cap. 6.

Sunt & summo Pontifici casus quidam singulariter *reservati*. Ceterum in mortis discrimine nulla reservatio locum habet, at quisvis Presbyter à quibusvis criminibus moribundum, modò poeniteat, absolvere potest, si desit Confessarius qui etiam extra mortis articulum peccatis reservatis absolvere queat.

Q. 4. *Quod Confessarii munus est, & qualis deligendus?*

æ. Cum partes hinc sustineat & *judicis* & *medici*, prior muneris ejus pars est, ut gravium leviumque delictorum differentias, eorumque causas & effectus perspectas habeat: possitque præterea eos, qui absolutionis beneficio idonei sunt, ab inidoneis internoscere; ut juxta Christi instituentis voluntatem peccata vel remittat vel retineat.

Altera officii ejus pars est, ut congruas singulis poenas injungat, & opportuna contra tentationes remedia præscribat, justumque peccati horrorem ingeneret. Qui hæc doctrinâ, prudentiâ & bonitate præditus est Confessarius, in directorem conscientiæ prudenter eligitur. At qui tanti sui muneris aut ignarus, aut incurius est, vitia palps potius quàm emendans, & aliis inutilis, & sibi ipsi noxius est. (a) *Cæcus si cæco ducatum præbet, ambo in foveam cadunt.*

Q. 5. *Debetne Sacerdos aliquando negare, aut differre beneficium Absolutionis?*

æ. (b) Omnino certum est id aliquando tum pro sua, tum pro poenitentis salute, facere eum debere: nam quemcumque tam malè affectum judicat, ut inutile ipsi foret hoc Sacramentum, hunc absolvere Sacerdos non potest, quin se cum illo damnationi reddat obnoxium. Neganda ita-

(a) Matth. 15. v. 14.

(b) Vide Rituale Rom.

que aut certè differenda est absolutio iis, qui dogmata ad salutem necessaria ignorant; ut si ne quidem substantiam eorum teneant, quæ in Symbolo & Decalogo continentur: Qui conscientiam discutere neglexerunt. Qui debitâ contritione destituti sunt, siue quòd de peccatis non dolent; aut solius commodi temporalis intuitu moveantur: siue quòd omnem impòsterum peccandi voluntatem non abjecerint. Qui non sunt parati aliena, quæ injustè possident, restituere, occasionemve proximam delinquendi fugere. Qui in eadem flagitia sine emendationis spe verisimili identidem relabuntur. Qui inimico parcere & reconciliari renuunt. Denique qui impositam à Sacerdote pœnam quæ rationi & iustitiæ consona sit, suscipere & implere detractant.

Q. 6. *Estne necessarium, ut pœnitenti satisfactoriam aliquem pœnam Sacerdos imponat?*

R. Est utique, nam *satisfactio* tertia hujus Sacramenti pars est, ad illius integritatem ex Christi voluntate necessaria.

Q. 7. *Quà in re fundatur nostræ satisfactionis necessitas?*

R. In hoc scilicet, quòd dimissâ culpâ, non semper à Domino universa etiam pœna dimittatur: sed plerumque temporalis pœnæ reatus aliquis perseveret, qui dignâ satisfactione expiandus est. (a) Et certè Divinæ iustitiæ ratio exigere videtur, ut aliter ab eo in gratiam recipiantur, qui ante Baptismum per ignorantiam deliquerint, aliter verò: qui semel à peccati & dæmonis servitute liberati, & accepto Spiritûs Sancti dono, scienter templum Dei violare, & Spiritum Sanctum contristare non formidaverint: Et Divinam clementiam decet, ne ità nobis

(a) Concil. Trid. Sess. 14. cap. 8.

absque ulla satisfactione peccata dimittantur, ne occasione accepta, peccata leviora putantes, velut injurii & (a) contumeliosi Spiritui Sancto, in graviora labamur, (b) thesaurizantes nobis iram in die iræ.

Q. 8. *Quid satisfactione nostrâ opus est, postquam Christus satisfactionem pro nobis obtulit, cuius immensum est pretium?*

R. (c) Nostra, sine illa, satisfactio non profuisset, nam quodd vim ullam habeat, & à Patre acceptetur, id totum à Christi satisfactione procedit. Voluit tamen ille nos sibi conformes effici, & ad profectum nostrum atque cautelam dignos Pœnitentiæ fructus facere, quos per Christum offeramus Patri, conjunctos satisfactioni illi, quâ nobis offensam Dei Majestatem propitiavit.

Q. 9. *Quibus præcipuè operibus satisfactio perfici solet?*

R. Tribus illis, quæ triplici malorum concupiscentiæ opponuntur: *jejunio, eleëmofynâ & oratione*; jejunio ceterisque corporis castigationibus frænanda & expianda est carnalis illa voluptas; quæ in illicitis sensuum oblectamentis sita est. Eleëmofynâ purganda est avaritia, & quam progenerat soboles, furtum, rapina, ceteraque omnis iniquitas. Oratione denique domanda superbia est. Ità fit, ut caro subjugetur spiritui, spiritus subdatur Deo.

Q. 10. *Cujusmodi Satisfactio pœnitentibus imponenda est.*

R. (d) Salutaris atque conveniens pro qualitate criminum & pœnitentium facultate, ità qui-

(a) Hebr. 10. v. 29. (b) Rom. 2. v. 5.

(c) Vide Exposit. Doctrinæ Cathol. Episcopi Meldens. art. 2.

(d) Concil. Trid. Sess. 14. cap. 8.

dem, ut eos à peccato avocare & coërcere nati sint, cautioresque & vigilantiores in futurum pœnitentes efficiant. Alioquin^a si peccatis fortè conniveant, & indulgentius pœnitentibus agant Sacerdotes, levissima quædam opera pro gravissimis delictis injungendo, alienorum peccatorum, docente Concilio Tridentino, participes efficiuntur. Necessè est itaque præ oculis habeant Christi Sacerdotes, ut satisfactio, quam imponunt, non sit tantum ad novæ vitæ custodiam & infirmitatis medicamentum; sed etiam ad præteritorum peccatorum vindictam & castigationem.

CAPUT XIII.

De Purgatorio, Indulgentiis & Excommunicatione.

Questio 1. *Estne & satisfactioni locus post hanc vitam?*

æ. Quicumque ex hac vita discesserit, amicus quidem Dei, at necdum plenè expiatus, huic quidquid satisfactionis defuerit in hoc seculo, pendendum erint in futuro: subeundo quantum Divina justitia exigit, eas pœnas, quæ *Purgatorie* dici consueverunt, priusquam ad Dei conspectum Beatificum, cœlestemque illam Jerusalem admittatur; etenim (a) *Non intrabis in eam aliquid coinquinatum.*

Q. 2. *At nonne viventium pietas adjumento esse potest animabus illis, quæ à Dei conspectu sepe-
rate in PURGATORIO detinentur?*

æ. (b) Potest utique, ut constans Ecclesiæ Fides praxisque demonstrant. Etenim omnis retrò antiquitas preces, eleëmofynas & Sacrificia of-

(a) Apoc. 21. v. 27.

(b) Concil. Trident. Sess. 25. de Purgat. Exposit. Doctrinæ Cathol. art. 5.

ferre consuevit pro iis, qui in pace & commu-
nione Ecclesiæ decesserant, nihil prorsus addu-
butans quin hisce Fidelium suffragiis iuvarentur.

Q. 3. *Quid in INDULGENTIIS credendum propo-
nit Ecclesia?*

R. (a) Potestatem eas conferendi sibi à Chri-
sto concessam esse earumque usum Christiano
populo esse maximè salutarem

Q. 4. *Qua in re Indulgentiarum usus Christiano
populo utilis est ac salutaris?*

R. Quatenus eò destinatæ sunt, ut temporalis
pœna peccato jam inde remisso debita, homini
relaxetur. Subvenit ergo pia Matris Ecclesiæ sol-
licitudo infirmitati filiorum suorum, qui quidem
Divinæ justitiæ per Jesum Christum satisfacere
annuntur, sed per imbecillitatem humanæ con-
ditioni propriam, aliquā in parte deficiunt. Sup-
plet illa quod nobis deest.

Q. 5. *Qua in re fundatur illa relaxatio?*

R. In satisfactione infinita Jesu Christi Redemp-
toris nostri, & in abundantia satisfactionum illa-
rum, quas ex influxu Divini capitis sui vivæ
Christi membra Divinæ justitiæ obtulerunt. Et
sanè, tam accepta est Deo fraterna charitas San-
ctorumque communio, ut per sanctiora Christi
membra placatus, voluntariæ afflictionis Sacrifi-
cium ab illis clementer acceptet, ut & aliis quo-
que propitius fiat, præparatasque pœnas indulgeat.

Q. 6. *Penes quos residet concedendarum Indul-
gentiarum potestas?*

R. Penes eos, quibus Christus solvendi ligan-
dique potestatem largitus, nempe præpositos Ec-
clesiæ: ità quidem, ut supremus Pontifex eam
per universam Ecclesiam exerceat; Episcopi

(a) Concil. Trident. Sess. 25. de Indulg.

verò cetera.

Vetò cæteri per suas quique Diœceses, cum ea restrictione, quam Ecclesia stabilivit, cujus in Concilio Tridentino hæc mens esse declaratur, ut in hisce relaxationibus (a) concedendis moderatio, juxta veterem & probatam in Ecclesia consuetudinem adhibeatur, ne nimis facilitate Ecclesiastica disciplina enervetur.

Q. 7. *Qua dispositio adferenda, ad Indulgentiarum effectum consequendum?*

R. Optima erit, si quis opera pietatis, quæ præscripta sunt, contrito corde, magnaue cum devotione persolvat, confidens de divina per Jesum Christum misericordia, fore ut optatum relaxationis beneficium clementer indulgeat.

Q. 8. *Quid est EXCOMMUNICATIO?*

R. Celebriori suo significato nomen illud designat terribilem illam pœnam, quâ qui in criminibus contumaces, Ecclesiæve rebelles sunt, ab illius unitate velut membra putrida resecantur. Itaque si quis & *excommunicatus* & publicè *Denunciatus* fuerit, pro infideli habetur, omneque cum illo, donec resipiscat, commercium, præter necessarios quosdam casus, Christianis omnibus interdicatur.

Q. 9. *Quod est fundamentum Substratum omnibus, quæ hoc capite dicta sunt?*

R. *Sanctorum communio*, quam in Symbolo profiteamur; ex hac nempe profluit, ut fideles omnes velut ejusdem corporis membra, mutuam inter se unionem, bonorumque participationem habeant, aded ut & viventes suffragiis suis prodesse possint defunctis, & vicissim Sanctorum meritis ac satisfactionibus abjuventur, & denique nihil ita formidandum sit, quàm ob criminis contumaciam, ab illius corporis compage, ceu inutile membrum resecari. (a) Conc. Triđ. Sess. 25. de Indulg.

N

CAPUT XIV.

De Sacramento Extremæ Unctionis.

Questio 1. *Quid Extremæ Unctionis nomine intelligitur?*

R. Sacramentum Novæ Legis, quo dum infirmi unguuntur exterius, ad levius ferendas morbi molestias mortisque angustias; vel ipsam quoque sanitatem corporis, si salutem animæ expediat, recuperandam.

Q. 2. *Quomodo probatur, hoc verum esse Novæ Legis Sacramentum?*

R. (a) Constat id & ex perpetua traditione Ecclesiæ, & ex aperto S. Jacobi testimonio, sic scribentis cap. 5. (b) *infirmatur quis in vobis, inducat Presbyteros Ecclesiæ, & orent super eum, ungentes eum, oleo in nomine Domini: & oratio fidei salvabit infirmum, & alleviabit eum Dominus: & si in peccatis sit, remittentur ei.* Quibus verbis hujus Sacramenti materiam, formam, ministerium & effectum aperte declarat.

Q. 3. *Quenam est igitur hujus Sacramenti materia?*

R. *Oleum ab Episcopo benedictum*, quod ex se aptum est ad significandam hilaritatem animi, interiorumque roborationem, quæ hujus Sacramenti virtute ab ægroto percipitur.

Q. 4. *Quanam vero forma?*

R. Oratio, quæ dum membra corporis inunguntur à Sacerdote recitatur. Inunguntur autem ea potissimum membra, quæ solent peccato præceteris deservire: oculi, os, aures, nares, ma-

(a) Vide Concil. Trid. Sess. 14. de Extrem. Unct. cap. 14.

(b) Jac. 5. v. 14.

nus, pedesque, dicente Presbytero : *Per istam Sanctam Unctionem & suam piissimam misericordiam, indulgeat tibi Dominus, quidquid per visum, &c. deliquisti.*

Q. 5. *Quis Minister ?*

R. (a) Apertè indicat *Jacobus* esse Presbyteros *Ecclesiæ* ; ac olim plures, nunc verò in *Ecclesia Latina* Sacerdos unicus adhibetur : qui quidem juxta *Ecclesiasticas Regulas* proprius infirmi Pastor esse debet, vel alius Presbyter ab illo specialiter delegatus.

Q. 6. *Quibus hoc Sacramentum administrari debet ?*

R. *Ecclesiæ* mos est, ut non nisi in gravibus & periculosis infirmitatibus sacra isthæc unctio celebretur, neque aliis conferatur quàm qui post Baptismum rationis usum consecuti, personali voluntate delinquere potuerunt.

Non est tamen *Ecclesiæ* mens, ut extrema expectentur, priusquam hoc Sacramentum suscipiatur ; sed ut hujus Sacramenti fructus plenius percipiat, quoad fieri potest, vigente rationis ac sensuum usu, Sacra hæc Unctio impertienda est.

Q. 7. *Potestne hoc Sacramentum iterari ?*

R. Potest utique in diversis infirmitatibus ; sed durante eodem morbi statu, etsi diuturnior fuerit, non repetitur.

Q. 8. *Quis hujus Sacramenti fructus est ?*

R. (b) Ex memoratis *Jacobi* Apostoli verbis colliguntur sequentes. 1. Confert ad remissionem peccatorum, quæ quidem ab ægroto poenitentis remediis nondum penitus sunt expurgata, ut decumbentis anima peccatorum suorum onere ac morbo inprimis levetur.

(a) Concil. Trid. ibid. cap. 3. (b) Ibid. cap. 2.

2. Ad consolationem & fiduciam subministrandam plurimum valet, quâ sanè in supremò illo agone exituque animæ opus est maximè, quando & cum doloribus acerbissimis, & cum formidabili hoste diabolo, gravissimum inflat certamen.

3. Prodest ad corporalem infirmitatem vel depellendam vel alleviandam, quatenus saluti animæ Deus noverit expedire.

Hi sunt fructus illi, quos per Apostolum suum promissit Deus, in iis verbis : (a) *Oratio fidei salvabit infirmum, & alleviabit eum Dominus, & si in peccatis sit, remittentur ei.*

Q. 9. Quæ porro dispositio adferenda est, ut memorati fructus percipiantur?

1. Cùm *Extrema Unctio* sit pœnitentiæ quædam consummatio, anniti imprimis oportet, ut corde contrito & humiliato suscipiatur, præmissio, quantum possibile est, pœnitentiæ Sacramento. Adsit deinde firmissima in Dei omnipotentis bonitate *fiducia*, nixa meritis morientis in cruce Redemptoris. Postremò plenissima propriæ voluntatis abdicatio, ità ut promptus sit animus, sive advivendum, sive ad moriendum, id unum expectens, ut gratum Deo vitæ suæ sacrificium liceat offerre.

CAPUT XV.

De Ordine generatim, Irregularitate & Vocatione ad statum Ecclesiasticum.

DE Sacramento Ordinis paulò prolixiùs dicendum erit, tum quia multi eorum, qui hæc lecturi sunt, ad statum Ecclesiasticum destinantur, tum quia id ceteris utile esse poterit, ut eâ quâ par est veneratione Ministros Ecclesiæ prosequantur.

(a) Jac. 5. 15.

Q. 1. *Quid est ORDO?*

R. Est Novæ Legis Sacramentum, quo spiritualis potestas & gratia confertur : ad Ecclesiastica munia, quæ ad Dei cultum salutemque animarum pertinent, ritè obeunda. Potestatis hujus plenitudo in Novæ Legis Sacerdotio continetur.

Q. 2. *Estne igitur & in Nova Lege visibile aliquod externumque SACERDOTIUM?*

R. Est utique : nam ut ait Concilium Tridentinum (a) Sacrificium & Sacerdotium, ità Dei ordinatione conjuncta sunt, ut utrumque in omni lege extiterit. Cùm igitur in Novo Testamento, sanctum Eucharistiæ Sacrificium visibile, ex Domini institutione, Catholica Ecclesia acceperit ; fateri etiam oportet, in ea novum esse, visibile & externum Sacerdotum, in quod vetus translatum est.

Q. 3. *Sed estne Sacerdotium hoc à Domino Salvatore nostro institutum?*

R. Est procul dubio, ut Sacræ Literæ (b) ostendant, & Catholicæ Ecclesiæ traditio semper docuit. Perpetuus scilicet Ecclesiæ sensus fuit, Apostolls eorumque in Sacerdotio successoribus, potestatem à Christo traditam fuisse consecrandi, offerendi, & ministrandi Corpus & Sanguinem ejus, nec non & peccata dimittendi & retinendi.

Q. 4. *Suntne in Sacerdotii ministerio plures ordines?*

R. Septem jam pridem recenseri solent, quorum tres *Majores* ac *sacri*, cæteri quatuor *minores* dici consueverunt. *Majores* Ordines sunt Sacerdotum, Diaconorum & Subdiaconorum. *Min-*

(a) Conc. Trid. Sess. 23. cap. 1.

(b) Luc. 22. v. 19. Joan. 20. v. 23. Hebr. 7. v. 12.

iores sunt Acolythorum, Exorcistarum, Lectorum & Ostiiorum.

Q. 5. *Quæ hujus pluralitatis ratio?*

R. (a) Cum divina res sit tam sancti Sacerdotii ministerium, consentaneum fuit, quod dignius & majori cum veneratione exerceri posset, ut in Ecclesiæ ordinatissima dispositione plures & diversi essent Ministrorum ordines, qui Sacerdotio ex officio deservirent, ita distributi, ut qui *Clericali tonsura* insigniti essent, per *minores* ad *maiores* ascenderent.

Q. 6. *Unde constat ordinem esse verè & propriè unum ex septem sanctæ Ecclesiæ Sacramentis?*

R. (b) Ex eo quodd Scripturæ testimonio, Apostolicâ traditione, & Patrum unanimi consensu perspicuum sit, per sacram Ordinationem, quæ verbis & signis exterioribus perficitur, gratiam conferri. Dicit enim Apostolus, scribens ad Timotheum: (c) *Admoneo te, ut resuscites gratiam Dei, quæ est in te, per impositionem manuum mearum.* Et rursus: (d) *Noli negligere gratiam, quæ est in te, quæ data est tibi per Prophetiam, cum impositione manuum Presbyteri.*

Q. 6. *Nonne omnes Fideles ex æquo sunt Sacerdotes Novi Testamenti?*

R. (e) Intelligendo de Sacerdotio externo atque visibili, de quo hic agitur, certissimum est non esse Sacerdotes nisi illos, qui per legitimam Episcoporum ordinationem, potestatem adepti sunt ea munia obeundi. At si de interiori & mystico quodam Sacerdotio agatur, sic omnes Fideles dici possunt, & interdum in Sacris Literis dicuntur Sacerdotes, quatenus in altari cordis sui

(a) Conc. Trid. Sess. 23. c. 2. (b) Ibid. c. 3.

(c) 2. Tim. 1. 6. (d) 1. Tim. 4. 14.

(e) Conc. Trid. Sess. 23. cap. 4.

spirituales Deo hostias, laudis & gratiarum actionis, indies debent immolare.

Q. 7. *Quis hujus Sacramenti Minister est?*

✠. (a) Ecclesiæ ministros ordinare proprium Episcoporum munus est : ità ut omnes qui tantummodò à populo, aut sæculari potestate ac magistratu vocati & instituti ad hoc ministeria exercenda ascendunt, & qui ea propria temeritate sibi sumunt, non Ecclesiæ ministri, sed (b) *fures* sint & *latrones*, non ad pascendum, sed ad mactandum idonei.

Q. 8. *Omnesne suscipiendorum Ordinum sunt capaces?*

✠. Nullo modo : sunt enim multi impedimento alicui obnoxii, propter quod per *Sacros Canones*, id est, Ecclesiasticas Regulas, ab iis suscipiendis arcentur. li *Irregulares* dicuntur & impedimentum quod id efficit, *irregularitas*.

Q. 9. *Recense impedimenta præcipua, quæ per Sacros Canones IRREGULARITATEM inducunt.*

✠. Alia *ex defectu*, alia *ex culpa* proveniunt. *Ex defectu irregulares* sunt, amentes : corpore nimium deformes, aut mutilati : illegitimi : debitis, reddendisve rationibus obnoxii, quamdiu hæc obligatione non sunt defuncti : Bigami, id est, qui secundas nuptias inierunt, vel ab initio viduam duxerunt : denique qui ad humani sanguinis effusionem aliquando coöperati sunt.

Ex culpa irregulares sunt, homicide voluntarii : Hæretici : infames, sive professione, ut comædi ; sive crimine, ut simoniaci & blasphemii ; sive sententiâ judicis : qui contra Canonum statuta Sacros Ordines aut susceperunt, aut administrarunt : qui suâ sponte rebaptizatus est : qui Censuram Ecclesiasticam violavit.

(a) Joa., 10. 7. 8.

N 4

Q. 10. *Omnēsne, qui ab impedimentis illis immunes sunt, ad Statum Ecclesiasticum, sacrosque Ordines rite adspirant?*

R. Nullo modo: in eo enim qui futurus sit minister Ecclesiæ, multæ dotes requiruntur, ac præcipuè zelus divinæ gloriæ, salutisque animarum, ingens castitatis amor, humilis docilitas, scientia ac prudentia, atque ante omnia indispensabiliter necessaria est divina *vocatio*, ut Sacre Litteræ (a) & universa Traditio frequenter inculcant.

Q. 11. *Quibus verò indiciis vocatio ista dignoscitur, cum hodiè visibilis esse non soleat?*

R. Si quis ab irregularitate immunis, vitæque innocenter actæ sibi conscius ad statum Ecclesiasticum non parentum impulsu, sed suâ sponte feratur, idque non ut sectetur lucrum & questum, neque ut honores ambiat, sed ut supremi Numinis gloriæ, proximique salutis deserviat; hic si Deum ferventer ac perseveranter oraverit, atque in consilium deindè adhibuerit viros & pios & prudentes, & quorum nihil interest quod vitæ genus iste potissimum amplectatur, merito statuet propensionem illam suam, quâ ad statum Ecclesiasticum impellitur, à divina vocatione promanare.

CAPUT XVI.

De Tonsura, Beneficiis Ecclesiasticis & Simonia.

Q. Uæstio 1. *Quid est TONSURA?*

R. Est sacra cæremonia, quâ qui insignitur, Clericorum numero adscribitur, ad sacros ordines præparatur, & ad obtinenda Beneficia Ecclesiastica idoneus constituitur.

(a) Hebr. 5. 7. 4. Marc. 3. 7. 12. Num. 16. &c.

Dicta est à *tondendo*, quia coma capitis tondetur: ad significandum, quòd depositis vanarum rerum curis superfluis, Divino servitio mancipari debeat, qui statui Ecclesiastico adscribitur, & inter *Clericos* numeratur. Hinc dum capillos scindit Episcopus, hæc verba Psalmi pronuntiat tonsurandus: (a) *Dominus pars hereditatis meæ & calicis mei, tu es qui resistnes hereditatem meam mihi.*

Q. 2. Quo ergo animo suscipienda Tonsura est?

R. Animo utique perseveranter amplectendi statum Ecclesiasticum, majorique quàm ante hac sollicitudine Deo serviendi; accuratiùs certè quàm vulgus Laicorum soleat. Necesse etiam est, ut adsit propositum efficax ità studiis incumbendi, ut ad Ecclesiastica munia salubriter obeunda, idoneus aliquando evadere possit.

Statuit autem (b) Concilium Tridentinum, ut primà Tonsurà non initientur qui Sacramentum Confirmationis non susceperint; & de quibus probabilis conjectura non sit eos, non sæcularis judicii fugiendi fraude, sed ut Deo fidelem cultum præstent, hoc vitæ genus elegisse.

Q. 3. Qui sunt Tonsuræ effectus & prærogativæ?

R. Primò quidem Tonsura ad suscipiendos ritè Ordines præparat. Secundò, id efficit, ut qui eà initiati sunt, Clericorum numero adscribantur, eorumque privilegiis & immunitatibus gaudeant si modò Clericali habitu & Tonsurà utantur. Tertiò id quoque præstat, ut qui *tonsurati* sunt, Ecclesiastica Beneficia obtinere & possidere possint.

Q. 4. Quid BENEFICII ECCLESIASTICI nomine hic intelligitur?

(a) Psalm. 15. v. 5.

(b) Concil. Trid. Sess. 23, Ref. cap. 4.

2. Jus perpetuum exercendi functionem aliquam Ecclesiasticam, annexum habens jus percipiendi certam portionem bonorum Ecclesiæ, ad sustentationem possidentis.

Duplicem igitur facultatem complectitur *Beneficium* Ecclesiasticum : alteram obeundi munia quædam sacra, quæ diversis *beneficiis* diversa annexa sunt ; alteram percipiendi de bonis Ecclesiæ eam portionem, quæ illi Beneficio fuerit constituta.

Q. 5. *Quid præexigitur in eo, qui Beneficium Ecclesiasticum sit accepturus ?*

2. Primò quidem necesse est, Tonsuram antè suscepit, ut jam sit in numero *Clericorum*.

Secundò, ut adsint mores CLERICO digni, id est decentes eum, qui in *sortem* Domini vocatus, divinoque servitio mancipatus est.

Tertiò, ut sit ætate ac scientiâ idoneus implendis muniis, quæ Beneficium secum trahit.

Cæterùm quisquis eo animo Beneficium quodpiam accipit ut, ubi aliquamdiu proventus ejus perceperit, illud à se abdicet, atque ad secularia vota revertatur, contra Ecclesiæ mentem, Beneficii fructus iniquè usurpat.

Q. 6. *Quibus obligationibus adstricti sunt, qui Beneficium Ecclesiasticum consecuti sunt ?*

2. Prima est, ut fideliter exequantur annexas Beneficio functiones conditionesque ac onera sibi imposita bonâ fide persolvant.

Secunda, ut sanctè ac religiosè impendant annexos Beneficio proventus, ita nempe ut quidquid ex iis honestæ sustentationi superfluit, in usus pauperum Ecclesiarumve necessitates expendatur.

Tertia, ut exactè, attentè, ac devotè quotidianum *Divini Officii* pensum cum aliis publicè decantent, aut saltem privatim recitent.

Q. 7. *Quenam verò est obligatio eorum qui eligendo, conferendo, aut præsentando, de beneficio vacante disponunt?*

R. Cavere eos oportet maximè, ne vel indignum vel indigne suo suffragio quovis pacto promoveant, sed præterea curandum illis est sedulo, ut minimè indulgentes privato affectui, sed unice expendant, quis ad Dei gloriam, salutem animarum, splendoremque Ecclesiæ futurus sit utilior, ut huic beneficium conferatur.

Q. 8. *Quodnam in collatione & acquisitione Beneficiorum vitium est maximè detestandum?*

R. *Simonia*, sic dicta à Simone Mago, qui potestatem impertiendi visibilia Spiritus Sancti bona, ut Apostoli faciebant, ab illis pretio comparare voluit: at hoc unum à Petro responsum tulit: (a) *Pecunia tua tecum sit in perditionem, quia existimasti donum Dei pecuniâ possideri.*

Q. 9. *Quid ergo generatim est SIMONIA?*

R. Nihil aliud, quàm deliberata voluntas emendi aut vendendi, vel quovis modo in pactionem non gratuitam adducendi, ea quæ nullo pretio æstimari possunt, res scilicet ad Religionem, Deique cultum pertinentes.

Simonia itaque, & gravissimum crimen est, ad beneficia Ecclesiastica dato pretio pertingere, acceptove pretio conferre; quodque sic acceptum fuerit pretium nullo modo retineri potest, nec tamen reddi debet, sed necesse est ut in pias causas expendatur.

Q. 10. *Quenam contra Simoniam crimen Pœnæ statutæ sunt?*

R. 1. Excommunicatio major, quæ ipso facto incurritur, & summo Pontifici reservata est, si

(a) Act. 1, v. 29.

simonia fuerit *publica*, Episcopo autem, si fuerit dumtaxat *occulta*.

2. Beneficii per *simoniam* usurpati privatio, cum inhabilitate ad ullum aliud obtinendum.

3. *Infamis* redditur qui hoc flagitio maculatus est, & ex eo capite efficitur *irregularis*.

Q. 11. Quid si cui infcio à parentibus aut aliis per *simoniacam largitionem beneficium fuerit procuratum*?

R. Mox ubi id ille resciverit, beneficium abdicare debet, alioquin pœnas criminis incursurus: nisi tamen ob magnam Ecclesiæ necessitatem aut utilitatem legitima superiorum potestas, generalem istam legem in hoc eventu peculiari judicaverit relaxandam.

Ceterum infelices illi parentes, qui per munera, largitiones & pactiones filios suos ineptos sæpè atque indignos, ad sacratissima munia protrudunt, familiam suam quam stabilire volunt, plerumque evertunt, dum divinæ maledictioni atque vindictæ eam reddunt obnoxiam.

Q. 12. Quid CONFIDENTIÆ nomen hoc loco innit?

R. Significat simoniæ speciem, quæ duobus præcipuè modis admittitur: 1. quidem, quando quis alteri *beneficium* impertitur, eo fine ac pacto, ut postquam certo tempore possederit, id in istius nepotem aliquem aut amicum transferat. 2. Dum quis alteri beneficium impetrat, sed eâ lege, ut servato sibi beneficii titulo ac functionibus, proventus ejus, vel eorum partem permittat impetranti.

Hanc quoque labem infamis commercii, execratur Ecclesia, & generalibus simoniæ pœnis subdidit.

CAPUT XVII.

De Ordinibus Minoribus & Subdiaconatu.

QUÆSTIO 1. *Quot sunt minores ordines, & quodnam eorum est à majoribus discrimen?*

R. *Minores ordines recensentur quatuor, ordo scilicet Ostiariorum, Lectorum, Exorcistarum, & Acolythorum.*

Differunt à *Majoribus*, quod hi ad Divina mysteria propius accedant, majoresque secum trahant obligationes, unde & *Sacri* singulariter nominantur.

Q. 2. Quodnam OSTIARIORUM munus est?

R. Ex veteri Ecclesiæ usu *Ostiariorum* munus est claves januasque Ecclesiæ custodire: ab ingressu quoque indignos arcere, & sacrarii curam gerere.

Q. 3. Quodnam autem LECTORUM?

R. Munus eorum est Veteris & Novi Testamenti libros ad communem Fidelium instructionem in Ecclesia recitare. Ad ipsos quoque pertinet teneros puerorum animos primis fidei rudimentis imbuere, & ad plenioram instructionem preparare.

Q. 4. Quodnam EXORCISTARUM?

R. Horum officium (quod olim etiam exercebant) est, ut invocata divini nominis potentia, immundos spiritus adjurent, ut energumenorum corpora infestare desinant, ac derelinquant.

Verùm id muneris Sacerdotibus hodiè reservatum est, qui nec ipsi tamen nisi cum speciali Episcopi facultate id sinuntur exercere, ob multarum fraudum illusionumque pericula.

Q. 5. Quæ ACOLYTORUM functiones?

R. Ut luminaria accendant & deferant vinum

& aquam pro Sacrificio, atque etiam incensum præparent: ac universum ut in missa Subdiacono ministerium præbeant.

Quas quidem minorum Ordinum functiones in usum revocari magnoperè desiderabat Synodus Tridentina (a) decrevitque ut ejusmodi ministeria non nisi per constitutos in dictis Ordinibus exercentur.

Q. 5. Quid exigit Concilium Tridentinum (b) ab iis, qui minores Ordines suscepturi sunt, aut jam susceperunt?

1. Ut linguam latinam utcumque jam noverint, ita quidem ut cum hinc ad altiores gradus & sacratissima mysteria sit ingressus, nemo iis initietur, quem non scientiæ spes majoribus ordinibus dignum ostendat.

2. Ut singulorum ordinum istorum vim & officia perspecta habeant, ac in unoquoque munere juxta præscriptum Episcopi se exercent, idque in ea, cui adscripti erunt Ecclesia, nisi fortè ex causa studiorum absint.

3. Ut in eis cum ætate, vitæ meritum & doctrina major accrescat: quod & bonorum operum exemplum & assiduum in Ecclesia ministerium, atque major erga Presbyteros & superiores ordines reverentiam, & crebrior quàm antea Corporis Christi communio maximè comprobabunt.

Q. 7. Quid est Ordo SUBDIACONORUM?

1. Est Ordo eorum, qui destinati sunt ut in solemnī Missæ officio Epistolam publicè recitent, & in reliquis liturgiæ partibus unà cum Diacono ministerium exhibeant Sacerdoti.

Q. 8. Quenam pro Subdiaconatu ritè suscipiunt?

- {a) Cone. Trid. Sess. 23. cap. 17. Ref.
{b) Ibid. eadem cap. 11.

do juxta Ecclesiasticas constitutiones praequiruntur?

R. (a) 1. Ut saltem vigesimum secundum ætatis annum attigerit, & uno saltem anno in minoribus Ordinibus sedulò fuerit versatus.

2. Ut probitate & scientia sufficienter instructus sit, (b) atque ex antea vita meritò confidat Deo auctore se continere posse, & in perpetua castitate vitam transigere.

3. (c) Ut si sit Clericus secularis, vel ex Beneficio Ecclesiastico vel ex patrimonio aut pensione, reipsà possideat quod satis sit ad vitam honestè sustentandam, ne cum ordinis dedecore mendicare, aut sordidum aliquam quæstum exercere cogatur; quâ de re necesse est, ut plenam Episcopo fidem faciat, remotâ omni fraude & dolo, poenas alioquin gravissimas incursumus.

Q. 9. *Quanam contrahuntur obligationes, cum susceptione Subdiaconatus?*

R. Potissimum duæ. 1. Est obligatio *perpetuæ continentie* & cœlibatûs, ita ut deinceps ad inmundas nuptias inhabiles fiant. (d) Hic constans semper fuit Ecclesiæ præsertim occidentalis usus, ut qui sacro Ordine initiati essent, ad continentiam obligarentur; quod quidem idcirco institutum est ut à curis secularibus liberi, mentemque & corpore expediti, divino servitio totos se dederent, qui ad Sancta Sanctorum propius accedunt.

2. Est obligatio recitandi indies integrum *Horarum Canoniarum* Officium, cum eâ exactitu-

(d) Conc. Trid. ibid. c. 11. & 12. (b) Ibid. c. 13.

(c) Ibid. Sess. 21. Ref. cap. 2.

(d) Concil. Eliber. Can. 33. circa an. 305. Conc. Carthag. 4. Can. 2. circa an. 397. Conc. Arelat. 2. Can. 2. & 3. &c. S. Hieron lib. 1. contra Jovinian. S. Leo Magnus Epist. 82. c. 3. & 4. ad Anastasium, &c.

dine, attentione ac devotione, quam exigit sublime illud munus cujusdam veluti mediatoris Deum inter & populum constituti. Dum nempe cætera multitudo tumultuariis civilis vitæ muniis occupatur, hi feliciori sorte donati, id sibi muneris impositum habent, ut totius propuli nomine ante thronum Dei preces, laudesque jugiter perferant.

CAPUT XVIII.

De Diaconatu, Presbyteratu & Episcopatu.

Questio 1. *Quid est Diaconatus?*

R. Est Ordo eorum, qui ut in Altaris ministerio Sacerdoti proximè deserviant, & Evangelium in missa solemniter recitent, destinati sunt.

Q. 2. *Estne Sacramentum?*

R. Quodd sit Sacramentum, id colligitur ex sexto capite Actuum Apostolorum, ubi septem primi Diaconi viri ad hoc singulariter selecti & pleni Spiritu Sancto, cum oratione & impositione manuum ab Apostolis ordinati sunt, partim quidem, ut ministerio facultatum, & eleëmofynarum distributioni præessent, at verò etiam, ut in Ecclesiastica Liturgia Sacerdotibus ministrarent, variasque in ea functiones obirent.

Q. 3. *Quæ sunt virtutes Diaconis propriæ?*

R. Easdem ferè pro iis Apostolus (a) exigit, quas pro Presbyteris atque Episcopis. Interim singulariter in iis commendatur virtus Christianæ fortitudinis, à qua tres Sancti Diaconi, qui pro divini nominis gloria atrocissima quævis supplicia generosissimè subierunt, in Ecclesia celebra-

(a) 1. Tim. 3.

tissimi sunt, videlicet *S. Stephanus* Protomartyr, unus è septem primis quos ipsi Apostoli ordinarunt, Diaconis : *S. Laurentius* Diaconus *S. Sixti II.* Pontificis Romani : qui in persecutione *Valeriani* ignitâ craticula tostus est : & *S. Vincentius*, qui *Valentiæ* in Hispania sub persecutione *Diocletiani*, per *Dacianum* Præsidem passus est, quidquid atrocissima barbaries excogitare potuit.

Q. 4. *Quid est Presbyteratus?*

R. Est Novæ Legis Sacramentum, quo potestas traditur consecrandi atque offerendi Corporis & Sanguinis Domini, ac præterea remittendi ac retinendi peccata.

Q. 5. *Quodnam discrimen est PRESBYTERUM inter & EPISCOPUM?*

R. Jure Divino Episcopus tum potestate Ordinis, tum jurisdictione, est superior Presbytero. Potestate *Ordinis*, nam administrat Sacramenta Ordinis & Confirmationis, circa quæ Presbyter nihil potest ; *Jurisdictione* autem, nam hanc propriam & ordinariam habet per totam Diocesim. Presbyter verò vel Vicariam tantum habet ac delegatam, vel ordinariam, sed tantum in Dioceseos quadam parte. Est itaque Episcopatus Sacerdotii apex & complementum.

Q. 6. *Namquid & inter Episcopos jurisdictionis quidam ordo stabilitus est?*

R. Est omnino, Episcopi quippe subsunt Archiepiscopis, Archiepiscopi Patriarchis, Patriarchæ & universim omnes fideles Pontifici Romano, Jesu Christi visibili in terris Vicario, cui omnes Christiani honorem debent, obedientiam atque subjectionem, ut in unitate Corporis Christi perseverent.

Q. 7. *Quis Sacramenti Ordinis EFFECTUS est?*

O

R. Præter gratiæ sanctificantis augmentum, variaque pro munere ritè sanctèque obeundo suo tempore conferenda auxilia. *Characterem* insuper imprimit animæ indelebilem, quo fit ut qui semel ab Episcopo Sacerdos legitimè ordinatus est, Essentialem consecrandæ Eucharistiæ, remittendorumque peccatorum potestatem nullo unquam tempore, ne gravissimis quidem criminibus amittere possit?

Q. 8. *Quid inde consequitur?*

R. Hæc duo spontè sequuntur. Primum quidem, cum Sacerdotibus talis tantaque potestas conferatur, quæ ipsis etiam Angelis obstupescenda sit, ut nempe dum panem vinumque consecrant, Filius Dei, generis humani conditor ac redemptor, (a) *Obediens voci hominis* in altari præbeat se præsentem, utque dum homini verè poenitenti peccata condonant in terris, deleantur & in cœlis; consequens est, ut tremendum viventis Dei iudicium incurrant, qui vel nullâ vocatione se in tantam dignitatem temerè audacterque ingerunt, vel tanti ministerii sanctitatem depravatâ vitâ commaculant, cum pusillorum scandalo, multorumque subversione.

Alterum est, quodd cum ea dignitatis prærogativa à Sacerdotibus auferri non possit, eam fideles in illis suscipere ac venerari debeant, etsi contingeret ut suis criminibus eâ redderentur indigni. Luctuosa quidem ea res est, quam ut avertat Deus, à Christianis diligenter orandus est; verumtamen si id iusto iudicio permiserit Deus, manent hi, quantumvis indigni, ministri Christi & dispensatores mysteriorum Dei, quorum etiam operâ verbisque sæpè Deus utitur, ut ad salutem perducantur electi.

(a) Vide Josue 10. 7. 14.

CAPUT XIX.

De Sacramento Matrimonii.

QUÆSTIO 1. *Quid est MATRIMONIUM?*
 R. Est legitima viri mulierisque conjunctio, individuum vitæ societatem adferens, quam ad humani generis propagationem Auctor naturæ Deus primitus instituit, & ad Sacramenti dignitatem Christus elevavit.

Q. 2. *Quandonam viri mulierisque conjunctio LEGITIMA est?*

R. Quando divinis humanisque legibus congruit. Sunt etenim varia IMPEDIMENTA partim ex divina Naturæ lege, partim ex humana institutione manantia, quibus qui obnoxii sunt, ratum validumque conjugium inire non possunt. Sic qui *consanguinei* sunt aut *affines*, usque ad quartum gradum inclusivè, matrimonio jungi non possunt. Nequit *fidelis* cum infideli à Christo penitus alieno: neque persona quæ per *solemne votum* aut *sacrum Ordinum* divino cultui consecrata est.

Sunt præterea leges præscribentes modum quo ista conjunctio peragenda est ut sit *legitima*.

Q. 3. *Quenam ea sunt?*

R. Præcipuè hæ duæ: prima est, ut libero spontaneoque consensu ineatur conjugium, adeo ut si gravi injustoque metu extorqueatur, nullo pacto subsistat.

Secunda est, ut Nuptiæ celebrentur præsentem proprio alterutrius contrahentium Parocho, præsentibusque duobus ut minimùm testibus quod (*) ultima Generalis Synodus ad abolenda cum suis

(*) Concil. Trident. Sess. 24: de Reform. matrim. cap. 1.

malis omnia matrimonia *clandestina*, sapientissimè statuit.

Q. 4. *Undè constat matrimonium esse Novæ Legis Sacramentum?*

R. Id ex perpetua Traditione nos docet Ecclesia, ac in ultima Generali Synodo Tridentina (a) contra nostri temporis Hæreticos apertè definivit. Quod ergo in officium naturæ primitus institutum fuit, id ad propagandos Ecclesiæ filios, auxiliis gratiæ suæ condecorare Christus voluit, quò naturalem conjugum amorem ad sanctam liberorum educationem perficeret, & indissolubilem unitatem confirmaret.

Q. 5. *Cujus rei sacrum signum est conjugium Christianorum?*

R. (b) Arctissimæ illius atque indissolubilis unionis Christi cum Ecclesia Sponsa sua: quam unionem ille suâ incarnatione exorsus est, peccatorum sanctificatione continuat, electorumque glorificatione consummat.

Q. 6. *Estne id conjugio propriam, ut sit duarum tantum personarum conjunctio?*

R. Sic planè (c) ab initio Deus instituit ut vir unus cum unica muliere jungeretur; cùmquè progressu temporis primæva ista institutio esset vitiata, idque etiam sub Veteri Lege permisisset Deus, ut vir unus plures simul conjuges obtineret, sub Nova Lege ad primævam unitatem Matrimonium reduxit Jesus Christus, (d) ut deinceps sicut ab initio, non sint nisi duo in carne una.

Q. 7. *Estne Matrimonium Christianorum prorsus indissolubile?*

R. Si Matrimoniali actu consummatum fuerit,

(a) Ibid. Sess. 24. Can. 1.

(b) Ephes. 5. 7. 32.

(c) Vide Genes. 1. 7. 27.

(d) Math. 19. 7. 4. 5. & 6.

sola alterutrius Conjugum naturali morte dissolvi potest : at verò si initum quidem est, sed necdum ita completum, (a) morte insuper spiritali, id est solenni Religiosâque professione vinculum istud rumpi potest. Alias generaliter obtinet ista Christi sententia : (b) *Quod Deus conjunxit, homo non separet.*

Sunt quidem aliqua, ob quæ subinde *Divortium*, id est Thori habitationisque separatio, publicâ auctoritate permittitur : sed salvo semper vinculo conjugali, quamdiù uterque in vivis est.

Q. 8. *Ob quos fines conjugium divinitus institutum est ?*

R. 1. Ad liberorum procreationem, qui cum Dei timore educati ad vitam æternam perveniant.

2. Ad mutuum viri atque mulieris in omnibus vitæ molestiis laboribusque subsidium atque solatium.

3. Ad concupiscentiæ remedium. Qui alium sibi finem statuit, in matrimonii leges impingit.

Q. 9. *Estne omnibus permissum Matrimonium ?*

R. Est planè omnibus, qui à se nubendi potestatem ac voluntatem suâ sponte non abdicarunt. At his implenda est obligatio, quam ultro subierunt. Nemo ergo ad virginitatem aut cœlibatum cogitur, sed qui solemnî voto vel sacri ordinis susceptione legi isti se subdiderunt, violatæ fidei temeratæque religionis rei sunt, si non servant. (c) *Nemo mittens manum ad aratrum & respiciens retrò, aptus est Regno Dei.*

Q. 10. *Uter status alteri præferendus est, matrimonialis an virginalis.*

R. Fide certum est, (d) virginalem ceteris pa-

(a) Conc. Trid. Sess. 24. Can. 6. (b) Matt. 19:7. 5.

(c) Luc. 9. 7. 62, (d) Conc. Trid. ibid. Can. 10.

ribus sublimiorem esse meritique majoris ; quippe qui id præstet , ut homo carnis infirmitate circumdatus cœlestem Angelorum vitam æmuletur in terris. Verùm (a) *non omnes capiunt verbum istud, sed quibus datum est.* Quare quamdiu res est integra, (b) *qui non se continent nubant ; melius est enim nubere, quam uri.*

Q. 11. *Unde contingit ut tot passim infauſta ſint matrimonia, tanta cum pœnitudine tædiuque conjuncta ?*

R. Non aliundè, nisi quod inconsultâ temeritate cœcoque libidinis impetu, vel perverso divitiarum appetitu connubia sæpe jungantur. Cùm itaque gravia sint statûs matrimonialis onera atque discrimina ; magna cum maturitate atque prudentia istuc procedendum est. Idcirco cavenda juventutis vitia, compescendus illius ætatis fervor, restringenda divitiarum immodica cupiditas, justâ parentum voluntas minimè negligenda, Deus seriò consulendus atque orandus, Sacramentum denique cum sanctâ præparatione suscipiendum est. (c) *Etenim filii Sanctòrum sumus, & non possumus ità conjungi, sicut gentes quæ ignorant Deum.*

CAPUT XX.

De Religioso vivendi genere.

Q Uæstio 1. *Quid Religiosæ vitæ nomine hic intelligitur ?*

R. Ea vivendi forma, quam amplectuntur illi, qui ut Evangelicam Legem faciliùs pleniusque observent, in cœtu aliquo per Ecclesiam

(a) Matth. 19. 7. 11.

(b) 1. Cor. 7. 7. 9.

(c) Tob. 3. 7. 5.

probato, castitatis, paupertatis, & obedientiæ votis in perpetuum se adstringunt.

Q. 2. *Estne laudabile hujusmodi vita instituto se tradere?*

R. Est planè laudabile sæculo penitè renunciare, ut soli Deo vivas. Hoc porro præstant ii, qui eà quâ par est vocatione istud vitæ genus amplectuntur. Etenim *Concupiscentia carnis* & sæculi voluptatibus, per castitatis votum renunciant. *Concupiscentiæ oculorum* & avaritiæ, per votum paupertatis. Denique *Superbiæ vitæ* ipsique propriæ voluntati, per obedientiam voluntariam.

Q. 3. *Estne status ille Religiosus recentis in Ecclesia Catholica institutionis?*

R. Imò verò antiquissimus est, & jam inde à tertio, quartoque Ecclesiæ seculis non modò frequentatus, sed magno in pretio habitus Propagatores in Oriente habuit (a) S. Antonium, Sanctumque (b) Basilium Magnum, Cæsareæ Capadociæ Archiepiscopum: in occidente (c) S. Augustinum, (d) S. Benedictum, (e) S. Brunonem, (f) S. Norbertum, (g) S. Bernardum, sanctosque (h) Dominicum & (i) Franciscum, à quibus sæculo decimo tertio Instituta Religiosorum *Mendicantium*, ad Episcoporum Pastorumque subsidium, originem habuerunt.

(a) Obiit S. Antonius Abbas, in Thebaide, Egypti regione, anno 356. ætatis 105.

(b) Obiit anno 378.

(c) S. Augustinus Episc. Hipponensis in Africa, Lux Doctorum Ecclesiæ, obiit anno 430. ætatis 76.

(d) Decessit circà an. 543.

(e) S. Bruno Fundator Carthusiæ, decessit anno 1101.

(f) S. Norbertus Archiepiscopus Magdeburgensis, obiit an. 1134.

(g) S. Bernardus Abbas Claravallensis in Gallia, Doctor Ecclesiæ mellissimus, obiit anno 1153. ætatis 65.

(h) S. Dominicus Hispanus auctor Ordinis Prædicatorii, decessit anno 1221, ætatis 51.

(i) S. Franciscus Assisias Italus, Christianæ humilitatis & altissimæ paupertatis speculum, obiit anno 1226. ætatis 44.

Q. 4. *Estne ad amplectendum Religiosæ vitæ Institutum divina vocatio necessaria?*

R. Est indubitatò, nam status ille arduus est & sublimis, & perpetua continentia ad quam adstringit, singulare Dei donum est, quod non omnibus est concessum. Res est quoque non parùm ardua, voluntatem propriam ità à se abdicare, ut homini mandanti, ceu Deo præcipienti, semper obtemperetur. Non ergo temerè aut inconsultò in istud vitæ genus, se quisquam debet ingerere.

Q. 5. *Quomodo exploranda vocatio?*

R. Si te eò ferri sentis, neque propensionem illam repudia, neque tamen eam illicò admitte; (a) probandi spiritus an ex Deo sint, quapropter tempus & moram adhibe, & cura. 1. Ut eorum congressus tantisper declines, qui ad certum vitæ genus, proprii nonnumquam commodi intuitu, fortiùs fortasse quàm expedit, incitarent, sive propinqui illi fuerint, sive extranei.

2. In silentio, tacitoque mentis recessu Deum attentius interroga, ferventi cordis affectu identidem ingeminans: (b) *Domine quid me vis facere?* (c) *Doce me facere voluntatem tuam.*

3. Prærogativas statûs Religiosi perpende, sed adijunge illius obligationes verè arduas ac sublimes. Sinum mentis tuæ discute, ut perspicias, quâ intentione feraris.

4. (d) *Ne innitaris prudentiæ tuæ*, sed in consilium adhibe prudentiores, eosque præsertim quorum minime interest, quam potissimum vitæ rationem secteris. Ubi itaque oratione & consilio, per justam temporis moram, vocationem tuam exploraveris, si ad hunc aut illum cætum

(a) 1. Joan. 4. v. 1.

(b) Act. 9. v. 6.

(c) Psalm. 142. v. 10.

(d) Proverb. 3. v. 5.

singularis animi tui propensio perseveret perge alacris, si modò bono spiritu rectaque intentione feraris, illudque ad quod aspiras cœnobium tale sit, in quo cum lege Evangelica Regularis observantia vigeat.

Q. 6. *Quo spiritu, quaque intentione Religiosum vitæ Institutum amplectendum est?*

Æ. Non alio certè spiritu, quàm ut fugiatur depravati mundi corruptio, qui tentationibus, laqueis atque periculis plenus, (a) totusque in maligno positus est: ut (b) in amaritudine animæ recogitentur, dignisque pœnitentiæ fructibus sarciantur antea actæ vitæ crimina & delicta: ut semetipsum Deo jugiter offerat (c) in hostiam viventem, sanctam & bene placentem: denique per Religiosæ vitæ exercitia Christiana perfectio certius acquiratur, securiùsque conservetur.

Abfit igitur omnis perversa cupiditas, sive commodi temporalis, quod alibi fortè tam facile obtineri non posset, sive honoris ac dignitatis.

Q. 7. *Quid facto opus illi, qui se Monastica Professioni jam tradidit?*

Æ. Curandum sedulò, ut quam professus est Regulam accuratè servet in omnibus, postremum semper ex animo locum eligat, subesse malens quàm præesse: voluntatem propriam obneget, ut sine murmuratione & obloquio Superiori præcipienti obediat: Fratres omnes honore præveniat: parùm loquatur: vitet necessitudines omnes speciales, quæ invidiam animorumve alienationem generare queant. Vehementer caveat ut ne tantillum quidem ceu proprium sibi usurpet, sed omnia sciente & consentiente Superiore: Denique perpetuò diabolus eum occupatum

(a) 1. Joan. 5. 19.

(b) Isai. 38. 15.

(c) Rom. 12. 1.

inveniat. Sic hujus vitæ tranquillitas æternæ pacis prodroma obtinetur.

CAPUT XXI.

De Cæremoniis Ecclesiæ, quæ extrâ Sacramentorum administrationem frequentantur.

PRæcipuas tantùm breviter expendemus, videlicet signum crucis, exorcismos & benedictiones, sacra luminaria & cereos benedictos, incensum, aquam benedictam, cineres, ramos palmarum, & processiones.

Q. 1. *Estne res sancta & utilis, SIGNUM CRUCIS in fronte aliterve formare?*

■ Si non persunctoriè sed devotè formetur, res planè sanctissima est atque utilissima, nobis cum pietatis affectu in memoriam revocans præcipua Religionis nostræ fideique mysteria. Atque ea est ratio cur ista crucis signatio perpetuò Ecclesiæ usu ex Apostolica traditione profecto, fuerit stabilita, & (a) à priscis Patribus mirificè commendata.

Q. 2. *Recense ea mysteria quæ signo Crucis velut in compendio profiteamur.*

■ 1. Est mysterium SS. Trinitatis quod iis verbis: *In nomine Patris & Filii & Spiritûs Sancti*, apertè continetur; nam cum Patrem, Filium & Spiritum Sanctum nominamus, tres personas reipsâ distinctas profiteamur: dum verò singulariter dicimus *in nomine*, unam esse trium auctoritatem atque potentiam, unamque proinde divinitatis naturam agnoscimus.

(a) Tertull. de corona milit. S. Basilus de Spirit. Sancto cap. 27. S. Gregorius Nazianzenus orat. 1. in Julianum S. Chrysost. hom. 12. & 55. in 1. ad Cor. S. Hieronymus Epist. ad Eustoch. de custod. virg. & ad Fabiolam de vest. sacerdot. S. Aug. lib. de Catéchis. rud. cap. 20. & Tract. in Joan. 118. &c.

2. Est mysterium Incarnationis Dominicæ & Redemptionis generis humani : idcirco enim signum formamus crucis, ut nosmetipsos commonefaciamus, Christum Dei filium, cum pro nobis factus esset homo, mortem in *Cruce* subiisse, ut à servitute Dæmonis nos liberaret, æternoque Patri reconciliaret.

Q. 3. *Quis præterea signi istius debita cum devotione formati fructus est?*

R. Ipsum per se oratio est admodum efficax, quâ Divinæ Trinitatis auxilium per merita Dominicæ Passionis contra malignorum spirituum potestatem & insidias, impuraeque omnes cogitationes imploratur, & certissime impetratur. Confert præterea ut pro ineffabili Redemptionis beneficio indefinentem animi gratitudinem demonstremus. Denique ad quævis opera majoris momenti piâ sedulitate & attentione repetitum, hæc omnia divinæ gloriæ per Jesum Christum consecrat dedicatque.

Atque hæc sunt quæ Ecclesiam Catholicam impulerunt, ut tam frequenter in ritibus suis plerisque omnibus, ac præsertim in rei cujuscvis *benedictione* hujus signi formam adhibeat; memor, omne bonum salutare à Deo Opt. Max. per Christi crucifixi merita derivari.

Q. 4. *Quare Ecclesia frequenter adhibet EXORCISMOS, id est adjurationes Diaboli?*

R. Ut per merita Christi, qui Principem illum tenebrarum moriendo superavit, & alligavit, vis ejus potestasque coerceatur, ne per creaturas, quibus (a) Deo permittente crebrò abutitur, perniciem mortalibus inferat aut nocu-

(a) Vide lib. Job. cap. 1. & 2. Matth. 8. 7. 30. & seqq.

mentum : vel si jam cœperit , imposterum nocere desinat.

Q. 5. *Quem usum habet AQUA BENEDICTA ?*

R. Ex antiquissimo Ecclesiæ usu variis precibus aqua Dominicis præsertim diebus benedici solet, tum ut contra Diaboli infestationes virtutem obtineat, tum ut eâ fideles aspersi reminiscantur aquæ Baptismalis, quâ olim à peccatis abluti innocentiam consecuti sunt, quam debeant sedulo servare illibatam. vel amissam aquâ salutaris pœnitentiæ reparare.

Q. 6. *Ut quid in sacra liturgia, etiam plenâ luce LUMINARIA accenduntur ?*

R. Vetustatis quoddam vestigium est, indicans vigentibus olim persecutionibus in cryptis locisque absconditis ac noctu plerumque mytteria celebrari consuevisse. Insuper tamen lumen, quod in plerisque Ecclesiæ cæremoniis accenditur, adumbrat nobis, lumen illud verum & indeficiens quoddam (a) in tenebris lucet, & illuminat omnem hominem venientem in hunc mundum, Jesum Christum scilicet Sapientiam Patris Increatam.

Q. 7. *Cur in Festo Purificationis Matris Domini singulari ritu CEREI benedicuntur, & à fidelibus deferantur accensi ?*

R. Eo die memoria agitur Christi in Templo oblatus, quando à Symeone agnitus fuit & prædicatus (b) *Lumen ad revelationem gentium*, id est gentilium illustrator veterisque erroris & ignorantie dissipator. Id ipsum ritu visibili fideles profitentur, dum cereos candidos Sacerdotali oratione consecratos, accendant, & solenni pompa deferunt.

(a) Joan. 1. 9.

(b) Luc. 2. 31.

Q. 8. *Quis in divini officii celebratione usus est INCENSI aromatici?*

R. Naturalis usus est, ut loca ista sacra ad majorem corporum salubritatem bono odore perfundantur. Verum commonentur insuper fideles ut meminerint, orationes suas (a) sicut incensum grati acceptique odoris sursum ad Dei Thronum attentâ devotione dirigere, vitamque suam totam ad Dei laudem & honorem cum pia proximi ædificatione consumere.

Q. 9. *Quid sibi vult, quòd initio quadragesimæ fidelium capita CINERIBUS conspergantur?*

R. Vestigium est veteris usûs, quo initio sollemnis jejunii, iis qui publicam pro delictis pœnitentiam acturi erant, multis cum cæremoniis ac precibus congruus lugentibus habitus, cilicium cum cinere imponebatur. Hodie benedicti cineres omnibus imponuntur, ut moneantur adesse tempus singulariter pœnitentiæ destinatum, suæque conditionis quemque memorem esse oportere, si utique (b) è pulvere sumptum in pulverem propediem rediturum.

Q. 10. *Quid RAMI PALMARUM indicant, qui Dominicâ proximâ ante Pascha, solemnî ritu benedicuntur & à fidelibus gestantur?*

R. In memoriam revocant (c) triumphalem Christi ingressum in Urbem Hierosolymam sexto die antequam pateretur, monentque ut & Redemptoris auxilio & exemplo de salutis nostræ hostibus triumphare satagamus.

Q. 11. *Quid denique usus est solemnium pomparum, quas PROCESSIONES dicimus?*

(a) Psal. 140. v. 2.

(b) Gen. 3. v. 19. Psal. 102. v. 14. Eccles. 12. v. 7.


(c) Joann. 12. v. 13. Apoc. 7. v. 9.


R. (a) A vetusto usu id quoque retentum est. Solebant etenim fideles olim sæpe ab una martyris *memoria* ad aliam pietatis & orationis causâ procedere, quod tunc certo cum ordine peragebant, divinas interea laudes decantantes; hymnosque & Psalmos recitantes. Pompa & splendor novis subinde rationibus aucta sunt, præcipue, ut contra hæreses veram Christi in Eucharistia præsentiam impugnantes, Ecclesia Catholica circumlato hoc, adorando salutis pignore triumpharet: Ceterum *Processiones* omnes admonent (b) advenas nos esse & peregrinos super terram, (c) non habentes hic manentem civitatum sed futuram inquirentes.

(a) Vide 2. Reg. 6. Item. 3. Reg. 8. solennissimam Aræ Fœderis translationem.

(b) Psalm. 88. v. 13. 1. Pet. 2. v. 11;

(c) Hcb. 14.





PARS SECUNDA.

De Spe, & Oratione, præsertim Dominica.



Um *Fides*, teste Apostolo, (a) sit *sperandarum rerum substantia*, Basis ac fundamentum, consequens est, ut postquam de Fide actum est, de *Spe* tractetur. Hæc secunda ædificii spiritualis pars est, quæ fundamentis veræ Fidei superstructa, desiderio & expectatione in cælum erigitur, ut illic perfectissima charitate compleatur. Cæterum spei nostræ index *Oratio* est, cujus hic proinde tractatio necessariò conjungenda est; sed quia inter omnes longissimè eminent *Dominica*, illa præcipuè veniet expendenda.

CAPUT PRIMUM.

De Spe Christiana, ejusque exercitio, & vitiis illi adversis.

Questio I. *Quid est SPES Christiana?*
 R. Est virtus divinitus infusa, quæ certâ cum fiduciâ nostræ salutis & æternæ vi-

(a) Heb. II, v. 1.

tæ bona, expectantur. Hæc autem fiducia, ubi semel eâ quâ oportet firmitate, & concepta est hominem justum in summis quoque ærumnis tantoperè fulcit, ut etiamli mundi præsidiiis omnibus destituatur, intrepidè tamen dicat: (a) *Deus meus in te confido, non erubescam.*

Q. 2. *Quo pacto ista Spei Christianæ virtus obtinenda est?*

R. Frequenti & ardenti Oratione à Deo postulanda est: est enim virtus divinitus infusa, & singulare Dei donum, quod quidem in Baptismo cum fide & charitate infunditur, sed non minùs in sui conservatione & augmento, quàm in prima sui infusione à Dei benignitate dependet.

Q. 3. *Quenam sunt speranda homini Christiano?*

R. Illa definitionis verba, *nostræ salutis & æternæ vitæ bona*, continent omnia quæ speranda sunt. Nempè primariò & ante omnia quærenda & expectanda est *vita æterna*, ac deinde cetera quibus ad eam perducendi sumus, id est multiplicia divinæ gratiæ auxilia per Jesum Christum Dominum nostrum.

Q. 4. *Estne ergo Christiano homine indignum temporalia bona à Deo sperare?*

R. Si illa non aliter expectentur, nisi quatenùs ad æterna conducunt, planè à Deo speranda sunt æquè ac æterna, cùm à sola ejus benignitate dimanent omnia.

Q. 5. *Cujusmodi debet esse Spes Christiana?*

R. Certa planè, & ab omni fluctuatione & hæsitazione immunis.

Q. 6. *Quæ tantæ firmitatis & certitudinis ratio est?*

R. Omnipotentis Dei promissio & infinita benignitas, quibus ob merita Christi Redemptoris innititur Spes Christiana. (a) Psalm, 24. v. 2.

Q. 7.

Q. 7. *Excluditne igitur spes nostra omnem penitus timorem?*

R. Diffidentiam excludit & anxietatem, *timorem* autem salutarem debet habere conjunctum, ne in *presumptionem* degeneret. *Timor* ille in homine Christiano nascitur, quando ad fragilitatem & instabilitatem propriam, mentis oculos reflectit, quod quidem utiliter ac necessarid à Christianis fieri demonstrant verba Apostoli monentis, ut (a) *cum timore & tremore salutem nostram operemur*, cum sit Deus, qui operatur in nobis & velle & perficere, pro bona voluntate.

Q. 8. *Estne frequens Spei exercitium necessarium homini Christiano?*

R. Est maximè, tum ut bona transitorio non majoris à nobis æstimentur, quàm æstimanda sunt; tum ut mens nostra à terrenis affectibus ad cœlestia desideria transferatur, tum denique ut & in prosperis debita submissio, & invicta in adversis patientia conservetur.

Q. 9. *Quenam vitia Spei adversantur?*

R. Hæc duo: *presumptio* & *desperatio*, illa excedit, hæc deficit.

Q. 10. *Quid hic est præsumptio?*

R. Est temeraria fiducia expectans, quod Deus non promisit, vel aliter ac promisit.

Præsumptione itaque delinquit 1. qui tentat Deum.

2. Qui propriis sine Dei gratia viribus divina mandata servare, & ad vitam æternam contendit pervenire. Quæ erat superba præsumptio Hereticorum, qui à suo auctore (b) PELAGIANI dicti sunt.

Q. 11. *Quis verò tentare Deum dicitur?*

(a) Philip. 2. 7. 12.

(b) Quos egregiè debellavit S. Augustinus.

P.

¶. (a) Qui sine justa ratione id à Deo expectat & postulat, quod ille nullo modo promissit. *Tentat Deum* igitur, qui sine necessitate miraculum aliquot aut prodigium flagitat. *Tentat Deum*, qui sine Pœnitentia peccatorum remissionem, aut sine fructu bonorum operum salutem æternam præstolatur. Ac denique *Tentat Deum*, qui sub Spe veniæ, immensam illius majestatem liberiùs offendit.

Q. 12. *Quandonam desperatione delinquitur?*

¶. Dum ob peccatorum numerum vel enormitatem omnis spes veniæ abjicitur, ita ut cum infelici Caïno quis dicat (b) *Major est iniquitas mea quàm ut veniam merear*. Cùm tamen Christi Jesu merita pretii sint infiniti, & inexhausta sit Divinæ misericordiæ largitas erga peccatores quantumvis indignos & immerentes.

C A P U T II.

De oratione, præsertim Mentali.

Q Uæstio I. *Quid hoc loco est ORATIO?*

¶. Dum nomen istud strictiùs sumitur, est desiderium atque petitio eorum rerum, quas à Dei benignitate speramus.

Quòd si generaliùs accipiatur, est pia mentis in Deum elevatio, quædamque nostræ devotionis coram æterna illa majestate testificatio.

Q. 2. *Quot modis ista mentis in Deum elevatio peragitur.*

¶. His potissimùm quinque : 1. *adorando* summam & incomprehensibilem Dei Majestatem, coram quâ omnes creaturæ (c) in nihilum com-

(a) Vide Matth. 4. v. 7. Deut. 6. v. 16. Psal. 77. v. 18. Eccli. 18. v. 13.

(b) Gen. 4. v. 13. (c) Sap. 9. v. 6.

paratæ sunt, & (a) universus orbis est instar guttæ roris antelucani.

2. *Laudatione* sapientiæ, justitiæ & misericordiæ cæterarumque perfectionum ejus, quæ sunt undequaque ineffabiles & infinitæ.

3. *Gratiarum actione* de inexhausta ejus beneficentia super nos, cæteraque omnia quæ omnipotenti voluntate è nihilo condidit.

4. *Postulatione* earum rerum, quæ nobis à iis que sunt salutares.

5. Denique *oblatione*, tum illâ, quâ nosmetipsos toto voluntatis affectu divino servitio consecramus, tum præsertim istâ, quâ Jesum Christum Dei Filium mysticè in sacrificio immolatum, æterno Patri, ceu victimam nostram, exhibemus.

Præter hos tamen modos, peccatorum etiam detestatione, aliarumque virtutum exercitio mens in Deum elevari solet.

Q. 3. *Omnisne oratio solâ mente perficitur?*

R. Omnis oratio si vera est, mentis in Deum elevationem conjunctam habeat necesse est; alioquin non tam oratio quam simulacrum orationis fututa est. Verùm mentis affectui *vox* quoque corporis sæpè rectèque conjungitur, ut utraque substantia ex qua homo constat, divino cultui serviat, & sensibilis labiorum motus attentionem mentis nutriet atque conservet.

Oratio itaque alia *mentalis* dicitur, quæ solo cordis desiderio ferventique devotionis affectu peragitur: alia *vocalis*, quæ corporeâ insuper voce profertur.

Q. 4. *Estne ultile MENTALIS ORATIONIS exercitium?*

R. Est planè Christianis omnibus utilissimum,

(*) Ibid. cap. 11: v. 23.

& ad perfectionem virtutisque profectum summè necessarium

Q. 5. *At fortè res est ardua valdèque sublimis, nec omni hominum generi accommodata?*

✱. Hæc multorum falsa & inepta persuasio est, quasi scilicet in sublimibus cogitationibus exquisitisque ratiociniis *mentalis Oratio* sita sit: imò verò nihil est aliud, quàm cordis in Deum motus, piusque voluntatis affectus. Benè utiliterque orat *mentaliter*, qui infirmitatem suam, multiplicemque necessitatem sincero animi sensu coram Deo omnium bonorum Largitore agnoscit; qui suæ iniquitatis & delictorum memor, serio dolore tangitur, & per dignos pœnitentiæ fructus firmiter statuit expiare, & emendare quod deliquit: qui cum acceptorum beneficiorum gratissimâ recordatione postulat, ut ea Deus confirmet, velitque esse perpetua: denique qui vitam omnem divinæ gloriæ dedicat, & restænataram cupiditatum spontaneum sacrificium illi immolat.

Q. 6. *Nonne Oratio mentalis devotæ rerum salutarium meditationi solet esse innixa?*

✱. Solet planè: nam rerum divinarum meditatio occasionem præbet, ut pia voluntatis motio consequatur, qua in re *Oratio mentalis* sita est.

Q. 7. *Quid verò est MEDITATIO?*

✱. Attenta rei consideratio *Meditari* scilicet rem quampiam dicitur, qui ad eam illiusque attributa & circumstantias seriò advertit animum. Sic meditari vitæ statum dicitur, qui de certo vitæ genere deligendo deliberat: sic quoque meditari lucrum dicitur, qui tractat animo, quâ certiori viâ ad illud queat pervenire. Pari ratione, qui attento animo sanctissimam Dei legem crebrò considerat, quid vetet, quid præcipiat,

quàm iustè, quàm sanctè, quàm utiliter cuncta disponat, meditari legem Dei dicitur.

Q. 8. *Estne hujusmodi meditatio homini Christiano plurimum consulenda?*

R. Est omnino: nam in Christianis impleri debet id quod primi Psalmi initio Regius Prophetas conscripsit: (a) *Beatus vir qui non abiit in consilio impiorum, & in via peccatorum non stetit, & in cathedra pestilentie non sedit: sed in lege Domini voluntas ejus & in lege ejus meditabitur die ac nocte.* Ne rudes quidem & idiotæ ab hujus exercitii functione excusare se possunt. Veritates norunt quas palam à Pastoribus, privatimque ab aliis edocti sunt: ipsam quoque (b) mundi hujus opificium architectum suum indefinenter voce deprædicat, ut excusari nequeant, qui oculos mentis cordisque aures occludunt.

Q. 9. *Cur ergò multi meditationem & orationem mentalem sibi impossibilem esse causantur?*

R. Quia sensibus nimium indulgentes vitæque minimè regulari jam pridem assueti, terrenis rebus cor ita affixum gerunt, ut vix unquam ad semetipsos, nedum ad Creatorem ac Redemptorem suum animum seriò applicent; præsentibus toti intenti, bona & mala quæ oculis usurpari non possunt, penè pro nihilo reputant. Inde vitæ tam parùm sæpè Christianæ luculenta origo. (c) *Desolatione, scilicet, desolata est omnis terra, quia nemo est qui recogitet corde.*

Ceterum si nemo est, qui se inidoneum dicere possit, ut de antea in criminibus vita internâ pœnitundine serioque dolore tangatur, nemo quoque erit, qui se ad meditandum dicere possit ineptum; neque enim sine attenta animi consi-

(a) Psalm. 1. v. 1.

(b) Psalm. 118. v. 1.

(c) Jerem. 12. v. 11.

deratione. aut conscientia discuti, aut detestatio & dolor elici, aut novæ vitæ, satisfactionisque propositum formari potest.

Q. 10. *Quanam potissimam frequenti meditatione versanda sunt homini Christiano?*

R. 1. *Novissima hominis, mors & quæ eam consequuntur, crebrò illi in memoriam revocanda sunt. (a) In omnibus operibus tuis memorare novissima tua, & in æternum non peccabis.*

2. *Recogitandi anni antea vitæ (b) in amaritudine animæ*

3. *Inviolabilia Dei mandata, lexque in Evangelio à Salvatore sancita, ante oculos perpetuò habenda sunt; ut corruptioni mundi hujus, qui (c) totus in maligno positus est, indefinenter opponantur. (d) In corde meo, inquit Psalmista, abscondi eloquia tua, ut non peccem tibi.*

4. *Dominicæ Passionis Mortisque mysteria, & quæ in omni Christi vita & doctrina elucet salubria documenta.*

5. *Expendendæ sunt unicuique obligationes suæ, tum generales hominis Christiani, tum peculiare ob vitæ genus cui quisque addictus est, ut sedulò impleantur.*

C A P U T I I I.

De Orationis necessitate & fructu.

Q. Uæstio 1. *Cui rei innixa est Orationis necessitas?*

R. Partim Christi præcepto & exemplo, partim indigentia nostræ & inexhaustæ Dei beneficentia, partim denique supremæ Dei potestatis.

(a) Eccli. 7. v. 40.

(b) Isai. 38. v. 15.

(c) Joan. 5. v. 19.

(d) Psalm. 118. v. 11.

stati atque dominio Christi Salvatoris exemplum imitationem, præceptum obedientiam à nobis deponit: indigentia nostra supplicationem, Beneficentia Dei gratiarum actionem, suprema illius potestas oblationem & adorationem à nobis requirit.

Q. 2. *Cui incumbit hæc orandi necessitas?*

✠. Omnibus qui usum rationis adepti sunt.

Q. 3. *Quis orandus?*

✠. Deus ut Largitor bonorum omnium, per (a) Mediátorem Dei & hominum Iesum Christum, Dominum nostrum. Orandi etiam (b) Angeli Sanctique cum Christo regnantes, ac præsertim Sanctissima illius Mater, non ut largitores, sed ut intercessores ac Patroni, qui nobiscum & pro nobis orent communem Deum ac Dominum, in nomine Christi Redemptoris.

Q. 4. *Pro quibus orandum?*

✠. Non pro se tantum, sed pro omnibus hominibus sincero charitatis affectu unumquemque orare oportet; at maxime pro Regibus & Principibus, cunctisque qui in sublimitate sunt tam seculari quàm Ecclesiastica: (c) *ut quietam & tranquillam vitam agamus, in omni pietate & castitate.* Nobis quoque disertè à Christo injunctum est, ut ipsis etiam inimicis nostris & persecutoribus bona à Deo precemur; neque peccatores, hæretici, & infideles à nostris orationibus sunt excludendi (d) *Sancta denique & salubris est cogitatio, pro defunctis exorare Deum, ut à peccatis solvantur.*

Q. 5. *Quid in oratione pro nobis aliisque postulandum est?*

(a) 1. Tim. 2. 1. Ephes. 2. 13.

(b) Vide infra latius in explicatione primi præcepti decalogi.

(c) 1. Tim. 2. 2. (d) 2. Machab. 12. 46.

℞. Quidquid rectè speratur, rectè etiam à Deo postulatur. Quapropter vita æterna, omniaque quæ ad eam assequendam sunt necessaria, absoluto & indefinenti desiderio à Divina largitate petenda sunt; cætera verò, quæ bono aut malo usu, utilia ad salutem esse possunt aut noxia, non aliter optanda nec postulanda sunt, nisi quatenus ex certa Dei providentia ad illius gloriam, nostramque cum ipso conjunctionem perpetuam erunt conducibilia.

Q. 6. *Quinam utiliter & fructuose orant?*

℞. Qui spiritu & affectu conjuncti Jesu Christo Redemptori nostro, per ejus nomen & merita, corde humili & contrito, attentè ac devotè, cum certa fiducia, patientique perseverantia à Deo postulant quidquid ad salutem est necessarium.

Q. 7. *Cur per Christi nomen & merita bonum omne salutare petendum est?*

℞. Quia ipse est (a) mediator Dei & hominum, (b) per quem accessum habemus ad Patrem, (c) nec enim aliud nomen est sub cælo datum hominibus, in quo oporteat nos salvos fieri. Hinc est Ecclesiæ spiritus, ut omnes orationes suas istà ferè formà concludat: *Per Dominum nostrum Jesum Christum Filium tuum.*

Q. 8. *Quæ ratio est cur cordi humili & contrito orare oporteat?*

℞. Quia (d) Deus superbis resistit, humilibus autem dat gratiam: necesse ergo est ut intimo paupertatis, indigentiae, miseriae & iniquitatis suae sensu tangatur, qui à Deo misericordiam obtenturus est. (e) *Respexit in orationem HUMILIUM*

(a) 1. Tim. 2. 5. (b) Ephes. 2. 18.

(c) Act. 4. 12. (d) Jac. 4. 6.

(e) Psalm. 101. 18.

Et non spreuit precem eorum. (a) COR CONTRITUM ET HUMILIATUM Deus non despiciet.

Q. 9. *Cur cum attenta devotione Deus orandus est?*

R. Quia (b) *spiritus est Deus, Et eos qui adorant eum, in spiritu Et veritate oportet adorare*; & certè res indecentissima est, in conspectu summæ Majestatis indiligentem esse, aliudque mente versare quàm res & tempus ferant. Ipsi Angeli tremantes Deo assistunt, & laudes concinunt; quid igitur nos facere convenit indignos peccatores vilesque vermiculos terræ? Curandum sedulò ne contra nos divinum illud improprium intorqueri possit: (c) *Populus hic labiis me honorat, cor autem eorum longè est à me.*

Q. 10. *Quomodo necessaria ista in oratione attentio comparanda est?*

R. Vix fieri potest, ut inter vitæ hujus occupationes tam varias atque multiplices omnes mentis evagationes in oratione devitentur: sed anitendum est ne in eas animus suâ sponte delabatur, aut inhæreat: Quocircà (d) ante orationem animus preparandus est, partim quidem cavendo, ne rebus externis quibuscumque interdium nimium dissipetur, sed quoad ejus fieri potest, è Divini Numinis præsentia numquam se subducatur, identidem autem brevibus aspirationibus sese in cælum erigat: partim verò providendo ne tandi momenti negotium quale est immensæ majestatis alloquium, temerè umquam aut ex arida tantum consuetudine peragatur.

Q. 11. *Quare certa cum fiducia orandum est?*

R. Quia Deus O. M. id à nobis exigit, ut

(a) Psal. 30. v. 19.

(b) Joan. 4. v. 24.

(c) Matth. 15. v. 1. Isai. 29. v. 13.

(d) Eccli. 18. v. 23.

depulsa omni h[er]esitatione ac fluctuatione, in omnipotenti benignitate ejus omne nostrum pr[æ]sidium collocemus. Quare monet Apostolus Jacobus, ut qui voluerit impetrare, (a) *Postulet in fide nihil h[er]esitans.*

Q. 12. *Cur ceteris omnibus adjungenda est patientia in postulando perseverantia?*

✱. Quia hæc sancta importunitate nostram delectatur Deus, & sæpè tantisper differt nos exaudire, ut fidem ac fiduciam exerceat, teporem, & languorem corrigat, desiderium accendat, magis nos denique humiles, ferventes, vigilantes & circumsp[ec]tos reddat. (c) *Oportet ergo semper orare & non deficere*, quod duabus in Evangelio parabolis Dominus declaravit: Alteram (c) *vidue* importunis sollicitationibus iniquum judicem ad justitiæ ministerium compellentis: alteram (d) *Amisi* intempestam nocte postulatos ab amico panes, continuatis pulsibus impetrantis.

Q. 13. *Quod si comitibus jam recensitis oratio stipata fuerit, eritne certa & infallibilis impetratio?*

✱. Si quis in Christi nomine, corde humili & contrito, attenta cum devotione, certaque fiducia & perseverantiâ pro se postulet bonum aliquod salutare, plena & infallibilis est impetrandi certitudo: nam ipsa Veritas id disertè promissit his verbis: (e) *Amen amen dico vobis: si quid petieritis Patrem in nomine meo, dabit vobis.*

Hoc tamen non ita intelligendum est, quasi semper concedat Deus id quod determinatè petebatur: sed cum sæpenumero (f) quid oremus sicut oportet nesciamus, tunc maxime nos exaudit Deus cum minimè exaudire videtur, largiens

(a) Jac. 1. v. 6. (b) Luc. 18. v. 1. (c) Ibid. v. 2.

(d) Luc. 11. v. 5.

(e) Joann. 16. v. 23.

(f) Rom. 8. v. 26.

DE SPE ET ORAT. DOMINICA. 231
quod ad salutem futurum est longè utilius, quàm
quod petebatur.

C A P U T IV.

De situ corporis, loco & tempore orationis.

QUæstio 1. *Quis in oratione corporis situs
servandus est?*

R. In Cœtu fidelium & oratione publica servandus est mos Ecclesiæ, quæ nunc flexis genibus, nunc erecto corpore Deum orat; & quidem iis diebus, quibus cum gaudio & alacritate animi Dominicam Resurrectionem recolit, diebus nempe Dominicis totoque Paschali tempore, vetustissima consuetudo habet ut stando præcipuè, preces publicæ peragantur; diebus autem luctui & poenitentiae deputatis genua flectuntur, quòd ille corporis situs humili supplicatione maximè congruat.

Ceterùm & publicè & privatim indecens corporis situs cavendus est, ne quis insultare potius Deo, quàm supplicare velle videatur. Memores tamen esse oportet, quòd etsi exterior compositio ad excitandam fovendamque devotionem conducere possit, per se tamen, si à spiritu & veritate sejuncta sit, Deo placere non possit.

Q. 2. *Quis Locus orationi maximè proprius?*

R. Is qui divino cultui singulariter est consecratus. Nam præterquam quòd ex Ecclesiæ dedicantis precibus major quædam hinc sit impetrandi fiducia, hinc insuper fideles (*) quasi factò agmine conveniunt, ut mutux devotioni suppetias ferentes, sanctam quamdam violentiam cœlo inferant.

(*) Tertull. in Apolog.

Vitandam interim ostentationem Salvator (a) monuit : cumque (b) totus orbis terrarum latiori sensu sit Templum Dei , ac præsertim (c) mentes fidelium Tempia sint Spiritûs Sancti , (d) nullus ad orandum locus ineptus est.

Q. 3. Quo potissimum TEMPORE orandum est?

R. Apostoli Pauli jussio est : (e) *Sine intermissione orate* : quod eo sensu intelligendum est, ut affectus charitatis in nobis jugiter perseverans, quantum per occupationes hujus vitæ mortalis licet, identidem ad orationis actum prorumpat, ut divina in nobis charitas & pietatis studium augeatur, fervor Spiritûs renovetur, tentationum vires debilitentur, & quotidiana fragilitatis nostræ delicta per illius, clementiam expientur.

Orationi nihilominus nonnulli præ cæteris destinati sunt dies, Dominici scilicet, Festi atque Jejuniæ. Sed & diebus singulis tria præcipue tempora orationi fidelium deputata sunt, (f) matutinum, meridianum & vespertinum.

Q. 4. Cur tribus hisce temporibus manè, meridie ac vesperi orationi præcipue incumbendum est?

R. Matutinum tempus id à nobis exigit, ut è strato surgentes, de nocte feliciter transacta grates habeamus Deo , & imminentem diem ipsius obsequio consecremus, & gubernationi commendemus.

Meridies verò, cùm refectioni corporis id tempus tribui soleat, hoc à Christianis postulat, ut quæ reparandis viribus apponuntur, animo & corpori salubria Divini Numinis invocatione redantur : ubi autem percepta sunt, æquum est ut

(a) Matth. 6. v. 1. 5. & 6.

(b) Psalm. 24. v. 1. Act. 7. v. 48. 49. & 50.

(c) 2. Cor. 6. v. 16. (d) 1. Tim. 2. v. 8.

(e) 1. Thess. 5. v. 17. (f) Psalm. 54. v. 18.

largitas ejus indeficiens sincerâ gratiarum actione laudetur.

Vesper denique priusquam ad quietem se quisque componat, justissimum est, ut & de perceptis eo die beneficiis agat Deo Largitori gratias, & de erratis, quæ instituto examine agnovit, veniam deprecetur, & castam tranquillamque ab ejus præsidio noctem satagat impetrare.

Q. 5. *Cur publicæ Ecclesiæ preces in varias dies noctisque HORAS sunt distributæ?*

Æ. Ut ita semper Divina Majestas laudetur & adoretur, ab iis præsertim, qui in sortem Domini vocati, illiusque servitio specialiter mancipati sunt, quorum potissimum munus est. (a) In lege Domini meditari die ac nocte. Hoc tamen & fideles ceteri diebus saltem Dominicis ac Festis, æmulari solebant primis Ecclesiæ sæculis.

Q. 6. *In quot & quænam tempora, ex antiquo usu, preces publicæ sunt distributæ?*

Æ. In *Septem*: nam prima pars officii nocturno tempori destinata est, quæ *Matutinum* dicitur & in tria noctis tempora dispescebatur.

2. Pars quæ *Laudum* nomine nuncupatur, ad auroram pertinet.

3. Ad primum post solis ortum diæi Horam, unde illi *Primæ* nomen adhæsit.

4. Ad horam diæi tertiam, unde & *Tertiæ* appellatur.

5. Ad sextam diæi horam sive meridiem, *Sexta* vocatur.

6. Ad nonam diæi horam, quæ nostræ tertie pomeridianæ ferè respondet, *Nonæ* nomen retinuit.

7. Ad solis occasum, *Vesperarum* nomen obtinuit.

(a) Psalm. 1. v. 2.

Adjunctæ sunt deinceps preces aliquæ, quibus ante quietem cæteræ concluderentur, quibus *Completorii* nomen inditum est.

Hæc olim tempora accuratè servabantur, hodiè plerisque in locis solum penè nomen superest, nisi quòd in nonnullis Cœnobiis hucusque retenta sint.

Q. 7. *Quinam ad precum Horariarum recitationem sunt obligati?*

R. Qui vel Ecclesiasticum Beneficium possident, vel sacro ordine initiati, vel in Monasterio quopiam ad Chorum professi sunt, siue viri sint, siue mulieres.

Q. 8. *Quid si Beneficio Ecclesiastico donati, pensum istud Horarium & in Choro decantare & privatim recitare negligant?*

R. (a) Privantur fructibus, qui Officio diei aut partis ejus responderent, ita ut eos retinere non valeant, sed in pios usus expendere teneantur.

Q. 9. *Satisne est quotidianum istud Officium, vel voce, vel labiis recitare?*

R. Jam, suprâ satis dictum est orationem omnem attento devotoque animo fieri oportere; quòd cùm ubique, tùm verò præcipuè locum habet in iis precibus, ad quas quisque ex officio seu communis Ecclesiæ minister adstrictus est.

Q. 10. *Quibus temporibus hodie extra Chorum horariæ preces privatim recitandæ sunt?*

R. Nihil consultius, quàm ut unusquisque an nitatur, ut quoad fieri potest, interpolatis vicibus recitet, & ad primævam temporis rationem quàm proximè accedat.

(a) Ex Constitut. Pii V.

CAPUT V.

De Oratione Dominica : ac de illius præsertim primâ petitione.

QUæstio 1. *Quid Orationis Dominicæ nomine apud Christianos designatur?*

R. illa precationis formula, quam ipsa Incarnata Veritas, Christus Dominus noster, Discipulos suos (a) id expetentes docuit, ut remotâ gentilium loquacitate, paucis verbis comprehensum haberent quidquid utiliter peteretur.

Q. 2. *Estne igitur inter omnes orationis formulas hæc una cæteris excellentior?*

R. Est procul dubio præ cæteris omnibus longè excellentissima, dignitate, utilitate & brevitate. *Dignitatem* habet ab unigenito Filio Dei, æterna illa sapientia Patris, qui eam suâ auctoritate stabilivit. *Utilitatem* ex meritis ejus, qui nos eam docuit, Mediatoris & Redemptoris nostri : *brevitate* demùm suâ, in septem petitionibus complectitur, quidquid pro obtinendis bonis vel avertendis malis à Divina munificentia salubriter peti potest. Quatuor prioribus bona tum æterna, tum temporalia postulamus : tribus postremis mala quælibet deprecamur.

Unusquisque hinc facillè statuet, Divinam hæc Orationis formulam Christianis omnibus debere esse familiarissimam.

Q. 3. *Satisne est illius verba tenere, ut memoriter recitari possit?*

R. Nullo modo ; sed providendum est, ut præter verba, ipse quoque (b) verborum sensus ac-

(a) Math. 6. 9. Luc. 11. 2.

(b) Orationem Dominicam explicat Tertull. lib. de Orat. S. Cyprian. Tract. speciali de Orat. Dom. S. Cyrill. Hierosol. Or-

curatè teneatur, ut ex intellectu nascatur affectus, neque unquam sine sincera animi devotione proferatur. Quò circa necesse est, ut quævis illius verba peniculatius expendantur.

Q. 4. *Quid igitur nobis innuit illa Dominica Orationis præfatio: PATER NOSTER, QUI ES IN CÆLIS?*

R. His verbis ingeneratur nobis petendi impetrandique fiducia, dùm *Patrem* nuncupamus eum à quo beneficia postulamus: simul in memoriam revocatur illa ineffabilis Dei bonitas, quã *Pater noster* dici & esse vult, rerum omnium Creator omnipotens, ille qui nullius rei indigens, solâ naturæ suæ gloriâ est felicissimus.

Q. 5. *Quo sensu Deum Opt. Max. hoc loco Patrem nostrum appellamus?*

R. Partim quidem ob (a) *creationem*, quã nos ad imaginem & similitudinem suam à se conditos, indefinenter providentiâ sustentat, gubernat ac dirigit: partim verò ac præcipuè ob (b) *adoptionis* illud ineffabile beneficium, quo nos gratuitâ per Jesum Christum misericordiâ (c) per lavacrum regenerationis in filios suos assumpsit, ut simus secundum spem heredes regni, ejus, coheredes autem Christi.

Q. 6. *Cur verò cùm singulariter quisque oramus, Patrem nostrum potius quàm meum dicimus?*

R. Ut in spiritu charitatis & communionis Sanctorum orare nos meminerimus, non de propria dumtaxat, verùm etiam de aliena salute solliciti. Admonentur etiam, qui secundum seculum aliis

tech. 5. Mystagog. S. Chrysost. Hom. de Orat. Dom. item in cap. 6. Math. S. Hieron. in Math. S. Aug. Epist. 121. nunc 130. ad Probam cap. 11. Item lib. 2. de Serm. Dom. in monte & Euchirid. cap. 115. &c. S. Thom. 2. 2. q. 83. art. 9. &c.

(a) Deuteron. 32. 7. 6, (b) 1. Joann. 3. 7. 1.

(c) Tit. 3. 7. 7.

ditiores

ditiores aut genere clariores sunt, cùm Christiani facti fuerint, non extolli adversus pauperes atque ignobiles, cùm simul indies dicant Deo : *Pater noster* ; quod isti verè ac piè dicere nequeunt, nisi se horum fratres esse sincerè ac libenter agnoscant.

Q. 7. *Cur cùm ubique sit Deus, hic in Cœlis esse potissimum dicitur ?*

R. Tametsi majestate & potentiâ cœlum & terram Deus impleat, specialiter tamen *in Cœlis* eum esse dicimus, tùm quia hæc est excellentissima universi portio, ubi & supremum gloriæ suæ thronum constituit, & thesauros benignitatis suæ electis amicis felicissimâ profusione communicat ; Tùm etiam, ut memores *Patrem Patriamque* nos habere cœlestem, (a) ab hujus exilii peregrinatione ad illam sempiternæ habitationis nostræ civitatem desideria nostra transferamus, ut unâ cum Apostolo verè possimus dicere : (b) *Nostra jam conversatio in cœlis est.*

Q. 8. *Quid postulamus primâ illâ petitione : SANCTIFICETUR NOMEN TUUM ?*

R. Petimus, ut Deus, qui naturâ suâ inviolabiliter sanctus est, ita ut illius sanctitati quæ undequaque infinita est accedere nihil possit, nihil decedere : talis quoque à nobis agnoscatur : ut nunquam nostrâ perversitate spernatur, sed ab omnibus hominibus, modis omnibus colatur, adoretur, ac diligatur.

Paucis itaque hisce verbis, infidelitatis, hæreseon, schismatum, blasphemiarum, cæterorumque criminum, abolitionem, veram deindè pœnitentiam, vitam Deo dignam, atque indefectum in virtute profectum, nobis aliisque postulamus.

(a) Heb. 13: 14. (b) Philip. 3. 20.

Q

Q. 9. *Quæ debet esse animi nostri dispositio, ut hanc orationem, eâ quâ par est sinceritate, proferamus?*

R. Summus in nobis debet esse horror blasphemix, perjurii, cæterorumque criminum, quibus Divini Nominis majestas profanatur: ingens deinde sollicitudo, ut quod lingua loquitur, cor & vita confirment, dum tales quisque mores exhibet, qui per se in Dei gloriam tendant, cæterosque ad illius cultum & obsequium provocent. (a) *Sic luceat lux vestra coram hominibus, ut videant opera vestra bona & glorificent Patrem vestrum, qui in cælis est.*

C A P U T VI.

De Secunda petitione: ADVENIAT REGNUM TUUM. Item de Tertia: FIAT VOLUNTAS TUA, SICUT IN CÆLO ET IN TERRA.

Q Uæstio 1. *Quotuplex Dei Regnum in Scripturis S. reperitur expressum?*

R. Triplex: ac 1. quidem *Regnum naturale*, quod omnipotenti rerum omnium creatori prorsus necessariò competit in res, quas condidit *Regnum tuum Regnum omnium sæculorum* Psalm. 144.

2. *Regnum Gratia*, quo per fidem, spem & charitatem regnat Deus in animis justorum, dicente Salvatore: *Regnum Dei intra vos est.* Luc. 17. & Apostolo exponente: *Regnum Dei est justitia, gaudium & pax in Spiritu Sancto* Rom. 14.

3. *Regnum gloriæ*, felicissimum illud & pacatissimum, in quo peccato mortisque destructis, (b)

(a) Matt. 5. v. 16.

(b) Psalm. 109. v. 2. Heb. 10. v. 13.

erunt omnes inimici Christi scabellum pedum ejus, eritque electorum omnium securissima immortalitas. De hoc Regno à Salvatore dictum est:

(a) *Non omnis qui dicit mihi Domine, Domine, intrabit in Regnum cœlorum*, atque in extremo illo die Electis dicturus est: (b) *Venite benedicti Patris mei, possidete paratum vobis Regnum à constitutione mundi: Esurivi enim & dedistis mihi manducare &c.*

Q. 2. *Quodnam horum trium petitur advenire, per hæc verba: Adveniat regnum tuum?*

R. Præcipuè tertium; nam primum, quod Deo essentialiter proprium est, frustra peteretur: secundum verò tertiâ petitione postulatur. Hic ergo desideramus Regnum istud stabile ac perenne, quod nullus ultra metus, nulla unquam sollicitudo perturbat, in quo Deus est (c) *Omnia in omnibus*. Et quidem convenientissimè, ut (d) S. Augustinus monet, nunc omnium Christianorum vota in secundum illum & gloriosum Christi Adventum tendunt; sicut ante Verbi incarnationem omnium Sanctorum desideria in primum Christi Adventum tendebant.

Q. 3. *Sed quid opus est petere, ut Dei Regnum istud adveniat, cum tempore à divina providentia constituto certissimò sit adventurum?*

R. Regnum illud certissimò quidem adveniet, omnesque (sed non omnes feliciter) id experientur: qui enim illius participes facti non fuerint in gloria, ei miserabili necessitate perpetuò subiecti erunt in supplicio. Postulat igitur unusquisque, ut à Dei clementia lætum sibi felixque obtingat, ne inter (e) rejectos hædos, verum in-

(a) Matth. 7. v. 21.

(b) Matth. 25. v. 34.

(c) 1. Cor. 15. v. 28. (d) In Psalm. 118. Scm. 20. num. 14

(e) Matth. 25. v. 32.

ter electas oves in supremi judicii die locum inveniat.

Est porrò Regnum Dei unicuique tam vicinum, quàm vitæ ejus postremus dies, nam talis quisque in extremi judicii die comparebit, qualis ex hac vita migraverit.

Q. 4. *Qualis animo nostro cogitatio obversari debet, cum hanc orationem proferimus?*

R. Vitam hanc mortalem non aliud esse quàm brevem transitum ad æternitatem, quæ vel Dei munere felix, vel culpâ nostrâ futura est infelix; momenta proindè singula pretiosissima esse Dei dona, quibus felicitatem numquam finendam liceat adipisci, si regnum cupiditatis magis ac magis indies in nobis destruentes, ad Regnum illud gratiæ & gloriæ indefinenti desiderio anhelemus.

Q. 5. *Quam Dei voluntatem fieri petimus petitione tertiâ: FIAT VOLUNTAS TUA?*

R. Illam præcipuè, quâ quid velit à nobis fieri jubendo & prohibendo manifestat, quæ voluntas signi dici consuevit: nam illa beneplaciti, quâ absoluto proposito quidpiam decernit fieri, infalibilem habet efficaciam, nihilque est, quod illi resistere possit.

Q. 6. *Ut quid hoc petimus, cum nostri arbitrii sit divina præcepta servare?*

R. Sic demùm arbitrii nostri est divina præcepta servare, si auxilio gratiæ suæ Deus aspi-ret; imbecilitatem ergo nostram & insufficientiam, magnamque ad malum pronitatem agnoscimus, ac idcirco Dei auxilium imploramus, ut ipso præveniente, protegente, & adjuvante, sanctissimæ voluntati ejus per omnia nos subdamus, operantes bona, & mala devitantes, ut jam non ultra sectemur concupiscentiâs carnis, voluntatem

propriam aut suggestiones satanæ, sed ad Dei nutum ac beneplacitum omnes affectus nostros componamus.

Q. 7. *Nonne & in rebus ceteris atque eventibus divina voluntati nostra subdenda est?*

✠. Est prorsus, atque id ipsum hoc loco postulamus, ut supremæ illi providentiæ æquè in adversis ac in prosperis libenti animo nos submittamus, plenissimè persuasi Deum O. M. nihil nobis evenire velle, quod non sit justum, sanctum atque optimum.

(a) Hujus rei celebratissimum exemplar in patientissimo *Jobo* Sacra Scriptura proposuit, qui non modo possessionibus, quas habebat amplissimas, repentè ad extremam usque paupertatem exutus, verùm etiam numerosâ sobole uno penè temporis momento orbatus, in has gratiarum actionis voces erupit : (b) *Sicut Domino placuit, ita factum est; sit nomen Domini benedictum.*

Q. 8. *Quæ ratio est, cur hæc verba adjecta sint: SICUT IN CÆLO ET IN TERRA?*

✠. Verbis istis obedientiæ modum formamque postulamus, ut quemadmodum beati in cœlis Angeli & homines spontè & alacriter, atque ex amore, Divino Numini in omnibus obsequuntur, ita nos etiamnum in terris militantes promptè & ex animo Dei jussa exequamur, non adæquantes quidem, sed æmulantes supernorum civium alacritatem.

Vocat verò nos Dominus ad exemplar cœlestium, quòd de iis ne suspicio quidem iniquitatis haberi possit : ut à pessimo multorum more nos revocet ; quo cùm de servandis Dei præceptis agitur, ad mortales homines officii sui im-

(a) Vide lib. Job. primis præsertim capitibus.

(b) Job. 1. v. 21.

memores ac prævaricatores, oculos convertentes, delinquentium multitudine se tuentur; quasi multitudo operantium iniquitatem, non peccati sit aggravatio, sed transgressionum excusatio.

C A P U T V I I.

De 4. petitione: PANEM NOSTRUM QUOTIDIANUM DA NOBIS HODIE. Item de 5. DIMITTE NOBIS DEBITA NOSTRA, SICUT ET NOS DIMITTIMUS DEBITORIBUS NOSTRIS.

QUæstio 1. *Quid PANIS nomine 4. petitione postulamus?*

✠. Hæbræâ phrasi *Panis* Nomine intelliguntur ea omnia, quæ ad vitam tuendam ac sustentandam sunt necessaria; at illa præcipuè hic postulantur, quæ ad vitam animæ promovendam pertinent, nimirum verbum Dei, sacrosanctum Domini Corpus, ceteraque salutifera Dei dona, quæ ad bene beatèque vivendum pascunt, confirmantque hominem interiorem.

Duobus itaque modis panis iste, quem flagitamus, à Sanctis Patribus sumitur, sive pro necessitate victus corporalis rerumque temporalium sufficientiâ, sive pro necessitate spiritualis alimonie.

Q. 2. *At cur Panis potius quàm alterius rei nomen expressum est?*

✠. Tum quia more sacris Literis usitato, *Panis* nomine universa præsentis vitæ necessaria continentur: tum quia panis; alimentum ut simplicissimum, ita maximè necessarium, præ ceteris aptus est nos monere, ut ex rebus hisce terrenis sola quæ necessaria sunt appetamus, & juxta Apostoli monitum, (a) *Habentes alimenta, & quibus tegamur, his contenti simus.*

(a) 1. Tim. 6. 8.

Q. 3. *Cur quisque etiam privatim orans nostrum potius quam meum dicit?*

R. Ut fraternæ charitatis memor, suam quoque ad alios curam proferat, & quæ à Dei benignitate munera perceperit, noverit non esse sibi soli avarè retinenda, sed largà manu egentibus communicanda.

Q. 4. *Cur Panem quotidianum petimus?*

R. Quia quotidianæ necessitates nostræ quotidianâ Dei subventionem indigent. Præterea hæc voce *quotidianum*, unâ cum postrema hodiè, admonentur Christiani immodicam temporalium futurarumque rerum sollicitudinem à se abdicare, totamque curam transferre in Patrem illum Cœlestem, qui & (a) corvorum pullos nutrit & cetera animantia sustentat.

Q. 5. *Ergone omnis temporalium rerum sollicitudo Christianis est interdicta, ita ut in otio & desidia vita illis sit transigenda?*

R. Minimè verò: anxiam dumtaxat illam, ac diffidentem de divina providentia sollicitudinem auferre à nobis Salvator voluit, cum vetuit ne in crastinum solliciti simus. Munus suum quisque cum pace & tranquillitate animi exequi debet securus de paterna Dei providentia, cui ininiti debet omnis humanus labor & industria; (b) *aperit enim manum suam & implet omne animal benedictione*: (c) *nisi verò Dominus edificaverit Domum, in vanum laboraverunt, qui edificant eam*.

Q. 6. *Etiāne opus est, ut qui divitiis opibusque abundant, indies dicant Deo: Panem nostrum quotidianum da nobis hodie?*

(a) Psalm. 146. v. 9. Math. 6. v. 26. & seqq. Psalm. 54. v. 23. (b) Psalm. 144. v. 16. (c) Psalm. 126. v. 1.

R. Est planè opus, ut omnes nemine dempto, se Dei mendicos esse, illiusque nutu non minùs temporalia quàm spiritualia bona dispensari agnoscant. Postulare igitur debent etiam divites. non ut habere incipiant, sed ne habere delinquant quod jam habent; nam ubi supremæ Providentiæ visum est, à summa opulentia ad extremam paupertatem velox prònusque est transitus, id quod ipso eventu sæpenuerò comprobatum est.

Q. 7. *Quid in petitione quinta DEBITORUM nomine, quæ dimitti petimus, significatur?*

R. Ex Evangelio S. Lucæ (a) liquidò patet *Debitorum* nomine peccata intelligi, cùm in Oratione Dominica pro *debitis* [quâ voce Matthæus usus est] disertè *peccata* expresse-rit.

Ceterùm *peccata* vocantur *debita*, quia Divinæ Justitiæ obstringunt hominem, debitoremque constituunt pænæ vel in hoc sæculo, vel in futuro persolvendæ.

Q. 8. *Quid igitur hæc quintâ petitione postulamus?*

R. Ut quicquid indies delinquimus, id suâ clementiâ condonet, deleat & expurget Deus.

Q. 9. *Hæccine Oratio à justis quoque indies recitanda est?*

R. Est omninò: nam sine levibus saltem offensis hæc vita non ducitur (b) *in multis* enim, Jacobo Apóstolo teste, *offendimus omnes*. Agnoscere itaque debent omnes se peccatores esse, & Divinâ per Jesum Christum misericordiâ quotidie indigere, alioquin, (c) *Si dixerimus quoniam peccatum non habemus, ipsi nos seducimus & veritas in nobis non est*, inquit Joannes Apóstolus.

(a) Luc. 11. v. 4.

(b) Jac. 3. v. 2. Prov. 24. v. 16.

(c) 1. Joan. 1. v. 8.

Q. 10. *Quid innuunt verba huic petitioni adjun-
cta* : SICUT ET NOS DIMITTIMUS DEBITORIBUS
NOSTRIS ?

R. Conditionem nobis exhibent, quâ peccato-
rum veniam à Deo impetrare oporteat, si nimi-
rum & nos ipsi condonemus offensas iis à qui-
bus læsi sumus ; alioquin firma stat sententia Sal-
vatoris : (a) *Si non dimiseritis hominibus, nec
Pater vester Cœlestis dimittet vobis peccata vestra.*

Q. 11. *Quo pacto autem oportet aliis dimittere
debita, ut à Deo nobis dimittantur nostra*

R. Dimittere oportet ex animo, ita ut irroga-
ta nobis injuria pro infecta habeatur, omnisque
animi rancor & indignatio supprimatur, quod tùm
maximè faciendum est, cùm qui injuriam fecit
culpam agnoscit, & veniam deprecatur, Res qui-
dem ardua inimicos diligere, sed Christianis pro-
pria, quibus & (b) exemplum Christi proposi-
tum est, & (c) promissio facta, ita fore eos fi-
lios Dei, Patri suo similes, qui solem suum ori-
ri facit super bonos & malos. Qui porro duri &
in vindicandis injuriis obstinati sunt, hi seridè
cum animo suo reputent hæc Spiritus Sancti
verba : (d) *Homo homini reservat iram, & à
Deo querit medelam ? In hominem similem sibi
non habet misericordiam, & de peccatis suis de-
precatur ? Ipse cùm caro sit, reservat iram, &
propitiationem petit à Deo ? Quis exorabit pro
delictis illius ?*

(a) Matth. 6. v. 15.

(b) Luc. 23. v. 24.

(c) Matth. 5. v. 45.

(d) Eccli. 28. v. 3. 4. & 5.

C A P U T V I I I .

De sexta petitione ; ET NE NOS INDUCAS IN TENTATIONEM : item de septima : SED LIBERA NOS A MALO.

QUÆSTIO 1. *Quid in sexta petitione TENTATIONIS nomen denotat ?*

R. Illam hominis vexationem, quâ variis modis ad deferendam iustitiam, Deique legem violandam intligatur. Quod quidem extrinsecus fit, & intrinsecus.

Q. 2. Quomodo extrinsecus ?

R. Extrinsecus hominem tentat *diabolus*, tùm per se tùm per impios, suo obsequio mancipatos, dum arduam divinæ legis difficultatem infinuat : dum nequitiam docet, suadetque : dum perversa sensibus mentibusque exempla objicit : denique dum vaftris suggestionibus prava in animis desideria multipliciter excitat. Quare meritò dictum est ab Apostolorum Principe Petro : (a) *Adversarius vester diabolus tamquam leo rariens circuit quærens quem devoret, cui resistite fortes in fide.*

Q. 3. Unde tentamur intrinsecus ?

R. *Unusquisque tentatur concupiscentia sua abstractus & illectus*, inquit (b) *Jacobus Apostolus*, Est scilicet in nobis ex originali culpa fomes peccati, qui ad agonem in ipsis quoque baptizatis remanet, qui ad immoderatas quidem sensuum voluptates nos præcipuè inclinat, sed tamen omnes animæ vires ita pervasit atque infect, ut ad reliqua etiam vitia non parùm propensi simus. Ita verissimè dictum est ; (c) *Militia est vita hominis super terram.*

(a) 1. Pet. 5. 7. 8: (b) Jac. 1. 7. 14. (c) Job. 7. 7. 1.

Q. 4. *Etiame Deus hominem tentat ?*

R. Si *tentationis* nomen eo modo sumatur, quo jam explicatum est, nefas est cogitare, sic à Deo optimo ac benignissimo, cui (a) odio est impius & impietas ejus, tentari hominem. (b) *Nemo ergo cum tentatur dicat quoniam à Deo tentatur*, inquit Jacobus Apostolus, nam inviolabili isti sanctitati non minùs adversum est ad malitiam tentando prouocare, quàm provocari.

Q. 5. *Quo sensu igitur subinde in Sacris Litteris tentasse Deus legitur ?*

R. Non alio, quàm quòd virtutem hominis, fidem atque constantiam, non sibi, sed aliis, eventu ipso fecerit manifestam; sic (c) *Tentasse Abrahamum* dicitur, dum illi imperavit ut *Isaacum* filium unigenitum atque charissimùm, sibi immolaret: quod Dei præceptum, ubi pius ille Patriarcha animo promptissimo implendum suscepit, palàm facta est orbi, & in exemplum proposita fides ejus & obedientia.

Q. 6. *Quis ad hujus petitionis sensum in tentationem induci dicitur ?*

R. Is qui pravæ suggestioni aut delectationi consensum præbet, atque succumbit: tribus quippè gradibus docente (d) S. Gregorio magno, ad peccatum ducimur, *suggestione, delectatione, consensu*. Ut *suggestionem* non patiamur, in nostra plerùmque non est potestate *delectationem*, mox ut exorta fuerit, reprimere Deo juvante possumus & debemus, ità saltem ut *consensum* non præbeamus.

Q. 7. *Quid igitur postulamus hâc sextâ petitione?*

R. Infirmiorem nostram, divinique auxilii ne-

(a) Sap. 14. v. 9. (b) Jac. 1. v. 13. (c) Gen. 22. v. 1.

(d) Hom. 16. in Evang. Vide etiam S. Aug. lib. 1. de Serm. Dom. in monte cap. 23. & lib. 12. de Trinit. cap. 12.

cessitatem agnoscentes, petimus, ut si periculosa tentatio ingruat, eam nos divinâ gratiâ fulti superemus. Tunc itaque Deus *in tentationem inducere* dicitur, quando iusto iudicio auxilium gratiæ suæ subtrahit, sine quo tentatio non superabitur.

Q. 8. *Quenam inter ceteras juventuti maxime formidanda tentatio est?*

R. Illa, quâ pudicitia & castitas oppugnatur; nam; teste (a) *S. Hieronymo*, ignita luxuriæ jacula adversus adolescentiam prima sunt arma dæmonum. Nōrunt hi scilicet, quàm difficile emergat, qui huic luto semel immersus est. Atque eò major esse debet omnium sollicitudo, ne innocentes animi hujus tentationis pestiferâ labe corrumpantur.

Q. 9. *Quibus armis isthac tentatio repellenda est?*

R. (b) Principiis fortiter obsistendum est, cum humilitate, divini auxilii fiducia, sobrietate & abstinentia, omniumque illecebrarum & occasionum fugâ. Certa victoriæ spes est si quis suis ipse viribus diffusus totam in omnipotenti Dei benignitate fiduciam collocet.

Q. 10. *Quid postulamus petitione septimâ: SED LIBERA NOS A MALO?*

R. Petimus, ut hujus sæculi calamitatibus, quibus exercentur etiam pii, non sinat nos Deus perdi & everti cum impiis, sed ut benignitate sitâ nos liberet, quatenus salutis nostræ congruit, atque ab omni malo, cum corporis tum animæ, sive in hac vita, sive in futura, propitius tueatur.

Agnoscamus ergo bonorum everSIONES, exilia, bella, famem, pestem, cæterosque morbos atque

(a) *S. Hieron. Epist. ad Eustoch.*

(b) Vide infra explicat. sexti Præcepti Decal.

miserias sine speciali Dei providentia, justoque judicio nemini evenire, neque ea aliter deprecamur, nisi quatenus à consequenda salute nos vitio nostro impediunt.

Q. II. *Cur totam hanc precationem concludimus voce AMEN?*

R. Vox illa Hebræo sermone *asseverationem* continet; proinde dum eà hoc loco utimur, nostram in orando simul & impetrando fiduciam testificamur, tum propter Christi, qui non fallit, promissionem; (a) *Petite*, inquit, & *dabitur vobis*: tum propter Patris erga nos immensam clementiam, & propensam in omnes misericordiam, ut hinc Joannes dixerit: (b) *Quodcumque petierimus secundum voluntatem ejus, audit nos*.

C A P U T IX.

De Salutatione Angelica.

Q. Uæstio I. *Quæ hujus Salutationis, & precationis origo est?*

R. Tres partes complectitur hæc Precatio Prima originem habet ab Angelo *Gabriële*, qui à Deo missus ad *Mariam Virginem*, nuntiaturus Dominicæ Incarnationis Mysterium, his eam verbis affatus est: (c) *Ave gratiâ plena, Dominus tecum, benedicta tu in mulieribus*.

Secunda pars desumpta est ex verbis *Beatæ Elisabethæ*, quæ cum à *Maria Cognata* sua visitaretur, Divini Spiritûs afflatu Matrem Domini sui agnovit ac venerata est, dicens: (d) *Benedicta tu inter mulieres, & benedictus fructus ventris tui*.

(a) Math. 7. v. 7.

(b) 1. Joan. 5. v. 14.

(c) Luc. 1. v. 28.

(d) Luc. 1. v. 42.

Tertia pars, quæ dignissimæ Matris invocatio-
nem continet, ex antiqua Fidelium devotione
profluxit.

Q. 2. *Quis primæ partis sensus est* : AVE MA-
RIA GRATIA PLENA, DOMINUS TECUM ?

R. Hæc Angelicorum verborum vis est atque
sententia : gaude & exulta, dignissima Virgo,
quod Divinæ munificentiae largitate, gratiæque
ubertate præventa, rerum omnium Domino sin-
gulari nexu conjuncta sis.

Q. 3. *Quid sibi vult secunda pars* : BENEDIC-
TA TU IN MULIERIBUS, ET BENEDICTUS FRUC-
TUS VENTRIS TUI ?

R. Hoc nempè indicat : Sanctissimam hanc
Virginem, præ cæteris omnibus mulieribus, inu-
sitatos Divinæ dilectionis effectus percepisse, dum
à (a) veteri *maledicto* immunis, semperque illi-
bata, sine dolore concepit, gestavit & peperit,
talem Filium, qui sicut in tempore est homo,
ita ab æternitate est Deus.

Q. 4. *Quid potissimum cogitare nos convenit,
dum hanc Salutationis partem recitamus?*

R. Gratâ animi recordatione venerari oportet
ineffabile Dominicæ Incarnationis Mysterium,
quod olim pro nostra salute in hujus Virginis
utero Divinâ virtute peractum est.

Q. 5. *Quid volunt verba sequentia* : SANCTA
MARIA, MATER DEI, ORA PRO NOBIS PECCA-
TORIBUS, NUNC ET IN HORA MORTIS NOSTRÆ ?

R. Mariam supremæ dignitatis titulo veneran-
tes, MATREM DEI dicimus, quod ejus Filii Ma-
ter sit, qui non tantum Homo, sed simul Deus
est. Persuasi deindè potens esse illius apud Deum
Patrocinium quam tanto ipse favore dignatus

(a) Gen. 3. 7. 16.

est, nec dubitantes, quin sanctissima Christi Mater, benignissimæ quoque ergâ nos Matris partes gerat, intercessionem ejus cum fiducia imploramus, ut nos variis peccatis obnoxios, quovis tempore protegât; at præcipuè in *bora mortis*, quando & periculosior est conflictus, & æternitatis alea jacienda est.

Q. 6. *Estne ordinata Fidelium devotio, quâ ad honorem Virginis Matris, precationem Angelicam una cum Oratione Dominica, certo numero aliquoties repetunt, quod Rosarium, aut Psalterium Virginis vocant?*

A. Est utique devotio jam pridem salubriter instituta, atque à Beato Dominico propagata, tum omnibus, tum rudioribus præsertim utilis, ut præcipua vitæ, mortis & glorificationis Christi Mysteria recolant. Nam cum quindecim Decades *Psalterium Virginis* complectatur, prioribus quoque, totidem gaudia sanctissimæ Matris accommodata sunt, quibus illa ex his quæ circa humanam Christi naturam contigerunt, affecta fuit, nimirum *Annuntiatio* Dominicæ Incarnationis, *Visitatio* Elisabethæ, *Nativitas* Domini. *Oblatio* Christi in Templo; *Inventio* Pueri JESU inter in Doctores.

Decadibus quinque sequentibus memoria celebratur quinque Mysteriorum Passionis Christi, quæ sunt. *Oratio* & *Captivitas* Domini in hortu : *Flagellatio* : *Coronatio* : *Bajulatio Crucis* : *Dolores* Cruce tolerati.

Postremis quinque Decadibus recoluntur quinque Mysteria gloriosa, quæ post Christi Domini mortem consecuta sunt, videlicet : *Resurrectio* Domini : *Ascensio* ejus in cœlos : *Adventus Spiritus Sancti* in Discipulos : *Assumptio* Virginis


Deiparæ : ac denique in *Cœlesti* vita gaudium ejus sempiternum.

Q. 6 *Cur manè, meridiè ac vesperi campana pulsæ ad salutationem Angelicam Fideles excitantur?*

R. Id eo præcipuè intuitu laudabilis usus instituit, ut his diei temporibus gratam in nobis Dominicæ Incarnationis memoriam renovemus, cum tanta sit illius beneficii magnitudo, ut perpetuè ob oculos versari debeat homini verè Christiano. Hinc ea partim Ecclesiæ, partim Evangelii verba unà cum peccatione Angelica recitantur : *Angelus Domini nuntiavit Mariæ, & concepit de Spiritu Sancto. Ecce Ancilla Domini, fiat mihi secundum verbum tuum. Et Verbum Caro factum est, & habitavit in nobis.* Subjungitur denique Oratio, quâ Dominicæ Incarnationis fructus postuletur : *Gratiam tuam quæsumus Domine mentibus nostris infunde, ut qui Angelo nuntiante Christi Filii tui Incarnationem cognovimus, per Passionem ejus & Crucem ad Resurrectionis gloriam perducamur, per eundem Christum Dominum nostrum. Amen.* De veneratione B. Mariæ Virginis, Festisque in eam rem institutis, vide infra latiùs part. 3. cap. 18.



P A R S T E R.



PARS TERTIA.

De Charitate, Præceptis Dei & Ecclesiæ, cæterisque officiis Justitiæ Christianæ.



DE *Fide Speique* virtutibus, quibus spirituale ædificium inchoatur, dictum est hætenus. Superest, *Charitas*, solum hujus ædificii complementum, (a) plenitudo legis, (b) vinculum perfectionis, summa justitiæ, quam qui non habet, (c) manet in morte; quod (d) teste Augustino, refertur quidquid in Sacris Litteris continetur. De hac igitur tam præcellenti, tamque necessaria virtute jam tractandum est, unàque de præceptis, quorum omnium (e) finis est Charitas.

CAPUT PRIMUM.

De Charitate Dei.

QUÆSTIO 1. *Quid est CHARITAS?*
 1. Est Virtus divinitus infusa, quâ Deus propter se, & proximus propter Deum diligitur.

Q. 2. *Quotuplex est Charitatis Præceptum?*

(a) Rom. 13. 7. 10. (b) Coloss. 3. 7. 14.
 (c) 1. Joan. 3. 7. 14. (d) S. Aug. lib. 1. de Doctr.
 Christ. cap. 35. (e) 1. Tim. 1, 7. 5.

R

R. Duplex, primum & maximum est : (a) *Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua.* Secundum autem simile est huic : *Diliges Proximum tuum sicut te ipsum.* In his duobus mandatis, universa lex pendet & Prophetæ, inquit (b) Christus Salvator.

Q. 3. *Quid in primo dilectionis mandato tam multiplici exaggeratione nobis inculcatum Deus voluit?*

R. Ut Deum, quantum possumus diligamus, & omnia quæ habemus illi impendamus, quod (c) S. Augustinus his verbis exposuit : “ Cum „ ait toto corde, totâ animâ, totâ mente, nul- „ lam vitæ nostræ partem reliquit, quæ vacare „ debeat, & quali locum dare ut aliâ re velit „ frui : sed quidquid aliud diligendum venerit in „ animum, illuc rapiatur, quod totius dilectionis „ imperus currit. „

Q. 4. *Estne hoc Præceptum homini in hac vitâ servatu possibile?*

R. Absit ab animo Christiano ut Deum censet impossibilia præcepisse Est igitur servatu possibile, sed per gratiam Dei, qui ipse (d) *Charitas est*, & (e) per Spiritum Sanctum charitatem diffundit in cordibus nostris. Idcirco in charitatis definitione dictum est, virtutem esse *divinitus infusam*.

Ceterum plenitudini dilectionis, durante hac vitâ mortali, concupiscentia perpetuò reluctatur; proinde consummata, sine impedimento, charitas, futuro sæculo reservata est.

Q. 5. *Quid est Deum propter se diligere?*

(a) Luc. 10. v. 27. Matth. 22. v. 35. Deut. 6. v. 5.

(b) Matth. 22. v. 40.

(c) S. Aug. lib. 1. de Doct. Christ. cap. 20.

(d) 1. Joan. 4. v. 8. (e) Rom. 5. v. 5.

¶ Est Deum idcirco diligere, quod sit fons inexhaustus bonorum omnium, qui omnes in se perfectiones infinito modo possidet, omnique aded dilectione solus dignus est.

Q. 6 *Quanta est Charitatis necessitas?*

¶ Tanta, ut si ceteræ virtutes adiint, hæc sola desit, itæ ad salutem prodesse non possint. (a) Si linguis hominum loquar & angelorum, inquit Apostolus, Charitatem autem non habeam, factus sum velut æsonans aut cymbalum tinniens. Et si habuero prophetiam, & noverim mysteria omnia, & omnem scientiam, & si habuero unam fidem, ita ut montes transferam, Charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum ita ut ardeam, Charitatem autem non habuero, nihil mihi prodest.

Q. 7. *Quâ consideratione Dei in nobis dilectio accendenda & fovenda est?*

¶ Oportet nos indelinerenter memores esse, immensam Dei Majestatem, non modò creaturarum omnium amore dignissimam esse, (b) sed id ipsum summum quemdam esse erga nos favorem, quod à nobis diligere velit: cum creature rationali nihil esse possit gloriosius, quàm si Conditorum suum toto cordis affectu diligat, nihil verò infelicius, quàm si non diligat.

Debet præterea sibi unusquisque frequenter ob oculos ponere gratuitam illam dilectionem, quæ Deus ipse (c) prævenit nos (d) Prior utique dilexit nos, dum ad imaginem & similitudinem suam condidit: prior dilexit, dum per unigenitum Filium suum, peccato perditas, reparavit.

(a) 1. Cor. 12. (b) Vide S. Aug. lib. 1. Conf. cap. 55

(c) Psal. 58. v. 11. (d) 1. Joann. 4. v. 19.

Q. 8. Quo pacto sincera erga Deum charitas probanda est?

■. Probatio dilectionis, exhibitio est operis, inquit (a) S. Gregorius Quod Christus ipse nos docuit dicens : (b) *Qui habet mandata mea, & servat ea, ille est qui diligit me.* Ceterum varia charitatis indicia & characteres proponit Apollolus his verbis : (c) *Charitas patiens est, benigna est : charitas non emulantur, non agit perperam, (id est, non est præceps aut temeraria) non inflatur, non est ambitiosa, non quarit quæ sua sunt, non irritatur, non cogitat malum, non gaudet super iniquitate, congaudet autem veritati : omnia suffert, omnia credit, omnia sperat, omnia sustinet.*

(d) His verbis Doctor gentium Paulus potissimum quidem commendat charitatem, quatenus exercetur erga proximos, per officia hominibus conspicua : sed ex iis deinde, velut ab effectis & signis visibilibus charitatis in Deum invisibilem, à qua nec separari possunt, cognoscendum cuique relinquit, utrum Deum diligit, necne. (e) *Qui enim non diligit fratrem suum quem videt, Deum quem non videt, quomodo potest diligere ?*

C A P U T II.

De Charitate Proximi & operibus misericordiæ.

Q Uæstio 1. Quid complectitur Præceptum dilectionis proximi : **DILIGES PROIMUM TUUM SICUT TEIPSUM ?**

■. (f) Jubet, ut bona omnia quæcumque no-

(a) Homil. 30. in Evang. (b) Joann. 14. v. 21.

(c) 1. Cor. 13. v. 4. (d) Vide Comment. Est. in hunc locum. (e) 1. Joan. 4. v. 20.

(f) Vide S. Aug. lib. 1. de vera Relig. c. 36. item lib. 30. Homil. 31. item Epist. 34. ad Maced. nunc 153.

blis ipsis rectè & propter Deum optamus, eadem quoque proximo nostro simili affectu delideremus, & quantum in nobis est procuremus.

Q. 2. *Quid proximi nomine hoc loco intelligitur?*

R. Quivis homo, ut (a) integrâ parabolâ hominis à latronibus spoliati ac vulnerati, nos ipse Salvator noster docere dignatus est. Omnes scilicet ejusdem naturæ participes, ab eodem omnipotenti Deo, ad imaginem & similitudinem ejus, atque ad eundem finem consequendum conditi sumus.

Q. 3. *Quo ergo potissimum fine atque intuitu, proximus à nobis diligendus est?*

R. Eo scilicet, ut aliquando sempiternæ in Deo felicitatis nobiscum particeps fiat. Atque hoc est diligere proximum *propter Deum*, in proximo Deum ipsum diligere, cujus ille est imago: nec alio fine, nisi ut in illo æternum glorificetur Deus.

Q. 4. *Quenam dilectionis proximi nobis præscripta est regula?*

R. Hæc à Christo proposita est; (b) *Omnia quaecumque vultis, ut faciant vobis homines, & vos facite illis.* Cui similem Tobias senior filio suo præscripsit: (c) *Quæ ab altero oderis fieri tibi, vide ne tu aliquando alteri feceris.*

Q. 5. *Quid ex hac dilectionis Regula de charitatis officiis consequens est?*

R. Consequens est, nos, quibus possumus charitatis officiis, necessitati, calamitati & indigentiae proximi debere subvenire; cum in iisdem rerum circumstantiis constituti, subveniri nobis enixè cupiamus. Hæc charitatis officia, *opera misericordiae* vocari consueverunt.

(a) Luc. 10. v. 30.

(b) Matth. 7. v. 12.

(c) Tob. 4. v. 16.

Q. 6 *Quotuplexia sunt OPERA MISERICORDIÆ?*

℞ Ut duplex est hominis necessitas atque indigentia, altera corporis. altera animæ, ita duplicia sunt opera misericordiæ; alia *corporalia*, alia *spiritualia*.

Q. 7 *Quos & quanam recensentur Opera misericordiæ corporalia?*

℞. Septem recenseri solent, quorum sex priora ex Christi verbis *Matthæi* c. 25. desumpta sunt, septimum ex facto *Tobie*, quod in Sacris Litteris singulariter commendatur. Sunt autem, Esurientes pascere : potum præbere Sitientibus : vestire Nudos : Hospitio Peregrinos excipere : infirmos invisere : Captivos redimere : Mortuos sepelire.

Visto, poto, cibo, redimo, tego, colligo, condo.

Q. 8. *Quos & quanam recensentur Opera misericordiæ spiritualia?*

℞. Septem pariter recitari solent : videlicet, Peccantes corrigere : Ignorantes docere : Dubitantibus rectè consulere : pro salute proximi Deum orare : Consolari Mœstos : Ferte patienter Injurias : Offensam remittere.

Consule, castiga, solare, remitte, fer, ora.

Consule complectitur doctrinam & consilium.

Hæc porro opera misericordiæ *spiritualia*, cum præstantiori hominis parti subveniant, *corporalibus* istis sunt excellentiora, annitendumque est, ut quoties corporale charitatis officium proximo impenditur, spirituale etiam aliquod, quoad ejus fieri poterit, adjungatur.

Q. 9. *Cum singuli omnibus subvenire non possint, quis in impendendis beneficentiæ officiis, ordo servandus est?*

℞ Regulam hanc statuit (a) *S. Augustinus*,

(a) *S. August. lib. 1. de Doctr. Christian. cap. 18.*

ut his potissimum consulamus, qui pro locorum & temporum, & quarumlibet rerum opportunitatibus constrictius nobis, quasi quâdam sorte, junguntur. Atque autem cuique conjuncti sunt conjux, parentes, liberi consanguinei & affines, superiores, subditi, cives & Amici, quàm extranei, ignoti; & alienigenæ: nisi hi in majori infirmitate & indigentia, nobis consociis, fuerint constituti: etenim major necessitas promptiorem subventionem exigit.

Q 10. *Quis operum misericordiae fructus, quæ eorum in Sacris Literis commendatio?*

æ. Fructus his verbis Salvatoris exprimitur: (a) *Beati Misericordes, quoniam ipsi misericordiam consequentur*, audituri scilicet à Christo iudice: (b) *Venite Benedicti Patris mei, possidete paratum vobis Regnum à constitutione mundi, esurivi enim, & dedistis mihi manducare: sitivi, & dedistis mihi bibere: Hospes eram & collegistis me: nudus & cooperuistis me: infirmus & visitastis me: in carcere eram & venistis ad me.... Amen dico vobis, quamdiu fecistis uni ex his fratribus meis minimis, mihi fecistis. Verùm sicut (c) Apostolo Jacobo teste, superexaltat, atque ad clementiam compellit misericordia iudicium, ità iudicium sine misericordia illi, qui non fecerit misericordiam. Quapropter extremo illo die, idem iudex reprobis dicturus est (d) *Discedite à me maledicti in ignem æternum, qui paratus est Diabolo & Angelis ejus. Esurivi enim & non dedistis mihi manducare: sitivi & non dedistis mihi potum: hospes eram & non collegistis me: nudus, & non cooperuistis me: infirmus & in**

(a) Matth. 5. v. 7.

(b) Matth. 25. v. 34. & seqq.

(c) Jac. 2. v. 13.

(d) Matth. 25. v. 41. & seqq.

carcere, & non visitastis me..... Amen dico vobis, quandiu non fecistis uni de minimis his, nec mihi fecistis. Et ibunt hi in supplicium eternum, iusti autem in vitam eternam. Quem ista veritatis ipsius verba non commovent, omnem penitus sensum amiserit necesse est.

C A P U T III.

De Decalogo, ac præsertim primo illius Præcepto.

QUæstio 1. *Ubinam duo dilectionis Præcepta uberius atque explicatius continentur?*

a. In ea lege, quæ à Denario Præceptorum numero Decalogus nuncupatur. Ex his decem Præceptis, tria priora ad Dei dilectionem pertinent: posteriora septem ad dilectionem proximi. Hoc autem modo recensentur.

Ego sum Dominus Deus tuus.

1. *Non habebis Deos alienos coram me. Non facies tibi Sculptile, neque omnem similitudinem quæ est in cælo desuper, & quæ in terra deorsum, nec eorum quæ sunt in aquis sub terra. Non adorabis ea neque coles.*
2. *Non assumes Nomen Domini Dei tui invanum: nec enim insontem habebit Dominus eum, qui assumpserit nomen Domini Dei sui frustra.*
3. *Memento, ut diem Sabbathi sanctifices.*
4. *Honora Patrem tuum & Matrem tuam ut sis longævus super terram, quam Dominus Deus tuus dabit tibi.*
5. *Non occides.*
6. *Non mœchaberis.*
7. *Non furtum facies.*
8. *Non loqueris contra proximum tuum falsum testimonium.*

9. *Non concupisces uxorem proximi tui.*

10. *Non domum, non agrum, non servum, non ancillam, non bovem, non asinum, nec omnia quæ illius sunt.*

Q. 2. *Quibus & quomodo illa decem Præcepta primum data & promulgata fuerunt?*

R. Præcepta hæc, si arbitrariam tertii determinationem exceperis, ad eam legem pertinent, quæ simul cum natura rationis compote singulorum hominum mentibus impressa ac promulgata est, adeo ut ab hujus legis obligatione nemo rationis particeps possit esse immunis.

Nihilominus cum per iniquitatem, & malitiam lex illa in hominum cordibus plurimum esset obscurata, eam Deus populo à se educto è servitute Ægyptiaca, quinquagesimo ab exitu die, è monte Sinai, inter fulgura & tonitrua & horrificum buccinæ sonum publicavit, descriptamque in duabus tabulis lapideis Moysi tradidit, in Arca Fœderis conservandam.

Q. 3. *Cum per Christi mortem Lex Vetusta abolita sit, nonne consequens est, ut hæc lege Christiani minime teneantur?*

R. Nequaquam : nam hæc lex ab ipsa natura profecta, immutabilem quovis tempore obligationem retinet, tantumque abest, ut eam Christus voluerit abrogatam, ut è contrariò eam explicaverit, suæque auctoritate roborârit. Eæ tantum Veteris Testamenti leges obligandi vim amiserunt, quæ velut umbræ futurarum rerum, positivâ Dei voluntate (a) ad tempus dumtaxat correctionis erant impositæ.

Q. 4. *Suntne hæc Dei præcepta homini servatu possibilia?*

R. Sunt utique non modò possibilia, (b) ve-

(a) Heb. 9. v. 10. (b) 1. Joan. 5. v. 2.

rùm etiam facilis : nimirum per divinæ gratiæ adjutorium, quod filiis Novi Testamenti largissima benignitate per Jesum Christum impertitur Deus.

Q. 5. *Quodnam discrimen est Vetūs inter ac Novum Testamentum?*

R. Qui ad Vetus Testamentum olim pertinebant, ad mandatorum custodiam timore compellebantur : qui verò ad Novum Testamentum pertinent, amore ducuntur, ut Deo præcipienti obediant, diviniq; spiritus suavitate præventi, (a) jugum Domini leve sentiunt & suave. (b) Brevis ergo utriusque Testamenti differentia est *Timor & Amor*, Lex Vetus Tabulis fuit inscripta lapideis, Lex Nova tabulis inscribitur cordis carnalibus.

Q. 6 *Quibus olim verbis primum Decalogi Præceptum à Deo expressum est?*

R. His verbis : *Exod. 20. Cap. Ego sum Dominus Deus tuus, qui eduxi te de terra Ægypti, de domo servitutis. Non habebis Deos alienos coram me. Non facies tibi sculptile, neque omnem similitudinem quæ est in cælo desuper, & quæ in terra deorsum, nec eorum quæ sunt in aquis sub terra Non adorabis ea neque coles. Ego sum Dominus Deus tuus fortis & zelotes, visitans iniquitatem patrum in filios, usque in tertiam & quartam generationem eorum qui oderunt me, & faciens misericordiam in millia his, qui diligunt me & custodiunt præcepta mea.*

Q. 7. *In quibus verbis hujus Præcepti vis continetur?*

R. In istis : *Ego sum Dominus Deus tuus : Non habebis Deos alienos coram me. Quodd si præ-*

(a) Matth. 1. 7. 30.

(b) S. Aug. contra Adversant. c. 17. n. 2.

terea veteri illi populo Hebræo, ad Idololatriam singularitur semper prono, omnem sculptilium, & imaginum usum positivâ atque arbitrariâ voluntate interdixit Deus, id ad Christianos minimè censensum est pertinere, sed cum ceteris antiquæ legis cæremoniis desisse.

Q. 8. *Quid prohibet hoc Præceptum?*

R. Prohibet ac damnat. *Idololatriam*, quâ honor uni soli Deo vivo & vero debitus ad creaturas aut simulacra transfertur : omnes etiam *observationes supersticiosas* quibus specie Religionis id observatur, quod ad eam minimè pertinet : usum præterea *Artis Magicæ* aut *Divinatoriæ* : *impietatem* denique eorum qui dictis factisve Deum negant, aut veram Religionem impugnant.

Q. 9. *Quid verò hoc Præceptum à nobis exigit?*

R. Ut Fide, Spe, & Charitate super omnia colamus, invocemus, adoremus summum illud æternumque bonum, Creatorem Optimum Maximum, Redemptorem ac Salvatorem, omnis gratiæ & gloriæ largitorem, unum & immortalem Deum, qui est super omnia benedictus in sæcula.

Omni ergo animi intentione curandum est, ut nullam prorsus creaturam quantumvis excellentem, nec dictis nec factis ullo unquam tempore pro Deo habeamus ; sed solum unum verum, æternum, immensumque Deum credamus & confiteamur, eique uni *Sacrificium*, & singularem illum summumque cultum, quem Græci *Latriam* appellant, exhibeamus.



C A P U T I V .

*De Invocatione Sanctorum, Cultu imaginum
& Veneratione Reliquiarum.*

Questio 1. *Estne primo Decalogi Præcepta contrarius Sanctorum cum Christo regnantium cultus & invocatio?*

✱. Nequaquam ; (a) nam ut jam dictum est, primo Præcepto prohibetur, ne supremus ille cultus soli æternæ Majestati debitus, ullâ ratione ad creaturam transferatur. Absit autem ut Catholici dum Sanctos venerantur, eos pro diis habeant. Agnoscunt utique non esse aliud, quam Electos Dei Amicos, quos ille gratuitis suæ misericordiæ donis abundantius præventos, in filios adoptaverit, Regnique sui heredes.

Q. 2. *Estne ergo ingens aliquod discrimen inter cultum quem Deo, eumque quem Sanctis impendimus?*

✱. Est sanè immensum ; nam Deum Optimum Maximum ut solum fontem ac largitorem bonorum omnium supremo cultu adoramus, ipsique omnia accepta referimus ; in Sanctis autem nihil aliud, quàm ipsam Dei potentiam, sapientiam ac bonitatem suspicimus ac veneramur, aded ut quidquid honoris illis à nobis impenditur, in Deum ipsum totius felicitatis quàm possident, auctorem refundatur.

Q. 3. *Quæ verò differentia est INVOCATIONIS quâ Deum, ejusque quâ Sanctos invocamus?*

✱. Differentia itidem immensa est ; nam precamur Deum, ut ipse vel bona det, vel liberet à malis : à Sanctis autem, quia gratiosi sunt

(a) Vide Exposit. Doctr. Cathol. per Bossuetium art. 4.

apud Deum, petimus, ut nostri patrocini-
um suscipiant, ut nobis à Deo impetrent ea quorum
indigemus. Hinc duas adhibemus precandi for-
mulas admodum differentes : ad Deum enim
propriè dicimus, *miserere nobis, audi nos* : ad
Sanctum, *ora pro nobis*. (a) Ita Catechism. Con-
cilii Trid.

Ab hunc itaque sensum reducuntur orationes om-
nes quæ in Ecclesia Catholica ad Sanctos dirigun-
tur, ut in spiritu charitatis & communionis San-
ctorum ab iis petamus, ut nobiscum orent, no-
strique sint interpretes & deprecatores apud Deum,
quo eos officio fungi docet S. Joannes Aposto-
lus in (b) Apocalypsi.

Q. 4. *At nonne invocando Sanctos, illis quiddam
tribuimus quod Deo soli proprium est, occultarum
scilicet animi nostri cogitationum cognitionem ?*

R. Deo soli proprium est latentes animi cogi-
tationes occultaque desideria, immensitate natu-
ræ suæ, propriæque virtute cognoscere, quod
Sanctis nullus Catholicorum tribuit, nec verò
sine blasphemia tribui potest. Id unum profite-
mur, (c) quod ab initio Ecclesiæ Fideles sem-
per senserunt, bonum esse atque utile Sancto-
rum patrocinia implorare, quocumque deum
pacto illi necessitates nostras ac desideria Deo re-
velante cognoscant. Et certè Omnipotenti Deo
modi deesse non possunt quibus electis amicis
suis ea quæ voluerit manifestet. Quòd verò ea
quæ ad ipsos diriguntur desideria, eos jam glo-
riosos minimè lateant, facile credet quisquis co-
gitabit non esse olim dedignatum Deum (d)

(a) Parte 4. Quis orandus sit.

(b) Cap. 8. v. 3. Vide etiam cap. 20. v. 6.

(c) Concil. Trid. Sess. 25. de Invoc. &c.

(d) Vide 1. Reg. 9. v. 19. 4. Reg. 6. v. 12, omnesque Prophetas.

Prophetis adhuc dum in hac terra viventibus, non modò res occultas, sed etiam longo post tempore futuras revelare.

Q. 5. *At nonne saltem Sanctorum ille cultus Mediatori Dei & hominum Christo Jesu injuriam facit?*

R. Nullo modo: nam ut docet (a) Concilium Tridentinum, ad Sanctorum orationes, opem, auxiliumque confugimus, ob beneficia impetranda à Deo per Filium ejus Jesum Christum Dominum nostrum, qui solus noster Redemptor & Salvator est Nihil niti per unicum Mediatorem Dei & hominum Sancti aut orant aut impetrant: nullam proinde Christo injuriam facimus, sed eum in membris suis electisque amicis honoramus, quando fratres nostros, quos ille ceu primitias cœlo intulit, rogamus ut nobiscum & pro nobis orent communem Deum ac Dominum in nomine communis Mediatoris, à quo est omnis salus & redemptio nostra. Quòd si subindè Sancti vocantur *Mediatores*, id latiori sensu intelligendum, quatenùs nostri sunt apud Deum Patroni, multa nobis ob Christi merita, salutaria bona impetrantes.

Q. 6. *Pugnâtne cum hoc primo Præcepto usus receptus IMAGINUM Christi & Sanctorum?*

R. Prohibet dumtaxat hoc Præcepto Deus (quæ saltem parte ad nos quoque Christianos pertinet) sculptilia & simulacra, quæ adorationis gratiâ à Gentilibus fabricabantur. Illi videlicet ad hæc manuum suarum opera Divinos honores impiâ superstitione transferebant, atque in Idolis spem suam collocabant, cùm igitur receptus Imaginum usus nihil cum ista superstitione communè

(a) Concil. Trid. Sess. 25. de Invoc. &c.

habeat, hoc primo Præcepto Christianis neuti-
quam est interdictus.

Q. 7. *Quid igitur de Imaginum usu docet Ec-
clesia Catholica?*

æ. Imagines Christi, Deiparæ Virginis, & alio-
rum Sanctorum, in Templis præsertim habendas
& retinendas esse, eisque debitum honorem &
Venerationem impertiendam; non quod creda-
tur inesse aliqua in iis Divinitas vel virtus prop-
ter quam sint colendæ: vel quod ab iis sit ali-
quid petendum; vel quod fiducia in imaginibus
sit figenda, velut olim fiebat à gentibus, quæ in
idolis spem suam collocabant: sed quoniam ho-
nos, qui iis exhibetur refertur ad prototypa, quæ
illæ representant: ita ut per imagines, quas os-
culamur, & coram quibus caput aperimus &
procumbimus, Christum adoremus, Sanctos quo-
rum illæ similitudinem gerunt veneremur; id
quod Conciliorum, præsertim verò SECUNDÆ
NICENÆ (a) SYNODI Decretis, contrà Imaginum
oppugnatores est sancitum. Hactenus Conc. Tri-
dent. Sess. 25. de invocat.

Q. 8. *Quæ verò Imaginum utilitas est?*

æ. Doctrina est Concilii Trident. per historias
mysteriorum nostræ Redemptionis, picturis vel
aliis similitudinibus expressas, erudiri & confir-
mari populum in articulis Fidei commemorandis
& assidue recolendis: tum verò ex omnibus sa-
cris Imaginibus magnum fructum percipi, non
solum quia admonetur populus beneficiorum &
munerum quæ à Christo sibi collata sunt, sed
etiam quia Dei per Sanctos miracula & saluta-

(a) Celebratæ an. 787. sub Adriano I. Papa & Constantino
VI. cum matre Irene Imp. contrà Iconoclastas, qui cum Leone
Isaurico Imp. ab an. 723. Imagines oppugnare & confringere
aggredi fuerant.

ria exempla oculis fidelium subjiciantur, ut pro iis Deo gratias agant, ad Sanctorumque imitationem vitam moresque suos componant, excitenturque ad adorandum ac diligendum Deum; & ad pietatem colendam.

Q. 9. *At quid dicendum de imagine Dei Patris aut Spiritus Sancti?*

R. (a) Impium quidem foret, si quis conaretur Divinitatis formam aliquo artificio effingere, quasi corporeis oculis conspici, vel coloribus aut figuris exprimi posset. At nihil contra Religionem Deive Legem admittitur, cum SS. Trinitatis aliqua persona quibusdam signis exprimitur, quæ sive in Veteri, sive in Novo Testamento apparuerunt. Nemo enim tam rudis est, ut illam imagine Divinitatem credat exprimi, sed palam notum est declarari proprietates aliquas aut actiones; quæ Deo tribuuntur: Veluti cum ex Daniële (b) pingitur antiquus dierum in throno sedere, ante quem libri aperti sunt, Dei æternitas & sapientia significatur, quæ omnes hominum & cogitationes & actiones, ut de iis iudicium ferat, intuetur. Itaque quoque cum ex Evangelio Actisque Apostolorum sub (c) *Columbæ* specie, (d) *linguarumque ignearum* Spiritus Sanctus exhibetur, varia illius dona sensibilibus adumbrantur.

Q. 10. *Retine etiam Sanctorum* RELIQUIIS veneratio impenditur?

R. Antiquissimus ab omni ævo fidelium usus est, quem sacrosancta Tridentina Synodus retinendum esse decrevit, ut Sanctorum Martyrum & aliorum cum Christo viventium sancta corpo-

(a) Ex Catechismo Concil. Trid. circa 1. Præceptum Decalogi num. 34. & 36.

(b) Daniël 7. 9. 13.

(c) Matth. 3. 16.

(d) 2. Acton. 1. 3.

ra, per quæ multa beneficia à Deo hominibus præstantur, communi veneratione colantur.

Venerationis ratio est, quodd hæc sacra pignora victimæ olim fuerint Deo per Martyrium aut pœnitentiam immolatæ, viva Christi membra & templum Spiritûs Sancti, atque ab ipso ad vitam immortalem denuò sint suscitanda & glorificanda.

Q. 11. *Quâ compendiariâ ratione demonstrari potest, nihil esse in externo cultu Ecclesiæ Catholice, quod divinæ gloriæ sit adversum?*

Æ. Hæc unâ, res conficitur: quodd totus iste cultus ex mente & doctrina Ecclesiæ, à Deo incipiat & in Deum desinat. Sicut ergo Suprema illa Majestas quantumvis totum humani cordis amorem exigit, minimè tamen indignatur, si proximum propter Deum diligamus: ita quantumvis omnem sibi honorem & gloriam vindicet, neutiquam tamen improbat honorem illum, qui ex divinæ ejus dignitatis intuitu iis impenditur, quos ipsamet honoravit.

C A P U T V.

*De Secundo Præcepto Decalogi: Blasphemiâ:
Juramento, Perjurio, & Voto.*

2. NON ASSUMES NOMEN DOMINI DEI TUI IN VANUM; NEC ENIM INSONTEM HABEBIT DOMINUS CUM, QUI ASSUMPSERIT NOMEN DOMINI DEI SUI FRUSTRÀ.

Q. Uæstio 1. *Quid his verbis prohibetur?*
Æ. Omnis abusus divini nominis, eaque præsertim irreverentia, quæ contrà Supremi Numinis Majestatem committitur à *Blasphemis, Perjuris, & per Deum, Sanctos, vel Sacra temerè jurantibus.*

S

Q. 2. *Quid vero injungitur?*

R. Ut linguam sollicitè refrénantes, ingentem semper Divinò Nomini reverentiam exhibeamus, juramenta servemus, vota Deo facta non violemus, denique Verbum Dei magnâ cum veneratione tractemus.

Q. 3 *Quid autem est BLASPHEMIA, & à quibus admittitur?*

R. Est *Verbum Deo contumeliosum*. Admittitur 1. ab iis, qui cum contemptu aut pertinacia Deo adscribunt aliquid, quod ob infinitam ejus perfectionem illi convenire non potest; ut si quis asserat esse crudelem, auctorem peccati, vel mutationi obnoxium. 2. Ab iis, qui perfectionem aliquam Deo abjudicant; ut si quis neget Deum esse veracem, justum, aut omnipotentem. 3. Blasphemi sunt, qui quod soli Deo proprium est, stultâ adulatione creaturæ tribuunt, ut si quis Regem aliquem vocet omnipotentem. 4. Denique qui in Sanctos contumeliosi sunt, *blasphemis* annumerantur, quia contumelia in Deum ipsum redundat.

Ad primum genus reducitur atrocissima Blasphemiae species, quâ quis infernali proterviâ Deo O. M. malum imprecatur, quasi in naturam illam beatissimam malum cadere posset.

Q. 4 *Estne atrox crimen Blasphemia?*

R. Est utique atrocissimum, & tale ut poenis plerumque visibilibus etiam in hac vita plectatur. Ut cetera exempla taceantur, (a) *Sinnacheribi* Regis Assyriorum blasphemia, in causa exitit, cur ex exercitu ejus unâ nocte centum octoginta quinque hominum millia, Angelo cadente perierint. Vetustæ quoque aliquarum regionum leges justissimè decreverunt, ut Blasphemi lingua

(a) 4. Reg. 18. 7. 35. & cap. 19. 7. 35.

candenti ferro perforetur, labia præcidantur, ipseque deinde in exilium ablegetur. (a) Ultima Narbonensis Synodus Blasphemos excommunicari jubet.

Q. 5. *Estne omne JURAMENTUM, quo Divini Nominis testimonium invocatur, hoc præcepto interdictum?*

R. Nequaquam, nam si Divinum Nomen in testimonium legitime adducatur, non tantum non profanatur, sed etiam solenni Religionis actu honoratur. Etenim advocando Deum in testem veritatis, aut voluntatis implendi promissum, eum profitemur omniscium, omnipotentem, rerum omnium Governatorem, justumque mendacii & scelerum vindicem; quod certè honorificum est, & dignum Deo.

Q. 6. *At nonne saltem Christianis omne juramentum prohibitum est, his Christi verbis: (b) Ego autem dico vobis non jurare omnino.... sit autem sermo vester, est, est: non, non: quod autem his abundantius est, à malo est?*

R. Quod generale interdictum verbis istis minime contineatur, satis id perpetuus Ecclesiæ usus, Sanctorumque exempla demonstrant, præsertim Doctoris gentium Pauli, qui in suis (c) Epistolis Deum aliquoties in testem invocat.

Quod ad Christi verba attinet, cum consuetum esse Judæis per cælum per terram, per sanctam civitatem, per caput suum sine justa necessitate jurare, quasi eo pacto Divinum Nomen non pollueretur, hoc Salvator excludere volens, omne juramentum quâcumque formâ factum, si temerè fiat, illicitum declaravit, nisi necessitas

(a) Celebrata ann. 1609. cap. 8. (b) Matth. 5. v. 34.

(c) Rom. 1. v. 9: 2. Cor. 1. v. 23. Philipp. 1. v. 8.

urget, simplici nos assertionem aut negationem voluit esse contentos, asserens temerariam jurandi consuetudinem à Diaboli instigatione hominumque malitia & incredulitate fuisse profectam.

Q. 7. *Quas igitur conditiones juramentum exigit ut legitimè fiat?*

R. Has tres: *Veritatem, Justitiam & Judicium*, ut ex hoc loco (a) Jeremiæ 4. cap. colligitur: *Jurabis: Vivis Dominus, in veritate, & in judicio & in justitia.*

Si absit *Veritas*, *perjurium* est. Absit autem si quod scitur, aut dubitatur falsum esse, juramento firmetur; vel si desit animus implendi, quod cum juramento promittitur. *Perjuris* insuper reus est, qui promissionem juramento firmatam ultrò violat.

Justitia sive honestas deest, (b) si quis ad perpetrandum malum se juramento obstringat, quod per se non secus ac perjurium grave crimen est, neque ullum obligationis vinculum inducit. Item dum quis sermonem illicitum juramento confirmat.

Judicium verò sive prudentia absit, si absque gravi causa Divinæ Majestatis testimonium invocetur. Quod præcipuè militat contrà impiam illorum consuetudinem, qui penè singulis quas proferunt sententiis, juramentum aliquod ceu sermonis flosculum admiscunt; quo fit ut ex assuetudine verum & falsum indiscriminatim jurare soleant. Ne verò temerariæ (c) jurationi quisquam assuescat, perpetuò meminisse oportet horum verborum: *Nec enim infontem habebit Dominus eum, qui assumpserit nomen Domini Dei sui frustra.*

(a) Jerem. 4. §. 2.
(c) Eccli. 23. §. 9.

(b) Marc. 6. §. 26.

Q. 8. *Quotuplex est Juramentum?*

R. Duplex, contestatorium & execratorium.

Contestatorium est quo Deus simpliciter in testem veritatis vocatur.

Execratorium est quo jurans & Deum in testem vocat, & si fallat, diris se devovet, malumque sibi imprecatur; cujusmodi juramentum in hisce verbis continetur: *Ita me Deus adjuvet, &c.* aliisque similibus.

Utrumque porro vel *assertorium* est præsentis aut præteritæ veritatis, vel *promissorium* futuræ.

Q. 9. *Dictum est supra hoc præcepto injungi ut & vota serventur: quid igitur est VOTUM?*

R. Totum hoc loco nihil est aliud, quàm deliberata promissio Deo facta, de re ipsi grata. Hæc eò potissimum tendit, ut non modò fructus libertatis, sed ipsa etiam radix Divino obsequio consecratur, voluntasque hominis in bono ex se instabilis, felici necessitate firmetur. Sed necesse est, ut promissio sit spontanea, matura ac deliberata, (a) *Displicet enim Deo infidelis & stulta promissio, sed quodcumque voveris redde: multòque melius est non vovere, quàm post votum promissa non reddere.*

CAPUT VI.

De tertio Præcepto Decalogi: MEMENTO UT DIEM SABBATI SANCTIFICES.

Q. *Uæstio I. Quid sibi vult nomen SABBATI?*
R. Hebraïca vox est *Requiem* propriè significans: sed ex usu Veteris Legis *Septimum* hebdomadis diem denotat, quod præcepisset Deus ut eo die Divino cultui singulariter

(a) *Ecclesi. 5. 7. 3. & 4.*

intenti, ab omni opere laborioso quietem Israël agerent; idque ad commemorandam quietem illam, quâ postquam sex diebus Deus universa creaverat, *Septimâ* die novas rerum species producere deliit.

Q. 2. *An ergo hoc Præceptum ad Christianos quoque pertineat?*

R. Præceptum hoc partim *morale* est, partim *cæremoniales*. Quâ parte *morale* est, ad omnes omnium temporum homines pertinet: quâ verò parte *cæremoniales* est, sub Nova Lege neminem obligat.

Q. 3. *Quid autem continet morale, quid cæremoniales?*

R. *Morale* hoc continet, ut iuxta naturalis Legis præscriptum aliqua saltem temporis nostri portio supremi Creatoris obsequio specialiter deputetur, quam in debito Religionis exercitio, Divinarumque rerum meditatione, & beneficiorum grata recordatione transigamus.

Cæremoniales autem est, quod in hanc rem diem quemque septimum designaverit Deus: proinde cessantibus veteris Testamenti Cæremoniis, hæc quoque designatio finem habet, perseverante interim principali illâ obligatione, quæ cum ex naturali jure profluat, à nobis auferri non potest.

Q. 4. *Quis in Sabbati locum sub Novâ Lege dies substitutus est?*

R. Primus cujusque septimanæ dies ex Apostolica traditione successit, quem nos *Dominicum* dicimus, & singulari religione observamus, quod illo Christus à morte revixerit. Cæterum observationi diæi *Dominici*, varii per anni decursum *Dies Festi* Ecclesiastica auctoritate adjuncti sunt, pari religione transigendi.

Q. 5. *Quæ hujus additionis est ratio?*

R. Partim ut statutis diebus præcipua redemp-

tionis nostræ mylleria attentius recolantur : partim ut in Sanctissimæ Matris Virginis, aliorumque Sanctorum memoriâ, suprema Dei bonitas & admiranda potentia celebretur, populusque Christianus ad illorum sequenda veltigia provocetur.

Q. 6. Quid itaque hoc Præcepto Dominicis, Festisque diebus, Christiano homini faciendum injungitur ?

✠. Vult hoc Præceptum, (a) ut dies festiis operibus transigantur : ut animus tunc adit curis vacuus, qui se liberè transferat ad cultum interiorem & exteriorem, Deo in fide, spe, & charitate præstandum. Vult ut expediti divina meditemur beneficia, tractemus sacra, oremus & adoremus Deum tum privatim, tum publicè cum aliis (b) in spiritu & veritate.

Q. 7. Quid autem hoc Præceptum prohibet ?

✠. Prohibet diebus festis laborare, operibus vacare mechanicis, & occupationibus deditum esse profanis : eo nimirum fine ut otio sancto vacemus, adeundo Templum, & audiendo Ecclesiæ Sacrum seu Missam, & statim Concionem, quemadmodum hoc præceptum observare pii consueverunt.

Q. 8. Quænam opera maxime servilia sunt, Festisque diebus præcipuè vitanda ?

✠. Nulla est tam dira servitus, quàm illa quâ servitur peccato atque diabolo ; nulla proinde opera magis servilia, quàm peccata : nam (c) *Qui fecit peccatum, servus est peccati.* (d) Quapropter omni quidem tempore à peccatis abili-

(a) Vide Canisium cap: 3. n. 11.

(b) Joan. 4. 23. (c) Joan. 8. 34.

(d) Vide S. Thom. 2. 2. q. 122. art. 4. ad 3.

nendum est, at præcipuè illo, quod divino cultui singulariùs consecratum est.

Q. 9. *Quò tendunt tria priora præcepta quæ hucusque explicata sunt?*

R. Eò nos instituunt, ut verum sincerumque Deo cultum præstemus, interiorem scilicet & exteriorem, corde, ore, & opere, tum publicè tum privatim.

Reliqua septem quæ deinde sequuntur, præcepta *secundæ Tabule* dicuntur, in hoc addita, ut nostrum ergà proximum officium explicent.

C A P U T V I I.

De quarto Decalogi Præcepto : HONORA PATREM TUUM ET MATREM TUAM UT SIS LONGÆVUS SUPER TERRAM, QUAM DOMINUS DEUS TUUS DABIT TIBI.

Q Uæstio 1. *Quid verbis istis injungitur?*

R. Ut his, qui secundum Deum vitæ nostræ sunt auctores, reverentiam, obedientiam, opemque præstemus: nam ad hæc tria omne ipsis debiti officii genus commodè reduci potest.

Q. 2. *Quam Reverentiam Liberi debent Parentibus?*

R. Eam scilicet ut suæ originis memores, post Deum à parentibus se habere agnoscant quidquid sunt, hancque aded ipsorum excellentiam interiùs exteriùsque venerentur, atque indefessum parentum erga se amorem, sollicitudinem ac vigilantiam, pari dilectione compensent. (a) *Memento quoniam nisi per illos natus non fuisses, & retribue illis, quemadmodum & illi tibi* (b) *Qui verò maledixerit Patri vel Matri, morte moriatur.*

(a) *EccII. 7. v. 10.*

(b) *Exod. 21. v. 17.*

Q. 3. *Quam vero debent filii parentibus obedientiam?*

R. Ut iustæ ac rationabili eorum voluntati lubenti animo obtemperent : dumque parentum gubernationi subsunt, illis insciis & invitis nihil unquam majoris momenti aggrediantur. (a) *Filii obedite parentibus vestris in Domino, hoc enim justum est*, inquit Apostolus ; in quam rem nihil efficacius exemplo Domini nostri Jesu Christi, qui non modo æterno Patri (b) usque ad mortem obediens fuit, verùm etiam (c) Matri ejusque Sponso Josepho, ultrò se subditum præbuit.

Q. 4. *Sed quid si parentes illicita atque injusta præcipiant?*

R. Tunc illa sententia locum habet : (d) *Obedire Deo oportet magis, quàm hominibus.* Itemque Salvatoris : (e) *Qui amat Patrem aut Matrem plusquam me, non est me dignus.* Verùm non facile credi debet parentes injusta præcipere : cavendumque ne juvenilis ætas debito fræno coercita, sibi ipsi hac in parte imponat. Quare nihil hic proprio, at totum prudentis Confessarii judicio tribuat necesse est.

Q. 5. *Quam opem debent parentibus filii?*

R. Ut iis in quavis necessitate versantibus, pro sua facultate subveniant ; quod filiorum erga parentes officium cùm Scribæ ac Pharisei falso pietatis obtentu, perversâque interpretatione subverterent ; (f) à Christo gravissimè reprehensi sunt. (g) *Fili suscipe senectam Patris tui, & non contristes eum in vita illius, & si defecerit sensu,*

(a) Ad Ephes. 6. 7. 1. (b) Ad Philip. 2. 7. 2.

(c) Luc. 2. 7. 51. (d) Act. 5. 7. 29.

(e) Matth. 10. 7. 37. (f) Marc. 7. 7. 13.

(g) Eccli. 3. 7. 14. 15. & 18.

veniam da, & ne spernas eum in virtute tua.....
Quam male famæ est qui derelinquit Patrem, &
est maledictus à Deo, qui exasperat Matrem.

Q. 6 *Cur observationi hujus Præcepti longæ vitæ promissio adjecta est?*

æ. Quia qui pro accepto beneficio se gratum præbet, dignus est cui beneficium conservetur.

Quanti porro facienda sit paterna *benedictio*, ea præsertim quæ à moribundo, obedienti filio impenditur, exemplo (a) Jacobi Patriarchæ & (b) filiorum ejus facile demonstrari potest. *Maledictio* verò quàm sit pertimiscenda, ostendit (c) S. Augustinus exemplo decem fratrum partim ac fororum, quos cùm Cæsarz Cappadociæ post patris obitum injuriis irritata mater diris devovisset, toto corpore tremebundi, ad terrorem cæterorum per orbis Romani Provincias dispersi atque vagati sunt. (d) *Benedictio Patris firmat domos filiorum: maledictio autem Matris eradicat fundamenta.*

Q. 7. *Soline Parentum nomine hoc loco censendi sunt, qui nos carnaliter genuerunt?*

æ. Nequaquam; sed extensione quâdam eo quoque nomine comprehenduntur omnes, qui dignitate & potestate præcellentes aliquid ad vitæ nostræ regimen sive in politicis sive in Ecclesiasticis contribuunt. Inter quos tamen præcipui sunt, qui ad æternam vitam suâ gubernatione nos dirigunt, vel excolendo animo nostro, utilibusque disciplinis & monitis imbuendo, sedulam curam impendunt.

Q. 8. *Quid generatim Superioribus debent subditi?*

æ. Idem ferè quod parentibus, *Reverentiam*

(a) Gen. 27. v. 28. & seqq: (b) Ibidem cap. 49.

(c) S. Aug. lib. 22. de Civit. Dei. c. 8. (d) Eccl. 5. v. 11.

erga eorum dignitatem & præcellentiam : *Obedientiam* in licitis & honestis, quæ ad illorum munus pertinent : *Opem* denique & subsidium, ut nempe Prælati Ecclesiasticis decimas, oblationes, cæteraque quæ iis in sustentationis stipendium assignata sunt, fideliter solvant : Principibus verdè sæcularibus & magistratibus debita tributa minimè subtrahant. (a) *Obedite præpositis vestris, & subjacete illis* : ipsi enim pervigilant, quasi rationem reddituri pro animabus vestris. (b) *Reddite ergo omnibus debita, cui tributum, tributum* : cui *vectigal, vectigal* ; cui *timorem, timorem* : cui *honorem, honorem*.

Q. 9. *Quid Discipuli Magistris, & quid vicissim Magistri discipulis præstare debent ?*

R. Discipulorum erga Magistros officium est, ut eos ceu parentes diligant, honorent atque suscipiant. Tum præterea in rebus quæ ad suam institutionem & profectum pertinent, præceptoribus sedulo ac libenter obtemperent.

Magistrorum autem officium est discipulos ut filios diligere, ad imbecilium captum sese inclinare, nimium delectum, singularitatem & personarum acceptionem cavere, non solum doctrinâ sed morum quoque honestate & exemplo præire, doctrinam suam omnem ad Fidei Catholicæ Regulam morumque honestatem accuratè semper erigere, vitia denique non dissimulare, sed rigore mansuetudine temperato disciplinæ vigorem conservare.

Q. 10. *Quodnam est officium famulantium erga Dominos, & quod vicissim Dominorum erga famulantes ?*

R. Famulantium officium his verbis Apostolus expressit : (c) *Servi obedite Dominis carnalibus,*

(a) Heb. 13. v. 17. (b) Rom. 13. v. 7. (c) Ephes. 6. v. 5.

cum timore & tremore, in simplicitate cordis vestri sicut Christo: non ad oculum servientes, quasi hominibus placentes, sed ut servi Christi, facientes voluntatem Dei ex animo, cum bona voluntate servientes, sicut Domino & non hominibus scientes quoniam unusquisque, quodcumque fecerit bonum, hoc recipiet à Domino, sive servus, sive liber.

Officium autem Dominorum illis verbis exposuit: (a) *Et vos Domini eadem facite illis, remittentes minas, scientes quia & illorum & vester Dominus est in cœlis, & personarum acceptio non est apud Deum.*

Q. II. *Quæ denique sunt officia parentum erga filios?*

æ. Prima parentum cura sit ut proles feliciter nascatur. Proxima ut per lavacrum regenerationis feliciter renascatur. Vigilandum deinde ne tenella ætas incaute suffocetur, nevé aquâ, igne, vel simili casu pereat, mutiletur, aut deformetur. Matres quoque proprio, si fieri potest, non extraneæ nutricis lacte prolem alere, tum naturali jure, (b) tum Ecclesiasticorum Canonum Sanctionibus admonentur: etenim recta filiorum indoles alieno lacte sæpissimè depravatur, & naturalis in parentes amor non parùm degenerat & flaccescit.

Quando jam proles adolescit, parentum officium est, ut statim Fidei morumque Christianorum præcepta per se aut per Pædagogos, teneris mentibus insinuent: Dei timorem & amorem, rerumque cœlestium desideria instillent: ea quæ ad victum pertinent juxta statûs sui conditionem subministrent. Hereditatem denique competentem relinquunt, aut artem licitam edocendos curent, quâ vitam honestè transigere possint.

(a) Ephos. 6. 7. 9.

(b) Dist. 5. cap. 4. Ad ejus.

CAPUT VIII.

De quinto Decalegi Præcepto : NON OCCIDES.

QUæstio 1. *Quid hoc Præcepto primariò prohibetur?*

1. Injusta quælibet hominis occisio. Quod verò ad plantas & animalia bruta attinet, (a) *Manichæorum* insania fuit horum esse illicitam cædem aut destructionem; cum propter homines creata, (b) ipsisque à Creatore in cibum concessa sint.

Interim immodica adversùs animantia bruta crudelitas, truculenti animi indicium, quoddamque contra homines sævitæ tirocinium est. (c) *Novit justus jumentorum suorum animas, viscera autem impiorum crudelia.*

Q. 2. At quando hominis occisio injusta est?

1. Quoties deliberato proposito absque legitimâ auctoritate peragitur. Quod si hæc adsit, innoxia erit cædes, Deo, qui vitæ & necis Dominus est, casus istos suâ lege non complectente. Quapropter neque in bello justo, hostium injusta occisio est, neque in Republicâ, malefactorum, qui legitimâ Principum & Magistratum auctoritate plectuntur, ad nocentium terrorem, & innocentium securitatem. (d) *Maleficos non patieris vivere.*

Q. 3. Cur additum est : deliberato proposito?

1. Quia culpâ vacat, si fortuito casu fiat sine malignitate & negligentia committentis. Quod *S. Thomas* (e) ad eum quoque extendit, qui in-

(a) Vide *S. August.* lib. 2. de morib. *Manich.* cap. 15. &c.

(b) 1. *Tim.* 4. v. 4. (c) *Proverb.* 12. v. 10.

(d) *Exod.* 22. v. 18.

(e) *S. Thom.* 2. 2. q. 64. art. 7. Q.

justum vitæ invasorem, à quo in certissimum vitæ discrimen iniquissimè adductus est, dum se necessariâ defensione tuetur, *præter intentionem* occidit. Res interim controversa est.

Q. 4. *Complectiturne injulta occisio illam etiam qui quis sibi vitam eripit?*

R. Omnino complectitur: neque enim propriæ magis quàm alienæ vitæ quisquam dominus est. Impius ergo est, quisquis injussu Summi Imperatoris ex hujus vitæ statione discedit. Quare si Sancti aliqui mortem tibi conscivisse legantur, (a) id latenti spiritus illius instinctui tribuendum est, qui per eos miracula faciebat.

Q. 5. *Estne homicidium grande peccatum?*

R. Gravissimum est, & severissimè tum in hoc sæculo tum in futuro puniri. (b) Ex Sacris Literis luculenter ostenditur. Et sanè homicidio ille destruitur propter quem conditus est orbis terrarum, ipsaque immensa Dei Majestas in sua quodammodò imagine violatur. Quare gravissimis verbis Deus edixit: (c) *Quicumque effuderit humanam sanguinem, fundetur sanguis illius: ad imaginem quippè Dei factus est homo.*

Q. 6. *Quid præter homicidium seu externam cædam hoc quinto Præcepto prohibetur?*

R. Prohibetur insuper omnis iniqua violentia, qua corpus & vita proximi læditur. Ita deindè, odium, invidia, rancor, indignatio, & quivis interni affectus ad proximi læsionem animum impellentes. Memorabilis est S. Joannis sententia: (d) *Omnis qui odit fratrem suum, homicida est: difficile enim est ut quem quis oderit, non oportet extinctum.*

(a) Vide S. August. lib. 1. de Civit. Dei cap. 21.

(b) Gen. 4. 7. 10. & seqq. &c. (c) Gen. 9. 7. 6.

(d) 1. Joann. 3. 7. 15.

Q. 7. *Quid à nobis hoc quintum Præceptum exigit?*

Exigit animi mansuetudinem, humanitatem, elementiam, comitatem ac beneficentiam: nimirum ut injuriarum facilè obliviscamur, nec vindictam exspectamus, sed ità condonemus invicem offensas, (a) sicut in Christo Deus condonavit nobis. Omnem sibi vindictam, nisi quæ in malefactores publicâ auctoritate decernitur, reservatam Deus voluit: (b) *Mibi*, inquit, *vindicta*; & *ego retribuam*. Et Salvatoris vox est: (c) *Discite à me quia mitis sum & humilis corde*. (d) *Diligite inimicos vestros, benefacite his qui oderunt vos: & orate pro persequentibus & calumniantibus vos, ut sitis filii Patris vestri qui in cælis est, qui solem suum oriri facit super bonos & malos, & pluit super justos & injustos. Si enim diligitis eos, qui vos diligunt, quam mercedem habebitis? Nonne & publicani hoc faciunt? Et si salutaveritis fratres vestros tantum, quid amplius facitis? Nonne & ethnici hoc faciunt?*

Q. 8. *Cum ex invidia odium, ex odio homicidium consequatur, quid de invidia censendum est?*

æ. Crimen esse non parùm execrandum, si in re magnâ versetur, atque ex animo deliberato procedat; nam præterquam quod ab omni charitate & humanitate remotum est, homines etiam dæmonibus per similes reddit. (e) *invidia enim diaboli mors introivit in orbem terrarum, imitantur autem illum qui sunt ex parte illius*. Sed justo Dei judicio suum sibi supplicium est invidia, quæ ex alienæ felicitatis intuitu, invidentis animum indefinenter excruciat.

(a) Ephes. 4. v. 32.

(b) Heb. 10. v. 30.

(c) Matth. 1. v. 29.

(d) Matth. 5. v. 46. & seqq.

(e) Sap. 2. v. 24. & 25.

Q. 9. *Quibus præcipue considerationibus sibi quisque persuadere poterit, ut injurias contemnat, suosque etiam inimicos diligat?*

Deo aspirante utiles esse poterunt hæ sequentes.

1. Christianæ vocationi nihil esse tam adversum, quam iram, odium, invidiam, cæteraque hujusmodi, quibus & mutua dilectio & humana societas temeratur. (a) *In hoc cognoscent omnes*, inquit benignissimus Salvator, *quod discipuli mei estis, si dilectionem ad invicem habueritis*. Si quæ ergo (b) radix germinare incipiat, conficiantur oculi (c) in Auctorem fidei nostræ & consummatorem Jesum, qui in cruce pendens, quod verbis pridem docuerat, re complevit, quando pro suis ipse crucifixoribus (d) Deum Patrem deprecatus est.

2. Memorem esse oportet, ut nullum est excelsi animi majus indicium, quàm contemnere injurias. quibus utique plus sibi quàm nobis nocuit, qui intulit; ita nihil esse animi tam abjecti, atque ignavi, quàm privatas injurias persequi.

3. Eisdem omnes origine sati, eundem habemus Creatorem ac Patrem, ejusdemque Salvatoris sanguine redempti sumus, qui ut essemus omnes unum, sicut Ipse & Pater unum sunt, (e) pridem mortis suæ Patrem oravit. Una quoque nobis omnibus communis est Mater Ecclesia, in qua uno regenerationis lavacro abluti, eodem salutifero pane vescimur, ad eandem vocati beatitudinem & felicitatem sempiternam.

4. Hujus felicitatis suavissima quædam prægu-

(a) Joann. 19. v. 35. (b) Heb. 12. v. 15.

(c) Ibid. v. 2. (d) Luc. 23. v. 34. (e) Joan. 17. v. 22.

statio per

Ratio per magnam viræ tranquillitatem in nobis nascitur, dum excello animo injurias contemnimus & libenter condonamus; ex ipsâ autem, odio & contentione incredibilis totius hominis perturbatio, perpetua cordis convulsio, & funesta quædam infernalium suppliciorum prælibatio, proficisci solet.

CAPUT IX.

De Sexto Præcepto : NON MOECHABERIS.

QUæstio 1. *Quid hisce verbis primariò prohibetur?*

✠ Adulterium, deindè quævis alia fornicatio, omnisque impura libido externo opere consummata.

Q. 2. *Quid præterea?*

✠ Prohibentur insuper omnia quæ luxuriam, carnisque libinem irritare ac fovere nata sunt, ut verba obscæna, cantilenæ inhonestæ, aspectus, tactus, gestusque impudici.

Q. 3. *Suntne hæc omnia gravia peccata?*

✠ Quidquid animo satis deliberato hac in parte admittitur, gravi culpâ vacare non potest. Non tamen omnia sunt æquè gravia, sed inter varias luxuriæ species dantur quidam veluti malitiæ gradus, ità ut una sit longè execrabilior alterâ; & quidem inter ceteras abominandæ turpitudinis species, non infimum locum tenent peccata quædam occulta & *muta*, quæ sine teste & arbitro, sed non sine grandi flagitio perpetrantur, in oculis ejus, qui scrutatur corda & renes, & occulta considerat. (a) *Nemo vos jeducat inanibus verbis, propter hæc enim venit ira Dei in filios diffidentie.*

(a) Ephes. 5. 7. 6.

Ceterum monet Apostolus, (a) ab omni hac spurcitiâ tam alienos esse oportere Christianos, ut si fieri potest, ne quidem audiat aliquando nominari ex ore nostro, ne fortè (quod proclive est in hujusmodi vitiis) ex ipso auditu concepta cogitatio carnem commoveat ad concupiscendum.

Q. 4. *Quid de peccatis libidinis eorumque gravitate & pernicië Sacre Littere commemorant?*

✠. Nihil istic tam perspicuum est, quàm ea omnia purissimis Dei oculis vehementissimè displicere. Hæc enim (b) universale *Diluvium* provocant: hæc cœlestem ignem attraxerunt (c) quo *Sodomorum Gommororumque* oppida, tremendo posteris exemplo in cineres favillasque conversa sunt: hæc causam præbuere, (d) cur pœnè ad internecionem Tribus *Benjamin* deleta fuerit. De his denique Dei nomine pronuntiat Apostolus: (e) *Nolite errare, neque fornicarii... neque adulteri, neque molles, neque masculorum concubitores.... regnum Dei possidebunt.* (f) *Fornicatores enim & adulteros judicabit Deus.* Quapropter tremendum vix imminet Christianis, qui non verentur coram Deo & Angelis ejus foedâ se libidine contaminare, postquam (g) corpora membraque eorum Spiritui Sancto, & Christo Domino veluti templa pura in Baptismate consecrata sunt.

Q. 5. *Quæ mala adfert libido?*

✠. Sapientes amentes, & homines pœnè pecudes facit: corpus effœminat, in tabem ac putredinem resolvit, vivumque cadaver efficit. Ani-

(a) Ephes. 5. v. 3. (b) Gen. 6. v. 5.

(c) Gen. 19. (d) Judic. 20.

(e) 1. Cor. 6. v. 9. (f) Heb. 13. v. 4.

(g) 1. Cor. 6. v. 15. & 19.

nam coelo natum, in cœnum & lutum depri-
mit : nihil altum, sublime, generosum, serium
& se dignum cogitare finit ; ad cætera omnia
vitia gradum ac præcipitium facit. Quod præter
innumera alia, (a) Davidis & (b) Salomonis
exempla luculenter ostendunt. Ingenium, memo-
riam, & omnes animi facultates obnubilat, ex-
cæcat & obbrutescere facit. Hinc rebus magnis,
Reipublicæ Regimini, imò propriæ familiæ ad-
ministrandæ inutiles plerumque sunt ac inidonei,
qui vitiis carnis immerſi ſunt.

Q. 6. *Quid sextum præceptum à nobis exigit ?*

✱. Requirit *fidem* inviolabilem in conjugio :
plenam deinde *pudicitiam*, tùm cordis in cogita-
tionibus & desideriis, tùm corporis in lingua,
facie, oculis, auribus, tactu, atque in omni de-
mum habitu cultuque exteriori : ut ſive ſoli,
ſive cum alijs vivamus, non modò luxur & in-
temperantiæ notam effugiamus, verùm etiam mo-
deſtiam, frugalitatem, continentiamque ſedulò
exerceamus.

Q. 7. *At verò quomodo id inter tot tantæque
illecebras conſequi poterimus ?*

✱. Nemo ſuis viribus tutus eſt : ſed (c) qui ex
nobis ipsis nihil poſſumus, confortante Deo poſ-
ſumus omnia. Itaque ante omnia in ſinum ſe di-
vinæ protectionis abjiciat, qui caſtitem ſervare
voluerit illibatam. Gula deinde Luxuriæ Mater,
abſtinentiâ & moderatâ victûs ratione frænanda
eſt. Liberior cum ſexu diſpari conſuetudo, cu-
rioſior aſpectus, ſaltationes & tripudia, fermo-
nis, cantûs librorum atque imaginum obſcœni-
tas, non ſecûs ac pernicioſa quædam lues, fu-
gienda ſunt. Turpium cogitationum principiis ita

(a) 1. Reg. 11. 7. 15. (b) 3. Reg. 11. 7. 4.

(c) Philp. 4. 7. 13.

obstistendum, ut sine mora mens aliò convertatur : castissimæ Dei Genitricis patrocinium imploretur : adjungatur futuri judicii viva repræsentatio : frequens denique ac devotus pœnitentiæ & Eucharistiæ Sacramentorum usus, quo remedio nullum est ad restinguendum libidinis ardorem, potentius atque salubrius.

C A P U T X.

De GULA, ejusque Remediis.

CUm tanta sit *Gulam* inter & *Luxuriam* conjunctio, ut hæc ex illa plerumque nascatur, non importunum erit hoc loco de *Gula* tractare.

Q. 1. *Quid est GULA?*

Æ. Jam suprâ dictum est, esse inordinatam & intemperantem cibi potusque appetentiam.

Q. 2. *Quæ ejus species principales?*

Æ. *Crapula* & *Ebrietas*.

Crapula nomine immoderata cibi potusque ingurgitatio denotatur, *abstinentiæ* virtuti contraria.

Ebrietas verò est violenta privatio usus rationis largiori potatione procurata : hæc virtuti *Sobrietatis* adversa est.

Q. 3. *Quid de utraque in Evangelio expressum est?*

Æ. Extant hæc memorabilia Christi verba : (a) *Attendite autem vobis, ne fortè graventur corda vestra in crapula & ebrietate, & curis hujus vite : & superveniat in vos repentina dies illa. Quibus verbis id indicatur, infelicem esse sortem eorum hominum, qui epulis unicè vinoque intenti, (b) ducunt in bonis dies suos, & in puncto ad inferna descendunt.*

(a) Luc. 21. 34.

(b) Job. 21. 13.

Q. 4. *Quinam isti sunt, in quos ob Crapulam suprema illa dies repentina superveniet?*

R. Si nempè, qui finem in deliciis cibi & potûs constituentes, ventris causâ omnia faciant, ita ut Apostolicâ phrasi (a) venter ipsis pro Deo fit.

Q. 5. *Quibus autem indiciis dignosci poterit sitim aliquis tam perniciosæ GULÆ obnoxius?*

R. Si ob Gulæ voluptatem aliena surripiat, iusta debita non persolvat, Ecclesiastica jejunia violet; si ex cibi potusque abundantia ad turpia concitari & plerumque consentire se noverit, nec tamen Gulam frænare decernat: si per intemperantiam, corporis valetudini grave nocumentum inferat, ac præsertim per fervidiorem potum lentâ se tabe consumat: denique quisquis habet Crapulâ cor ita prægravatum, ut vel generalia hominis Christiani munia, vel peculiaris statûs aut conditionis officia enormiter negligat, in statu damnabili ultrò perseverat.

Q. 6. *Quid jam de EBRIETATE censendum, estne per se grave peccatum?*

R. (b) Certum est mortalis peccati reum esse, qui sciens ac volens *Ebrietatem* contrahit; quod is facit qui animadvertens potum immoderatum esse & rationis usum paulatim evertere, non vult tamen potandi finem facere & abstinere. Id apertè declarat Apostolus, cùm inter cætera peccata, quæ à regno cœlorum excludunt, *Ebrietatem* quoque recenset: (c) *Ebrietates, commessiones, & his similia: quæ prædico vobis sicut prædixi, quoniam qui talia agunt regnum Dei non consequentur.*

(a) Philip. 3. 19. (b) S. Thom. 2. 2. q. 150. art. 2. O.

(c) Galat. 5. 21.

Q. 7. *Quâ in re iſta Ebrietatis malitia, ſedi-
taſque conſiſtit?*

✠. Naturam rationalem graviffimè dedecet, quod quis abundantiori potu rationis uſu, uten-
dique poteſtate ſe privet; quippe qui id ſibi bo-
num per viam auferat, quo ſolo animantia bru-
ta præcellit, ſequè in eam neceſſitatem ultrò con-
jiciat, ut mente ſepultâ, ſoli ſine rectore ſenſus
vigilent, ad omne flagitium tunc ſponte propen-
ſi. Denique de Ebrioſo veriſſimè iſta Pſalmi ſen-
tia uſurpari poteſt (a) *Homo cum in honore eſſet,
non intellexit; comparatus eſt jumentis inſipienti-
bus, & ſimilis factus eſt illis*: imò belluis ipſis
abjectior redditur, quæ naturali ſaturitate con-
tentæ, præſcriptos à natura limites vix excedunt.

Q. 8. *Unde ergo fit ut tam leve apud multos
reputetur Ebrietatis peccatum?*

✠. Partim ex vehementi multorum ad hoc
malum propenſione, quam mirificè adauget in-
veterata conſuetudo, partim ex multitudine de-
linquentium, quæ ſuo plerumque exemplo juſtum
peccatati horrorem primùm imminuit, ac dein-
de ſenſim extinguit (b) “Sed væ peccatis homi-
num, qui ſola inuſitata exhorreſcimus, unitata
verò pro quibus abluendis filii Dei ſanguis ef-
fuſus eſt, quamvis tam magna ſint, ut omni-
nò contrà ſe claudifaciant regnum Dei, ſæpè
videndo, omnia tolerare, ſæpè tolerando, non-
nullâ etiam facere cogimur.”

Q. 9. *Quid ſtatnuendum de conſuetudine ſe mu-
tuò provocandi ad æquales hauſtus?*

✠. Si quis urbanitatis limites prætergreſſus alios
urgere pergat, etiam poſtquàm propinquum Ebrie-
tatis periculum animadvertit, à gravi culpâ ex-

(a) Pſal. 43. v. 13.

(b) S. Aug. Enchirid. c. 80.

cusari nequaquam potest : quin & assiduis robustisque potatoribus graviter interminatur Prophetæ : (a) *Vae qui potentes estis ad bibendum, & viri fortes ad miscendam ebrietatem*

Q. 10. *Quid homini guloso aut ebrioso potissimum agendum incumbit, ut aspirante Dei gratiâ à prava consuetudine liberetur?*

R. 1. Serio attentèque expendat illa Spiritûs Sancti oracula, quibus guloli & ebriosi gravissimè perstringuntur, quæ suprâ ex parte prolata sunt.

2. Perversam consuetudinem, cum sincero emendationis desiderio identidem detestetur, convertens mentis oculos in Christum Redemptorem, qui in terris constitutus famem sitimque perpeti, & jam morti proximus aceto ac felle potari voluit, ut nostram intemperantiam expiaret, nobisque donum temperantiæ mereretur.

3. Omnî studio vitandum est, quidquid his vitii occasionem dedit, ac præcipuè declinanda intemperantium hominum & potatorum societas, qui ad æquales haustus provocare solent, & potitandi finem facere nesciunt. (b) *Noli esse in conviviiis potatorum.* (c) *Sobrii estote & vigilate, quia adversarius vester diabolus, tamquam Leo rugiens circumis quarens quem devoret.* (d) *Luxuriosa res est vinum & tumultuosa ebrietas : quicumque his delectatur non erit sapiens.* Qua in re nota est S Hieronymi sententia : Numquam ego ebriosam hominem castum putabo.

(a) Isai 4. v. 22.

(b) Proverb. 23. v. 20.

(c) 1. Petr. 5. v. 3.

(d) Proverb. 20. v. 1.

C A P U T X L

De septimo Decalogi præcepto : NON FURABERIS.

Questio 1. *Quid generaliter hoc præcepto interdictum?*

R. Prohibetur omnis rei alienæ illicita contrectatio, usurpation, atque detentio, per furtum, rapinam, usuras, lucra injusta, dolum malum, & quosvis contractus iniquos, quibus fraternæ charitas læditur, proximusque fraude circumvenitur.

Q 2. *Quid est FURTUM, quatenus à Rapina distinguitur?*

R. Est injusta & occulta rei alienæ contrectatio eo invito, ad quam rei dominum non pertinet. In eo differt à Rapina, quod hæc sit manifesta & violenta alienæ rei contrectatio, sciente & invito Domino.

Q 3. *Recense præcipua hominum genera, qui ob fraudulentam alienæ ei contrectationem Furti rei sunt.*

R. 1. Fraus omnis quæ in *Emptionibus* & *Venditionibus* cæterisque hujusmodi contractibus admittitur, ad furtum pertinet: sive merces vitiosæ vendantur pro integris, aut suprâ justum pretium: sive mensura aut statera dolosa adhibeatur (a) *Statera dolosa abominatio est apud Dominum.*

2. Furti rei sunt *operarii*, qui mercedem integram pro dimidiata aut negligente admodum opera deponunt.

3. *Reipublicæ* deinde aut *juventutis Rectores*, ac disciplinarum omnium *Magistri*, qui publicis

(a) Proverb. 12. v. 1.

stipendiis aut mercede fruuntur, neque interim sui muneris partes diligenter adimplent.

4. *Filii Familias*, qui à parentibus occultè surripiunt vel altu doloque emungunt, quod in commensationes, lusus aut scortationes effundant.

5. *Famulantes* qui ab heris suis clanculò nonnulla subducunt, (a) etiamsi id faciant prætèstu compensandæ operæ suæ, quam majorem jodicant salario quod recipiunt.

6. Qui, cum non egeant, ementitâ mendicitate quod veris pauperibus destinabatur, emungunt.

7. Qui monetam publicam abradunt aut adulterant, in quos Respublica gravi supplicio merito animadvertit.

8. Deniquè universim omnes, qui fraude ac dolo ab ignorante, justèque invito Domino quidpiam extorquent, aut iniquè detinent.

Q. 4. *Recense similiter nonnulla hominum genera qui ob injuriam, violentiæ æquiparandam, Raptoribus accensendi sunt.*

1. *Raptores* sunt qui vi aut malis artibus mercedem operariorum defraudant. Quod quidem crimen aded exosum est Deo, ut (b) vindictam in cælum clamare dicatur.

2. Qui decimas & justa tributa pendere detrectant.

3. *Principes & Toparchæ, Duces militum & Governatores*, qui vel iniqua vectigalia injustaque onera imponunt, vel quovis modo indebitas à subditis contributiones extorquent.

4. *Iniqui judices*, ceterique apud judicum tribunalia laborantes, qui muneribus excæcati, optimas miserorum causas evertunt.

(a) Prop. 37. inter 65. Innoc. XI.

(b) Jacob. 5. 7. 4. Deut. 24. 7. 15. Lev. 19. 7. 13. Tob. 4. 7. 15.

5. Qui frumentorum suppressione annonæ caritatem inducunt; vel aliter iniquis *Monopoliis* Rēpublicæ gravamen adferunt.

6. Qui in creditorum fraudem, foro cedunt.

7. Qui nimiam daritiæ & immiti severitate, debitores pauperes propemodum excoriant.

8. *Feneratores* illi sive *Usurarii* qui ex pecunia mutuo data lucrum captant, atque omnes denique qui per apertam viam à quocumque iniquè aliquid auferunt.

Q. 5. *Estne ergo Usura illicita?*

✠. Prorsus omni jure interdictum est ex pecunia mutuo data, lucrum captare. Si sine tuo damno petenti mutuum succurrere possis ac velis, gratuitè facias necesse est, ne alioquin ex re aliena lucrum facias, nempe ex pecunia, cujus per contractum mutui plena potestas atque dominium transfertur in alterum (a) *Mutuum date*, inquit Christus, *nihil inde sperantes*. Apud *Ezechiēlem* (b) autem *usura* inter detestanda crimina recensetur, quæ qui fecerit *morte morietur*, & *sanguis ejus in ipso erit*, id est, damnationi spontè se reddet obnoxium.

Q. 6. *Cum multa sint pallia, quibus usuræ feditas & injustitia velari solent, quæ Regula sequenda est, ut detracto facto latens usura facilius detegatur?*

✠. Quisquis alteri pecuniam tradit eo pacto, ut vel ad libitum, vel certè ad constitutum tempus repetere possit, atque interim præter sortem percipiat aliquid, quod pretio æstimari solet, non alio titulo quàm quod in alterius commodum pecunia concessa fuerit; quocumque demùm nomine contractus nuncupetur, *mutuum* cum illicito *scenore* dedisse convincitur.

.. (a) Luc. 6. 35. (b) Ezech. 18. 13.

Q. 7. *Estne furtum item Rapina grave peccatum?*

✱. Prorsus utrumque *per se* est peccatum mortale, nisi res ablata sit admodum levis & exigui valoris : nam Apostolo teste, (a) *Neque fures..... neque rapaces regnum Dei possidebunt.*

Quæ porro quantitas ad furtum mortale præcisè requiratur ac sufficiat, incertum est : quamquam inter omnes convenit paucos florenos sufficere. Quo major debet esse omnium sollicitudo ut vel à minutis furtis abstineant, maxime cum hæc in parte non tam res quæ aufertur, quam animus furantis reum quemque coram Deo constituat. Quare qui furtis quantumvis minoris paulatim ditescere, vel ad summam notabilem pervenire contendit, mortali peccato jam inde obstrictus est.

Q. 8. *Visum est quid hoc septimo, præcepto prohibeatur, dic jam quid à nobis exigat.*

✱. Exigit, ut in omni commercio atque negotio, humanæ societatis jura inviolatâ æquitate ferventur, proximique utilitas, sicubi sese offerat occasio, ope nostrâ promoveatur. Quod quidem facile unusquisque perficiet, si menti altè insculptam gerat, istam æquitatis & dilectionis Regulam : (b) *Omnia quæcumque vultis, ut faciant vobis homines, & vos facite illis.*

CAPUT XII.

De RESTITUTIONE ob Furtum & Rapinam.

Q. Uæstio 1. *Quanam obligatio Furto & Rapinæ cæterisque injustitiæ generibus individuali se connexa est?*

(a) 1. Cor. 6. 7. 10. (b) Matth. 7. 7. 12.

R. Obligatio restituendi quod ablatum est, & reparandi damnum quod illatum est Celebris est sententia S. Augustini: (a) Si res aliena propter quam peccatum est, reddi potest & non redditur, pœnitentia non agitur, sed fingitur: si autem veraciter agitur, non remittitur peccatum, nisi restituatur ablatum.

Q. 2. Ex solame injustitia hæc obligatio nascitur?

R. Non; verum eidem obligationi obnoxius est quisquis rem alienam, tametii sine injuria possidet, aded ut vero illius Domino reddenda sit, ubi ille innotuerit. Hinc duo in scholis statuuntur tituli ad Restitutionem obligantes, injustæ acceptionis, & rei acceptæ.

Q. 3. Quid faciendum illi qui rem aliquam non ita pridem perditam invênit?

R. Sedulam diligentiam adhibere debet, ut illius verum Dominum deprehendat, remque illi integram restituat: alioquin nota est S. Augustini sententia: (b) Si quid invenisti, & non reddidisti, rapuisti.

Quod si post debitam inquisitionem, justamque temporis moram, Dominus rei nullo modo innotescat, id quisque velle censendus est, ut res amissa cedat in pauperum, aliosve pios usus, in quos proinde justâ cum cautelâ expendenda erit. Atque idem servandum erit, quoties aliquis sibi conscius rem alienam à se possideri, nescit interim cui restituenda sit.

Q. 4. Extra hunc casum incertitudinis, cui restitutio facienda est?

R. Illi ipsi ad quem res noscitur pertinere, vel si vitâ functus sit, legitimo heredi ejus Ne-

(a) Epist. 54. nunc 171. ad Macedonium.

(b) Serm. 178. vel 19. de Verbis Apostoli cap. 6. Deut. 22. §. 2.

mo ergo eximitur à restitutionis onere sese liberum fore, si quod novit hujus aut illius esse, in eleëmofynas distribuerit. Non enim de alieno, sed de proprio, liberalitas exercenda est.

Q. 5. *Quo tempore Restitutio facienda est?*

R. Quamprimum fieri potest, ne alioquin voluntariâ, in iniqua rei alienæ detentione, animus perseverans, majoris indies in proximum injuriæ reus fiat.

Q. 6. *Soline illi qui per se damnum atque injuriam intulerunt, ad restitutionem obligantur?*

R. Præter illos obligantur etiam, quicumque ad inferendum proximo nocumentum operam contulerunt, illiusve quovis modo causa extiterunt. Hi verò memoriæ causâ, vulgaribus istis versibus exprimi solent:

Fussio, Consilium, Consensus, Palpo, Recursus, Participans, Mutus, non Obstant, non Manifestans.

Id est, qui jubendo, consulendo, consentiendo, adulando, receptando, participando, vel negligendo impedire aut revelare, cum ad id ex officio aut ex contractu teneretur, in alienum damnum *influit*, is deficiente *principali*, suo ordine ad damni reparationem obstrictus est; imò *jubens*, utpote principalis, ad eam primo loco obligatur.

Q. 7. *Quid si res quæ furto ablata est, perierit?*

R. Ne sic quidem à restitutionis onere fur eximitur: tunc quippe pretium rei æquivalens restituendum est, unâque reparandum, quidquid dominus rei eâ occasione damni sustinuit.

Q. 8. *Sed quid si damnum datum, defectu facultatum, reparare nequeat qui intulit?*

R. Si totum nequeat, saltem partem restauret: si ne hoc quidem possit, seriam equidem habe-

re debet restituendi voluntatem, si unquam adsit opportunitas.

Cæterum restitutionis obligatio faciliè incurritur, sed ægrè & rarè admodum, sicut oportet, impletur : quippe non minor esse solet retinendi cupiditas quàm acquirendi : ut vel ex hoc capite omnis injustitia vehementer fugienda sit.

Q. 9. *Ex quâ radice prodire solet furtum, rapina, & reliqua in rebus alienis injustitia?*

✱. Interdum quidem ex malignâ in proximum voluntate, quæ in ejus malis exultat : sed plerumque procedit ex avaritia perversa illa atque immoderata divitiarum cupiditate, quem (a) radicem omnium malorum vocat Apostolus. Morbus est admodum frequens, sed à paucis agnitus, eoque periculosior quò latentius irrepit sub prætextu necessitatis, sive præsentis sive futuræ; magnam interim animo perniciem adferens, domum terræ affigit, (b) sementumque verbi Dei suffodiat. Quæ causa est cur tam sollicitè Dominus moneat : (c) *Videte & cavete ab omni avaritia.* (d) *Nam qui volunt divites fieri, (id est, quibus semel animo destinatum est quovis modo ditescere) incidunt in tentationem, & in laqueum diaboli, & desideria multa, inutilia & nociva, quæ mergunt homines in interitum & perditionem.*

Radix enim omnium malorum est cupiditas.

Q. 10. *Quid facito opus ut hæc funesta radix tempestivè refecetur?*

✱. Considerandum seriò id quod ait Apostolus : (e) *Nihil intulimus in hunc mundum, haud dubium quod nec auferre quid possumus : habentes autem alimenta & quibus tegamur his contenti si-*

(a) 1. Tim. 6. §. 10.

(b) Matth. 13. §. 3.

(c) Luc. 12. §. 15.

(d) 1. Tim. 6. §. 10.

(e) 1. Tim. 6. §. 7.

mus. Memores nempe nos esse oportet, vitæ huic quæ veluti quidam transitus est ad æternitatem, pauca ista necessaria esse ac sufficere, eaque sine tantâ animi anxietate, contentione & molestia, quibus ultrò se divites onerant, acquiri posse, cum Incarnata Veritas hæc se adjecturam promiserit illis, qui ante omnia quæsierint Regnum Dei & justitiam ejus.

Alterum quoque adjungi debet, ut sæpè ac libenter eleëmofynas quisque pro facultatum viribus, indigentibus largiatur, Deum orans ut quidquid avaritiæ superest, è corde extirpetur. Et certè non faciliè aliena appetet, qui lubenti animo propria impertitur.

CAPUT XIII.

De Octavo Præcepto : NON LOQUERIS CONTRA PROXIMUM TUUM FALSUM TESTIMONIUM.

QUÆSTIO I. *Dic in Compendio quid octavo præcepto contineatur.*

¶. Omne mendacium, omnisque contra proximum *linguæ* abusus hîc interdicitur.

Injungitur verò ut de proximo, ad ejus defensionem & utilitatem sine fūco, simulatione atque insidiis, benè ac commodè loquatur.

Q. 2. *Dic paulò explicatiùs quinam sint ii linguæ abusus præter mendacium qui hoc loco prohibentur.*

¶. Præcipui sunt, susurratio, detractio, contumelia, maledictio, irritio & adulatio.

Q. 3. *Nonne hoc etiam præcepto prohibita censetur suspitionum, judiciorumque temeritas?*

¶. Planè, iniquæ suspiciones, & temeraria de alienis factis judicia, ad hujus præcepti prohibi-

tionem reducuntur, propterea quòd ab iis interioris peractis pullulare soleant pleraque linguæ vitia, quibus fraternalis charitas violatur.

Q. 4. *Quid generatim est MENDACIUM?*

Æ. Nihil aliud quàm sermo à loquentis animo discrepans. Mentitur igitur, quisquis aliud animo rectum gerens, aliud verbis proloquitur.

Q. 5. *Quid si quis, dum falsa sciens loquitur, aliquid solâ mente subintelligat, quo locutio ad veritatem restringatur?*

Æ. Hoc artificio sibi ipsi imponere poterit, sed mendacii labem numquam absterget. Quidquid enim interius restringatur, id neutiquam efficiet, ut verba exterius prolata à loquentis mente non discrepent. Etenim in præsentī humanæ societatis commercio, ad declaranda invicem animi sui sensa, sola valent signa sensibilia.

Q. 6. *Quotuplex est Mendacium?*

Æ. Distingui solet triplex, *perniciosum, officiosum & jocosum.*

Perniciosum illud dicitur, quo sive in bonis animi aut corporis, sive famæ aut fortunæ, nocumentum inferitur proximo.

Officiosum vocatur istud, quod in proprium aut alienum commodum, sine ullius injuria adhibetur.

Jocosum denique quod joci & recreationis causâ confingitur, sed nulli nocumentum aut commodum adfert.

Q. 7. *Estne omne mendacium semper & ubique illicitum?*

Æ. Est prorsus ex ipsa naturæ lege. Quod quidem omninè perspicuum est de *Mendacio pernicioso*, quatenus alienum damnum secum trahit,

ita ut

itâ ut hoc (a) *ex suo genere* sit peccatum mortale, octavo præcepto primariè interdictum; maxime si quando ob falsum testimonium proximus in capitis discrimen adducitur, aliterve in iudicio pericilitatur: quod crimen est longè teterrimum, & suprâ modum Deo exosum.

Q. 8. *At quid mali habet mendacium, si alienum damnum semoveatur?*

R. Omni mendacio humanæ societatis jura & fraterna dilectio violantur. Sic enim à Deo mutua inter homines societas stabilita est, ut dum alter alteri loquimur, arcana mentis nostræ sensa nullis fallaciis involvamus. Tacere quidem licet, & sæpè consultum est, at nunquam fallere aut circumvenire. Et sanè naturali quodam instinctu à nullo ferè hominum genere magis abhorremus, quàm ab iis, qui mendaciis delectantur. Aegrè admodum ferimus, si fallacibus verbis ab alio quopiam decipiamur; quod unicuique debet satis esse, ut juxta generalem dilectionis Regulam, ipse erga alios mendaciis numquam utatur.

Q. 9. *Nonne & ex alio capite cujuslibet mendacii perversitas elucescit?*

R. Elucescit utique & ex eo capite, quòd omne mendacium *infinitæ veritati* adversetur: infinita veritas est ipse Deus; omne ergo mendacium, quocumque modo aut fine fiat, adversatur Deo, ac proinde perversum est atque illicitum.

Q. 10. *Quid facti opus, ut à mendaciis constanter quisque abstineat?*

R. Frequenti ferventique desiderio anniti oportet ad inviolabilem quemdam primæ, sempiter-

(a) Dicitur aliquid *ex genere suo*, vel *ex objecto* esse peccatum mortale, quando per se gravem malitiam involvit, nisi ob levitatem materiæ, vel animi indeliberationem excusetur,

næque veritatis amorem, ut ille sensum in corde radices agat, rebusque omnibus præferatur. Serâ deinde animi attentione cogitandum est, non alium esse (a) mendacii patrem & auctorem, quàm diabolum, qui subdola fraude verbisque dolosis, (b) primos olim parentes nostros, & universum cum illis genus humanum, in perniciem adduxit. (c) *Propter quod deponentes mendacium, loquimini veritatem unusquisque cum proximo suo : quoniam sumus invicem membra*, inquit Apostolus ; id est, deposito & abjecto mendacio loquimini quisque quod verum est cum proximo suo, præsertim Christiano ; quia nos Christiani sumus invicem membra sub capite Christo. Nimis autem absurdum est, si membra ejusdem corporis mentiendo ac fallendo se invicem lædant, cùm nihil tale contingat in corpore naturali, nisi per insaniam.

Q. 11. *Cum superius dictum sit, sub octavi præcepti prohibitione, etiam contineri iniquas adversus probitatem proximi SUSPICIONES ; & TEMERARIA JUDICIA, quid de iis sentiendum ?*

R. Si ex nullis aut levissimis indiciis animo planè deliberato, proximi probitas in dubium revocetur, aut quod pejus est, firmo animi judicio is condemnetur ut improbus, vel gravis alicujus flagitii reus ; non est dubium quin charitas (quæ (d) *non cogitat malum*) enormiter violetur, gravisque proximo injuria inferatur, etiam si illa exterius non prodantur.

Q. 12. *Quâ in re consistit isthæc injuria ?*

R. In eo, quodd cùm unusquisque ex præscripto naturalis æquitatis habendus sit bonus donec constet improbum esse, hoc suo jure per teme-

(a) Joann. 8. v. 44.

(b) Genes. 3. v. 5.

(c) Ephes. 4. v. 25.

(d) 1. Cor. 13. v. 5.

varia judicia aut suspensiones minimè fundatas iniquè & sine causa proximus spoliatur.

Quin & injuriam Deo inferunt temerarii illi alienæ vitæ judices, dum ejus sibi jurisdictionem & judicium quodammodo arrogantes, occultam alieni cordis *intentionem*, & arcana animi consilia, quorum discussio soli Divino judicio reservata est, temerè scrutari ac dijudicare præsumunt. (a) *Tu quis es, qui judicas alienum servum? Domino suo stat aut cadit.* (b) *Itaque unusquisque nostrum pro se reddet rationem Deo.* (c) *Nolite ergo ante tempus judicare, quoad usque veniat Dominus, qui & illuminabit abscondita tenebrarum, & manifestabit consilia cordium, & tunc laus erit unicuique à Deo.*

Q. 13. *Ex quo fonte manare solent iniquæ adversus proximum suspensiones, & temeraria judicia?*

✠. (d) Partim ex propriæ vitæ perversitate ac malitia, nam qui se novit improbum, idem facile de aliis opinatur: (e) *In via stultus ambulans, cum ipse sit insipiens, omnes stultos aestimat:* partim ex superbia, sit enim ut qui in animo suo se super alios esse gestiunt, eos infra se iniquis suspensionibus deprimant. Partim denique ex odio & invidia quibus id proprium est ut ea quæ ab aliis bene fiunt, vertant in mala.

Q. 14. *Quomodo ista suspensionum judiciiue temeritas & injustitia evitanda est?*

✠. Ante omnia rescari debent radices è quibus illa pullulare solet. Restringenda deinde *levis credulitas*. Tum unusquisque assuescat propriis vitiis considerandis & judicandis occupari potius, quàm alienis rebus temerè se ingerere.

(a) Rom. 14. 7. 4.

(b) Ibid. 7. 12.

(c) 2. Cor. 4. 7. 5.

(d) 3. Thom. 2. 2. q. 60. art. 3.

(e) Ecclef. 10. 7. 3.

Disceat aliena facta in meliorem partem interpretari; (a) si factum ipsum excusari nequit, excusanda saltem intentio, puta per ignorantiam, puta per subreptionem, puta bono fine ac scopo contigisse (b) *Nolite judicare, & non judicabimini.*

C A P U T X I V.

*De Detractione & Contumelia, aliisque
LINGUÆ peccatis.*

QUÆSTIO 1. *Quod discrimen est Detractionem inter & Contumeliam?*

R. Idem ferè quod inter *Furtum & Rapinam*. Est enim *detractio* occulta & iniqua alienæ fame, id est bonæ apud alios existimationis, denigratio. *Contumelia* verò, aperta & manifesta alieni honoris violatio, per convicium cuiquam in faciem dictum.

Detractio itaque clanculo grassatur, *contumelia* palam ingeritur.

Q. 2. Quid verò est SUSURRATIO?

R. Est nequissima detractionis species, quæ inter amicos dissensiones & jurgia seminantur. Quod crimen quam sit exosum Deo, ex 6. capite libri Proverbiorum facillè intelligi potest, ubi dicitur: (c) *Sex sunt quæ odit Dominus, & septimum detestatur anima ejus.* Septimo autem loco ponitur: (d) *Qui seminat inter fratres discordias.*

Q. 3. Suntne DETRACTIO quoque, & CONTUMELIA grave peccatum?

R. Sunt utique (e) *ex genere suo peccata mor-*

(a) S. Bernard. Serm. 40. in Cant.

(b) Luc. 6. v. 37. (c) Proverb. 6. v. 16.

(d) Vide etiam Eccli. 28. v. 15. usque 19.

(e) Vide Notam ad Q. 7. cap. præcedentis.

talia, aded ut si res in qua versantur, communi hominum æstimatione sit notabilis, neque desit sufficiens animi deliberatio, charitas & iustitia quas debemus proximo, graviter violentur: & quidem *per se* gravius quam furto; cum bona in quibus proximus detractione & contumeliâ læditur, longè præstantiora sint iis quæ furto auferuntur.

Q. 4. *Deestne sufficiens animi deliberatio, quoties aliquis EXPRESSE non interdicit alienam famam aut honorem ledere, vel amicitiam dissipare?*

✱. Minimè verò: sufficit enim ut prudenti hominum iudicio id velle censeatur; quod tunc contingit, quando sciens & volens huiusmodi verba profert, quæ ex se nata sunt alienam famam aut honorem graviter ledere, vel amicitiam dissecare.

Q. 5. *Estne tùm solùm detraçtio illicita, cum alicui falsi criminis calumnia impingitur?*

✱. Nullo modo: sed injusta detraçtio committitur, quoties occultum proximi crimen, nullâ id exigente necessitate publicâ aut privatâ, vel uni soli viro gravi ac taciturno, revelatur. Quin & injusta detraçtio est, si quis latentem alterius defectum naturalem, etiam ab omni flagitio separatum, quem interim vulgaris opinio reputat admodum probrosum, temerè in lucem proferat.

Nec porro is tantùm alienæ famæ noxius est, qui quod narrat firmiter asseverat, sed is quoque qui dumtaxat hæc atque ista à se audita commemorat, si modò prævidere possit ac debeat, non defuturos qui his omnibus (quemadmodum humanæ malignitati consuetum est) adhibitori sint fidem.

Q. 6. *Unde potissimùm augetur detraçtionis item contumeliæ atrocitas?*

✱. Partim ex dignitate personæ, cui simile

injurie genus inferitur, ut si parenti fiat, aut Principi, Episcopo aut alteri superiori sive ecclesiastico sive seculari Partim ex numero ac præcellentis personarum, coram quibus aut convicium ingeritur, aut virulentâ linguâ aliena fama arroditur. Quo ex capite atrocissimum detractionis genus est quod *libellis famosis* undique in vulgus sperfis admittitur.

Q. 7. *Soline detractionis rei sunt, qui aliena vitia manifestant?*

R. Non illi soli, sed quisquis jubendo, hortando, interrogando, aut aliter quempiam excitat ad *obtreclandum*, majoris delicti reus est, quam is qui prave illius voluntati obsequitur, parque *onus* incurrit, atque ipse *obtreclatur*.

Quin & illi qui *obtreclantes* patienter ac libenter audiunt, alienæ iniquitati consentiendo participant. Tolle audientes, non erunt obtreclantes. Quare S. Bernardi vox est: "Detrahente an, detrahentem audire, utrum horum damnabilius, sit non facile dixerò." Si igitur auctoritate vales, compesce linguas virulentas: sin minus, obtreclationes severo tristisque vultu dissipa, & quoad fieri poterit, sermonem aliò diverte.

Q. 8. *Quodnam ONUS consequitur detractionem, item contumeliam?*

R. Consequitur indispensabilis necessitas reparandi damnum, quod alienæ famæ aut honori injustè illatum est, cæteraque incommoda restaurandi, quæ porro secuta sunt; usque aded, ut si quis falsi criminis calumniam seu clam, seu palam, alteri impegit, id coram omnibus qui adfuerunt, teneatur agnoscere, &, si ad faciendam fidem opus sit, jurejurando confirmare. Quòd si veram, sed occultum crimen alterius iniquâ obtreclatione propalârit, eâ obligatio-

ne constrictus est, quantum sine mendacio fieri potest, malam quam audientium animis ingeneravit existimationem, modis omnibus auferre satagat, & si aliter proficere nihil potest, suppliciter saltem ab eo qui laesus est, veniam deprecetur.

Quæ res cum superbis animis ardua sit, atque aliunde inextricabilibus sæpè difficultatibus implexa, per se solam justum terrorem incutere deberet malignis omnibus obrectatoribus, contumeliosisque conviciatoribus, qui alienam famam & honorem indignis modis lacerant ac proscindunt.

Q. 9. *Cum inter peccata linguae octavo præcepto prohibita, Irrisio, Maledictio & Adulatio superius recensita sint, velim paucis dici quid de iis statuendum.*

1. *Irrisio* quâ quis alium ludibrio habet, ut & ruborem incutiat, & animi pacem ac tranquillitatem conturbet, sæpè ob gravem proximi contemptum, interiorisque tranquillitatis ejus detrimentum, grave est peccatum Enim verò, teste Scripturâ, (a) *Parata sunt derisoribus judicia.*

Maledictio, quæ hoc loco denotat *imprecationem mali*, quatenus alicui malum est, puta, sibi cervices frangat, ut eum diabolus auferat, ut peſte pereat, &c. si verè adsit desiderium ac voluntas, ut malum grande hujusmodi alteri eveniat, proculdubio peccatum est mortale.

Adulatio denique, quâ quis indignum laudibus onerat, tunc præcipuè detestanda est, cum aliena crimina ceu laude digna prædicantur, vel ex perversâ placendi voluntate, flagitia quæ arguendo emendari forsitan poterant, in ejus qui patravit, aliorumque perniciem excusantur; (b)

(a) Prov. 19. 7. 29.

(b) Ezech. 13. 7. 18.

Væ qui consuunt pulvillos sub omni cubitu manibus, & faciunt cervicalia sub capite universæ ætatis ad capiendas animas. (a) Dicentes : pax, & non est pax.

Q 10. *Quo tandem pacto hæc omnia linguæ peccata tam longè lutèque grassantia, devitari poterunt.*

¶ Si seriò quisquis satagat, ut (b) *linguæ modicum quiaem membrum, sed volubile & inquietum, quod (c) nullus homo domare potest, divini timoris custodiâ refrænctur. Quem in finem crebrò ardentèrque illâ Davidis oratione utendum est. (d) Pone Domine custodiam ori meo, & ostium circumstantia labiis meis, nempe (e) ut non delinquam in lingua meâ. Qui ad contumeliosa convicia proni sunt, expendant illa Veritatis Incarnatæ verba, in Evangelio : (f) Qui dixerit fratri suo, fatue, reuserit gehenna ignis. Expendant detractores, illa Spiritus Sancti verba : (g) Abominatio hominum detractor. Idem, (h) Si mordeat Serpens in silentio, nihil eo minùs habet, qui occultè detrahit. Caveantque etiam ii qui ab aliis vitiis procul recessère, ne in istud velut extremum diaboli laqueum incidant. Nam teste S. Paulino Nolano Episcopo : (i) Tanta hujus mali libido mentes hominum invalit, ut pauci sint, qui illi toto corde renuntient, raròque invenias qui sic vitam suam irreprehensibilem exhibere velint ut non libenter reprehendant alienam. Stat interim inconcussa illa Jacobi Apostoli Sententia : (k) Si quis putat se religiosum esse non refrenans lin-*

(a) Ezech. 13. v. 10. (b) Jacob. 3. v. 5.

(c) Ibid. v. 6. (d) Psalm. 140. v. 3.

(e) Psalm. 93 v. 2. (f) Matth. 5. v. 22.

(g) Prov. 24. v. 9. (h) Eccli. 10. v. 11.

(i) Vide S. Paulin. Epist. 14. (k) Jac. 1. v. 16.

DE CHARIT. ET PRÆCEPT. &c. 313
quam suam... hujus vana est Religio, quantumvis aliundè pietatis speciem præ se ferat.

C A P U T X V.

De Nono & Decimo præceptis Decalogi.

QUæstio 1. *Quid prohibetur nono hoc præcepto : NON CONCUPISCES UXOREM PROXIMI TUI ?*

R. Prohibetur desiderium eorum, quæ sexto interdicuntur, id est, adulterii, omnisque extrâ fines matrimonii veneræ voluptatis. Ne ergo putaremus solam luxuriam externo actu perperatam illicitam esse, non autem illius concupiscentiam intrâ animum retentam, hoc præceptum adjectum est : quod Christus his verbis confirmavit : (a) *Qui viderit mulierem ad concupiscendam eam, jam machatus est eam in corde suo.*

Q. 2. *Quæ hujus prohibitionis ratio est ?*

R. Quia juxta Christi doctrinam, (b) *de corde exeunt*, hoc est, à voluntatis consensu dimanant peccata universim omnia, ita ut cujusvis actus exterioris nequitia, à solo perversæ voluntatis fonte deriveretur.

Q. 3. *Ipsane etiam impura voluptatis cogitatio peccatum est ?*

R. (c) Si hujusmodi cogitatione voluntas se oblectet vel repudiare negligens illi ultrò inhæreat, jam peccati rea est, & quidem gravis si consensus in oblectationem aut cogitationem hujusmodi fuerit satis deliberatus.

(a) Matth. 5. v. 28. (b) Matth. 15. v. 10.

(c) Vide S. Aug. in Psalm. 143. num. 6. lib. de Serm. Dom. in monte c. 12. lib. 12. de Trinit. c. 12. Serm. 97. sive 14. de Verbis Apost. c. 1. S. Gregor. lib. 4. moral. Job. cap. 25. item Homil. 16. in Evang.

Quod si oborta in nobis impuritatis cogitatio minime placeat, nec præcedente culpâ fuerit procurata, sed eam voluntas confestim repellere satagat, non modò nullum peccatum est, sed abundantioris meriti seges est & materia.

Q. 4. *Licetne alienam conjugem ita concupiscere, ut si fiat vidua sibi uxor obtingat.*

R. (a) Hæc ipsa cupiditas vitiosa & inordinata est, quam si fovens, proclive est ut ultra hos limites progressus aut mariti mortem, aut adulterium optes.

Q. 5. *Quid vetatur decimo præcepto : NON CONUPISCES DOMUM PROXIMI TUI NON AGRUM, NON SERVUM, NON ANCILLAM, NON BOVEM, NON ASINUM, NEC OMNIA QUÆ ILLIUS SUNT?*

R. Iniquum desiderium acquirendi vel retinendi rem alienam *Domino rationabiliter invito* : nempe prohibetur hoc loco interna cupiditas omnis injustitiæ adversus proximum, in bonis ejus temporalibus, cujus actus exterior septimo præcepto disertis verbis interdicitur : Hæc enim iterum interna voluntatis cupiditas, omnem ipsius iniquitatis externo opere consummata malitiam continet : id solum discriminis est, quòd restituendi obligationem non inducat, si nihil proximo damni reipsâ illatum est.

Q. 6. *Quorsum in Responsione additum est, domino rationabiliter invito ?*

R. Quia non est illicitum alienæ rei desiderium, si optes eam ex justitiæ legumque præscripto, domino consentiente adipisci, puta per emptionem, similemve alium contractum legitimum.

Q. 7. *Qui sunt ii qui præcipue in hoc decimum præceptum impingunt ?*

(b) Catech. Rom.

2. 1. Negotiatores & mercatores qui ad au-
ponē aliarumve mercium charitatem anhelant,
ut ipsi ditescant, de aliorum damno nihil sol-
liciti.

2. Exercituum Duces & milites qui bellum
continuari desiderant, ut impunè prædari liceat,
quidquid interim innumera miserorum hominum
multitudo, quotidianis divexationibus patiatur.

3. Medici qui suis lucris inhiantes morbos
multiplicari cupiunt: tardiùsve quàm possent æ-
gris sanitatem procurant.

4. Administratores justitiæ, cæterique in cau-
sis litigiosis laborantes, qui numerum litium
optant augeri: exortasve datâ operâ in longum
protrahunt.

5. Filii familias, qui usque idē naturam om-
nem exuerant, ut parentum mortem concupis-
cant, quō eorum facultatibus gaudere possint.
Atque universim omnes, qui alienæ felicitati,
gloriæ, meritis, aut divitiis invident.

Q. 8. *Quid causæ est cur hæc duo postrema Præ-
cepta, quæ ad interna desideria pertinent, cæteris
adjicere voluerit Deus?*

2. (a) Ut amputatâ peccatorum omnium ra-
dice concupiscentiâ, reliquorum Præceptorum
observationem per hæc duo firmaret; neque enim
peccatur, nisi voluptatis, pecuniæ; honorisve cu-
pidine. Alienæ rei cupiditas faciliè gignit in-
vidiam, quæ ad detractiōem & calumniam suâ
sponte impellit. Nec ferè sunt falsi testes, nisi
pecuniâ corrupti. Qui proximi vitam invadit,
vix aliundè eō incitatur, nisi ut rebus ejus po-
tatur, vel voluptatis, laudisque propriæ obi-
cem auferat. Iisdem de causis & negligentur pa-

(a) Vide Catechism, Historic. Cl. Fleuri 2. lect. 30. part.

rentes, & odio sunt, eorumque mors optatur. Cupiditata lucri dies *divino cultui* consecrati servili labore profanantur, aut voluptatis amore sanctè non transiguntur. *Falsò jurare* compellit avaritia Denique non nisi prave cupiditates à *Deo colendo* avertunt, & *charitatem* extinguunt. Itaque si veritas duobus ultimis præceptis cupiditates animo evellamus, ad reliqua omnia exequenda facilè nos comparabimus.

Altera quoque ratio adjungi potest, ut scilicet nemo sibi velut innocenti & insigniter probo adblandiatur si ab externo flagitiorum opere abstinere, cum ex sola desideriorum & affectuum pravitæ, justæ Dei vindictæ forsitan sit obnoxius.

Q. 9. *Quo pacto* prava desideria reprimenda sunt?

R. Puro affectu adhærendum est Deo, qui solus verorum æternorumque bonorum fons est indeficiens. Huc nempe tendunt universa Decalogi Præcepta, ut Deus in omnibus & super omnia diligatur, nihil autem aliud nisi propter eum: quod qui facit, legem implevit. Itaque ut Spiritus S. Verbis hæc de Decalogo Tractatio finiatur: (a) *Elige vitam ut & tu vivas & semen tuum: & diligas Dominum Deum tuum, atque obedias voci ejus, & illi adhaereas. Ipse enim est vita tua, & longitudo dierum tuorum.*

CAPUT XVI.

DE PRÆCEPTIS ECCLESIAE.

Q. Uæstio 1. *Quot recenseri solent præcepta Ecclesiae?*

R. Varia quidem sunt sive per Conciliorum aut Summorum Pontificum constitutiones

(a) Deut. 30. v. 19.

stabilita, live recepta pridem consuetudine introducta : quinque tamen ceteris celebriora recensentur, quæ omnibus scitu, & observatu sunt necessaria. Sunt autem hæc :

1. *Statutos Ecclesiæ Festos dies celebrato.*
 2. *Sacrum Missæ Officium diebus festis reverenter audito.*
 3. *Jejunia certis diebus temporibusque indicta observato.*
 4. *Peccata tua Sacerdoti proprio quotannis confitetur.*
 5. *Sacrosanctam Eucharistiam ad minimum semel in anno, idque circa festum Paschæ, sumito.*
- Q. 2. *Debetne Christianus his quoque præceptis sedulo obtemperare ?*

R. Debet utique non secus ac Divina præcepta suscipere & servare, ea quæ ab Ecclesiæ Præpositis divino Spiritu dirigente salubriter constituta sunt. Nam de his Christus ait : (a) *Qui vos audit, me audit : qui vos spernit, me spernit.* Monet etiam Apostolus Paulus : (b) *Obedite Præpositis vestris & subjacete illis.* Et de ipso scriptum est : (c) *Perambulabat Syriam & Ciliiciam, confirmandus Ecclesias, præcipiens custodire præcepta Apostolorum & Seniorum.*

Jam pridem à multis sæculis, in (d) AERIO velut hæretica reprobata est illa ejus opinio, quæ leges Ecclesiasticas nullam conscientiam obligationem adferre contendebat.

Q. 3. *Quid itaque injungit primum Præceptum Ecclesiæ : Statutos Ecclesiæ festos dies celebrato ?*

R. Ut dies Dominicos ceterosque vel recolendis Fidei nostræ mysteriis vel Sanctorum me-

(a) Luc. 10. v. 16. (b) Heb. 13. v. 17.

(c) Act. 15. v. 14. & c. 16. v. 4.

(d) Vide S. Epiphani, Hæres. 75.

moriis celebrandis specialiter deputatos, cum abstinentia ab operibus servilibus, sanctè ac piè transigamus.

De Festis diebus mox infrà disertius.

Q. 4. *Quid sibi vult secundum Præceptum : Sacrosanctum Missæ officium diebus Festis reverenter audito ?*

R. Præscribit modum, quo Festi dies celebrandi sunt, ut nempe præter abstinentiam ab operibus servilibus, unusquisque integro Missæ Officio cum reverentia & attentâ devotione interlit, nisi fortè vel nullo modo, vel saltem sine gravi admodum incommodo interesse non possit.

Sacrosancta autem Synodus Tridentina mandat Episcopis, ut populum moneant, (a) *ut frequenter ad suas Parochias, saltem diebus Dominicis & majoribus Festis accedant.* Alioque loco injungit : ut diligenter moneant, (b) *Teneri unumquemque Parochiæ suæ interesse, ubi id commodè fieri potest, ad audiendum verbum Dei.* Quod malè jam passim videmus esse neglectum.

Q. 5. *Quid exigit tertium Præceptum : Indicta certis diebus jejunia observato ?*

R. Ut in Quadragesima, quatuor anni temporibus, & festorum quorundam solennium prædianis diebus, quos majores nostri, quòd iisdem temporibus in templis noctu pervigilaretur, *Vigilias* appellarunt, à quibusdam cibis abstineamus, & unicâ in die refectioe contenti vivamus frugaliùs.

Q. 6. *Quorsum illa à quibusdam cibis abstinentia ?*

R. "Catholici, inquit S. Augustinus, (c) quòd à carnibus abstinere, edomandi corporis causâ

(a) Sess. 22. Decret. de observ. in celeb. Miss.

(b) Sess. 24. Ref. cap. 4.

(c) Lib. 20. contra Faust, cap. 5.

„ id faciunt, propter animam ab irrationalibus
 „ motibus ampliùs humiliandam : non quod car-
 „ nes esse immundas credant. „ Quin hanc im-
 munditiæ persuasionem Catholica Christi Eccle-
 sia semper damnavit, in Judæis, Manichæis &
 Priscillianitis.

Ecclesiastica itaque jejunia non alio intuitu
 aut mandantur aut suspicienda sunt, nisi ut ear-
 ne edomitâ, spirituique subiectâ, religiosior Deo
 cultus exhibeatur, obedientia exerceatur, digni
 poenitentiae fructus præstentur, ac demùm abun-
 dantiora divinæ gratiæ munera percipiantur.

Atque eximii hi jejuniorum fructus, præcipuam
 rationem continent, cur in Sacris Litteris tam
 multiplicibus & verbis & exemplis inculcentur,
 atque ipsemet Christus Salvator affirmet, (a)
 fore ut cum ipse sponsus discipulis suis maximè
 dilectis oblatus fuerit, tùm illi, tàmetsi Spiritu
 Sancto pleni, jejunaturi sint. *Exhibeamus nos-*
metipsos, inquit Apostolus, (b) sicut Dei mini-
stros in multa patientia.... in vigiliis, in jejuniis,
in castitate. (c) Qui enim sunt Christi, carnem
suam crucifixerunt, cum vitiis & concupiscentiis.

Q 7. *Quodnam præ cæteris jejunium singulari*
Sanctorum Patrum commendatione celebratum sem-
per fuit?

æ. Jejunium *Quadragesimale*, quod ad exem-
 plum non tantùm *Mosis & Eliæ*, sed ipsius etiam
 Salvatoris nostri, qui 40. diebus in deserto jejuna-
 vit, institutum, ex Apostolica traditione manasse
 (d) Patres docuerunt.

(a) Matth. 9. v. 15. Act. 13. v. 2.

(b) 2. Cor. 6. v. 4. (c) Galat. 5. v. 24.

(d) S. Hieron. ad Marcellam S. Epiphani. hæres. 76. S. Au-
 gust. multis locis, præcipuè Sermon. 207. vel 71. 208. vel 72.
 210. vel 74.

Ceterum solenne hoc jejunium ex vetustissimo usu Paschæ præmittitur, ut fideles sacro hoc quadraginta dierum numero, per dignos poenitentiae fructus expiati, Paschalem Festivitatem, *in vite novitate* dignius celebrent.

Q. 8. *Estne eadem hodie, quæ fuit olim jejunandi disciplina?*

¶. Nullo modo; sed jejuniorum antiquus rigor benignâ Matris Ecclesiæ conniventia, plurimum hodie est relaxatus. Olim totam poenæ Quadragesimam pane plerumque & oleribus tolerabant. Jejunium ad vesperam solvebatur: quod adhuc suo tempore (id est post annum 1100) in usu fuisse testatur (a) S. Bernardus. Aliis extrâ Quadragesimam jejunii diebus, horâ post meridiem tertiâ rumpebatur. Nulla iis nota erat *culatinnula*, sive cænula vespertina, quam recentior usus invenit.

Refrigescente charitate, jejuniorum & abstinentiæ fervor paulatim refrixit, ut primum (b) horâ tertiâ, deinde in meridie (prout fit hodiè) jejunium abrumperetur. Sentim etiam lacticiniorum esus in ipsam quoque Quadragesimam irrepsit. Adjuncta denique cænula vespertina; aded ut minimè existimare quis debeat magnum aliquid se fecisse, si has temperantiæ potius quàm rigidioris abstinentiæ leges, utcumque servarit.

Q. 9. *Quinam ab Ecclesiasticorum Jejuniorum lege sunt liberi?*

¶. Quicumque vel ob ætatis aut infirmitatis *impotentiam* vel ob laboris necessarii magnitudinem, vel ob *pietatem* in proximos impensam, sine notabili sanitatis dispendio jejunare non possunt. Ob

(a) S. Bernard. Serm. 3. de Quadrag.

(b) S. Thom. 2. 2. q. 147. art. 5.

ætatis infirmitatem, & necessariam corporis accretionem, eos, qui nondum vigesimum primum ætatis annum expleverunt, cum (a) S. Thoma communis fidelium sensus à *stricta* Jejunii lege excusat. Monet ille interim, ad Jejunium adulescentes illos tempestivè esse exercendos, maxime cum in iis principalis jejunii finis, ob ætatis fervorem ita non raro locum habeat, ut ex ipso naturalis legis præscripto, ferocienti corpori pabulum subducere teneantur.

Et si ob supradictas causas à jejunii lege immunis quis fuerit, non licebit ei tamen [dempta magnâ morbi necessitate] carnibus vesci, aliisque cibis interdictis, nisi legitimam superioris dispensationem obtinuerit.

Q. 10. *Quid sibi vult quartum Ecclesie Præceptum* : Peccata tua Sacerdoti proprio quotannis confiteor.

✠. Injungit, ut omnes fideles utriusque sexûs, cum ad annos discretionis pervenerint, semel saltem in anno Sacerdoti legitimam auctoritatem obtinenti; peccata omnia mortalia corde sincero, humili ac pœnitenti confiteantur. Quod quidem Præceptum sæpè per anni decursum, sed potissimum circa Festum Paschæ, ad dignam Domini Corporis perceptionem, fidelium devotio implere consuevit.

Vide quæ de Sacramento Pœnitentiæ superius dicta sunt.

Q. 11. *Quid juxta hodiernum usum injungitur quinto Præcepto* : Sacrosanctam Eucharistiam ut minimum semel in anno, idque circa Festum Paschæ sumito?

✠. Ut omnes utriusque sexûs fideles, cum ad

(a) 2. 2. q. 147. art. 4. ad 2.

eam ætatis maturitatem pervenerint, ut hujus augustissimi Sacramenti dignitatem agnoscere possint, semel saltem in anno Corpus Dominicum piè sanctèque percipiant, idque in Ecclesia Parochiali sub qua degunt, intrà illud spatium temporis quod Dominicis *Palmarum* & *in Albis* terminatur: aded quidem, ut si hanc Communionem annuam ultrò neglexerint, per Ecclesiasticas Sanctiones gravibus pœnis reddantur obnoxii.

De utilitate frequentis Communionis; ceterisque quæ huc pertinent, vide quæ superiùs dicta sunt de Sacramento Eucharistiæ.

C A P U T X V I I.

De Festis Domini Nostri Jesu Christi ceterisque Ecclesiæ observantiis, quæ istuc reducuntur.

JAM suprà insinuata est ratio, cur præter Dies Dominicos hebdomadatim recurrentes, complures per anni decursum Festivitates, Ecclesiasticà auctoritate sint institutæ; nempe ut diversis temporibus diversa religionis nostræ mysteria singulari animi attentione recolantur, Sanctorumque memoriæ ad Dei laudem, nostrumque profectum celebrentur. (*) Ut porrò majori cum fructu sacra illa tempora transigantur, non parum utile erit, si quisque perspectum habeat, quo potissimum spiritu in singulorum Festorum institutione ducatur Ecclesia, quæ ejus mens sit, quis scopus. Quod quantà fieri poterit brevitate, jam discutietur.

Q. I. *Quibus in rebus meditandis occupatur Ecclesia eo tempore, quod ADVENTUS dici consuevit?*

(*) Vide Catechismum Festorum Illust. D. Bossuetii Episcopi Meldensis. De Festis fusè tractat Azorius Institut. moral. part. 2, lib. 1.

R. In memoriam revocat priscorum Patrum vota ac desideria, quibus olim *Messie*, id est, *Christi* Redemptoris *Adventum* indefinentibus suspensis flagitabant. Recolit insuper *S. Joannis Baptistæ* prædicationem, quâ ille ad poenitentiam populum hortabatur, ut cum apparituro prope diem *Messie*, juxta suum *Præcursoris* officium præpararet. Adjungit etiam recordationem secundi *Adventus* Christi, quo cum gloria & majestate venturus est judicare vivos & mortuos, ut si necdum *primi* adventus benignissimâ bonitate movemur ad redamandum, *secundi* saltem justissimâ severitate, commoveamur ad metuendum.

Hoc itaque ex mente Ecclesiæ à nobis exigit tempus istud, ut sancto desiderio ad Christum suspiremus, eique corda nostra salubri poenitentia alacriter præparemus.

Q. 2. *Quæ est mens Ecclesiæ in Festo NATIVITATIS DOMINI quod 25. Decembris celebratur?*

R. Ut fideles cum pia animi gratitudine recordentur Christum Dei Filium, è purissimæ Virginis utero, in summa paupertate, rigidissimâque anni tempestate, *pro nobis* in Bethlehem, peregrè, ac in stabulo natum esse, communique infantilium membrorum imbecillitati ultrò obnoxiam, in præsepi reclinari voluisse: haud dubiè ut nobis suo exemplo paupertatem ac tolerantiam amabiles redderet.

Cæterùm in hac festivitate prisco usu receptum est, ut tres *Missæ* solemniter celebrentur, quarum prima *ad mediam noctem*, Christum recens natum exhibet, positumque in præsepi. Secunda *in aurora* memoriam ingerit Pastorum, qui angeli monitis Salvatorem natum adorarunt. Tertiâ *horâ diei consuetâ* nos commonefacit in-

fantem illum, qui in tempore à Virgine natus est, ab omni æternitate Dei Patris filium esse, illi in potentia & majestate cœqualem.

Q. 3. *Quid intuetur Ecclesia 1. die Januarii in Festo CIRCUMCISIONIS DOMINI ?*

► Considerat Christum sacratissimi sui sanguinis primitias fundentem, dum ultrò subit pœnam illam *Circumcisionis* cæremoniam, quam olim Deus Abrahamo ejusque posteritati imposuerat, futuram quidem signum fœderis à se cùm illo initi, sed unà futuram professionem publicam, originis hominum peccato infectæ : ut ità agnus ille innocens, & impollutus ostenderet idcirco se venisse, ut peccatorum nostrorum pœnam ipse portaret, eaque proprio cruore expiaret. Adorandum deinde *Jesu* nomen illi impositum est, (*) ad quod omne genu flectitur, cœlestium, terrestrium & infernorum.

Quod porro nobis *primâ istâ* recurrentis anni die incumbit, hoc est, ut totum illum qui inchoatur annum divinæ gloriæ consecrantes, firmo animi proposito statuamus majori quam ante hâc sollicitudine spirituali cordis circumcissioni, id est pravorum affectuum resectioni, studere imposterum, Deumque misericordiarum Patrem suppliciter deprecemur, ut quod facere decernimus, ipso donante perficiamus.

Q. 4. *Quid sibi vult Festum EPIPHANIÆ. quod 6. Januarii peragitur ?*

► *Epiphania* manifestationem significat Ratio nominis est, quod eo die tria simul mysteria recolantur, quibus Jesu Christi gloria manifestata fuit, videlicet *Adoratio Magorum*, *Baptismus* quem à Joanne Christus accepit *primumque ejus*

(*) Philip. 2. 10.

miraculum, quo in nuptiis, quibus in Cana Galilææ interesse dignatus est, aquam in vinum convertit.

Magi qui stellæ ductu ex oriente venerunt, ut natum Messiam cum muneribus adorarent, gentilium, id est, nostræ; in Christi agnitione, primitiæ fuerunt; quocirca officii nostri est hoc præsertim die immensæ Dei misericordiæ gratias agere de beneficio vocationis nostræ ad fidem Christianam atque Catholicam: orare, ut & alii eò perducantur: veræ stellæ ductum perpetuò sequi, id est Divinæ inspirationi cum debitâ alacritate semper obsequi: Denique Christo Jesu, in afflictis præcipuè membris ejus, eleëmofynarum munera libenti animo dedicare, potius quàm dissolutis conviviiis & commensationibus indulgere.

Q. 5. *Quid peculiare habet Dominica quæ SEP- TUAGESIMA appellari solet?*

R. Ab ea Dominica deinceps usque ad Pascha in Ecclesiastico Officio omittuntur cantus, qui præcipuam quandam lætitiæ significationem habent; puta, *Alleluia*, *Gloria in Excelsis*, *Te Deum*. Lugubrior etiam ornatus in templis adhibetur. Primorum denique parentum lapsus eorumque iusta punitio nobis ob oculos ponitur. Quæ omnia eò tendunt ut exilii nostri memores, in spiritu pœnitentiæ ad instantem *Quadragesimam* nos præparemus, & ab iis dissolutionibus & excessibus abstineamus, quos ceu veteris paganismi reliquias, antiqui serpentis astutia in Christiani nominis opprobrium, ad nostra usque tempora perduxit.

Q. 6. *Quomodo transigi debet QUADRAGESIMA?*

R. Ecclesiæ spiritus est. ut carnem per abstinentiam macerantes, spiritum ferventiori oratio-

ne & crebrioribus eleëmofynis, subdamus Deo. Tempus istud acceptabile, diesque salutis cum sancta tristitia & gemitu, humilique ac sincerâ pœnitentia transigamus. Solito frequentius cum docili fide, cordisque compunctione audiamus verbum Dei, mysteria Passionis & mortis Christi serio pietatis affectû meditantes, ingemiscamus & indignemur peccatis nostris quæ tam atroci Filii Dei supplicio causam dedere. (a) *Utamur demùm parcis verbis, cibis & potibus, somno, joci: & arctius perstemus in custodia.*

Q. 7. *Cujus rei consideratione occupatur Ecclesia hebdomadâ ultimâ Quadragesimæ, quæ HEBDOMADA SANCTA aut MAJOR dici solet?*

R. Occupatur annua commemoratione *Passionis & Mortis* Benignissimi Redemptoris, quâ ille nos olim Patri reconciliavit. Fidelium autem pietati incumbit, ineffabile hoc divinæ misericordiæ Sacramentum, hoc præsertim tempore, totâ cordis gratitudine venerari, Christo patienti strictiori carnis maceratione condolere, Ecclesiasticis Officiis sedulô assistere, seque ad Paschalem illum Agnum Jesum Christum dignè in Eucharistiæ Sacramento comedendum præparare.

Q. 8. *Quodnam est mysterium quod tanta cum solemnitate tantaque cum lætitia in PASCHATE celebratur?*

R. Gloriosa Christi *Resurrectio*, quâ devictâ morte ad vitam immortalem tertiâ die suscitatus est, non ultrâ moriturus. In hujus mysterii sui-que gaudii professionem, Paschali tempore stantes & erecti orant fideles. In lætitiæ quoque re-ificationem, tam frequenter resonat Canticum illud gaudii *Alleluia*, id est, *Laudate Deum.*

(a) Hymn. Offic. Quadrag.

Paschæ autem nomen à Judæis ad nos transfatum, *transitum* sonat, apud illos quidem (a) Angeli exterminantis primogenitos Ægyptiorum, & sine cæde *transseuntis* domos Hebræorum, *Paschalis* Agni sanguine tinctas : apud nos verò, *Transitum* Christi à morte ad vitam immortalem, nostrumque à peccato ad gratiam, ut sicut Christus à mortuis resurrexit, ita nos (b) *in novitate vitæ ambulemus*, (c) quærentes ac sapientes ea quæ sursum sunt, non quæ super terram, (d) nec ultrà in veterem degeneri conversatione redeuntes.

Q. 9. *Quid sibi volunt ROGATIONES, quæ publicâ Clericâ populo supplicatione fiunt die S. Marco sacrâ, tribusque aliis ante Ascensionem Domini diebus?*

æ. Sunt publicæ fidelium preces à plurimis seculis salubriter institutæ, ad avertenda à nobis divinæ justitiæ flagella, quæ tot scandalis, ac dissolutionibus, tam enormi luxu & cujuscvis pœnæ conditionis hominum depravatione, tam frequenti denique divinarum legum profanatione, quasi certatim provocantur. Ad hunc finem per vicos & agros, in publicæ pœnitentiæ testimonium, recitantur *Litanie*, quibus Deus in Christi nomine, per omnium Sanctorum suorum intercessionem, suppliciter regatur, ut mala omnia, ac maximè peccata, à nobis depellat, fructusque terræ jam germinantes, ad plenam maturitatem cœlesti benedictione conservet.

Q. 10. *Quam dispositionem animi exigit à nobis Festum ASCENSIONIS DOMINI?*

æ. Desiderium ac fiduciam consequendæ ali-

(a) Exod. 12. v. 27. (b) Rom. 6. v. 4.

(c) Coloss. 3. v. 1. (d) S. Leo. Serm. 1. de Nativ. Dom.

quando gloriæ illius, cujus possessionem pro se, suisque membris, hoc die Christus adiit. Postulat deindè ut vanam omnem, quæ (a) ab hominibus datur, gloriam, contemnent, illam à Christo præstolemur, quâ (b) *reformabit corpus humilitatis nostræ configuratum corpori clarissimæ suæ*; id est, corpus hoc nostrum humile, vile, miseriis & corruptioni obnoxium in eum statum transmutabit, ut sit tale, quale est corpus ipsius gloriosum.

Vide quæ de *Ascensione Domini* dicta sunt Part. 1. Sect. 1. Cap. 23.

Q. 11. *Quod mysterium recolitur die PENTECOSTES, quo animo celebrandum est?*

R. Recolitur Adventus Spiritûs Sancti, quo olim quinquagesimo die à Christi Resurrectione, visibili linguarum ignearum specie in Apostolos aliosque discipulos Domini, descendit, eosque cœlesti fervore accensos & inusitatâ Spiritûs fortitudinis roboratos, in novos homines transformavit.

Erat & apud Judæos dies post Pascha quinquagesima, solemni festo consecrata, in memoriam legis olim inter fulgura ac tonitrua eo die promulgatæ. Id præterea ex præscripto legis observabatur, (c) ut panes ex primitiis novæ messis confecti, id temporis Deo offerrentur. Utraque hæc figura per Adventum Spiritûs Sancti impleta est, quando & Apostolorum, omnium gentium linguis loquentium, ore, lex nova, Christi que resurrectio promulgata est, & primitiæ credentium (d) (tria nempe hominum millia ad primam Petri prædicationem) Deo consecratæ sunt.

(a) Joann. 5. v. 44.

(b) Philip. 3. v. 23.

(c) Levit. 23. v. 10.

(d) Act. 2. v. 41.

In hac porrò festivitate septiformis Spiritûs Sancti gratia ardentibus votis ac desideriiis flagitanda est, ut nos quoque Apostolorum more in alios homines transmutati, corde impavido & cœlesti amore inflammati, Dei magnalia verbo & exemplo prædicemus.

Q. 12. *Quid observandum est circa Festum SS. TRINITATIS?*

R. Omnes quidem festi dies ac præsertim Dominici, cultui & obsequio Sanctissimæ Trinitatis consecrati sunt : sed recentiori institutione festum speciale stabilitum est, quo solemiori pompâ majorique devotione incomprehensibile hoc mysterium *Dei Unius & Trini*, fideles venerentur. Ut autem Sanctissimam Trinitatem verè ac fideliter honoremus, modis omnibus anniti oportet, ut sicut inter Patrem, Filium & Spiritum Sanctum indissolubilis est unio per naturam, ita inter nos arctissima sit unio per charitatem : utque inditam nobis Adorandæ Trinitatis imaginem, puram semper, integram atque incontaminatam conservemus.

Q. 13. *Cur tantâ cum pompa & splendore in Ecclesia Catholica celebratur Festum Sacratissimi CORPORIS CHRISTI?*

R. Etsi FERIA V. majoris hebdomadæ institutio Eucharistiæ recolatur, quia tamen isto tempore in consideranda potissimum Christi Passione Ecclesia cum salutari luctu occupatur ; visum est solemne aliud festum instituere, (a) quo, in grati animi testimonium, cum apertis lætitiæ signis, tanti beneficii memoria coleretur ; maxime postquam Augustissimum hoc Sacramentum per novatores oppugnari cœptum est. Celebratur igitur

(a) Fecit id *Urbanus IV. Papa* an. 1264. Officium Ecclesiasticum illius solemnitatis composuit *S. Thomas Aquinas*.

tur in hac festivitate victoria, quam columna veritatis Ecclesia, Christo donante, ab hujus Sacramenti hostibus reportavit.

Nostrum porro est ad dignam hujus solemnitatis celebrationem; sinceram animi gratitudinem, profundamque mentis ac corporis demissionem ac reverentiam adferre, & cœlestem hunc animarum nostrarum cibum cum singulari devotione percipere, ut nostro exemplo alii moneantur, glorificare Deum per Jesum Christum Dominum nostrum.

C A P U T X V I I I.

De Festis Beatissimæ Virginis MARIE.

Questio 1. *Quæ est mens Ecclesiæ in Festivitatibus Sanctorum?*

1. In omnibus Sanctorum cum Christo regnantium Solemnitatibus, hoc ante omnia spectat Ecclesia, ut in Sanctis suis glorificetur Deus O. M., qui illos omnipotenti sua bonitate, *Sanctis*, felicesque effecit Alterum, quod sibi proponit, est utilitas & profectus noster, quando & Sanctorum exemplis ad parem virtutis æmulationem provocamur, & eorum intercessionibus adjuvamus.

Cæterum Sanctorum memoriis recolendis plerumque dies ille deputatus est, quo vitam hanc mortalem cum immortali commutarunt, quod ille sit verus eorum *natalis*, quo terræ denati, cœlo perennique gloriæ nascuntur.

Q. 2. *Quid causæ est cur in Ecclesia Catholica, eam speciali, tamque multiplici devotione præ cæteris Sanctis honoretur VIRGO MARIA?*

1. In causa est ejus excellentia, dignitasque ipsi soli propria, ac aliis incommunicabilis, ut

EST MATER DEI. Ob hujus nominis prærogativam arctissimam & sublimissimam quædam unione conjuncta est Personis omnibus Sanctissima Trinitatis; *Patri*, ob filium utrique communem: *Filio*, quia ejus mater est: *Spiritui Sancto*, quia divinam ejus operatione sæcundata, ex purissimo suo sanguine Christum concepit. Cum itaque non dubitemus, quin præ creaturis omnibus hanc Sacratissimam Virginem donorum omnium abundantiam Deus impleverit, ut dignum Filio Dei habitaculum efficeretur; nullo quoque pacto ambigimus, quin eam à nobis speciali cultu honorari velit Deus, quam ipse tot tantisque modis honoravit. Nec minus persuasi sumus per ejus potentissimum patrocinium, plurima nobis à Deo bona obvenire, cum per *Mariam* ipsam gratiæ Auctorem, Divina benignitas humano generi impertita sit. *Totis ergo medullis cordium*, (inquit (a) S. Bernardus) *totis præcordiorum affectibus Mariam veneremur: quia sic est voluntas ejus, qui totum nos habere voluit per Mariam.*

Q. 3. Quenam mysteria B. Mariæ Virginis cum solemnibus festivitate celebrantur?

R. 1. *Conceptio* 8. Decembris. 2. *Nativitas* 8. Septembris. 3. *Annuntiatio* 15. Martii. 4. *Visitatio* 2. Julii. 5. *Purificatio* 2. Februrii. 6. *Assumptio* 25. Augusti.

Q. 4. Quenam est ratio celebranda CONCEPTIONIS Virginis Matris?

R. Antiquam traditionem receptum est eam per miraculum à parentibus sterilibus *Joachimo* & *Anna* ortum habuisse. Communis deinde fidelium pietas persuasum habet, Sanctissimam hanc Dei Matrem ob honorem & majestatem Filii ex ea

(a) Serm. 2. de Deipar. Virg. aliàs de aqueductu.

nascenti, ex ejusdem meritis præservatam fuisse ne in sua *Conceptione*, peccati originalis maculâ contaminaretur. (a) In hac porro festivitate expendere juvabit, partim conceptionis nostræ originali labe infectæ infelicem originem; partim divini muneris largitatem, quo Sanctissimam Virginem mundo dedit, ut ex ea postmodum humani generis Redemptor nasceretur.

Q. 5. Quo pacto B. Mariæ NATIVITAS utiliter celebrabitur?

2. Si considerantes Mariam sine peccato natam, sine omni prorsus peccato vixisse, pauperem, incognitam, humilem, solâque Dei voluntate & beneplacito perpetuè occupatam, hanc ejus admirabilem sanctitatem debito pietatis affectu veneremur, & pro virili nostrâ Deo aspirante imitemur. "Sit vobis (ait (b) *Ambrosius*)
 „ tamquam in imagine descripta virginitas, vi-
 „ taque Beatæ Mariæ, de qua velut speculo,
 „ refulget species castitatis, & forma virtutis.
 „ Quid nobilius Dei Matre? Quid splendidius
 „ eâ quam splendor elêgit? Quid castius eâ,
 „ quæ corpus sine corporis contagione genera-
 „ vit? Talis fuit Maria, ut ejus unius vita om-
 „ nium sit disciplina. „

Q. 6. Cujus rei memoria celebratur in Festo ANNUNTIONIS Mariæ?

2. Incarnationis Dominicæ, quam in ejus sacratissimo utero Spiritus Sanctus operatus est, quando Angelo *Gabriële* rem tûm novam Dei jussu nuntiante, Castissima Virgo humilem consensum præbuit, postquàm sine suæ Virginitatis detrimento concepturam se intellexerat.

(a) Vide Const. Sixti V. *Cum præcelsa*; item: *Grave nimis*. Extrav. comm. lib. IV. de Reliq. & Vener. SS. & Trid. Sess. V. de Pecc. Orig. (b) Lib. 2. De Virgin.

Nostrum erit pro modulo nostro æmulari virtutes Virginis, quæ in hujus mysterii serie singulariter elucet: admirandum scilicet suæ, *quam voverat, Virginitatis* amorem, cui ipsum Divinæ Maternitatis honorem pœnè post habuisse videtur: modestissimam deindè animi demissionem & *humilitatem*, quâ cum Filii Dei Mater eligeretur, se abjectam Domini *Ancillam* prostebatur. Promptam denique *fidem* perfectamque ejus *obedientiam*, quam verbis Angelicis sine hæsitacione adhibuit. At præ omnibus summâ devotione & animi gratitudine recolendum est, ineffabile Dominicæ Incarnationis mysterium, sine quo omnes æternùm perditæ eramus, & ex quo omne bonum gratiæ & gloriæ dimanat.

Q. 7. *Quid complectitur festum VISITATIONIS Mariæ?*

æ. Memoriam celebrat *Visitationis* illius, quam Sanctissima Dei Mater Divini Spiritûs operatione jam gravida, cognatæ suæ *Elisabethæ*, quæ adhuc cum *Joannem* Præcursores Domini utero gestabat, summâ humilitate & charitate impendit; ut *Joannes* etiamnum in materni corporis carcere latitans, Divini Verbi præsentia sanctificaretur.

Ut porrò hæc à nobis festivitas utiliter celebretur, opportunum erit magno simul de Dei magnitudine gaudio & profundo humilitatis affectu meditari & recitare divinum illud *Canticum*, quo Virgo Mater, cum à cognatâ miris præconiis laudaretur, in proprii *nihili* abyssum ultrò se revocans, stupendâ animi dimissione Dei magnalia celebravit.

Q. 8. *Quid exhibet Festum Purificationis Virginis, & quo animo peragendum est?*

æ. Exhibet Christum in Templo Hierosolymini.

tano semetipsum in manibus Maris æterno Patri offerentem. Exhibet Matrem *pauperum* ritum implentem legem, quâ præscribebatur ut quadragesimo post partum virilem die, duplex in templo hostia offerretur, altera in holocaustum, altera pro peccato; cujus sanè legis ratio ad eam, minimè pertinebat. Exhibet iustum *Simeonem*, qui Divino Spiritu revelante in templum ingressus, Messiam agnovit, eumque in ulnas suas lætissimus accepit. Exhibet denique *Annam* Prophetissam, sanctissimam Viduam à bonorum operum exercitio mirè commendatam, quæ & ipsa ejusdem Spiritus instinctu superveniens, Christum omnibus cum expectantibus, prædicavit.

Porrò in hujus festi celebratione inculcantur nobis potissimum *humilis* erga divinas humanasque leges *obedientia*, exemplo Matris Virginis quæ se legi quâ non tenebatur, ultrò submitit: Vera deindè ac viva *fides* in Jesum Christum, *Lumen* illud *gentium*, quod accensis hodie **CERIS** visibili ceremoniâ Ecclesia profitetur: Denique spiritus *oblationis* & *sacrificii*, ut unà cum Christo nos ipsos totos divinis obsequiis & gloriæ consecremus.

Q. 9. Quid Festo ASSUMPTIONIS Virginis celebrandum proponitur?

a. Felix Mariæ mors & gloriosa *Assumptio*, quâ cum ingenti totius curiæ cœlestis gaudio, (a) *Exaltata est super Choros Angelorum ad cœlestia Regna*; &, ut habet constans fidelium sensus, non *animâ* solum verum etiam (b) *corpore* glorificata. Enimverò si Christus à morte resur-

(a) Offic. Eccl.

(b) Vide Baron. in Notis ad Martyrolog. & in Annal. ad ann. 48. num. 2. & seqq.

gens complures, qui obierant, Sanctos (a) ad vitam (ut videtur) immortalem suscitavit, & unâ secum gloriosos in cœlum innoxerit credine par est minùs eum præstitisse erga tantæ dignitatis Matrem, tanto sibi amore conjunctam? Et sanè Ecclesia à primis temporibus in colligendis Sanctorum Reliquis mirè sollicita, de Virginalis corporis Reliquiis nullam unquam mentionem fecit.

Hoc interim nobis in hâc festivitate præcipuè meditandum est, Sanctissimam Dei matrem ad tam sublimem gloriæ dignitatem, non aliter quàm per profundissimam *humilitatem* pertigisse, adedò ut juxta Christi sententiam, quantum se ipsa demisit, tantum fuerit exaltata; ut & nos ejus exemplo memores simus, (b) spiritualis ædificii nostri fabricam à fundamento *humilitatis* auspicari.

CAPUT XIX.

De præcipuis Festivitatibus aliorum Sanctorum.

QUæstio 1. *Quenam est illius lætitiæ ratio quâ S. JOANNIS BAPTISTÆ NATIVITAS in Ecclesia celebratur?*

✠. Quia Præcursor ille Domini in ipso Matris utero sanctificatus, instar *aurore*, verum orientem, qui Christus est, præcedentis, in hanc lucem prodiit. In hujus lætitiæ testificationem, multis in locis mos invaluit, ut festivi ignes accendantur, à quibus omnis dissolutio, omnisque superstitio (quæ sensim irreperere solent) procul arcendæ sunt.

(a) Vide Jansenium. Episc. Gandens. in Concord. cap. 143. Matth. 27. 7. 7. 52. & 53.

(b) Vide S. Aug. Serm. 10. de Verbis Dom.

Juvabit autem exemplo *S. Joannis*, qui à pueritia cum summa vitæ innocentia incredibilem in deserto austeritatem conjunxit, nosmetipsos excitare ad sæculi contemptum, innocentem vitæ integritatem, & spontaneam sensuum nostrorum mortificationem.

Q. 2. *Quomodo celebranda sunt Festa SS. Apostolorum?*

R. Intimo animi sensu venerari oportet primos illos Ecclesiæ Pastores, quos Christus ad fundandam Ecclesiam suam, miraculorum suorum testes, doctrinæque depositarios esse voluit; quod ut illi efficacius præstarent, testimonium quod reddebant proprio sanguine consignarunt. Et licet pauca admodum de Apostolorum plerorumque gestis nobis innotuerint; quantum equidem & quo eventu laboraverint, fructus ipse demonstrat, quando totus pœnè orbis terrarum usque ad nationes maximè barbaras, per eorum prædicationem Evangelii notitiâ, catibusque Christianorum impletus fuit.

Alterum est, ut nos eorum zelum pro salute animarum pro virili nostra æmulemur, Deumque Patrem per Jesum Christum suppliciter oremus, ut ipso donante *Apostolici Spiritus* fervor, in Christi ministris etiamnum hodiè perseveret.

Q. 3. *Quid speciatim complectitur Festum SS. PETRI & PAULI?*

R. Celebrandum proponit duplex Martyrium, Principis Apostolorum *Petri*, & Doctoris Gentium *Pauli*, qui eodem die sub impio *Nerone*, (a) Romanam Ecclesiam; cæterarum omnium Matrem & Magistram, suo sanguine dedicarunt.

(a) Circà an. *Æræ. Vulg.* 66.

Ità porro

Ità poterò *B. Petri* Primatum, generosum in cruce martyrium, & quæ in duabus Epistolis nobis reliquit documenta, venerari nos oportet, ut & illius in Romana Cathedra successor, seu supremo totius Ecclesiastici Regiminis Moderatori, sinceram obedientiam alacriter impendamus; Sponsumque Ecclesiæ Jesum Christum enixè oremus, ut qui ab hoc unitatis centro in viam schismatis, & errorum diverticula deflexerunt ad Ecclesiasticæ unitatis compagem, ipso propitio reducantur.

In *Paulo* suspicere & adorare nos convenit omnipotentem divinæ gratiæ operationem, quæ ille, ut tantò fortius & invictius ejus esset testimonium, ex ardentissimo Christianorum persecutore, (a) Christianæ fidei præco, Doctorque gentium effectus est. Veneremur abstrusa mysteria & universa salutis monita, quæ in communem Ecclesiæ utilitatem quatuordecim Epistolis, prorsus admirandis *Paulus* exposuit. Discamus utriusque exemplo nullis pro Christi gloria laboribus fatigari, nullis ab ejus confessione suppliciis deterri.

Q. 4. Quâ ratione SS. EVANGELISTARUM Festa celebranda sunt?

Æ. *Evangelista* dicuntur quatuor illi historici, qui sanctâ simplicitate, & admirabili consensu, sine concertatione tamen consiliivæ communicatione, vitæ, prædicationis & mortis Christi æta conscripserunt; quorum primus *Matthæus* (b) ex Publicano Apollolus, paulò post Christi mortem, ejus historiam in Judæa conscripsit.

Secundus. *Marcus*, *Petri* Discipulus, decem circiter annis post Christi mortem, cum *Petrus*

(a) Act. 9.

(b) Mark. 9. 7. 9.

Romanam Ecclesiam fundaret, Evangelium exaravit.

Tertius, *Lucas* professione medicus; indidus *Pauli* comes, qui annis post Christi mortem circiter viginti tribus, scripsit Evangelium: cui addidit historiam nascentis Ecclesiae rerumque à *Paulo* gestarum, libro qui *Acta Apostolorum* inscribitur.

Quartus denique *S. Joannes* Apostolus, dilectus ille Christi Discipulus, qui in ultimâ cenâ (a) fluente Evangelii de ipso sacro Dominici pectoris fonte potavit, post tres Epistolas, & Propheticam *Apocalypsim*, postremos omnium scripsit Evangelium, contrâ exortas adversus Christi Divinitatem hæreses, anno circiter post Christi mortem 65.

Ceteram menti Ecclesiae conforme est, in SS. Evangelistarum festivitibus Deo gratias agere, quodd per eos salutarem ad nos transmiserit veritatem, ejusque misericordiam deprecari ut ad credendum firmiter quæcumque per Evangelistas scripta sunt, suo nos lumine magis magisque illustret.

Q. 5. Quid de Festis SS. MARTYRUM?

- R. *Martyres* dicuntur testes illi veritatis Evangelicæ, qui eam suo sanguine consignarunt, vitamque pro Christi gloria prodigentes, talem erga illum amorem testati sunt: (b) quo major dari non potest. Atque hæc est justissima Ecclesiae Catholicæ gloriatio, eam se fidem & religionem profiteri, quæ innumerabilium testium sanguine consignata sit. Etenim primis tribus Ecclesiae sæculis perpetua ferè & universalis persecutio, (c)

(a) Joann. 13. v. 25. (b) Joan. 15. v. 13.

(c) Vide *Acta Martyrum sincera & selecta* per Theodoricum Ruinart.

prodigiosam Christianorum multitudinem, omni tormentorum genere è medio sustulit, inter quos, ut Divini Spiritûs efficaciam clariùs elucesceret, tenelli sæpè pueri & puellæ cruciatus acerbissimos, invictò animo superarunt.

Quod ad nos attinet, *Martyrum* exemplo discere debemus, ut per bonorum operum fructum & quantumvis adversitatum tolerantiam, per affectum nostrorum abnegationem, & spirituale martyrium, fidem nostram passim semper testificemur.

Q. 6. *Quid in Festis SS. CONFESSORUM?*

✠. Olim *Confessores* dicebantur, qui pro veritate Evangelica, varia incommoda citrà mortem sustinuerant; hodiè eo nomine vocantur illi, qui sanctitate conspicui sine Myrtyrio vitam finiunt.

Generatim autem in eorum festivitatibus meditandæ sunt virtutes in quibus excelluerunt, Deusque orandus ut per illorum intercessionem nobis tribuat, easdem virtutes imitari.

Q. 7. *Quid in Festis SS. VIRGINUM?*

✠. Hæ sunt Ecclesiæ Christi singulare decus & ornamentum, (a) quæ in carne fragili & mortali vitam Angelicam æmulatæ sunt.

Harum proindè exemplo animare oportet nosmetipsos, ut singulari *castitatis* amore Deo fideliter serviamus, mundumque cum universis cupiditatibus ejus, Christo adjuvante, vincamus.

Q. 8. *Quid in Festis SS. MULIERUM & VIRGULARUM?*

✠. Glorificandus est Deus, quod omne hominum genus, status omnes & conditiones ad sanctitatem vocet, nosque ipsi excitandi, ut illius status aut muneris obligationes in quo nos divina

(a) Vide S. Ambros. lib. 1. de Virg.

providentia collocavit, sedulò impleamus, ut hoc pacto ad sanctitatem quam illa consecutæ sunt, nos quoque pertingamus.

Q. 9. *Quorsum instituta est sollemnis Festivitas SANCTORUM simul OMNIUM?*

R. (a) 1. Quidem, ut cum singulis per annum singulis dies adscribi nequeat, una saltem omnes Beatorum ordines solemnitate coleantur, proque eorum victoriis & triumphis grates Deo agerentur.

2. Ut quod in ceteris Sanctorum festis per socordiam negligentiamque deliquimus, singulari devotionis fervore eo die restauremus.

3. Ut (b) desideratam nobis suæ propitiationis abundantiam, multiplicatis intercessoribus Dominus largiatur.

4. Ut dum omnium Sanctorum merita sub una celebritate veneramus, nullus sit sexus, status, aut conditio, quæ non habeat exemplar sibi propositum, quod imitetur. Nam etli primum virtutum omnium exemplar cunctis propositum sit *Iesus Christus*; ne tamen infirmitas nostra ad illam sublimitatem *Dei hominis* obtupefcat, proponuntur nobis hodie, homines similes nobis, in fragili carne mortales, ut nulla nobis justa excusatio superlit, si pigeat eorum exempla sectari.

5. Denique ut ex tantæ Sanctorum felicitatis meditatione, ad cœlestis gloriæ desiderium excitemur.

Q. 10. *Quid de commemoratione OMNIUM FIDELIUM DEFUNCTORUM?*

R. Ecclesia in terris *Militans*, postridiè quàm *Triumphantem* in Cœlis venerata est, illiusque pro se patrocinium flagitavit, ex eodem spiritu

(a) Vide S. Bernard. quinque Sermonibus agentem de hac sollemnitate. (b) Collecta Diei.

Communione Sanctorum, curam suam convertit ad Ecclesiam *Patientem*, ut suis illi suffragiis & præcipuè communi Redemptionis sacrificio opituletur. Privatâ itaque sollicitudine in dies alios reservatâ, isto die ad omnes generatim animas in Purgatorio decedens cura nostra extendenda est : simulque assumendus poenitentiae spiritus, quo in hac vita poenalibus operibus purgati, sine ulla comparatione graviora post mortem tormenta evadere possimus.

Q. 11. *Quo spiritu peragendum est festum annum DEDICATIONIS ECCLESIAE?*

✱. Recordari oportet visibile illud Templum caeremoniis plurimis maximèque venerandis consecratum fuisse, ut loco tantis mysteriis celebrandis destinato debita reverentia conciliaretur, quam proinde in nobis ipsis excitare & renovare debemus. At præterea cogitare quisque debet, se olim per Baptismum in vivum templum Patris, Filii & Spiritus Sancti fuisse consecratum ; eritque aded opportunum Baptismalia promissa firmo animi proposito renovare, credendi in Deum, & abrenuntiandi pompis & operibus diaboli, id est vanitati & corruptioni hujus sæculi. Atque hæc consideratio unicuique validum esse debet incentivum, ut dissolutionem & intemperantiam, quæ per astutiam serpentis antiqui, multis in locis in hos sacros dies irrepserunt, sedulò satagat evitare.

Q. 12. *Quid facto opus, ut festum PATRONI sui quisque utiliter celebret?*

✱. Juvabit expendere, quæ in illo virtutes singulariter commendantur : earum deinde proprietates, utilitatem & necessitatem attentius meditari ac denique ad earundem imitationem seriâ voluntate accingi, adhibito ad eum finem ejusdem Sancti

apud Deum patrocinio. Debet porro generatim mentibus nostris id esse impressum, Sanctorum cultum parum nobis profuturum, (a) nisi sedulo annitamur resecētis vitiis eorum virtutes amari.

Q. 13. *Quid de Festis SS. ANGELORUM?*

R. Horum Festivitas præcipuè celebratur 29. Septembris, quando simul omnium memoria agitur cum *Santo Michaële* eorum Principe. Fit quoque speciatim *Angelorum Custodum* memoria die 2. Octobris, sed minùs solemniter.

Celebrandi ratio est eorum cum Deo conjunctio, & pro nobis pia sollicitudo, ut nostras ante Dei Thronum orationes offerant, nosque tueantur ac protegant.

Divinæ autem benignitati; quæ tam sublimes spiritus salutis nostræ nobis dedit ministros, sincero cordis affectu gratias agere oportet: revereri deinde fideles omnes, quantumvis abjectos aut parvulos, quia (b) *Angeli eorum semper vident faciem Patris qui in cœlis est*: revereri etiam tutelaris Angeli nostri præsentiam, ne peccatis nostris affligatur, illique magna cum fiducia nos ac nostra omnia custodienda committere, eumque ob tantam nostri curam cum intima gratitudine venerari. Denique jurabit nosmetipsos (quantum in nobis est) excitare, ut in conspectu Angelorum ferventi cordis affectu orationes nostras effundentes, eas velut gratissimi odoris incensum ante Dei conspectum illis perferendas committamus.

(a) Vide S. Augustinum Serm. 317. aliàs 92. de diversis.

(b) Matth. 18. 10.

CAPUT XX.

De Virtutibus Cardinalibus.

QUæstio 1. *Quid generatim Virtus est, & quæ ejus divisio?*

Æ. Virtus est facultas animi constans, atque conveniens, Laudabiles efficiens eos in quibus est, & ipsa per se, semotâ etiam utilitate, laudabilis.

Usitata *Virtutis* divisio est in *Theologicam* & *Moralem*.

Theologica sic dictæ quod circa Deum O. M. proximè & immediatè versentur, numerantur tres, *Fides*, *Spes* & *Christitas*, de quibus in superioribus abundè tractatum est.

Morales sic appellatæ, quòd circa *mores*, id est deliberatas hominum actiones occupentur, revocari solent omnes ad quatuor principales, quæ ceu quidam *Cardines*, in quibus omnis honestæ vitæ ratio vertitur, dictæ sunt *CARDINALES*; (a) sunt autem *Prudentia*, *Justitia*, *Temperantia* & *Fortitudo*.

Q. 2. *Quid est PRUDENTIA, quæ illius partes, quæ officia?*

Æ. Prudentia est rerum expetendarum, fugiendarumque scientia.

Partes ejus præcipuæ sunt, attenta præteritarum rerum *recordatio*, circumspècta & docilis *inselligentia* præsentium, cauta denique ac solers futurarum rerum *providentia*.

Prudentiæ Christianæ *officium* hæc præsertim

(a) Vide S. Ambros. in lib. Officior. S. Aug. lib. 1. de Lib. Arb. c. 13. & lib. de Mor. Eccl. Cath. c. 15. lib. de Gen. cont. Manich, cap. 10. lib. 1. contra Amand. c. 7. S. Bernard. ex parvis Scrm. 35.

duo complectitur. Primum est ut optimum, ubique aptum vitæ genus divino Spiritu dirigente quisque maturè deligat : alterum est, ut illius vitæ generis quod elegerit, functiones & obligationes omnes accuratè investigans, nihil quod sui muneris est prætermittat, actionesque suas omnes ad præscriptum rationis, legisque Evangelicæ exigat.

Quem in finem ex innumeris regulis, quæ præscribi possent, hæc, saltem duæ memori mente perpetuò teneantur : 1. Finem ultimum qui Deus est, æternaque illius possessio, semper præ oculis habendum, totumque vitæ cursum eò dirigendum esse. 2. Numquam utile honesto, aut æquo iniquum anteponendum : aded ut nihil agas unquam, quod dubites æquumne sit, an iniquum. (a) *Quid prodest homini, si universum mundum lucretur, animæ verò suæ detrimentum patiatur?*

Q. 3. *Quanam Prudentia Christiano homini sollicitè evitanda est?*

2. Illa scilicet quam Apostolus vocat (b) *Prudentiam carnis*, dicens esse *inimicam Deo*; quæ quis sapit, curat, providet ea quæ carnis sunt; id est, quæ depravatæ hominis naturæ blanda & grata sunt, ad se suæque commoda referens universa. Sectanda è diverso ea prudentia est, quam Christus totius sapientiæ ac prudentiæ fons & origo, his verbis inculcat : (c) *Estote prudentes sicut serpentes, & simplices sicut columbæ*, ut intelligamus ad Christianam perfectamque prudentiam utcumque conjunctim requiri, *columbinam* videlicet *simplicitatem*, quæ innocentes, mitesque efficiat, & *solertiam serpentinam*, quæ nos cautos ac providos reddat, ut nec fallamus ipsi,

(a) Matth. 16. 7. 26.

(b) Rom. 8. 7.

(c) Matth. 10. 7. 16.

neque ab aliis perniciosâ fraude circumveniamur.

Id fiet si doctrinâ Apostolicâ obtemperemus:

(a) *Videte fratres, quomodo cautè ambuletis; non quasi insipientes, sed ut sapientes, redimentes tempus quoniam dies mali sunt. Propterea nolite fieri imprudentes, sed intelligentes quæ sit voluntas Dei.* Quorum verborum hæc est sententia:

(b) *Cùm dies mali sint, omnia peccandi periculis plena, cavendum esse ne simus imprudentes & incauti in conversatione nostrâ; ne pretiosum bonè agendi tempus nobis effluat; sed dandam operam ut intelligamus quid quovis loco ac tempore à nobis fieri velit Deus, ut cæteris postpositis, id exequamur.*

Q. 4. *Quid verò est JUSTITIA?*

R. *Justitiæ nomen interdum Virtutum omnium Christianarum complexionem denotat, à qua is justus dicitur, qui Deo gratus & amicus est.*

At hoc loco contractius pro speciali illa virtute sumitur, cujus id est proprium, *constantì ac perpetuâ voluntate dare cuique quod suum est.* De Justitiâ vitiisque illi advertis suprâ suis locis pleraque scitu magis necessaria jam dicta sunt.

Ut porro multiplicia *Justitiæ* officia certius & accuratius impleamus, memoriâ nunquam excidat hæc æquitatis regula, quam ipsa Æterna Justitia Jesus Christus præscripsit: (c) *Omnia quæcumque vultis ut faciant vobis homines, & vos facite illis.*

Q. 5. *Quæ sunt Virtutes aliæ quæ ad Justitiâ revocantur, illique annexæ dici solent?*

R. Virtutes justitiæ *annexæ* dicuntur illæ, in quibus vel non reperitur stricta ratio debiti, vel

(a) Ephes. 5. 7. 15. (b) Vide *Estium* in eum *Iosum*,

(c) *Matth.* 7. 7. 12.

talís invenitur, quæ ad æqualitatem reddi non possit. Inter eas præcipuæ sunt *Religio*, *Pietas* & *Observantia*.

RELIGIO est virtus illa, quæ Deo O. M. cœli Omnipotenti rerum omnium Conditori, & sapientissimo ac benignissimo moderatori, debitus cultus exhibetur. Deficit à ratione iustitiæ, quod ad æqualitatem debitum persolvere non possit. Enimverò quidquid habemus, quidquid possumus, quidquid sumus, id totum debemus Deo & (a) cum fecerimus omnia quæ præcepta sunt nobis, servi inutiles sumus. Bonorum utique nostrorum (b) ille non indiget; dumque illi servimus, nihil ipsi accedit, sed nobis. Bonus sanè ac verus *Dominus*, qui servo nequaquam indiget, sed sine quo servus esse non potest.

PIETAS ea virtus dicitur, quæ parentibus & Patriæ, tanquam ortus nostri post Deum auctoribus, consanguineis item & civibus debitum obsequium præstamus.

OBSERVANTIA debitum honorem exhibet personis in dignitate constitutis, tanquam vitæ nostræ post Deum moderatoribus. Eam exercent servi erga Dominos, subditi erga Principes, Clerici omnesque fideles erga Episcopos & Pastores. Monachi erga Abbates, discipuli erga Magistros.

Q. 6. *Quid est TEMPERANTIA?*

A. Est virtus, quæ sensuum oblectamenta, gustus præsertim ac tactus, intra rectæ rationis limites coercet. Ad eam pertinent *Abstinencia*, quæ in cibo, *Sobrietas* quæ in potu moderando occupari dicitur, *Castitas* deinde, quæ ab illicitis voluntatibus, & *Pudicitia* quæ ab omni aspectu & tactu impudico refrænatur.

(a) Luc. 17. 7. 10. (b) Psalm. 15. 7. 2.

Cæterum "Habet, inquit *S. Augustinus*, (a)
 „ vir temperans in rebus hujus vitæ regulam
 „ utroque Testamento firmatam, ut eorum ni-
 „ hil diligat, nihil per se appetendum putet;
 „ sed ad vitæ hujus, atque officiorum necessi-
 „ tatem, quantum satis est usurpet, utentis mo-
 „ destiâ, non amantis affectu."

Q. 7. *Quid est Fortitudo?*

Æ. Est virtus, quâ labores, mortisque pericu-
 la, si quando pro veritate & justitia opus est,
 constanter & suscipiuntur & perferuntur. Media
 est inter pusillanimum *Timiditatem*, & audacem
Temeritatem.

Vera *Fortitudo*, Christianorum est propria:
 dum nullis terroribus, nullisque incommodis à
 Dei Lege divelli queunt. Quæ res potissimum
 eminuit in *Martyribus*, qui tametsi ætate imbe-
 cilles, aut sexu fragiles, memores tamen senten-
 tiæ Salvatoris: (b) *Nolite timere eos qui occi-
 dunt corpus, animam autem non possunt occidere:*
sed potius timete eum, qui potest & animam &
corpus perdere in gehennam, tormenta quævis atro-
 cissima, ipsamque mortem potius pertulerunt,
 quàm à Jesu Christi fide, & veritate desciscerent.

Ceterum verum illud animi robur, nobis om-
 nibus in Christi militia necessarium, ab eo po-
 stulandum & expectandum est, cujus (c) *virtus*,
 id est fortitudo *in infirmitate perficitur*, & illu-
 strior evadit. Hostes habemus pravalidos, sed
 quos militiæ nostræ Dux Jesus Christus, semel
 ita prostravit, ut cum auxilio ejus eos etiam nos
 superaturi simus. Ingentis quidem certaminis res
 est, illecebras *carnis* blandientis, terrores & va-
 nitatem *mundi* seducentis, laqueos ignitaque te-

(a) S. Aug. Lib. de Morib. Eccles. cap. 12.

(b) Matth. 10. v. 28. (c) 2. Cor. 12. v. 9.

la diaboli insidiantis, constanter superare: sed indefinenter obtutu aspiciamus (a) in remunerationem, & qui ex nobis ipsis nihil, omnia poterimus (b) in eo qui nos confortat.

C A P U T X X I.

De quatuor Hominis (c) Novissimis.

QUæstio 1. *Quæ dicuntur quatuor hominis NOVISSIMA?*

✱. Ea quæ inter cetera, quæ homini accidere possunt, extremum planè locum obtinent. Sunt autem: *Mors, Judicium, infernum & cælestis gloria. Statutum est enim hominibus semel MORI, Post hoc (d) autem JUDICIUM, tum particulare statim post mortem uniuscujusque, tum universale in consummatione sæculi. (e) Procedent autem qui bona egerunt, in VITAM ATERNAM, qui verè mala, in SUPPLICIUM ATERNUM.*

Q. 2. *Utilisne est harum rerum frequens & attenta consideratio?*

✱. Prorsus unicuique utilissima est: primùm quidem, ut ab omni peccandi licentia, consuetudine & proclivitate, salutari divini Numinis timore deterriti, in via virtutis veræque pietatis professione confirmemur ac provehamur. Etenim (f) *In omnibus operibus tuis memorare novissima tua, & in æternum non peccabis.*

Secundò, eo confert maximè horum *Novissimorum* seria meditatio, ut à curâ, studio & amore illarum rerum, quæ in hoc mundo caducæ

(a) Hebr. 11. v. 26. Psalm. 118. v. 122.

(b) Philip. 4. v. 13. (c) Vide Catech. Canisii.

(d) Hebr. 9. v. 27. (e) Joam. 5. v. 29. Matt. 25. v. 46.

(f) Eccli. 7. v. 40.

& fluxæ & vanæ sunt, facilius ac stabilius avocemur, agnoscentes universa, (a) quæ sub sole fiunt, vanitatem esse & afflictionem spiritus.

Tertio, ex frequenti harum rerum cogitatione sensim assuescimus nihil unquam temerè aut inconsultò aggredi, sed extrema primùm omnium nobis ob oculos ponere, sineque prospecto viâ regiâ incedere, ut neque ad dexteram, neque ad sinistram à recto deflectamus.

Q. 3. *Quid evenire solet filiis sæculi hujus, quibus nimis tristis & molesta est Novissimorum consideratio?*

1. Ut (b) vanitatem diligant, & quærant mendacium, ut (c) absque timore ullo perpetrent mala, imò non rarò (d) latentur cum malè fecerint, & exultent in rebus pessimis, (e) *Tenent tympanum & cytharam, & gaudent ad sonitum organi: ducunt in bonis dies suos & in puncto ad inferna descendunt.* Sic (f) *Risus dolore miscbitur, & extrema gaudii luctus occupat.* (g) *Gens absque consilio est, & sine prudentia: utinam saperent, & intelligerent ac novissima providerent.*

Q. 4. *Quanam igitur circa MORTEM præcipuè considerata sunt?*

1. Expende 1. Nihil esse certius quàm te esse moriturum: sed quâ horâ id futurum sit, rem esse prorsus incertissimam, atque à solo notu divinæ providentiæ momentis singulis dependentem. Interim vix nati sumus, & ecce mori incipimus, (b) *& quasi aqua dilabimur in terram, quæ non revertuntur.*

2. Hominis moribundi anhelitus, & angustias,

(a) Eccl. 1. 2. 14. (b) Psalm. 4. 2.

(c) Eccl. 9. 2. 11. (d) Prov. 2. 2. 14.

(e) Job. 21. 2. 12. (f) Prov. 14. 2. 13.

(g) Deut. 32. 2. 23. & 29 (h) 2. Reg. 14. 2. 14.

pallorem vultûs & lineamentorum omnium sublitam confusionem, utiliter tibi ob mentis oculos exhibebis, ut hanc (a) *universæ carnis viam* te quoque propediem ingressurum esse, nullo unquam tempore obliviscaris.

3. Quisquis infami voluptati, spurcisque corporum deliciis perditè inardescit, is tantisper consideret, quomodò hæc ipsa corpora tantopere adamata, mox ubi mors animam ab illis separavit, cunctorum horror fiant & abominatio, omnesque festinent ea è conspectu removere, veribusque ac putredini depascenda committere.

4. Ut (b) *mors peccatorum pessima est*, eorum scilicet, qui gravi crimine obstricti, sine pœnitentia moriuntur : ità (c) *pretiosa in conspectu Domini mors Sanctorum ejus*. His quippe mors ista corporis, nihil aliud quàm laboriosæ hujus peregrinationis ærumnosi exilii terminus, quæta & secunda usque ad futuram resurrectionem obdormitio, veræ vitæ principium, & optabilis transitus ad beatam immortalitatem : cujus desiderio Apostolus flagrans, & hujus mortalitatis pertæsus, cupiebat (d) *dissolvi, & esse cum Christo*. Enim verò (e) *Beati mortui, qui in Domino moriuntur : amodò jam dicit spiritus, ut requiescant à laboribus suis, opera enim illorum sequuntur illos*.

5. Denique ut mors nobis obtingat felix, indefinenti studio laborandum est, ne obveniat imparatis. Idcirco toties in Evangelio nobis repetitur illud : (f) *Vigilate : item, Estote parati : quia quâ horâ non putatis, Filius hominis ve-*

(a) Jesuè 23. 7. 16.

(b) Psalm. 39. 7. 22.

(c) Psalm. 115. 7. 15.

(d) Philip. 1. 7. 13.

(e) Apocal. 14. 7. 13.

(f) Matth. 25. Marc. 13. Luc. 12.

niet. (a) *Ergo dum tempus habemus, operemur bonum*, (b) *Venis enim nox, quando nemo potest operari.*

Q. 5. *Quid de JUDICIO præcipue cogitandum est?*

æ. Horrendum esse incidere in manus illius Judicis, cujus non licet potestatem effugere, sapientiam fallere, æquitatem seditare, judicium retractare. Christus scilicet, qui in primo suo adventu, ut mississimus *Agnus* apparuit, in secundo ut *Leo* (c) terribilis apparebit, scrutabitur (d) *Jerusalem* in lucernis: revelabit abscondita tenebrarum, & manifestabit consilia cordium: ipsaque etiam benefacta (e) & justitias nostras judicabit, ut det unicuique juxta viam suam, (f) & juxta fructum adinventionum suarum. Quod dum ipsimet Sancti ac justi attentè mente perpendant, tremantes & pavidì cum Davide exclamant: (g) *Ne intres in judicium cum servo tuo Domine.*

Ut verò Clementem tunc judicem, ac diem illum, (b) quo cælum & terra transibunt, letum nobis, faustumque habeamus, nihil utilius isto Sapientis consilio: (i) *Ante languorem adhibe medicinam, & antè judicium interroga teipsum, & in conspectu Dei invenies propitiationem.* (k) *Si enim nosmetipsi judicaremus, non utique judicaremur.*

Vide Part. 1. Sect. 1. cap. 24. ubi de Judio latius actum fuit.

Q. 6. *Quid de INFERNO ejusque pœnis cum animis nostris expendere debemus?*

(a) Gal. 6. 7. 10.

(b) Joan. 4. 7. 9.

(c) Apoc. 6. 7. 1.

(d) 1. Cor. 4. 7. 5.

(e) Psalm. 74. 7. 1.

(f) Isai. 8. 7. 10.

(g) Psalm. 140. 7. 2.

(h) Luc. 21. 7. 23.

(i) Eccl. 18. 7. 20.

(k) 1. Cor. 11. 7. 31.

a. Ut (a) divini timoris stimulo carnes nostræ configantur, perpendatur supplicii primum acerbitas, deinde æternitas : quod si ita seriò fiat, ut ad cor penetret, nemo est tam ferreus, qui non toto animo ac corpore contremiscat.

Considera ergo ante omnia luctuosum, triste ac horridum à jucundissimo Dei conspectu *exilium* : adde *fletum & fridorem dentium* : dilaniatæ conscientie *vermem* qui non moritur, & *ignem* qui non extinguitur, quo miris sed veris modis, non solum corpora, sed & animæ torqueantur, Concipe *terram tenebrosam & opertam* mortis caligine, ubi umbra mortis, & nullus ordo, sed *sempiternus horror* inhabitat : *stagnum ardens* igne & sulphure, quod est *mors secunda* : ubi denique pro diversitate meritorum, diversa singulis supplicia destinata sunt.

His omnibus demùm adjoinde *Æternitatem* non ante debituram quàm desinat esse Deus, hancque sempiternæ durationis abyssum damnatorum oculis perpetuò obversantem, & infinità quodammodo desperatione eorum animos disrumpentem, & totus obstupefactus haud dubiè exclamabis : (b) *Horrendum est incidere in manus Dei Viventis !* ò æternitas ! ò semper duratura æternitas ! Eheu quàm futua, quàm insana, quàm phrenetica commutatio, *Momentaneum* quod delectat, *æternum* quod cruciat ! (c) *timete ergo eum* (ipsius Christi verba sunt) *qui postquam occiderit, habet potestatem mittendi in gehennam* : ita dico vobis hunc timete.

Ceterùm ad tam acerbam poenarum æternitatem humanæ mentis acies obtunditur, propterea quod atrocitatem criminum, quibus immensa

(a) Psalm. 118. v. 120.

(b) Hebr. 10. v. 32.

(c) Luc. 12. v. 5.

Dei Majestas læditur & quodammodo violatur, inter hujus mortalis vitæ tenebras atque caliginem intellectu assequi nequeat. Communis interim Theologorum cum S. Thoma sententia est, in ipsa quoque justissima impiorum damnatione, aliquid divinæ misericordiæ esse admixtum, dum eos punit *citra condignum*, quemadmodum justis præmia retribuit *ultrà condignum*.


Q. 7. *Quid de justorum retributione cœlestis-que gloriæ felicitate potissimam meditandum est?*

A. Videri possunt ea quæ de hac re Parte primâ Sect. 1. Cap. 31. dicta sunt. Hoc loco satis erit æternæ felicitatis ineffabilem magnitudinem ex hoc utcumque conjicere, quodd is, qui illam amicis suis præparavit, sit Deus O. M. potestate illimitatâ, sapientiâ immensâ, bonitate infinitâ. Quidquid aliud dicitur, immensum illud gloriæ pondus vix minimâ sui parte adumbrat, maxime ob illam stabilem in Deo totius bonitatis fonte tranquillitatem, quæ quia in omne ævum cum plena animi satietate est duratura omnem sensum superat & intellectum. Hoc unum interim verissimè dicere possumus, (a) Non esse condignas hujus temporis passionibus, tribulationibus atque molestias, etiam in unum omnes simul congestas, ad futuram gloriam quæ revelabitur in nobis, si per fidem, spem & charitatem constanter adhæreamus Deo. Quod tendit tota hujus Libri Doctrina, cui Misericordiarum Parens largum tribuat incrementum, & nomini suo gloriam sempiternam. *Amen.*

(a) Rom. 8. 18.

F I N I S.

Z



INDEX TITULORUM.

C Atechismi necessitas & Partitio. Pag. 7

P A R S P R I M A.

De Fide & Symbolo, item Sacramentis & Cæ-
remoniis Ecclesiæ. 10

S E C T I O P R I M A.

De Fide & Symbolo.	11
Caput I. De Fide, ejus objecto, exercitio & ne- cessitate.	ibid.
Cap. II. De Scriptura Sacra & Traditione.	14
Cap. III. De vitiis Fidei oppositis.	18
Cap. IV. De Symbolo Apostolorum : primo illius articulo : Deo Uno & Trino.	21
Cap. V. De Omnipotentia, aliisque Dei attribu- tis & perfectionibus.	24
Cap. VI. De creatione rerum, ac præsertim An- geli & Hominis.	27
Cap. VII. De lapsu hominis, & peccato Origina- li.	30

- Cap. VIII. *Brevis S. Historia & Religionis series ab Adamo usque ad Moysem.* 33
- Cap. IX. *Religionis series à Moyse usque ad Davidem.* 37
- Cap. X. *Religionis series à Davide usque ad captivitatem Babylonicam.* 41
- Cap. XI. *Series Religionis, à captivitate Babylonica usque ad Christum.* 43
- Cap. XII. *De adventu Christi, & secundo Symboli articulo.* 46
- Cap. XIII. *De tertio Symboli articulo : id est Incarnatione, Conceptione & Nativitate Jesu Christi.* 50
- Cap. XIV. *De Vita Christi, ab infantia usque ad aetatem 30. annorum.* 53
- Cap. XV. *De Christi Baptismo, Jejunio, Tentatione, & Vocatione Discipulorum.* 58
- Cap. XVI. *De Miraculis Christi.* 62
- Cap. XVII. *De Christi Virtutibus.* 65
- Cap. XVIII. *De Prædicatione & Doctrina Christi ac Adversariis ejus.* 69
- Cap. XIX. *De 4. Symboli articulo, ac primò de Passione Christi.* 73
- Cap. XX. *De Morte & Sepultura Christi.* 78
- Cap. XXI. *De Beneficio mortis Christi, sive Gratia Salvatoris.* 83
- Cap. XXII. *De 5. Symboli articulo, Descensu ad inferos, & Resurrectione Christi.* 89
- Cap. XXIII. *De 6. Symboli Articulo, Ascensu Christi in Cælum, ejusque ibidem gloria, officio & potestate.* 94
- Cap. XXIV. *De 7. Articulo Symboli Apostolorum, id est de Potestate Christi judiciaria.* 98
- Cap. XXV. *De 8. Symboli Articulo : Spiritu Sancto, Adventu ejus, donisque & fructibus.* 104

- Cap. XXVI. *De Propagatione Evangelii, & certissima veritate Religionis Christianæ.* 109
- Cap. XXVII. *De Ecclesia, ejusque Unitate, & Communione Sanctorum.* 113
- Cap. XXVIII. *De reliquis Ecclesiæ Notis: Sancta, Catholica & Apostolica.* 117
- Cap. XXIX. *De 10. Symboli Articulo, id est Remissione peccatorum & Justificatione.* 120
- Cap. XXX. *De 11. Articulo, Carnis Resurrectionem.* 124
- Cap. XXXI. *De 12. Articulo, Vita & morte æterna. Vitam æternam. Amen.* 127

S E C T I O S E C U N D A.

- De Sacramentis & Cæremoniis Ecclesiæ. 131
- Cap. I. *De Sacramentis Novæ Legis generatim.* ibid.
- Cap. II. *De Sacramento Baptismi.* 136
- Cap. III. *De Baptismi Cæremoniis.* 140
- Cap. IV. *De Sacramento Confirmationis, illiusque Cæremoniis.* 145
- Cap. V. *De Augustissimo Eucharistiæ Sacramento: ac imprimis de reali Christi in Eucharistia Præsentia, transsubstantiatione, & Adoratione illi ibidem debita.* 149
- Cap. VI. *De hujus Sacramenti usu, & fructu.* 155
- Cap. VII. *De Sacrificio Novæ Legis, quod in Missa offertur.* 159
- Cap. VIII. *De Missa ejusque partibus & cæremoniis.* 163
- Cap. IX. *De Sacramento Pœnitentiæ, illiusque primâ parte Contritione.* 171
- Cap. X. *De examine conscientiæ, ubi de peccatorum distinctione & circumstantiis.* 176

Cap. XI. <i>De Confessione.</i>	183
Cap. XII. <i>De Absolutione & Satisfactione.</i>	187
Cap. XIII. <i>De Purgatorio, Indulgentiis & Excommunicatione.</i>	191
Cap. XIV. <i>De Sacramento Extremæ Unctionis.</i>	194
Cap. XV. <i>De Ordine generatim; Irregularitate & Vocatione ad statum Ecclesiasticum.</i>	196
Cap. XVI. <i>De Tonsura, Beneficiis Ecclesiasticis & Simonia.</i>	200
Cap. XVII. <i>De Ordinibus Minoribus & Subdiaconatu.</i>	205
Cap. XVIII. <i>De Diaconatu, Presbyteratu & Episcopatu.</i>	208
Cap. XIX. <i>De Sacramento Matrimonii.</i>	211
Cap. XX. <i>De Religioso vivendi genere.</i>	215
Cap. XXI. <i>De Cæremoniis Ecclesiæ, quæ extrâ Sacramentorum administrationem frequentantur.</i>	218

P A R S S E C U N D A.

De Spe, & Oratione, præsertim Dominica.	223
Cap. I. <i>De Spe Christiana, ejusque exercitio, & vitiis illi adversis.</i>	ibid.
Cap. II. <i>De Oratione, præsertim Mentali.</i>	226
Cap. III. <i>De Orationis necessitate & fructu.</i>	230
Cap. IV. <i>De situ corporis, loco & tempore orationis.</i>	225
Cap. V. <i>De Oratione Dominica; ac de illius præsertim primâ petitione.</i>	239
Cap. VI. <i>De secunda petitione: Adveniat Regnum tuum. Item de Tertia: Fiat voluntas tua, sicut in cælo & in terra.</i>	242
Cap. VII. <i>De 4. petitione: Panem nostrum quotidianum da nobis hodie, item de 5. Dimitte</i>	

- nobis debita nostra, sicut & nos dimittimus
debitoribus nostris. 246
- Cap. VIII. *De sexta petitione* : Et ne nos indu-
cas in tentationem : *item de septima* : Sed li-
bera nos à malo. 250
- Cap. IX. *De Salutatione Angelica.* 253

P A R S T E R T I A.

- De Charitate, Præceptis Dei & Ecclesiæ cate-
risque officiis Justitiæ Christianæ. 257
- Cap. I. *De Charitate Dei.* ibid.
- Cap. II. *De Charitate proximi & operibus mise-
ricordiæ.* 260
- Cap. III. *De Decalogo, ac præsertim primo illius
Præcepto.* 264
- Cap. IV. *De Invocatione Sanctorum, Cultu ima-
ginum & Veneratione Reliquiarum.* 268
- Cap. V. *De secundo Præcepto Decalogi, Blasphemia,
Juramento, Perjurio, & Voto.* 273
- Cap. VI. *De tertio Præcepto Decalogi* : Memen-
to ut diem Sabbati sanctifices. 277
- Cap. VII. *De quarto Decalogi Præcepto* : Hono-
ra Patrem tuum & Matrem tuam ut sis lon-
gævus super terram, quam Dominus Deus
tuus dabit tibi. 280
- Cap. VIII. *De quinto Decalogi Præcepto* : Non
occides. 285
- Cap. IX. *De sexto Præcepto* : Non Mœchaberis. 289
- Cap. X. *De Gula, ejusque Remediis.* 292
- Cap. XI. *De septimo Decalogi Præcepto* : Non
furaberis. 296
- Cap. XII. *De Restitutione ob furtum & rapinam.* 299

Cap. XIII. <i>De Octavo Præcepto : Non loqueris contra proximum tuum falsum Testimonium.</i>	303
Cap. XIV. <i>De Detractione & contumelia, aliis- que Lingux peccatis.</i>	308
Cap. XV. <i>De nono & decimo Præcepto Decalogi.</i>	313
Cap. XVI. <i>De Præceptis Ecclesiæ.</i>	316
Cap. XVII. <i>De Festis Domini nostri Jesu Chri- sti, ceterisque Ecclesiæ observantiis, quæ istuc reducuntur.</i>	322
Cap. XVIII. <i>De Festis Beatissimæ Virginis Ma- riæ.</i>	330
Cap. XIX. <i>De Præcipuis Festivitatibus aliorum Sanctorum.</i>	335
Cap. XX. <i>De Virtutibus Cardinalibus.</i>	343
Cap. XXI. <i>De quatuor hominis Novissimis.</i>	348

F I N I S.







